





J. III. 107

07



DISPUNCTIO

NOTARUM QUADRAGINTA

QUAS

SCRIPTOR ANONYMUS

(Gulry Gabrielli Card.)

EMINENTISSIMI

CARD. CÆLESTINI

SFONDRATI LIBRO,

Cui titulus:

NODUS PRÆDESTINATIONIS,

Quantum homini licet , dissolutus,

INUSSIT.



COLONIÆ AGRIPPINÆ.

Apud Flaminjum Jecopinceh.

ANNO M. DC. XCVIII.

Dom. Prof. Rem.

THE UNIVERSITY OF CHICAGO

LIBRARY

1950

1950

1950

1950

1950

1950

1950

1950

1950

1950

I N D E X

PROPOSITIONUM QUADRAGINTA

Q U A S

CENSOR ANONYMUS

In Libro inscripto

NODUS PRÆDESTINATIONIS &c.

NIGRO THETA NOTAVIT

De Peccato originali, & statu Puerorum
sine Baptismo decedentium.

PROPOSITIO I. pag.21.

P *Arvuli, qui sine baptismo decedunt, licet culpā propria careant, non tamen carent aliena, & paterna. Pag. 114. ver. 20.*

PROPOSITIO II. 29.

Adamo infeliciter peccante tota quoque posteritas, quippè ex patre rebellis nata omni jure ad celeste regnum spoliata est, quod peccatum originale vocamus. Pag. 48. ver. 8.

PROPOSITIO III. 35.

Parvuli, qui sine Baptismo decedunt, beati quidem non sunt, nec tamen pereunt. Pag. 114. ver. 18.

PROPOSITIO IV. 39.

Si Deus parvulos ad gloriam non elegit, non idèd sequitur, eos damnari. Pag. 118. ver. 18.

Parvuli non damnantur, & innocentiam personalem, quæ, scilicet, peccatis actualibus opponitur, ilibatam servant. Pag. 164. ver. 5.

PROPOSITIO V.

48.

Qui solo peccato originali tenetur, dici non potest Deum deferere Prius ergo, quàm peccata hominum (actualia) prævi-
derentur, sicq; quantum ex parte Dei fuit, nemo desertus, ne-
mo exclusus, nemo reprobus, ergo nemo non electus. Pag. 98.
ver. 29.

PROPOSITIO VI.

50.

Nos dicimus exhiberi parvulis (sine Baptismo decedentibus) non gratiam sufficientem, qua vitam eternam consequi possint, exhiberi tamen beneficium longè præstantius, quodq; infinitis parti-
bus ipsam gratiam sufficientem antecellat, eo enim beneficio pri-
us è medio tolluntur, quàm peccatis se obstringant, & non dam-
nantur &c. Pag. 164. ver. 1.

Certum est etiam, in parvulos maximam Dei misericordiam eluce-
re: quamvis enim Dei visione, æternaq; gloria priventur, at
præservantur, ne peccent, hoc est, ne Deum ipsi offendant, ne
jacturam innocentiae faciant, ne perpetuis ignibus crucientur,
quæ omnia, & maxima beneficia esse, & cælesti gloriæ certâ ra-
tione præferri, & consequenter à Christi merita, & redem-
tionem pertinere jam supra ostendimus. Pag. 164. ver. 2.

PROPOSITIO VII.

69.

Infantes Baptismo non tincti ad aliquid, quod ipsâ vitâ æterna me-
lius sit, destinantur. Pag. 14. ver. 22.

PROPOSITIO VIII.

69.

Licet Deus parvulos sine Baptismo decedentes ad cælestem gloriam
non admiserit, alio tamen multoq; majori beneficio affecit, quod
illi ipsi longè cælo prætulissent, & nos quoque, si electio daretur
multo majoris prætîi, quàm cælum duceremus. Quid ergo con-
queri de Deo possunt, aut quid ipsis mali fecit, si non quidem cæ-
lo, sed alio beneficio donavit, quod multo præstantius cælo est,
quodq; & ipsi, & omnes sapientes, si potestas eligendi daretur,
longè cælo præferrent? Pag. 120. ver. 3.

PROPOSITIO IX.

96.

Qui solo originali tenetur, dici non potest Deum deferere
si ergo Deus neminem deserit, nisi desertus, quomodò in illo pre-
de-

destinationis decretorio momento, in quo summa rerum incom-
mutabiliter vertitur, tot hominum myriades deseruit ab iis non
desertus, hoc est, nullo eorum peccato demeritoq. præviso? Pag.
98. ver. 29:

PROPOSITIO X.

102.

Constat, parvulos (sine Baptismo decedentes) sensibilis panæ im-
munes fore, idem ratio, omniumque Theologorum auctoritat
convincit. Pag. 119. ver. 12.

De voluntate Dei omnes salvandi, & de Christo
pro omnibus mortuo.

PROPOSITIO XI.

108.

Due sunt in Deo Voluntates: prima absoluta, efficax, independensq;
ab omni hominum merito, qua Deus naturaliter, meritoque, sue bo-
nitatis instinctu, atq; ut ita dicam, motu proprio vult omnium
hominum salutem, æternamque felicitatem & hanc
vocamus voluntatem antecedentem. Pag. 4. ver. ult.

Altera voluntas est hypothetica, & conditionata, & hanc vocamus
voluntatem consequentem. Pag. 6. ver. 30.

PROPOSITIO XII.

118.

Deus serid, impensissimè, ac quantum in se est, efficacissimè omni-
um hominum salutem vult. Pag. 2. ver. penult.

PROPOSITIO XIII.

118.

Hanc Dei voluntatem omnes salvandi, quantum ex parte Dei est,
efficacem esse, dubitari non potest. Pag. 43. ver. 32. Superiori
propositione eandem voluntatem absolutam vocat.

PROPOSITIO XIV.

124.

Manifestum est, Deum non tantum serid omnium salutem velle, ve-
rum etiam ad hanc consequendam non avarè, non parcè, sed ef-
fusissimè, quantum est de se, omnia media suppeditare, quæ non
modò sufficiant, imò abundans. Pag. 128. ver. 25.

PROPOSITIO XV.

133.

Palàm est nullum omnino hominem esse quem Christus no-

lis efficaciter, quantum est de se, salvum esse. Pag. 17. ver. 20.
Quod si nihil scriptura, nihil Patres de hoc Dei omnes homines sal-
vandi proposito loquerentur, id ipsum apertissima ratio convin-
ceret, cui nemo, nisi expertus rationis repugnare possit. Pag. 18.
ver. 18.

PROPOSITIO XVI. 139.

Unus est Deus, unus est mediator, inquit Apostolus . . . ergo
qui omnium Deus, & mediator est, aut oportet officio suo desit,
aut omnium salutem, & vitam efficaciter velit. Pag. 10. ver.
15.

PROPOSITIO XVII. 142.

Cum sacrae scripturae toties ac tam enixis verbis Christum pro om-
nibus mortuum esse testentur, nullibi verò & nunquam pro ali-
quibus tantum, planè temerarius sit, qui id dicat . . . si quis
Princeps moriturus ultimis tabulis disponat, ut ex regio im-
mensaq; thesauro, quem heredi relinquit, omnes totius regni
captivi redimantur, qui trivremibus & servituti addicti sunt,
heres verò non de singulis generum, sed de generibus singulorum,
hoc est, non de omnibus, sed de paucis tantum id intelligi vellet,
quis non infidelem praevaricatorem, hostemq; paternae volunta-
tis diceret. Pag. 15. ver. 25.

De Gratia, quæ omnibus datur, seu de gratia orandi.

PROPOSITIO XVIII. 150

Gratia orandi omnibus, qui præcepto tenentur, loco & tempore op-
portuno datur. Pag. 181. ver. 26.
Deus ut omnibus, & quantum ex se est, efficaciter vult salutem,
ita ad illam obtinendam omnibus copiosissima media tribuit, quo-
rum potissimum, & maxime necessarium est gratia orandi. Pag.
183. ver. 36.

PROPOSITIO XIX. 157.

Ex sacris literis, quæ toties omnes, nulloq; excepto ad querendum,
pulsandum, petendum, vitamq; mutandam invitant, constat,
gratiam saltem remotam, hoc est, orandi, & petendi, omnibus
dari, alioquin frustra peccatores ad rem impossibilem invitaren-
tur. Pag. 185. ver. 1.

PRO-

PROPOSITIO XX.

159.

Gratia, seu spiritus orandi quoad initia sua primosq; gradus à Deo non petitur. Pag. 182. ver. 8.

PROPOSITIO XXI.

162.

Augustinus mille locis de hominibus, quales in mundo sunt, hoc est, peccato originali, multisq; actualibus obstrictis constantissime docet, non peccaturos violatis divinis præceptis, nisi potestatem haberent illa observandi, & consequenter nisi haberent gratiam saltem inchoatam, hoc est, orandi. Pag. 184. ver. 9.

PROPOSITIO XXII.

168.

Sine gratia orandi in statu naturæ corruptæ nulla potestas est observandæ legis divine. Pag. 184. ver. 15.

PROPOSITIO XXIII.

168.

Nullo peccato . . . gratia petendi amittitur, sine qua omnem quæque libertatem tolli necesse est. Pag. 184. ver. 20.

De Gratia Sufficienti, & Efficaci.

PROPOSITIO XXIV.

183.

Quod Nabuchodonosor, non Pharaon punientem Deum agnoverit, id juxta Augustinum lib. de Prædest. & Grat. non ad Dei præscientiâ referendum est, non ad disparem causam, non ad conditionem, & dignitatem inæqualem, non ad defectum externæ aut internæ vocationis, sed ad solum merumq; arbitrium. Pag. 136. ver. 9.

PROPOSITIO XXV.

189.

Eam gratiam sufficientem agnoscimus, & docemus, quæ subinde impletur, subinde repugnante libero arbitrio non impletur, effectusq; suo culpâ voluntatis caret, quamque S. Augustinus clatissime & frequentissime docuit . . . & quam tota Societas Jesu amplectitur, gravissimiq; alii Doctores. Pag. 129. ver. 7.

PROPOSITIO XXVI.

193.

Qui gratiam sufficientem statuunt, quæ nunquam effectum suum com-

completum assequitur, talem mihi videntur statuere gratiam, quæ non est gratia. Pag. 129. ver. 13.

Ut silentio præteream, quod illi dicunt, hujusmodi sufficientes gratias potentiam quidem agendi dare, sed nunquam actum. Deinde post allata quædam exempla rerum naturalium ad probandum quod hic proponit, statim addit ver. 28. Planè tamen novæ hæc sunt, tam inaudita, ut nec dici debeant, cum careant ratione, nec credi possint, cum careant exemplo. Ibid.

PROPOSITIO XXVII.

198.

Observandum est, non omnem à nobis gratiam sufficientem excludi, quod Jansenius docuit, quodq; Summi Pontifices damnarunt Pag. 129. ver. 3.

PROPOSITIO XXVIII.

200.

Fixum ergo ratumq; sit, nihil aliud esse ex sententia Augustini gratiam esse electricam, quam cognitionem congruam, hoc est, quæ tale tamq; proportionatum obiectum, taliq; modo proponat, ut ad illud amplectendum voluntas Magnetismo, & Sympathiâ quadam certissimè moveatur. Pag. 217. ver. 4.

PROPOSITIO XXIX.

203.

Plane voluntatē a nullo alio, quam à se ipsa determinari
apertissimè docet S. Thomas. Pag. 220. ver. 17.

PROPOSITIO XXX.

204.

Quis novit, cum ea gratia, quæ Petro ac Magdalene data est, Judam conversum iri, cum fortè plures ac majores gratias utroq; acceperit? Pag. 67. ver. 29.

Comparet aliquis ex una parte gratias Zachæo, ex altera Judæ datas videbitq; longè plures, & majores fuisse, quibus hic reprobis ad penitentiam vocatus est. Pag. 106. ver. 32.

Negari non potest plura Judæ reprobo auxilia, quam prædestinato Zachæo impensa esse. Pag. 107. ver. 4.

Idèd plura remedia Judæ reprobo adbibita, quam Petro electo, quia illi gravior morbus. Ibid. ver. 29.

Si ergo reprobis aut æqualis, aut etiam major gratia, quam prædestinatis datur, non potest &c. Ibid. ver. 34.

PRO-

PROPOSITIO XXXI.

217.

Deus quamvis desertus nunquam tamen ita hominem licet obstinatissimum deserit, ut non ei gratiam tribuat, qua & possit penitere, imò & qua actu peniteat, si velit, ut Pharaonis exemplo patuit, qui Deo flagellante jam in Moſen exarſit, eiſq; mortem minatus eſt, jam penituit, ſuumq; peccatum & agnovit, & palam confeſſus eſt Dominus, inquit, juſtus eſt, ego autem & populus meus impii. Quem ergò peccatorem deſerat Deus, ſi non deſeruit Pharaonem? aut quis tam obduratus, qui non poſſit, quod Pharaò & potuit, & fecit? Pag. 99. ver. 5.

PROPOSITIO XXXII.

226.

Quis unquam pejor, impurior, magis ſlagitiis aſuetus Tiberio & Nerone? ſi ergò ne iſtis quidem deſuit Deus, quin per conſcientiam moneret, cui ergò deſuturus eſt? Pag. 162. ver. 23. & 28.

Planè tam portentosa Tiberii ſlagitia, tam diuturna fuere ut nullus æquè deſeri à Deo mereretur, & tamen tantum abſuiſt deſertum eſſe, ut maximis arguementis ad Dei cognitionem, & ſceleriorum penitentiam vocaretur. Pag. 195. ver. 18.

Quis ſuſpicari poſſit, Deum alicui deſuiſſe, qui non deſuit Neroni? nemo iſto pejor, nemo indignior, nec tamen deſertus. Nullus ergò timendi, aut deſperandi locus etiam Nerone adjuto. Pag. 197. ver. 31.

De Prædeſtinatione, & Reprobatione.

PROPOSITIO XXXIII.

232.

In illa prædeſtinationis cauſa, quæ omnium maxima eſt, & ex qua reliqua omnia pendent, nullum omninò deſeruit (Deus) nullumq; ab efficaci ſalvandi propoſito excluſit. Pag. 12. ver. 31.

PROPOSITIO XXXIV.

233.

Deus in illo prædeſtinationis negotio, quantam in ſe eſt inter Cain & Abel, inter Paulum, & Judam non diſtinxit, ſed omnibus æqualiter ſalutem voluit. Pag. 13. ver. 18.

Vult ergò Deus, & Petrum, & Judam, & reprobos, & electos, omneſq; homines ſalvos eſſe: vult omnibus media dare, non ſolum quæ ſufficiant, ſed etiam quæ abundant. Pag. 67. ver. 35.

Si

Si predestinati, & reprobis deo conditi à Deo, ideo redempti sunt, ut aeterna vita potiantur, sequitur, Deum voluisse efficaciter, quantum est ex se, utrosq; salvare. Pag. 109. ver. 25.

Deus quantum ex se est & voluntate antecedenti per certa & destinata media voluit, & paravit omnibus vitam aeternam. Pag. 111. ver. 9.

Deus reprobos aequè ac Predestinatos salvare vult. Ibid. ver. 15.

PROPOSITIO XXXV. 243.

In arbitrio operantium est, ut eligantur, Deo quidem gratiam ad opus offerente, sed homine oblatam acceptante. Pag. 41. ver. 7. Falsissima est hominum persuasio, non esse amplius in eorum potestate, ut inter electos numerentur: sicut enim cum gratia Dei, quæ nemini volenti deest, in eorum potestate est, ut benè vivant, & in bono perseverent, ita in eorum potestate est, ut ad electos pertineant. Pag. 47. ver. 2.

De Peccatis ignorantix, ignorantia Dei, peccato Philosophico, & salute Gentilium Philosophorum.

PROPOSITIO XXXVI. 248.

Sicut nullum peccatum est non contrà rationem, ità nullum non contrà conscientiam, quæ nihil aliud est, quàm ratio practica dictans in particulari, quid non liceat, liceatq; Et quemadmodum omne peccatum est contrà conscientiam, & tamen aliqui magniq; peccatores vix eà percelluntur, non quod non pulset, & moneat, sed quia confessim animum ad alia, & placentia convertunt. Pag. 161. ver. 12.

PROPOSITIO XXXVII. 256.

Cum peccatum sit essentialiter offensio, & injuria Dei, sublata Dei cognitione, necessariò sequitur, nec injuriam, nec peccatum, nec aeternam pœnam esse. Pag. 152. ver. 34.

PROPOSITIO XXXVIII. 268.

Demus, Brasiliae populos Deum ità (invincibiliter) ignorasse, id quoque magna beneficii, & gratiæ pars fuit. Pag. 152. ver. 31.

PRO-

PROPOSITIO XXXIX.

268.

Cum (Barbari) hac [Dei] ignorantia impeccabiles redderentur, alioquin certissimè peccaturi, si agnoscerent, sequitur, hoc ipsum beneficium esse. Pag. 152. ver. 36.

Ergò sive Barbari agnoscant (Deum) sicq; invocare illum, & salutem consequi possint, sive penitus ignorent, & ided nec possint peccare, semper verum erit, nec illis quidem misericordiam deesse. Pag. 153. ver. 2.

PROPOSITIO XXXX.

278.

S. Justinus Martyr Socratem Philosophum non tantum saluum, verum etiam Martyrem esse docet & insigniores Philosophos, & quotquot de Gentilibus cum ratione vixerunt Christianos appellat. Pag. 155. ver. ult.

Idem de Platone alii dicunt. Pag. 156. ver. 5.

Omnibus hominibus etiam incultissimis ac planè Barbaris auxilium gratiæ datur, quo legem naturalem observent, qua observatâ, & nisi obicem ponant, Deus curaturus est, ut eis quoque Evangelium innotescat, ut de Sybillis, Cornelio, Eunuchò Candacis Reginæ, & Platone Philosopho constat. Pag. 169. ver. 35.



PRO-

norum scholasticorum mentio, frequentes verò sese offerunt aspirationes animæ in Deum, hortamenta ad virtutes, & excitationes ad penitentiam, idque perspicuè evincunt ipsi Aphorismi, seu regulæ asceticæ de Prædestinationis mysterio, quibus Authoris scopus dilucidè patescit: alio enim modo veritates ex suggesto, alio ex cathedra, alio in libris asceticis, alio in scholasticis promuntur, & explanantur. Hoc si attentè, ut par erat; perpensum esset, non tam faciliè, uti reor, ab aliquibus in eundem librum censoria virga arrepta fuisset. Alienum quippè est ab instituto Viri Theologi dictata pietatis infringere, ac subfannare, defæcatissima in Christum Dominum pietatis documenta supersticiosarum animacularum deliramentis accensere, & argumentis, quibus mens eruditur, & illustratur, cor omollitur, & incenditur, affectus ad divina dirigitur, & rapitur, cavillis infirmare, & technis, ac ambagibus obvolvere. *Quid hac voluptate jucundius, jugi experimento edoctus S. Hieronymus epist. 155. edisserit, qui cibi, quæ mella sunt dulciora, quam Dei scire prudentiam, atque in abdita ejus intrare, & sensum Creatoris inspicere, & sermones Domini Dei sui, qui ab hujusmodi sapientibus deridentur, plenos docere sapientia spiritali?*

Alii querimonias ultrò citroquè jactabant de Sententia prædestinationis post meritum prævisionem perperam attributa SS. Augustino, & Thomæ. Ast scrupulum istum jam præcidit Author in Corollario Doctorum calci operis adnexo. Profectò quæstio de Prædestinatione ad gloriam antè vel post prævisa merita est de re adiaphora, neque ad dogma pertinet, cum nondum sit ab Ecclesia definita. Enim verò de SS. Augustini, & Thomæ mente circa præjectam difficultatem variè à Theologis sentiri modicè ferendum est, cum & ipsa Scriptura à Catholicis etiam sectatoribus suis diversos in sensus ducatur, colatur tamen ab omnibus. S. Augustino, & S. Thomæ potissimum assurgit Sfondratus, eo maximè nomine, quod nemo Catholicus, nemo inter Catholicos, qui Theologiam saltem à limine salutavit, eorum doctrinam præsertim in controversiis de Prædestinatione & Gratia summo in pretio habendam inficiabitur. Sed cum illorum Theologorum modestia, atque humanitas doctrinæ & pietati non concedat, haud moleste ferent, in re quæstionis, non dogmatis suo quemque abundare sensu, & tributa à Paulo Apostolo licentia uti.

Hinc

Hinc Ludovicus Abelly Episcopus Ruthenēsis in Galliā prima parte suæ Medullæ Theologicæ novies editæ cap. 5. de Deo sect. 3. unā cum Episcopo Ebroicensi Augustiniani Ordinis ornamēto, Parisiensis Academiæ decore, & nascentis Calvinianæ hæresis terrore fatetur „ D. Augustinum circa ea, quæ mysterium Prædestinationis, & Reprobationis spectant, mentem suam nunquam apertè declarasse, aut explicasse, ex quo factum est, ut de illa inter Doctores Catholicos nunquam planè constiterit, cum ab ipsis in diversos, & contrarios sensus accipiat. Quam ob causam Petrus Lombardus Episcopus Parisiensis non dubitavit dicere lib. 1. Sentent. dist. 41. D. Augustinum tam variè, & obscurè de Prædestinatione locutum fuisse, uti quid intelligere voluerit, ignoretur, eandemque ob causam Claudius de Xaintes Episcopus Ebroicensis in lib. Atheismorum Calvini tract. 7. asseruit, D. Augustinum non eandem semper Sententiam, sed plures, ac planè diversas circa mysterium Prædestinationis tenuisse, nec unquam satis mentem suam aperuisse, quod ibi fusiùs declarat „

Quorundam præterea genio non arridebat propensio Cardinalis Authoris in aliquas opiniones Societatis Jesu de auxiliis Divinæ gratiæ. Verumtamen Henricus Spondanus Episcopus Apamiensis in Galliā an. 1605. palam testatur „ Paulum V. Pontificem Maximum confertim de gravi illa controversia, quæ sub Clemente agitata fuerat de Gratiæ divinæ auxiliis, & libero arbitrio inter Religiosos S. Dominici, & Societatis Jesu ita sanxisse, ut utrisque, dum aliud decerneretur, liberum esset sua in scholis modo sitè tueri, sed sine damnatione alterius partis. Hæc eadem Spondani verba commendat Ludovicus Bail Doctor Theologus, & Propenitentarius Parisiensis in lib. de beneficio Crucis par. 3. art. 28. advertens „ nec Clementem VIII. Pontificem de controversiis ea de re ejus tempore motis, ejusque jussu in famosis illis Congregationibus agitatis ullum decretum tulisse, nec quicquam contra Molinam statuisse; ex quibus, ait, non leviter conici posse, opinionem Molinæ non fuisse damnatam, nec fidei adversari, cum post tam diuturnum examen, ac concertationes tam prolixas de ejus opinionibus dissimulare non debuisset Summus Pontifex, si à fide Catholica alienæ, aut Pelagianæ fuissent.

Propterea Eminentiſſi. Sfondratus in nullius particularis ſcholæ verba juratus, & opinionum ſive ſervitute, ſive neceſſitate abſolutus, illa, quam Theologis omnibus indulget in rebus quæſtionis, non dogmatis Eccleſia, libertate eam iniit in hac materia viam, eaſque ſeſtatus eſt ſententias, quæ ſuo inſtituto aptiores, & adverſariis confutandis accommodatiores ſibi viſæ ſunt, neque ob id ulli injurius fuit. Tandiu eſt, quod ſcholas theologicas PP. Prædicatorum & ſocietatis Jeſu ſententiarum alterutra univerſas ſerè occupat, ſuis utraque commodis, ſuis etiam difficultatibus inſignis. Mihi autem in iſtis vindictis quam ſanctè Apoſtolicæ Sedis Decretis hac de re editis obtemperaturo præfixum eſt, nulli inter Catholicos receptæ doctrinæ, & utcumque pervagatæ invidiam conflare, neque in hiſce ſpinoliſſimis controverſiis, in quas ſe illuſtriſſimæ ſcholæ Theologorum ſciderunt, ullatenus immiſceri, ſed in id unicè incumbere, ut pro modulo meo oſtendam, nihil in libro de nodo Prædeſtinationis à Cardinali Sfondrato niſi citrà læſæ fidei periculum edoceri, nihil novum, & antea in Eccleſiâ Dei inauditum, nihil cenſurâ Theologicâ dignum, ut ei gratis, & arbitrariè imponitur, tradi.

Non autem omnia prorsus dicta, cunctæque, ut ità dicam, quiſquiliæ, quæ in eo volumine impunè, & liberè in utramque partem diſputari poſſunt, & quæſtionem, non dogma reſpiciunt, mihi æquè probantur, iſque non pauca diſſentanea, dum theologiam ſcholam regerem, auditoribus meis tradidi. Neque ſapientiſſimus, & conſultiſſimus Sfondratus cenſendus eſt, eam ſentiendi de rebus inter Catholicos licitè controverſis libertatem, qua ipſemet frui voluit, aliis invidiſſe. Porro *inquiſitio illa, ut prudenter monuit Euphæmius Antiochenus apud Photium eod. 228. pag. 418. quæ de rebus fidei ſuſcipitur, ſi aberret à veritate, ingens animæ naufragium aſſert, quare vel minimum, quæ quidem eò pertineat, excutere ſyllabam oportet. At verò diſputatio illa, quæ de quæſtionibus habetur ad fidem minime ſpectantibus, rectè quidem res habet, ſi optatum veritatis finem aſſequatur; ſin autem ab eo excidat, id quidem non bene ſucceſſerit, non tamen in exitium animæ vergit.* Proinde ut propoſitio aliqua ſit theologicè damnabilis, debet juxta receptiſſimam Theologorum ſententiam continere, ultra communem gradum falſitatis ignominioſum aliquid, & noxium, alioquò propoſi-

positio, quam alteri iniuste insigit, reflectit in se censuram. Pauca quippe ad fidei regulam pertinent, plurima ad ejus illustrationem. In illa contentimus omnes, in his non raro dissonamus, aut dissonare nobis videmur. Verborum magis non nunquam, quam rerum dissonantia est, aut si rerum est discrepantia, non tam adversa sepe, quam diversa sunt, quæ dicuntur. Quamobrem demirari satis nequeo, quo Pontificiarum Constitutionum contemptu, Eminentissimi Nominis iniuriâ, & christianæ charitatis neglectu non nulli surtivas quidam scriptiunculas insidiosa calliditate elaboratas eundem in librum Cardinalis Sfondrati adornarint, quæ potius exulcerati animi satyræ, quam integræ, & ab omni passionum æstu liberæ mentis factus visæ sunt. Principio enim non aperto Marte volumen illud aggrediebantur, cum vis patens facilius retundatur, sed cuniculis rem agebant recti larvâ pietatis, & zeli pro catholica veritate. Pietatem quippe, & Religionem obtendi commune omnibus fallere volentibus esse artificium, ut videlicet, honesta prætexant, jam olim observavit S. Leo magnus epist. 25. ad Theodosium Imperatorem: *Private cause, inquit, pietatis aguntur obtentu, & cupiditatum quisque suarum religionem habet veluti pedissequam.* Ut autem natura omni colore pupillam nudavit, quod omnes colores caperet, ita depōnenda omnis offensi animi commotio de alienis lucubracionibus judicanti: *Soli sæpè nubes offundunt tenebras, rationem affectus obscurant,* ut ex Plutarcho tempestivè protulit S. Maximus Martyr, tom. 2. serm. 59. per excerpt.

Quinimò desiderati non sunt, qui illotis, ut dici assolet, manibus hoc volumen judicare aggressi tam procul à scopo aberrarunt, ut nequidem ipsiusmet causæ statum intellexerint, vel quod verosimilius est, id sublesta fide dissimularint. Siquidem in Prædestinationis arcano non unicus tantum implicatur nodus inscrutabilia Dei trahentis unum, non alium judicium involvens. Hunc enim nexum esse ab humana mente inexplicabilem nemo rationis compos ambigere potest, idque Eminentiss. Author in ipsa prima paginâ ex scripturâ comprobât, & vel in ipsa prima periodo manifestè declarat, ac dilucidè, & luculenter in secunda paginâ exponit, quem nodum in Prædestinationis mysterio explicandum assumat, eumque velut intento digito demonstrat: Complures namque difficultates intricatis-

catissimæ, & insuperabiles tùm in hac materiâ, tùm in aliis christianæ Religionis abditissimis arcanis involvuntur, quibus tamen illuminandis, & explicandis SS. Patres insudarunt, præcipui Scriptores catholici summo studio invigilarunt, iisque schola theologica jam indè à cunabulis suis tota virium contentione lucem aliquam affundere certavit & certat etiam nunc indefessa, avitarum traditionum, Conciliorum, & Patrum monumenta excutens, magno sacræ etiam eruditionis, & divinarum litterarum incremento. Inexhaustum quippè est penu Theologiæ Patrum, & exindè in dies effodiuntur abstrusarum rerum elucidamenta nova, & vetera, nec ob id charitas inter Catholicos Magistros, & Doctores vel tantillum deferbuit, aut defervescebat.

Hinc pluribus cordatis viris partium affectu liberis cupido incellit solerter investigandi causam, & originem tot turbaram, quæ in ejusdem operis innocentissimam, & saluberrimam doctrinam excitata sunt, quandoquidem crasse allucinationes, diæteria, gerræ, offuscæ, dolosæ artes, & innumeri astus, quibus in hoc Cardinalis Sfondrati volumen clallicum canebatur, nec vulgi aures oculosq; præterierunt. Alii propter eâ attendentes istud Velleii Paterculi pronunciatum lib. 2. hist. Roma *Nunquã Eminentia invidia caret*, & rectè memores, in Cardinali Sfondrato colligata simul, & conferta mirum in modum supereminuisse omnia, quæ sparsim, diffusequè apud quamplures alios sunt, inchoatæ præsidia felicitatis, hujuscemodi obtrektatores florentissimæ tanti Principis famæ livore conflagrantes, ac penè disruptos ad inhumanas illas accusationes, quæ in solam nec profuturam mortui ignominiam redundant, compullos fuisse suspicati sunt.

Nonnulli verò haud ignari, Sfondratum editis pluribus voluminibus singulari eloquentiâ, profunda eruditione, peremptorio autoritatum robore, & gravissimo argumentorum pōdere præstantissimis Regale Sacerdotium Romano Pontifici affervisse, & tam gloriolam Nominis sui celebritatem posteris commendasse, adeò ut aliis præclaris Scriptoribus eodem in argumento versatis adversæ partis sectatores responsa quidem qualiacumque reddiderint, at nemo in Sfondratum, ejusque opera hiscere, aut mutire ausus fuerit; idcirco ab istis putatum est, quod exindè transversa quadam de eodem Authore

requæsitâ fuerit vindictâ. Undè non defuit, qui commiseratione erga hujusce tincturæ Censores commotus eos his verbis S. Bernardi epist. 36. in defuncti cujusdam Episcopi oblocutores prolatis ab incepto revocandos duxerit: *Modestia vestre fraterna præsumptione consulo, quatenus (Cardinalem pium) & doctum, quem quietè vivere permisisistis, mortuum inquietare destinatis, ne dum non valentem pro se respondere reprehenditis, magis hoc ex charitatis inopiâ, quam veritatis fiduciâ descendere ostendatis.*

Alii demùm sedulò admirati, istud Sfondrati opus aliud sanè non continere, quam instructissimam Apologiam pro Divina Bonitate, & Misericordiâ, ac morte Christi Domini pro omnibus perpessâ adversum Jansenii errores, istosq; ab Authore ad internecionem usque debellari, & victrici triumphantique calamo confodi, arbitrati sunt, aliquos Jansenianis partibus plus æquo proclives immoderatam hanc tempestatem, turbidasque procellas in eundem librum exsuscitasse, atque impotentianimo in ipsum grassatos fuisse. Rationes verò, & momenta, quibus hanc in opinionè se impulsos fatebantur, hujuscemodi erant: anno proximè superiori elegantibus typis prodiisse volumen justè molis inscriptum: *Michaelis Baii celeberrimi in Lovaniensi Academiâ Theologi Opera cum Bullis Pontificum, & aliis ipsius causam spectantibus jam primùm ad Romanam Ecclesiâ ab convitiis Protestantium simul ac ab Arminianorum cæterorumq; hujusce temporis Pelagianorum imposturis vindicandum collecta, expurgata, & plurimis, quæ hactenus delituerant, opusculis aucta.* Quæ omnia èd collimant, ut propositiones Michaelis Baii nequaquam à Romanis Pontificibus prædamnatæ sint, eæque nil aliud, quam puram, & meram doctrinam S. Augustini contineant; undè in præfatione ad Lectorem eidem operi præfixa hæc verba inter cætera adnotanda sunt. *Interim bis usare, Lector, nec falsa te decipi patiaris eorum opinione, qui sibi imaginantur, ac contrâ omne verum spargunt. Libros Michaelis Baii à Summis Pontificibus fuisse prohibitos. Eos liberè, libenterque lege, & quò plus eos legeris, èd plus facies, & plus in germana Sanctorum Patrum, & maximè Augustini doctrina proficies.* Tantò huic volumini auxiliariæ hoc labente anno accesserunt manus satis suppetiis alterius libereuli, cui titulus; *Disquisitiones due de gratuita Prædestinatione, & de Gratiâ se ipsa* effi-

efficaci, quæ ad fidem pertinere afferuntur. Huic quoque opinionioni de Jansenianis factionibus usque in hanc diem gliscētibz suffragium afferebatur testis omni exceptione majoris nimirum moderni Archiepiscopi Parisiensis, qui in sua Ordinatione, & Instructione Pastoralis die 20. Mensis Augusti Anno 1696. proximè elapsi promulgata circa proseriptionem libri inscripti, *Expositio fidei de Gratia, & Prædestinatione* in hæc gravissima verba prorumpit: „ Nous voyons avec un sensible dè-
 „ plaisir, qu'il y a encore parmy nous des esprits inquiets, & en-
 „ nemis de la paix; & qu'on répand dans le public des livres
 „ qui pourroient troubler le repos de l'Eglise, & renouveler
 „ les longues, & fâcheuses disputes qu'elle a eû tant de peine
 „ d'arrêter. Tel est le Livre intitulé *Exposition de la Foy touchant la Grace, & la Prædestination &c.* ou il Nous a été fa-
 „ cile de reconnoître tout le venin du dogme de Jansenius &c.
 „ & contenant des propositions respectivement fausses, témé-
 „ raires, scandaleuses, impies, blasphématoires, injurieuses à
 „ Dieu, & dérogeantes à sa bonté, frappées d'anathème, &
 „ hérétiques; en fin, comme renouvelant la Doctrine des
 „ cinq Propositions de Jansenius &c.

Idem quoque Doctores alia suæ opinionis de Jansenii factoribus in librum Eminētiss. Sfondrati turbas, & tumultus cientibus testimonia prorsus invicta se producturos spondebant, nempe; varias scriptiunculas in idem volumen disseminatas Jansenianorum errorum fuligine tinctas, & præcipuè quandam prolixiorē diuturno, ut agebant; plurium Criticorum studio, infidiosaque industriâ consarcinatam cum hac inscriptione: *Propositiones excerptæ ex libro, cui titulus, NODVS PRÆDESTINATIONIS &c. cum adjunctis quibusdam notis.* Propositiones nigro theta inusitæ quadragenarii numeri mysterium quoddam explere videntur, singulisque singulæ subiciuntur notæ. Cum autem in hac censurâ, quæ ex inspirato meâ in manus incidit, omnes ferè obiectiones, & argutæ contra librum Cardinalis Sfondrati in aliis dispersæ conglomerentur, propterea, ut unico ictu universæ illæ cavillationes & technæ eliderentur, funditusque dissiparentur, non abs re fore putavi, si quadraginta notas in ea censurâ adversum totidem propositiones præfati voluminis de Prædestinatione illatas dispungerem, ac profligarem; Quod an ex voto mihi cesserit, æquus, & incorruptus

ptus Lector partium præiudiciis minimè implicatus iudicabit. Cæteros privatis studiis abreptos nihil moror. *An non quibusdam interdum hominibus melius amarum est* (notanter scripsit Nazianzenus orat. 27.), nempe, morbo laborantibus, maleque affectis? *At non propterea res ita se habet; ut hi arbitrantur.* Interea non nulla circa eas notas Censoris in antecessum observanda delibare visum est.

In primis sedulo animadvertendum, quòd plerasque ex illis propositionibus Eminentiss. Authoris Censor producit compositis arbitrio tuo verbis ad instar niusivi operis reticendo, truncando, dimidiando, interpolando, ut ex iis contortis, concisis, mutatis, interpolatis, in sensum invidiosum coactis errores, hæreses, & absurditates conserat, singulasque ferme propositiones grandioribus tibiis canat, & creberrimè verbum quoddam intercalari inculcet, esse novas, inauditas, contra omnes SS. Patres universosque Theologos excogitatas, atque per *nauseam* sensum opinionemque Authoris obscure & præposterè concipiat, ac plerumque contra id, quod falsò dici à Scriptore suspicatus erat, non adversus hoc, quod re ipsa dixerat, declamare instituat. Quòd has calumnias, & imposturas evidenter, & apodicticè refellerem, me necessario ad duo còpultum agnovi; primò ut integros textus Cardinalis Authoris exscriberem, verbaque immediatè antecedentia, & consequentia attexerem, causasque, cur ea Scriptor protulerit, paucis aperirem. Ambigua namque est plerumque ad utrumlibet, & versatilis textura mera verborum, & calumnia ex iis conflata in plenissima sui imagine solerter considerata, & expensa contutum acriorem non sustinet, sed ipsà attentiori reflexione compressa tenues rumpitur in auras. Alterum est, ut ad retundendam immodicam Notatoris audaciam, qua omnimodè novitatis censuram illis propositionibus affligit frequentissimas Patrum, & Theologorum auctoritates, ac testimonia coacervarem, & ad nauseam usque catervatim congererem, quamvis id futurum prænoscam (quod equidem ingenuè fateor) cum cruce, & fastidio Lectoris, cujus quoque humanitati, & tolerantie complura ratiocinia, & momentosas illationes, quæ in defensione doctrinæ Cardinalis Sfondrati, & expunctionem censure ei oppositæ ex illis auctoritatibus spontè & è re natà clarissime dimanant, relinquere statui, ut etiam in hoc indulgeam

genio Cenforis, qui ex eo hominum genere est, qui argumentationes, & discursus vehementer averfantur, nihilq; aliud, quam Scripturas, Traditiones, Concilia, & Patres in ore habent.

Postremò pro ferendo in librum Eminentiss. Sfondrati recto & justo judicio hoc æquissimum Jurisperitorū axioma ante oculos candidi Lectoris præstitutum velim, videlicet, *ut jura cū juribus, ita testimonia cū testimoniis concilianda sunt*: Exploratissimum planè est, nullam illius libri propositionem dubium fortè sensum ingenerare posse, quin ei respondeant plures cōtextus omne prorsus nubilum abstergentes, eamq; optimo in lumine collocantes longè procul ab omni censura. Undè jure Sfondratus cū S. Ilario sub initium libri de Synodis Lectores suos his verbis obtestari potest: *Oro vos per Dei misericordiam, ne quisquam de me ante sermonis consummationem per litterarum exordia existimet judicandum. Iniquum est enim, nisi cōpertā usque ad finem ratione dictorum, præjudicatam sententiam, quorum causa adhuc ignoratur, ex initiis afferre, cū non de inchoatis ad cognoscendum, sed de absolutis ad cognitionem est judicandum*. Hinc testem advoco eundem Lectorem in disputatione harum quadraginta notarum, ubi vix unam ipse deprehendet propositionem à Cenfore notatam, cui ex eodem libro, & plerumque ex eādē paginā locupletissima non suppetat illius explicatio, & oppositæ notæ explosio ac excidium, quod est optimum, & compendiarium defensionis genus ex ipsis causæ visceribus erutum, cuius cordato, & justo Judici superabundans ad absolvendam ab omni reatu delatam doctrinam, & è cōtra ad talionis pœnam exigendam ab infido accusatore. Interim, dum id unum exoratos velim Lectores, præjudicatas, ut paululum seponant diversas sententias, & in ancipiti tantisper suspensum librent iudicii sui examen, donec integras has vindicias imperturbato mentis oculo percurrerint, & rem suis pōderibus expenderint, Cenfores his verbis Philippi Abbatis Bonæ-spei epist. 5. commonefactos dimittam: *Miror summo perè, quare hujus libri lectionem esse inutilem existimatis, imò respondendam tanquam fidei contrariam judicatis, quod nequaquam, ut æstimo, tam liberè fecissetis, si ei paulò diligentiorē operam dedissetis. Etsi enim ibi aliquid invenitur, quod per se consideratum debet forsitan accusari, potest, ni fallor, consideratis præcedentibus.*

bus, vel consequentibus excusari, & ad condemnandum quemvis librum non est prætendenda duarum vel unius scrupolositas dictionis, sed considerata totius series lectionis.

Nusquam enim simul omnia possunt dici, & sunt nonnulla, quibus singularibus potest merito contradici, sed cum omnia pariter attenduntur, quæ videbantur respuenda, plerumque studio circumjacentium muniuntur.

(* . *)



100-

PROPOSITIONES EXCERPTÆ EX LIBRO, CUI TITULUS

NODUS PRÆDESTINATIONIS &c.

Cum adjunctis quibusdam notis.

*De Peccato originali, & statu Puerorum
sine Baptismo decedentium.*

PROPOSITIO PRIMA.

Parvuli, qui sinè Baptismo decedunt, licèt culpâ propriâ careant; non tamen carent alienâ, & paternâ.
pag. 144. lin. 20.

N O T A.

H Oc loco tradit Author, parvulos, antequam baptismo abluantur, culpâ propriâ carere, hoc est, nullâ peccati labem infici, nulloque intus in animâ reatu ipsis inherente teneri, sed solum ob alienam, ac paternam culpam ipsis extrinsecus imputatam donis Dei gratuitis, omnique jure ad cæleste Regnum privari.

D I S P U N C T I O.

I Nepta, & injuriosa argutia: Quem enim ex Dialecticæ tyronibus non pueret tam miseræ argumentationis à particulari ad universale negativè? Porro culpa alia est actualis, & personalis; alia aliena, paterna, & originalis, seu naturæ. Quisnam autem vel primis Logicæ elementis imbutus hanc in modum discurreret ex particularis negatione ducendo argumentum ad negationem universalis? Parvuli, antequam baptismo te abluantur, culpâ personali carent; ergo nullâ peccati labem inficiuntur! Igitur S. Cyprianus epist. 59. & Concilium Africanum ibidem ac S. Augustinus lib. 1. cont. Julian. cap. 6. cum di-

dixerunt : *Infans recens natus nihil peccavit, & ei remittuntur non propria, sed aliena peccata* ; Epimet Augustinus dum protulit lib. 2. oper. imperf. cap. 185. *sua propria parvuli peccata non habent, & ided de illis etiam hoc veraciter dici potuit, quod non peccaverunt* ; & S. Gelasius Papa ; dum scripsit epist. 7. ad Episcopos per Picenum ; *Parvuli propria non habent ulla peccata* : Item Cornelius Mussus Episcopus Bitontinus Vir incomparabilis penè ingenii felicitate, & pietate, omnibusque tam divinis, quàm humanis disciplinis excultissimus, cum super hæc verba Apostoli ad Rom. 5. ver. 19. *Peccatores constituti sunt multi*, pronuntiavit, *hoc est ; sine proprio, & particulari peccato* ; Item ; *alieno peccato infecti sumus, alienâ justitiâ resanamur*. Illi, inquam, Doctores redarguentur a Censore tanquam affirmantes, parvulos baptismo non tinctos nulla peccati labe infici.

Unde in adversarium bellè cadit hæc S. Augustini lib. 1. de peccat. merit. & remis. cap. 35. exprobratio „ An verò, inquit, & hoc quæsituri, & de hoc disputaturi, & tempus ad hoc impensuri sumus, ut probemus, atque doceamus, quomodo per propriam voluntatem, sine qua nullum vitæ propriæ potest esse peccatum, nihil mali commiserint infantes qui propter hoc vocantur AB OMNIBUS INNOCENTES ? Non ne tanta infirmitas animi, & corporis, tanta rerum ignorantia, tam nulla omnino præcepti capacitas, nullus vel naturalis, vel conscriptæ legis sensus, aut intuitus, nullus in alterutra parte rationis usus hoc multo testatiorè silentio, quàm sermo noster proclamat, atque indicat ? Valeat aliquid ad se ipsam persuadendam ipsa evidentia, nam nusquam sic non invenio quid dicam, quàm ubi res, de qua dicitur, manifestior est, quàm omne, quod dicitur. Vellem tamen quisquis hoc sapit, diceret, quod peccatum viderit, vel putarit infantis nascentis ab utero, cui redimendo fatetur, jam baptismum necessarium, quid mali in hac propria sua vitâ per animum proprium, corpulve commiserit ? „

Quid si dixisset Sfondratus cum S. Gregorio Nazianzeno Ser. in sac. lavac. *Parvuli, licet baptismo consignati non fuerint, improbitate tamen carent*, aut cum S. Io. Chrysostomo homil. 5. ad Neophytos vocasset *eos infantes non coinquinatos peccato* ? Non necesse statim conciamaretur Scriptor tanquàm negati origina-

lis peccati reus? Abusus fuerat eâ Chrysostomi sententiâ Iulianus Pelagianus, sed Sanctum Antistitem satis ab ea calumniâ purgatum Augustinus putavit dicens lib. 1. cont. eundem Iulian. cap. 6. „ Vides certè, non esse dictum à S. Iohanne, parvulos non coinquinatos esse peccato, sive peccatis, sed non „ habere peccata, intellige, *propria*, & nulla contentio est „ Dixit Sfondratus, illos parvulos carere culpâ propria, non tamen alienâ, & paternâ; & ex hinc ei litem intentat Censor, quem ita compellare libet verbis eiusdem S. Augustini. „ Ingre- „ dere (Sfondrate), & confide cum fratribus tuis, à quibus nulla ratio, nulla tentatio te separavit. Opus est & tuâ, „ & maximè tuâ sententiâ, quoniam in tuis litteris iste juvenis „ invenisse se putat, unde tuam se arbitratur percellere, & evacuare doctrinam &c. Sed absit, ut tu aliud sciperes, & in Catholica Ecclesiâ tam præcipuus *Emineres*: Dic ergo & tu aliquid, „ undè iste juvenis confundatur, & revereatur &c. Audis jam (Censor) quid etiam (Sfondratus) cum cæteris catholicis Doctoribus dicat. Afferit enim pag. 52. *Adam omnes perdidit*, pag. 48. & 98. iterum, iterumque ait: *nemo peccato originali caret*, & pag. 184. *homines quales in mundo sunt, peccato originali, multisque actualibus obstricti sunt*. pag. 118. *peccatum originale vitare nemo potuit*: vocat pag. 120. parvulos *culpâ originali aspersos*, idque pluriès repetit cum Doctore Angelico. Edisserit pag. 164. *illi parvuli innocentiam personalem, quæ scilicet, peccatis actualibus opponitur, conservant illibatam*, quibus luculenter ostendit, culpam illorum infantium esse alienam, & paternam, non propriam, idest, originalem, & naturæ, non actua- lem, & personæ. Rursus Eminentiss. Author pag. 26. appellat naturam humanam *propriâ conditione sordidam, ac peccatrice, divinique amoris indignam*. Numquid verba ista tam clara, & directâ sonant in naturâ humanâ extrinsecam tantum imputationem alienæ culpæ an potius intrinsecum peccatum, intrinsecam sordem, seu maculam, & intrinsecam indignitatem divini amoris ex intrinsecâ ratione naturæ humanæ in Adamo vitiatæ? Qui hîc non videt peccatum originale proprium, & intrinsecum unicuique homini, is nec in Sole quidquam videt. Insuper pag. 98. habet Sfondratus, *Ille, qui solo originali tenetur, peccatum hoc non facit, sed ab alio factum contrahit potius, quâ committit*. Hæc verba sunt adeò evidentiâ, & prorsus perempto-

ptoria, ut ipfemet Censor eorum nitidiffimos radios fufcinere non valens referat quidem in propofitione 5. & 9. verba immediate antecedentia, & conſequentia, de medio tamen fuſtulerit illas voces, quæ rectè petunt jugulum immanis accuſationis in Authorem conſiſtæ, & quæ ſi ſolæ in toto libro adeſſent, perpetuum hac de re ſilentium imponere deberent.

Profectò nil luculentius, & caſtigatius ad normam Patrum, & Conciliorum præcipuè Tridentini ſeſſ. 5. decreto de peccato originali proferri poterat. S. Cyprianus epift. 59. *Infans recens natus*, inquit, *nihil peccavit, niſi quod ſecundum Adam carnaliter natus contagium mortis antiquæ primâ nativitate contraxit*. S. Thomas quæſt. 5. de malo art. 1. ad 11. *Puer*, ait, *laboravit viſio alieno quantum ad cauſam, quia peccatum ab alio traxit, laboravit tamen viſio proprio, in quantum à primo parente culpam contraxit*. Comparet, quæſo, benignus Lector hæc verba SS. Cypriani, & Thomæ cum aliis modo relatis Sfondrati, & nec ovum ovo tam ſimile dicet, reperietque utrobique eadem verba pro explicando, quomodo peccatum originale ſit alienum, & ſimul proprium unicuique

Undè Eminentiff. Author pag. 39. advertens, Pelagianos affirmaffe, parvulos originali peccato non teneri, ſed tamen, ſi abſque peccato decedant, cæleſtis Regni expertes eſſe, in hunc errorem unâ cum S. Auguſtino ſerm. 14. de verbis Apoſtoli ſic invehitur „ Ecce exiſtit, neſcio, quis, & dicit, parvulus non habens ullum omninò peccatum, nec quod vitâ ſuâ „ contraxit, nec quod de vitâ primi parentis traxit, habebit „ & Regnum cælorum, & vitam æternam ? „ &c. Ex his perſpicuum prorsus eſt, in quo ſenſu Author dixerit in loco à Censore notato, peccatum originale eſſe alienum, non proprium, id eſt, illud non eſſe actuale, & personale, non fieri, non committi, ſed ab alio factum, & commiſſum contrahi: quo genuina phraſis declarativa peccati originalis enucleatè exprimitur. Quinimò non dixit ibi Sfondratus, peccatum originale eſſe duntaxat alienum, ſed addidit *paternum*, quid autem hæc vox importet, ità explicat magnus Auguſtinus lib. 1. contrâ ſecundâ reſponſionem Juliani cap. 48. *Aliena ſunt*, ait, *ſed paterna ſunt, & per hoc jure ſeminationis atque germinationis, & noſtra ſunt*. In ipſâ ergo primâ propoſitione à Censore accuſatâ conceptis terminis exprimitur, etiam juxta S. Auguſtinum, peccatum origina-

25

ginale esse alienum simul, & nostrum, seu proprium; cum ibi dicatur à Sfondrato, culpam originalem esse alienam, & paternam.

N O T A

Eum esse sensum Authoris patet ex verbis, quæ statim sequuntur: „ Quamvis enim, inquit, damnari nemo possit paternâ culpâ, potest tamen iis bonis privari, quæ liberaliter accepturus erat, patre innoxio, nec in Principem delinquentem „ Siquidem clarum est, ejusmodi reorum filiis parentum culpam propriè non inesse, aut inherere, tametsi ad eos ex humana justitiâ legibus ob publicum exemplum aliqua saltem delicti paterni pena perveniat. Id ipsum secunda, quam mox afferemus, propositio confirmat, multaque alia legentibus occurrunt, quæ hunc Authoris sensum demonstrant.

D I S P U N C T I O.

Quo ad exemplum illud à Censore pravam in sensum detortum adnotari debebat, tum hoc S. Gregorii Theologi monitum orat. 37. fieri non potest, ut similitudo ulla, & exemplum rei veritatem planè, perfectèque assequatur; tum opportuna Theologorum Salmanticensium Carmelitarum trac. 13. de vitiis, & peccatis disput. 14. num. 50. animadversio, ex qua inferunt, quod, „ Exempla, quæ pro explicando peccato originali adduci solent, non afferuntur ut omninò adæquata rei, de „ quâ agitur, quia modus voluntarii in peccato originali reperi- „ tus aded est specialis, & sibi proprius, ut nusquam alibi in- „ veniatur; deserviunt tamen similia exempla ad aliquam ejus „ explicationem, & ut, supposita Fide de existentia talis peccati, „ suadeant, non esse impossibile, aut inintelligibile.

Exposcit à nobis Censor, ut apud Authorem aliquem extarc consimile exemplum à Sfondrato allatum indicemus. Æqua planè, & facilis exauditu postulatio. Johannes Viguierius ex inclyto Ordine Prædicatorum in Institutionibus Theologicis, tractat. de peccato originali cap. 18. §. 5. „ Deus, ait, nobis, „ qui nihil actualiter egimus, non facit injuriam, aut injustitiam „ reputando filios iustæ, & indignationis, & condemnationis, quia

an. 12

C

per

„ per iram, indignationem, & condemnationem accipitur *sola*
 „ *excluso à gratiâ, & originali justitiâ, ac etiam à Regno calorû,*
 „ & restitutio naturæ ad conditionem suam, à qua eramus exē-
 „ pti per justitiam originalem, & jure hæreditario omnibus fi-
 „ liis, & posteris ab eo per propagationem seminalem procrea-
 „ tis, dummodò Adam, & filii ejus præcepta Domini servarent.
 „ Et quia Adam non servavit, per inobedientiam ipse, & po-
 „ steri jure illo privati sunt. *Exemplum communiter datur de*
 „ Rege, qui gratis ex liberalitate suâ dedit cuidam nobili castrû
 „ pro se, & totâ posteritate suâ eâ lege, ut fidelitatem ei servaret
 „ quod si non faceret, auferet ab eo, & filiis ejus. Si ille infidē-
 „ lis esset, nullam injuriam faceret Rex ipsi. nec filiis ejus, si
 „ privaret eos castrò eâ lege, & conditione dato. „ Exemplum
 „ ergo ab Eminentiss. Authore productum asseritur à Viguerio
 „ communiter dari solitum, ex quo Cornelius Mussus loc. cit. ita
 „ in contradictores invehitur „ Vos, inquit, qui jura cum Ponti-
 „ ficia, tum Cæsarea profitemini, convenio. Quod ergo per-
 „ didit Adam, justissimè dicimur, & nos perdidisse, sicut quod
 „ obtinuisset ipse, si stetitset, diceremur, & nos justissimè ob-
 „ tinuisse. Intelligis mysterium „ Alphonsus Salmeron disputa-
 „ rat. 48. in cap. 5. epist. ad Rom. his verbis voto Notatoris res-
 „ pondet „ Ita enim ex peccato patris dicitur quis hæditatus, nō
 „ simpliciter, sed quod attinet ad bona paternæ hæreditate cō-
 „ sequenda, si Pater non deliquisset in Rempublicam, propter
 „ quod delictum bonis omnibus spoliatus est. Ita etiam in pro-
 „ posito vitæ cælesti, & supernaturali in Adam vivebamus,
 „ quatenus per peccatum Adæ privati sumus „
 „ Consule, si vacat, Andreæ Duvallium Doctorem Sorboni-
 „ cum, & Regium Theologiæ in Academiâ Parisiensi Professore
 „ tractatu de peccatis quæst. 1. art. 5. ubi huic vulgatissimæ do-
 „ ctrinæ omninò consentaneus est „ Si Adamus non peccasset,
 „ ait, transfusa fuisset justitia originalis veluti naturaliter, seu
 „ per naturalem generationem in posteros, ex quo sequitur,
 „ totam naturam Adamo peccante ab ipsâ originali justitiâ ex-
 „ cidisse: sicuti si Rex castrum munitissimum concederet alicui,
 „ tam pro se, quàm pro omnibus suis posteris, eâ lege, ut fide-
 „ litatem sibi debitam servaret, & si non servaret, tam ipse, quàm
 „ ipsi posterì eo privarentur, non est dubium; quin eo fidelita-
 „ tem non servante, à dominio hujus castrì, non solum ipse, sed
 „ etiam

etiam omnes ejus posteri exciderēt, quod in judiciis humanis, quotidie videre est: Filii enim propter scelera parentum, quæ bonorum confiscationem includunt, omnibus bonis paternis in perpetuum privantur, & in crimine perduellionis non tantum privantur hæreditate patris perduellis, sed etiā perperud, carceri mancipantur „ Et cum dixisset Duvallius hujusmodi exempla non perfecte, & exacte peccati originalis traductionem exprimere, subdit „ Ideo hæc peccati originalis traductio magnum est, & reconditum fidei nostræ mysterium, adeo ut Augustinus libenter hac in re suam ignorantiam, & se ad argumenta omnia Pelagianorum respondere non posse fateatur: *Scripturæ, tamen auctoritati, quæ in parvulis peccatum originale agnoscit, indubitanter credere magis, quam intelligere.* Et epist. 29. ad Hyeronimum facito Apologo terminat disputationem. Cum, inquit, aliquis ruisset in puteum, ubi aqua tantum erat, quæ eum magis exciperet, ne moreretur, quam suffocaret, ne loqueretur, accessit alius, & dixit ei, quomodo huc cecidisti? at ille dixit, obsecro, cogita, quomodo hinc me liberes, & non quomodo huc ceciderim, quæras „ Ità quoniam pergit Duvallius „ ex fide Catholica constat de peccato originali tanquam de puteo infantis animam Christi gratiâ liberari, satis nobis esse debet, quod modum, quo salva fiat, noverimus, etiam si nunquam quomodo in malum illud devenerit, cognoscamus „

N O T A

A *T*quæ hæc doctrina, quæ nullam propriam culpam in parvulis sine Baptismo decedentibus agnoscit, aperte repugnat Concilio Tridentino, in quo definitur „ *Adæ peccatum, quod origine unum est, & propagatione, non imitatione transmissum, omnibus inesse unicuique proprium. sess. 5. can. 3., id, quod confirmatur sess. 6. cap. 3., ubi „ homines ex semine Adæ pro-* pagati dicuntur nasci iniusti, cum eâ propagatione, per ipsum dum concipiuntur, propriam injustitiam contrahant „ Unde idem Concilium sess. 5. can. 4. & can. 5. anathemate ferit eos „ *Qui formam baptismatis in remissionem peccatorum in parvulis non veram, sed falsam intelligerent, aut qui negarent per gratiam, quæ in baptismo confertur, reatum ori-*

„ ginalis peccati non remitti, aut etiam assererent, non tolli
 „ totum id, quod verum, & propriam peccati rationem habet „
 Hæc fuit semper antiqua, & fundatissima Ecclesiæ Doctrina,
 quam cum impugnaret Pelagius obiciens „ nullâ ratione conce-
 „ di, ut Deus, qui propria peccata dimittit, imputet aliena „
 Respondit ei Augustinus, non imputare Deum aliena peccata,
 sed propria „ aliena quippè erant, inquit, quando ii, qui pro-
 „ pagata portarent, nondum erant: nunc verò carnali genera-
 „ tione jam eorum sunt, quibus nondum spiritali generatione
 „ dimissa sunt; lib. 3. de pecc. mer. & rem. cap. 8.

DISPUNCTIO.

Liquidò constat ex dictis, Eminentissimum Sfondratum
 propriam culpam in parvulis sine baptismo decedentibus
 agnoscere, atque adedè apertè concinere Concilio Tridenti-
 no in locis à Censore allegatis, & perfectè consonare anti-
 quæ, & fundatissimæ Ecclesiæ doctrinæ, quamvis de peccato
 originali egerit Author tantum obiter, & per transennam,
 atque occasione solvendæ cujusdam obiectionis, ut accurati-
 us patebit ex responsione ad notam sequentis propositionis,
 in quâ germana, & solidissima explicatio Concilii Tridenti-
 ni à Scriptore tradita asseretur. Vndè Censor in eodem ca-
 pite octavo libri tertii S. Augustini de pecc. merit. & remiss;
 quod ipsemet adducit, notare debuisset, S. Patrem meritò cō-
 queri, quod „ indè pterumquè conualescit error, cum ho-
 „ mines idonei sunt his verbis interrogandis, quibus intelli-
 „ gendis non sunt idonei, & quorum tardiusculam mentem
 „ impedit, & suæ sententiæ præiudicium, & perniciæ gra-
 „ vissimæ vinculum. „

At quoniam suam in primam propositionem censuram ver-
 bis S. Augustini conclusit Notator, mihi quoque fas sit verbis
 ejusdem S. Doctoris post commodatam S. Chrysostomo advo-
 cationem prolatis lib. 1. contra Julianum cap. 6. ipsum Cen-
 sorem alloqui „ Jam verò cohibe te ipsum, & aliquandò in-
 „ tellige, quomodo potuerit dicere (Cardinalis Sfondratus)
 „ parvulos non habere peccatum (actuale, & personale); Nō
 „ quòd peccato primorum hominum non teneantur obstricti,
 „ sed quòd nulla sua commiserint. Et hoc quidem in eodem
 „ (li-

„ (libro) si totum legisses , invenire potuisti , aut si legisti ,
 „ nescio quemadmodum te potuit præterire . Aut si præteri-
 „ re non potuit , miror , cur te non correxerit ; si tamen ali-
 „ quid apud te valet (Cardinalis Sfondrati) authoritas . . .
 „ Ecce cui Viro , quàm magno Christianæ Fidei , atque hujus
 „ catholici dogmatis defensori voluisti (falsum) dogma sup-
 „ ponere , quali dixerit , parvulos primi hominis non esse (in-
 „ trinsecè) inquinatos peccato , cum dixerit , eos non habe-
 „ re (culpam propriam) quæ non eum intelligi , nisi (perso-
 „ nam) voluisse , ejus tam multa testimonia , tamque mani-
 „ festa declarant . Quid te igitur adjuvit , quòd (Cardinalis
 „ Sfondrati) tanquam (Hæreticis) suffragetur testimonium
 „ posuisti ? An ut unum verbum quasi ab eo prætermisum ve-
 „ lut acutâ calliditate captares , & tot verborum ejus , quibus
 „ obrueris , tam ingentem nobis aggerem commoveres ? in-
 „ tantum improvidus , & incautus , ut nec in (ipso libro) ubi
 „ vix unum , de quo malè intellecto decipereris , testimonium
 „ reperire potuisti , advertes (Cardinalem Sfondratum) satis
 „ evidenter exprellisse , omnes homines exceptis debitis pro-
 „ priis paterni esse chirographi debitores „

PROPOSITIO SECUNDA.

Adamo infelicitè peccante , tota quoquè Posteritas , quip-
 pè ex Patre rebellè nata , omni jure ad cæleste Regnum
 spoliata est , quòd peccatum originale vocamus pag.
 48. lin. 8.

N O T A.

T Otam peccati originalis rationem ponit Author in privatione
 juris ad cæleste Regnum , quæ quidem privatio pena est , &
 effectus peccati originalis , non verò ipsum originale peccatum ,
 unde patet , Autorem nihil agnoscere in parvulis , quod veram ,
 & propriè dictum peccati rationem habet .

DIS-

Privatio juris ad cœleste Regnum idem est ac privatio justitiæ originalis, seu gratiæ sanctificantis, ut ipsomet Author explicat pag. 114. „ Adamo peccante, inquit, non is solum, sed „ tota ejus posteritas justissimè Dei donis, gratiâ, videlicet, & „ gloriâ, aliisque dotibus innocentiae privata est.

Rationem formalem verò constitutivam peccati originalis consistere in privatione justitiæ originalis, vel gratiæ sanctificantis relatè ad actuale Adami peccatum, testatur Pater Gonet disp. 7. de pecc. originali art. 5. §. 4. *esse sententiam menti, & doctrinæ D. Thomæ conformiorem*; Bartholomæus Maitris de Meldula in 2. disp. 4. quæst. 5. art. 5. docet „ eandem sententiam ad hæc ulque tempora communè esse in omni schola „ præcipuè Thomistarum, & Scotistarum; illamque præcipuos Societatis Jesu Authores tradidisse, & quod majoris „ est momenti, hujus sententiæ Authorem fuisse S. Anselmum „ lib. de concept. Virg. cap. 27. dicentem; *hoc peccatum, quod „ originale dico, aliud intelligere nequeo in ipsis infantibus, nisi „ ipsam, quam supra posui, factam per inobedientiam Adæ justitiæ debitæ nuditatem* „ S. Bonaventura in Breviloquio part. 3. c. 5. conceptis verbis asseverat „ *privationem originalis justitiæ* vocamus originalem culpam „ Ergò per Censorem SS. Anselmus, Thomas, Bonaventura, & omnis schola Thomistarum, Scotistarum, ac præcipui Societatis Jesu Authores nihil agnoscunt in parvulis, quod veram, & propriè dictam peccati rationem habet.

Non poterat certè Notator criticum jecur ostendere contrà eam propositionem, nisi dimicaret contra omnem scholâ theologorum, qui tritissimam illam objectionem ab ipso adductam multiplici responsione diluunt. *Idem* namque, ut docet Præceptor Angelicus quæst. 1. de malo art. 4. ad 1., *secundum diversâ potest esse culpa, & pena, non tamen secundum idem*. Etenim illa privatio justitiæ originalis, ut declarat Scotus distin. 37. ad 4. lit. Cc. unâ cum Magistro sententiarum, quatenus est à voluntate deficiente est culpa, quatenus in ipsâ voluntate passivè recipitur est pœna. Item eadem privatio justitiæ originalis physicè considerata ut est à Deo non dante justitiam posteris *Adæ* est pœna, ut verò est moraliter, seu demeritoriè ex actu pec-

peccaminoso Adæ, fuit in ipso peccatum habituale personale, in nobis autem est originale.

N O T A.

Certè Augustinus ex ejusmodi privatione, aliisque miseriis, quibus parvuli etiam recens nati obnoxii sunt, originale peccatum eis inesse probat, cum aliqui injustum foret, eos tantis malis affici, si omni culpâ, ac reatu peccati carerent.

D I S P U N C T I O.

Theologi quidem valdè discrepant in exponendâ mente S. Augustini circa constitutivum formale peccati originalis, quâ de controversiâ s. Doctorem non fuisse sollicitum scribit Eminentiss. Bellarminus l. 5. de amiss. grat. & stat. pecc. cap. 20. Ex illa autem privatione gratiæ, seu justitiæ originalis tanquam à radice dimanare alias deordinationes ex peccato Adæ ad nos transfusas per generationem egregiè demonstrat S. Thomas loc. cit. & opusc. 3. cap. 192. & S. Bonaventura in Breviloquio loc. cit. Uude Carolus ab Assumptione Carmelita discalearius in Collegio Duaceno S. Theologiæ Lector in præmio ad funiculû triplicem advertit, „ Plurimos à vero deviasse, non aliâ ratione, „ quàm quod S. Augustinum in S. Thoma non didicerint, plus „ fidentes humano studio, quàm infuso defursum Angelici Solis lumini „ idem sentit Martinus de Ezparla lib. 5. de justificatione quæst. 6. art. 2. ad 1. inquit, „ quod eadem Sententia est „ D. Thomæ in propriis terminis, & nihil differt à D. Augustino quoad rem ipsam, quoad modum verò illi solum superaddit majorem claritatem minus subjectam æquivocationibus, quas non nulli passi sunt valdè magnas in intelligentiâ „ Augustini, nolentes se accommodare interpretationi S. Thomæ.

N O T A.

Tridentinum etiam Concilium sess. 5. cæn. 2. de hac re sic decernit, „ Si quis... inquinatum illum [Adamum] per „ inobedientiæ peccatum mortem, & penas corporis tantum in „ om-

„ omne genus humanum transfudisse, non autem, & peccatum,
 „ quod mors est animæ, anathema sit „ *Quæ quidem Patres Tri-*
dentini ex Synodo Arausicanâ can. 2. mutuati sunt, ubi hæc le-
guntur „ si quis soli Adæ prævaricationem suam, & non ejus
 „ propagini asserit nocuisse, aut certè mortem tantùm corporis,
 „ quæ pœna peccati est, non autem, & peccatum, quod mors
 „ est animæ per unum hominem in omne genus humanum tran-
 „ sisse testatur, injustitiam Deo dabit „ Postremò Bellarminus
 lib. 5. de amissione gratiæ, & statu peccati-cap. 16. hanc sen-
 tentiam, quæ peccatum originale non aliud esse, docet, nisi pri-
 mam Adæ transgressionem actualem posteris ejus imputatam, &
 nihil esse in parvulis unicuique proprium, & inherens, quod
 habeat veri peccati rationem, falsam, hereticam, & sac. Con-
 cilio Tridentino contrariam pronunciare non dubitavit. :

DISPUNCTIO.

M Astrius loc. cit. art. 7. num. 144. apertè profitetur, quòd
 „ ponendo originale peccatum in eâ privatione melius
 salvatur modus loquendi Patrum, & Conciliorum : „ nam
 „ sic verè pueris inest, non per denominationem extrinsecam
 „ tantùm, sed realitèr privatio justitiæ originalis, qua dicun-
 „ tur nasci filii iræ, & peccatores, quamvis non dicantur pec-
 „ cantes, cum non habeant propriè, & intrinsecè peccatum
 „ actuale, sed dumtaxat originale, quod est peccatum habitu-
 „ ale „ Eminent. Cardinalis Sfortia Pallavicinus lib. 7. de sa-
 cram. pœnit. cap. 15. tuetur eandem sententiam de constitutivo
 formali peccati originalis, & in fine sic concludit „ ex his pa-
 „ tet veritas definitionis, quæ habetur ex Tridentino sess. 5.
 „ peccatum illud esse origine unum, propagatione multiplex,
 „ & inesse unicuique proprium. Illæ enim privationes justitiæ
 „ originalis multiplicantur pro multitudine subditorum „
 Contensonus disput. 2. de peccatis cap. 2. speculat. 1. probat,
 peccatum originale esse unicuique proprium, & intrinsecè
 inherere, quia hoc est privatio justitiæ originalis, ac per con-
 sequens macula. Ex parsa loco laudato appositè advertit, quòd
 „ privatio gratiæ est ultimò completiva peccati originalis, &
 „ ratione hujus intrinsecè afficientis unumquemque postero-
 „ rum, atque multiplicis pro multitudine ipsorum dicitur „
 „ Tri-

„ Tridentino peccatum originale inesse unicuique propri-
 „ um, idest, afficere intrinsecè unumquemque, & esse nume-
 „ ro distinctum absolutè in singulis, quia peccatum est forma-
 „ liter privatio, & privationes numerantur juxta numerum
 „ formarum, quibus privant, insuntq: suo modo intrinsecè
 „ subiectis, quibus eadem formæ forent intrinsecæ, cum idem
 „ sit subiectum privationis, & formæ.

„ Ecce dogma à Tridentino traditum de peccato originali uni-
 „ cuique homini intrinsecò, & proprio à Cardinali Sfondrato
 „ per locum maximè ab intrinsecò, ut cum scholâ loquar, seu
 „ ex ipsâ peccati originalis definitione clarissimè expressum, non
 „ quidem probatione longè arcessitâ, sed prædicatione defini-
 „ tionis definitio, quæ procul dubio dicuntur ad convertentem,
 „ & est prædicatione verè, & propriè scientifica.

Verba Eminentiſs. Bellarmini à Censore obiecta aliò certè
 spectant, & non nisi per summum nefas contrâ receptissimam
 illam scholæ Theologicæ Columinum sententiam de constitu-
 tivo formali peccati originalis, & contrâ ipsam Bellarmini mē-
 tem obtrudi possunt. Imò idem Eminentiſs. Theologus in
 eodem tractatu à Censore allegato lib. 4. cap. 9. rotundis ver-
 bis asseverat „ *Ideo parvuli peccatum* habere dicuntur, quia
 „ carent *justitiâ &c.* Concinit Cornelius Musſus loco lauda-
 „ to „ *Ista*, inquit, donorum privatio non absolutè, sed ut di-
 „ gnè nobis à divinâ justitiâ imputatur ad culpam, peccatum
 „ originale est. . . Itâ ergò privatio illorum donorum ad cul-
 „ pam imputata, & imputanda transfunditur per generatio-
 „ nem &c. „ Demùm hanc privationem gratiæ, seu justitiæ
 „ originalis Scriptura, Concilia, Patres, & Theologiæ Proce-
 „ res, nuncupant verè, & propriè, ac in toto rigore mortem
 „ animæ inimicitiam Dei, aversionem ab ultimo fine, constan-
 „ terque docent, nos ratione illius privationis verè esse, & in
 „ toto sermonis rigore dici inimicos, insensos Deo, aversos ab
 „ ipso, filios iræ, & injustos.

Ex eâ autem privatione gratiæ, seu justitiæ originalis ceu à
 fonte effluere alios defectus ex peccato Adæ ad nos transfusos,
 luculentè explanat Eminentiſs. Author pag. 123. recensens
 dotes, ac dona supernaturalia Angeli, & hominis innocentis
 „ ex unâ parte, inquit, in Lucifero, & Adamo nihil erat, quo
 „ possent ad malum inclinari, non appetitus cum ratione cer-

D

„ tamen

„ tamen, non indigentia alieni, & extranei boni, non per-
 „ versi, & inoliti mores, non ignorantia, non cupiditas, non
 „ difficultas honesti, non aliquid eorum, quæ homines ad pec-
 „ candum illiciunt. ex adverso nihil eorum aberat, quo pos-
 „ sent facillimè in officio contineri, & ad bonum, ac virtu-
 „ tem complectendam propè compelli, summa tranquillitas
 „ animæ, perfectissima Dei cognitio, & par cognitioni amor,
 „ summa quoque, & facilitas, & suavitas operandi honesta,
 „ spes certa futurorum, secunda, & plena possessio præsentium,
 „ ac denique omnia, quæ optare aliquis ad sanctitatem,
 „ & felicitatem posset. Carentia igitur omnium istorum do-
 „ norum, quæ ex gratiâ, & iustitiâ originali veluti rivuli à fonte,
 „ & rami à radice prodibant, provenit ex ejusdem gratiæ, &
 „ iustitiæ originalis privatione, in qua Cardinalis Author juxta
 „ communem Theologorum sententiam collocavit essentiam
 „ peccati originalis tum in propositione à Censore delatâ, tum
 „ in aliâ extante pag. 114. nempe, „ Adamo peccante, non hic
 „ solum, sed tota ejus posteritas justitiam Dei donis, gratiâ,
 „ videlicet, & gloriâ, aliisque dotibus innocentie privata est
 „ ex his satis, superque evincitur, Sfondratum non evacuasse,
 „ non eliminasse, non diminuisse, non extenuasse peccatum ori-
 „ ginalis, sed ejus essentiam, proprietates, ac effectus concinnè,
 „ & dilucidè descripsisse, quamvis de eo hic obiter, & per tran-
 „ sennam egerit. Quod si liceret Sfondrati mentem de hoc dog-
 „ mate ex ejus opusculo de Innocentiâ vindicatâ colligere, ita
 „ pluribus in locis eum loquentem audiremus §. 2. n. 2. „ Pec-
 „ catum originale animæ pulchritudinem, & imaginem super-
 „ naturalem, quæ in gratiâ consistit, penitus obliterat, red-
 „ ditque Deo exosam, ac indignam æternâ vitâ, & ideo qui
 „ peccato originali tenentur in sacris litteris vocantur FILII
 „ IRÆ, MASSA DAMNATA, VASA CONTUMELIÆ &c. Quid rogo
 „ funestius de hoc peccato dici possit, quàm ejus causâ tot ani-
 „ marum millia PERISSE? Multorum sententia est, triginta
 „ mille circiter hominum milliones in hoc mundo reperiri,
 „ docetque experientia, mediam ferè eorum partem, qui na-
 „ scuntur prius mori, quàm ad usum rationis perveniant.
 „ Multæ ergo hominum myriades, quotquot, videlicet, ba-
 „ ptismo non tinguntur, deceduntq; ante usum rationis nul-
 „ lius alterius delicti rei, quàm peccati originalis cælo arcen-
 „ tur,,

„ tur „ Et num. 3. de eodem peccato originali „ Nihil magis
 „ ad ignominiam, quàm peccatum pertinet; Nihil enim corā
 „ Deo vero rerum aestimatore pejus, sediusq; de homine dici
 „ potest, quàm peccatorem esse, gratiā, ac amore indignum,
 „ nihil quoque indecentius cū peccatum sit ipsissima indecē-
 „ tia &c. Peccatum originale non tantū animæ faciem ma-
 „ culat, verū etiam penitus obliterat, fadatq; & odio dignā
 „ reddit, ac mortis ream &c. In peccato non mora, sed seditas
 „ aestimatur, & ita præstat, vel totā æternitate exulem esse ca-
 „ lo, & infelicem, quàm uno momento peccatorem „ Item §.
 „ 8. n. 2 „ Peccatum originale absolutè malum est, objectumq;
 „ divinæ abominationis &c. & n. 4. „ Deus potestatem habe-
 „ bat eligendi Matrem, quam volebat, quis ergo credat, cū
 „ posset innocentem, & intactam habere, maluisse corruptam, &
 „ infamem? & corruptam non à juvene aliquo, aut lenone im-
 „ pudico, sed ab omnium creaturarum turpissimā, & vilissimā
 „ Deique inimicissimā, qualis Diabolus est? „ Aurea hæc pror-
 „ sus, & cedro digna verba, quæ omnia tamen vel in sententiis
 „ ex libro de Nodo Prædestinationis decerptis, & suprà pro-
 „ ductis expressè asseruntur, vel ex iisdem per legitimam, & ne-
 „ cessariam consequentiam evidenter inferuntur.

PROPOSITIO TERTIA.

Parvuli, qui sinè Baptismo decedunt, beati quidem non
 sunt, nec tamen pereunt. pag. 114. lin. 18,

N O T A.

Longè aliter de pueris à peccato originali per Baptismum non
 liberatis SS. Patres, & Concilia passim loquuntur: non nul-
 los eorum locos asserre suffecerit. S. Ambrosius in cap. 15. Luca
 sic habet „ fuit Adam, & in illo fuimus omnes, periit Adam,
 „ & in illo omnes perierunt. Magno peccato, inquit, S. Prosper
 in responsione ad dubium sextum Genuensium, periit Adam, &
 „ in illo omnes perierunt, quia omni homini damnatā nutritivitate
 „ genito hoc in Adam debetur, ut pereat. Author libri de vocatio-
 „ ne gentium cap. 24. „ sine Baptismo mortuos periisse non dubi-
 „ um est, qui utique nisi gravissimi peccati essent participes non

„ perirent „ Concilium Chortaginense sub Aurelio apud Augustinum epist. 96. „ Quicumque negat parvulos per Baptismum „ Christi à perditione liberari, anathema sit „ si per Baptismum liberantur à perditione, ergo antea periti erant, seu perierant ob peccatum, videlicet, originale.

S. Bernardus epist. 290. ad Innocentium II. Papam, refellens errores Petri Abaelardi, pueros per originale peccatum periisse, atque idèd redemptione Christi egere docet his verbis „ An si-
„ cut non habent (pueri) undè diligant, ità nec undè pereant, ut
„ non sit eis in Christo necessaria regeneratio? . . . si ita sapit
„ (Abaelardus) cum Pelagio desipit „

DISPUNCTIO.

Illa propositio integra non est, cum sit tantummodò pars unius periodi, cui subiungit Eminentiss. Author „ Adamo ergo peccante non is solum, sed tota ejus posteritas justissime Dei donis, gratià, videlicet, & glorià, aliisq; dotibus innocentiae privata est, non tamen æternis suppliciis addicta, & idèd de non baptizatis dicitur quidem Iohannis 3.
„ nisi quis renatus fuerit ex aqua, & spiritu sancto non potest
„ introire in Regnum cælorum, non dicit Christus, æternis ignibus crucietur, sed non introibit in Regnum cælorum „ videas hìc clarissimè assertum à Sfondrato contrà Pelagianos dogma catholicum de pœnà parvulorum cùm solo originali decedentium consistente in privatione gloriæ, & exclusionè à Regno cælorum ipsa autem exclusio à Regno, ut rectè loquitur Mastrius in 1. sentent. disp. 5. quæst. 3. art. 2. n. 24; etiam præcisè spectata mors est, & perditio rationalis creaturæ Pariter videas ibidem, parvulos esse ab Authore ereptos ab æternis suppliciis, seu perpetuis ardoribus, & in hoc sensu dictum eos non perire. Cùm enim scriptor frequenter in hoc libro usus fuerit verbo illo *perire* loquens de damnatione adultorum, qui sanè utràque pœnà damni, & sensus plectuntur; ut deinde procederet cohærenter ad sententiam suam; & communem in scholà Theologicà de solà pœnà damni parvulis absque baptismo decedentibus inflictà, non debebat simpliciter, & absolute pronunciare, quòd illi parvuli pereant.

Quamobrem Cornelius Mussus vitæ integritate, & doctrinæ
fa-

famâ celeberrimus in comment. sup. epist. ad Rom. priusquam assereret, quod illi infantes pereant, ductus eâdem ratione, quâ Sfondratus permotus fuit ad ita loquendum, huiusmodi contestationem præmisit „ Ad difficultatem, inquit in cap. 5. „ ejusdem epist., de infantibus in utero, quos Adæ delictum „ inficit, non salvat autem Christi donum, NON AUDEO RES- „ PONDERE, QVOD PEREANT. Ad id enim negandum divina „ misericordia me compellit; non audeo item respondere, „ quòd salventur, quoniam aperta nimis sententia illa est, quâ „ jurejurando confirmavit Christus Jesus Johan. 3. *Amen* „ *amen dico vobis, nisi quis renatus fuerit ex aquâ, & Spiritu* „ *Sancto non potest introire in Regnum Dei* „ Hocce tanti vi- ri testimonio nihil opportunius, nihil luculentius depromi poterat.

Sed quia Cenfor adhuc vim facit in verbo illo PERIRE; pro discendâ germanâ illius vocis explicatione, ut ad rem præsen- tem facit, magistrum appello Latinorum Patrum Coryphæum Augustinum, cujus judicium, uti reor, non detrectabit No- tator: *Ille perire Deo dicitur*, docet S. Pater tract. 89 in Io- hannem, *quisquis ab illâ beatitudine, quam dat Sanctis suis, per supplicium separatur*. Propterea Augustinus cum illos in- fantes à sanctorum beatitudine per supplicium seu per gehennâ ignis separatos tradit, ut deindè propriè, & concinnè loque- retur, proferre debebat, eosdem PERIRE. E contrâ Eminen- tifs. Author, cum illos infantes à sanctorum beatitudine per supplicium seu gehennam ignis separari juxta communè scho- lasticorum sententiam inficietur, nè sibi met committeretur, non debebat simpliciter, & absolutè pronunciare eosdem pe- rire. Alludere certè voluit magnus Augustinus in eâ declara- tione illius verbi PERIRE, usus voce supplicii, ad gehennam ignis, quæ Apocalypseos 20. appellatur mors secunda, nam prima mors, ut exponunt Victorinus, Andreas, Beda, Hay- mo, Lyranus, & alii apud Cornelium à Lapide in cap. 2. Apo- calyps. est mors animæ per peccatum, & hac morte omnes Adę posteros mortuos esse, atque periisse volunt SS. Ambrosius, Prosper, & Bernardus à Cenfore allegati, ut ex eorumdem ver- bis compertissimum est. Ita autem prima mors, quæ ad fidei dogma spectat, per privationem gratiæ, & justitiæ originalis à Sfondrato solidissimè asserta in disputatione notæ contrâ se- cundam

cundam propositionem allata fuit, ubi etiam in eandem sententiam adduximus præclarissima verba salmeronis.

Denique controversiam hanc de voce dirimat Concilium Carthaginense, & ipsemet Censor ejusdem interpres. statuit Carthaginensis Synodus à Notatore producta, parvulos per baptismum Christi à perditione liberari; ex quo infert Censor, ergo antea perditæ erant seu perierant ob peccatum originale. Idem igitur est, parvulos ob peccatum originale perire, ac esse perditos; atque omnes ab Adam esse perditos conceptis terminis affirmat Sfondratus iniquens pag. 52. *Adam omnes perdidit*, ergo Sfondratus ex præscripto Carthaginensis Synodi, & explicatione Censoris omnes propter Adæ peccatum esse perditos, & perire docet.

Pariformiter de hac morte primâ S. Bernardum intellexisse verbum illud PERIRE, elucescit ex capitulis hæresum Abaelardi ab eodem S. Abbate collectis, ac Summo Pontifici transmissis, ubi in octavo capitulo narratur, Abaelardum sensisse, quod *non contraximus ex Adam culpam, sed penam*: subindè communiter circumfertur hoc dictum S. Bernardi ex serm. 3. de Resurrectione pro infantibus, quibus peccatum originale est voluntarium voluntate alienâ, nempe, *Tolle propriam voluntatem, & non eris infernus, nihil ardebis in inferno, præter propriam voluntatem*. Evidenter igitur ex huc usque dictis constat, Eminentiss. Authorem asserere, omnes ex Adæ peccato perditos, & periisse morte primâ, non autem omnes (ut in hac voce includuntur parvuli cum solo originali decedentes) simpliciter, & absolutè perire, idest, morte secundâ quatenus involuit gehennâ ignis. Undè in calce superioris disputationis accepimus, ipsum Sfondratum in opusc. de (Innocentia vindicata § 2. n. 2. in hæc verba elocutum de peccato originali. Quid, rogo, funestius de hoc peccato dici possit, quam ejus causâ tot animarum millia periisse?

PROPOSITIO QVARTA.

39

Si Deus parvulos ad gloriam non elegit, non ideó sequitur, eos damnari, pag. 118. lin. 18.

Parvuli non damnantur, & innocentiam personalem, quæ peccatis actualibus opponitur, illibatam servant, pag. 164. lin. 5.

N O T A.

P Arum est Authori parvulos cum peccato originali decedentes quâcumque pænâ sensus eximere, nisi etiam pronunciet, illos absolutè non damnari, quod est contrà Apostolum dicentem ad Rom. 5. v. 18. Per unius delictum in omnes homines in condemnationem, & contrà sententiam, & communem loquendi modum SS. Patrum.

D I S P U N C T I O.

V Erè Eminentiss. Author pag. 115. cum S. Augustino expressè confessus est, parvulos sine baptismo decedentes damnari. *Quis dubitaverit, inquit, parvulos non baptizatos in damnatione omnium levissimâ futuros?* Pariter cum eodem S. Augustino antea pag. 40. scriptor investus fuerat contra Pelagianos *Videris, ait, tibi misericors, quia non auferis ei vitam, damnas tamen, quem separas à Regno Cælorum. Damnas, non eum percutis, sed in exilium mittis, & mox ex semetipso ita subdit.* „ Vos dicitis, Deum tam multos eorum, quos ad imaginem suâ „ finxit, & ad felicitatem æternam creavit, non quidem æternis flammis addixisse, sed tamen spontè suâ, nullâque prævisâ culpâ cælo eliminasse, vobisque misericordes, clementesq; videmini, quia non infertis quidem eis pœnam, *damnat* „ *tis* tamen *cum Cælo excluditis.* „ Docet ergo Sfondratus cum magno Augustino, & in sensu proprio, parvulos sine baptismo decedentes per exclusionem à Regno cælorum *damnari.* Cum ergo ipsemet in locis à Censore allegatis, & alibi dicit, parvulos sine baptismo defunctos non damnari, vel loquitur eo sensu, quo S. Augustinus lib. 1. ad Bonifacium cap. 10. pronunciat,

vit: *non enim damnatur, nisi qui concupiscencia carnis consensit ad malum*, vel illud intellexit eo modo, quo Salmoron tom. 13. disput. 48. in c. 5. epist. ad Rom. dixit, „ illos pueros cum solo „ originali decedentes non esse ita damnatos, ut puniantur pœ- „ nâ sensus, vel, ut ait pag. 455 non esse illos pueros simpli- „ citer damnatos, vel, ut locutus est Episcopus Abelly par. 1. Medullæ Theologicæ tract. 4 c. 5. „ illos infantes lubituros „ æternam damnationem, quatenus consilii in privatione „ gloriæ, & beatitudinis, „ quo sentu eruditissimus Petavius tom. 1. Theologicorum dogmatum lib. 9. cap. 10. num. 9. exponens mentem S. Augustini de pœnis parvulorum ait: *non est aliud æterna pœna ignis, & gebenna, nisi perfecta, integraque dam- natio.*

Quare Joseph Maria Requesenius in Collegio Romano soc. Jesu studiorum Præfectus in opusculis Theologicis Romæ recensis ex his verbis Christi Domini: *Qui crediderit, & baptizatus fuerit salvus erit, qui verò non crediderit, condemnabitur* opusc. 1. Theolog. lect. 1. n. 14. infert, non baptizatis præcisè ob solam carentiâ baptismi imponi solummodo à Christo in pœnam excludi à Regno calorum, non autem damnari, & omissionem baptismi non trahere de se damnationem, hanc verò deberi soli incredulo, idque fundat Requesenius in doctrinâ Innocentii Tertii gravissimi, & doctissimi Pontificis *cap. Maiores de Baptismo*, ubi illa verba servatoris Marci ultimo, & alia à Sfondrato relata ex Johann. 3. dicuntur esse intelligenda solum de adultis, non autem de parvulis propter rationem ibi assignatam. In hoc sensu docuit S. Bonaventura in 2. sentent. dist. 34. quæst. 2. in corp. „ decedentes in solo originali quasi „ medium tenere inter habentes gratiam, & culpam actualem, „ & quoniam status retributionis respondere debet statui vitæ „ præsentis, in tali statu debere animas parvulorum poni, ut „ quasi medium teneant inter beatos, & æternis ignibus cruci- „ ciatos. Quoniam igitur beati carent malo pœnæ sensibilis, & „ cum hoc habent Dei visionem, *Damnati* è contrario sunt in „ tenebris, & puniuntur pœnâ sensibili, parvuli secundum „ rectum ordinem divinæ æquitatis debent communicare in „ uno cum *Damnatis*, & in alio cum beatis, sed non possunt „ communicare cum beatis in habendo divinam præsentiam, „ quia tunc in nullo communicarent cum *Damnatis*, præsen- „ tia

„ tia enim visionis Dei non stat cum pœnâ sensibili; ideo cum
 „ beatis communicant in hoc, quòd carent omni afflictione
 „ exteriori, vel interiori, cum *damnatis* verò in hoc, quòd
 „ privantur visione Dei, & lucis corporalis. Parvuli igitur sic
 „ divino iudicio iusto inter beatos, & simpliciter miseros, qua-
 „ si in medio constituti sunt.

Videas in verbis Doctoris Seraphici, pueros absque Baptismo decedentes, & solâ pœnâ damni mulctatos distingui ab adultis utrâque pœnâ damni, & sensus punitis, qui dicuntur simpliciter, & absolute *damnati*, quod etiam adnotandum erit in aliis textibus infra afferendis ejusdem S. Doctoris, aliorumque Theologorum, ut etiam patet ex communi, & vulgari modo loquendi. Unde Præceptor Angelicus in 3. dist. 22. q. 1. art. 1. quest. 2. „ Quadruplex, inquit, est infernus. Unus
 „ est *damnatorum*, in quo sunt tenebræ, & quantum ad carentiam
 „ divinæ visionis, & quantum ad carentiam gratiæ, & est
 „ ibi pœna sensibilis: & hic infernus est locus *damnatorum*.
 „ Alius est infernus supra istum, in quo sunt tenebræ, & pro-
 „ pter carentiam divinæ visionis, & propter carentiam gratiæ,
 „ sed non est ibi pœna sensibilis, & dicitur Limbus puerorum.
 „ Alius supra hunc est, in quo sunt tenebræ quantum ad carentiam divinæ visionis, sed non quantum ad carentiam gratiæ, sed est ibi pœna sensus, & dicitur Purgatorium. Alius
 „ magis supra est, in quo est tenebra quantum ad carentiam divinæ visionis, sed non quantum ad carentiam gratiæ, neque
 „ est ibi pœna sensibilis, & hic est infernus Sanctorum Patrum,
 „ & in hunc tantum Christus descendit quantum ad locum, sed
 „ non quantum ad tenebrarum experientiam. „ Quid autem
 importet ea verba Apostoli à Censore obiecta ex epist. ad Rom. 5. jam didicimus ex Johanne Viguerio supra relato, nimirum,
 „ per iram, indignationem, & condemnationem accipitur
 „ sola exclusio à gratiâ, & originali iustitiâ, ac etiam à regno
 „ cælorum, & restitutio naturæ ad conditionem suam, „ Eadē
 Apostoli verba explanat Salmeron ibidem opponens condemnationem justificationi vitæ, affirmansque per condemnationē significati mortem primam, idest, *explicationem donorum, & immortalitatis*, non autem mortem secundam, idest, *gebennam ignis*. Unde eadem Apostoli verba *per unius delictum in omnes homines in condemnationem*, ita appositè interpretatur Cornelius

lius à Lapide,, Fluxit ex uno peccato Adæ in *utraque* idest,
 „ in condemnationē, ut omnes etiam parvuli essent obnoxii,
 „ condemnationi, idest, pœnæ damni, etsi non sensus, ut do-
 „ cent plerique scholastici., Cum autē Card. Author pluribi
 clarissimis verbis profiteatur, parvulos ex peccato Adæ obno-
 xios esse pœnæ damni, optime ipse salvat textum illum Aposto-
 li juxtà doctrinam plerorumq; scholasticorum.

N O T A.

DE parvulis, inquiunt Episcopi Aprica in Sardinia pro
fide exules in epistolâ suâ synodicâ, Indubitanter tenen-
 „ da catholicæ regula veritatis, quia parvulus, qui baptizatur,
 „ gratuitâ Dei bonitate salvatur, qui verò sine baptismate mori-
 „ tur propter peccatum originale damnatur,, Eodem modo lo-
 quantur S. Augustin. Enchir. cap. 23. lib. 1. de origine animæ
 cap. 2., & alibi, S. Fulgentius lib. de Fide ad Petrum cap. 3., S.
 Gelasius epist. ad Episcopos per Picenum; S. Gregor. lib. 9. mo-
 raliū cap. 26., & alii.

DISPUNCTIO.

PAtres isti à Cenfore adducti, utpotè qui parvulis illis utrâ-
 que pœnam damni, & sensus attribuunt, nihil ad rem præ-
 sentem faciunt, & Authorem communem scholasticorum sen-
 tentiam de pœnis parvulorum sectatum nullatenus afficiunt.

Quoad S. Fulgentium notat Natalis Alexander dissert. 16.
 in hist. eccles. sæculi secundi, præcipuam ejus propositionem
 ex lib. de fide ad Petrum ad hanc materiam spectantem fuisse
 hujusmodi, *Parvuli sive in uteris matrum vivere incipiunt,*
 „ *& ibi moriuntur, sive jam de matribus nati sine Sacramento*
 „ *santæ Baptismatis de hoc seculo transeunt eternâ penâ dam-*
 „ *nantur*: Hanc assertionem, inquit Natalis, ut dogma fidei
 „ S. Fulgentius meritò proposuit Pelagianorum errori opposi-
 „ tum, qui parvulos præfatos in loco distincto à regno cælo-
 „ rum vitam beatam æternū acturos effutiebant, quia nullum
 „ in iis agnoscebant originale peccatum; perindè hanc suæ as-
 „ sertionis rationem profert S. Fulgentius: *quia eisi propterea*
 „ *actionis peccatum nullum habuerunt, originalis tamen peccati*
 „ *dum-*

„ *damnationem carnalis conceptione, & natiuitate traxerunt.*
 „ Propositio ejus incidens fuit, *quod damnatio parvulorum*
 „ *sine baptismo decedentium ignis æterni sempiternum invo-*
 „ *luit supplicium*, „ quam propositionem ut Fidei dogma non
 propofuit S. Fulgentius de quo etiam sciendum est ex Ferran-
 do Cartaginensis Ecclesiæ Diacono ejusdem S. Præfulis disci-
 pulo in ejus vitâ cap. 20., ipsum S. Doctorem fuisse *linguam, &*
ingenium illorum sanctorum Antistitum Aphricæ in Sardinia
 exulum, qui teste eodem Ferrando „ quandocumque rescri-
 „ bebant consulentibus, Episcoporum nomina cunctorum
 „ dicebantur in titulo, sed solius B. Fulgentii sermo tenebatur
 „ in stylo „ & paulò antea de eodem S. Fulgentio dixerat
 „ Huic quandocumque transmarinis literis de fide, vel de di-
 „ versis quæstionibus interrogabantur Episcopi respondere
 „ pro omnibus, ab omnibus imponebatur . . & iste meruerat,
 „ ut literas ex Aphricano Cōcilio dandas solus ipse scriberet „
 Eodem igitur sensu Patres illi Aphricani dixerant eos parvulos
 damnari, quo S. Fulgentius, ut supra ex Natali Alexandro
 novimus, protulit, eisdem æternâ pœnâ damnari, idest, ex-
 clusione à Regno cælorum puniri, idque indubitanter tenen-
 dum cœu catholicæ regulam veritatis.

Undè Eminentissimus Bellarminus lib. de amiss. grat. &
 stat. pecc. lib. 6. cap. 5. cum SS. Patres à Censore allegatos se-
 cundum illam Theologorum sententiam exponere curasset,
 postea subdit de Authoritate S. Fulgentii. *Quod si Beatus Ful-*
gentius fortè aliter sensit, non facimus illi injuriam, si B. Gre-
gorium Nazianzenum cum universâ scholâ Theologorum sequi
malimus. Indicat Bellarminus Nazianzenum in oratione de
 baptismo, cujus græca verba ita latinè vertit Illustriss. Habertus
 Episcopus Vabrensis Doctor Sorbonicus in tom. de Gratiâ
 lib. 2. cap. 10. „ Qui Baptismum suscipiendi facultate carent,
 „ propter ætatem puerilem, existimo eos neque gloriâ donan-
 „ dos, neque pœnâ multandos fore, ut qui baptismi quidem
 „ characterem non habeant, sed improbitate quoque non la-
 „ borent, verùm, & ipsi damnum potius passi fuerint, quàm
 „ injuriam fecerint. Neque enim quisquis dignus supplicio
 „ non est, protinùs honorem quoque meretur, quemadmodù
 „ nec quisquis honore indignus est, statim etiam pœnam pro-
 „ meretur „ Conqueritur ibi Habertus, clarissima Nazianze-

lius à Lapide,, Fluxit ex uno peccato Adæ in *transmissa* idest,
 „ in condemnationē, ut omnes etiam parvuli essent obnoxii,
 „ condemnationi, idest, pœnæ damni, etsi non sensus, ut do-
 „ cent plerique scholastici., Cum autē Card. Author pluribi
 clarissimis verbis profiteatur, parvulos ex peccato Adæ obno-
 xios esse pœnæ damni, optimè ipse salvat textum illum Aposto-
 li juxta doctrinam plerorumq; scholasticorum.

N O T A.

DE parvulis, inquiunt Episcopi Aphricæ in Sardinia pro
fide exules in epistolâ suâ synodicâ, Indubitanter tenen-
 „ da catholice regula veritatis, quia parvulus, qui baptizatur,
 „ gratuitâ Dei bonitate salvatur, qui verò sine baptismo mori-
 „ tur propter peccatum originale damnatur,, Eodem modo lo-
 quuntur S. Augustin. Enchir. cap. 23. lib. 1. de origine animæ
 cap. 2., & alibi, S. Fulgentius lib. de Fide ad Petrum cap. 3., S.
 Gelasius epist. ad Episcopos per Picenum; S. Gregor. lib. 9. mo-
 raliū cap. 26., & alii.

D I S P U N C T I O.

PAtres isti à Censore adducti, utpotè qui parvulis illis utrâ-
 que pœnam damni, & sensus attribuunt, nihil ad rem præ-
 sentem faciunt, & Authorem communem scholasticorum sen-
 tentiam de pœnis parvulorum sectatum nullatenus afficiunt.

Quoad S. Fulgentium notat Natalis Alexander dissert. 16.
 in hist. eccles. sæculi secundi, præcipuam ejus propositionem
 ex lib. de fide ad Petrum ad hanc materiam spectantem fuisse
 hujusmodi, *Parvuli sive in uteris matrum vivere incipiunt,*
 „ & ibi moriuntur, sive jam de matribus nati sine Sacramento
 „ sancti Baptismatis de hoc sæculo transeunt eternâ penâ dam-
 „ nantur: Hanc assertionem, inquit Natalis, ut dogma fidei
 „ S. Fulgentius meritò proposuit Pelagianorum errori opposi-
 „ tum, qui parvulos præfatos in loco distincto à regno cælo-
 „ rum vitam beatam æternū acturos effutiebant, quia nullum
 „ in iis agnoscebant originale peccatum; perindè hanc suæ as-
 „ sertionis rationem profert S. Fulgentius: *quia etsi propterea*
 „ *actionis peccatum nullum habuerunt, originalis tamen peccati*
 „ dam-

„ damnationem carnali conceptione , & natiuitate traxerunt.
 „ Propositio ejus incidens fuit , quod damnatio parvulorum
 „ sine baptismo decedentium ignis æterni sempiternum invo-
 „ luit supplicium , , quam propositionem ut Fidei dogma non
 „ proposuit S. Fulgentius de quo etiam sciendum est ex Ferran-
 „ do Cartaginensis Ecclesiæ Diacono ejusdem S. Præfulis disci-
 „ pulo in ejus vitâ cap. 20. , ipsum S. Doctorem fuisse *linguam* , &
ingenium illorum sanctorum Antistitum Aphricæ in Sardinia
 exulum , qui teste eodem Ferrando , , quandocumque rescri-
 „ bebant consulentibus , Episcoporum nomina cunctorum
 „ dicebantur in titulo , sed solius B. Fulgentii sermo tenebatur
 „ in stylo , & paulò antea de eodem S. Fulgentio dixerat
 „ Huic quandocumque transmarinis literis de fide , vel de di-
 „ versis quætionibus interrogabantur Episcopi respondere
 „ pro omnibus , ab omnibus imponebatur . . & iste meruerat ,
 „ ut literas ex Aphricano Cœcilio dandas solus ipse scriberet ,
 Eodem igitur sensu Patres illi Aphricani dixerant eos parvulos
 damnari , quo S. Fulgentius , ut supra ex Natali Alexandro
 novimus , protulit , eosdem æternâ pœnâ damnari , idest , ex-
 clusione à Regno cælorum puniri , idque indubitanter tenen-
 dum cœu catholicæ regulam veritatis.

Undè Eminentissimus Bellarminus lib. de amiss. grat. &
 stat. pecc. lib. 6. cap. 5. cum SS. Patres à Censore allegatos se-
 cundum illam Theologorum sententiam exponere curasset ,
 postea subdit de Authoritate S. Fulgentii. *Quod si Beatus Ful-*
gentius fortè aliter sensit , non facimus illi injuriam , si B. Gre-
gorium Nazianzenum cum universâ scholâ Theologorum sequi
malimus. Indicat Bellarminus Nazianzenum in oratione de
 baptismo , cujus græca verba ita latinè vertit Illustriss. Haber-
 tus Episcopus Vabrensis Doctor Sorbonicus in tom. de Gratiâ
 lib. 2. cap. 10. , Qui Baptismum fuscipiendi facultate carent ,
 „ propter ætatem puerilem , existimo eos neque gloriâ donan-
 „ dos , neque pœnâ mulctandos fore , ut qui baptismi quidem
 „ characterem non habeant , sed improbitate quoque non la-
 „ borent , verum , & ipsi damnum potius passi fuerint , quàm
 „ injuriam fecerint . Neque enim quisquis dignus supplicio
 „ non est , protinùs honorem quoque meretur , quemadmodù
 „ nec quisquis honore indignus est , statim etiam pœnam pro-
 „ meretur , Conqueritur ibi Habertus , clarissima Nazianze-

ni verba à quibusdam in diversa abreptis perperam in alium sensum torqueri, eaque vindicat ex Commentario Nicetæ Heraclæensis Episcopi, & ostendit, ibi Theologum agere de toro, & integro statu illorum parvulorum decedentium cū solo peccato originali, quos ait *μὴτε κατὰ τὸν ὄντα, μὴτε διὰ τὸν ὄντα*, neque glorificandos, neque plectendos tanquàm *ἀσπράγγους* idest, *signaculo carentes*, & tanquàm *ἀπὸ παντὸς κακότητος* idest, *malitiâ carentes*. S. Gregorius Nazianzenus autem, teste Cardinali Bellarmino, „ est vir sine controversiâ doctissimus, & in fidei dogmatibus conservandis diligentissimus, & de infantibus sine baptismo decedentibus asserit, inquit idem Bellarminus, eos non „ plecti pœnâ sensus, quoniâ illa propriâ improbitati debetur „ quâ illi carent. „ *Antibi parva in uno Gregorio Episcoporum Orientalium videtur auctoritas* [ita contrâ Julianum lib. 1. cap. 5. invehitur S. Augustinus post productum ex eâdem oratione Gregorii Theologi in sanctum baptismi testimonium]. *Est quidem tanta persona, ut neque ille hoc nisi ex fide Christianâ omnibus notissimâ diceret, nec illi eum tam clarum haberent, atque venerandum, nisi hæc ab illo dicta ex regulâ notissimæ veritatis agnoscerent.*

N O T A.

QUapropter Bellarminus, licet eorum sententiam probet, qui parvulos sine baptismo decedentes à pœnâ sensus eximunt, si de tamen catholicâ docet „ eos absolutè esse damnatos, & non solâ „ cælesti, sed etiam naturali beatitudine perpetuò carituros, quâ „ de re sic graviter monet: Hoc loco, inquit, illud præsanctum esse „ videtur, misericordiam nostram ergà parvulos jam defunctos „ nibile eis prodesse, & contrâ nihil eis obesse sententiæ nostræ severitatem, multum autem nobis obesse, si ob inutilem misericordiam ergà defunctos pertinaciter aliquid contrâ scripturas, aut „ Ecclesiam defendamus, idcirco non affectum quemdam humanum, „ quo plerique moveri solent, sed Scripturæ, Conciliorum, & „ Patrum sententiam consulere, & sequi debemus „ lib. 6. de amiss. grat. cap. 2.

DOlusè omisit Censor prima verba Bellarmini, nempe; „ Ex enumeratis sententiis, prima, & secunda non solum „ falsæ, sed etiam hæreticæ existimandæ sunt, prima autem sententia fuit eorum, qui regnum cœlorum infantibus non baptizatis permittere audebant, etiam si non negarent; eos in „ peccato originali conceptos, & natos. Altera sententia fuit „ eorum, qui parvulos non baptizatos excludebant à regno „ cœlorum, & vitâ beatâ Sanctis promissâ, tamen eis dabant „ vitam æternam, & naturalem beatitudinem sine ullâ molestiâ, aut dolore extra regnum Beatorum, & procul à carcere „ damnatorum, hoc est in loco medio inter gehennam, & cælum, ad quem errorem proximè accessisse videntur Ambrosius Catharinus, Albertus Pighius, & Hyeronimus Savonarola.

Nihilò tamen secùs ea Eminentiſs. Bellarmini censura videtur immodica, & nimia pluribus Theologis, qui propter eâ nixi autoritate veterum Doctorum aliqualem beatitudinem naturalem illis infantibus sine baptismo defunctis attribuire non dubitarunt; Enumerat Joseph Maria Requesenius in opusculo de statu parvulorum sect. 2. complures maximi nominis Theologos illis parvulis aliqualem, & imperfectam beatitudinem naturalem concedentes. „ Riccardus, inquit, in 2. dist. 33. art. „ 3, quæst. 2. docet, eos parvulos habituros plura bona, & majus gaudium de eorum possessione, quàm habeant de bonis „ creatis peccatores in hac vitâ. Lyranus in cap. 4. ecclesiast. „ ait, illos pueros ex omnium Doctorum sententiâ potituros „ vitâ feliciore, quàm possit in hoc mundo naturaliter haberi; „ eodem ferè modo loquuntur Origenes homil. 7. in Num; „ Marsilius in 2. quæst. 19. art. 5. S. Bonaventura, Cajetanus, „ & alii relati à Cornelio à Lapide in comment. super loc. cit. „ ecclesiast. qui omnes docent, pueros sine baptismo decedentes feliciorem ibi, quàm viventes vitam agere. „ Lessius lib. 3. de perfect. divinis n. 143. & seq. scribit „ Quòd „ etiam si illi dicantur damnati, quia cœlesti gloriâ, ad quam „ erant conditi, in æternum sint privati, tamen credibile est „ eorum statum longè feliciorem, ac lætiorem fore, quàm sit „ alicujus hominis mortalis in hac vitâ. „ Salmeron disput. 48.

48. in c. 5. epist. ad Rom., Resurgent, ait, pueri per Christum, & supra hunc ordinem naturalem, quo quotidie proficiunt in cognitione operum Dei, & substantiarum separatarum, visitationes habebunt Angelicas, & tanquam nostri Rustici hanc terram incolent, & qui medii sunt inter gloriam, & supplicium, sint etiam medii in loco, Suarez 1. 2. disp. 9. sect. 6. n. 4. manebunt, ait, pueri in suis naturalibus bonis, ac sua erunt sorte contenti, & n. 6. (ut indicat Requesenius loc. cit.) unà cum Marfilio apud Azorium cap. 33. quest. 5. tribuit illis cognitionem, & amorem Dei super omnia, ac reliquas naturales virtutes, eademque ferè insinuat tom. 2. in 3. par. disp. 50. sect. 5. & disp. 57. sect. 6., ubi docet, eos pueros frui debere naturalibus bonis. Didacus Ruiz plurimæ lectionis Theologus disp. 61. de volunt. Dei sect. 4. n. 3. ponit hanc conclusionem, Magna misericordia miscetur in punitione infantium morientium in originali peccato, licet non in diminutione pœnæ damni, quoniam est incapax diminutionis, at in remissione mortis, quæ pœna directè debita fuit originali peccato, naturaliterque durasset in æternum, nihilominus in die Judicii resuscitandi sunt pueri, nunquam morituri, supernaturalique incorruptibilitate, & impassibilitate donati. supernaturaliter etiam accipient scientias per accidens infusas, & liberabuntur ab omni dolore, vel tristitiâ, morbo, tentationibus, & personalibus peccatis, quæ naturaliter solent oriri ex peccato originali. Consequenter autem liberantur à pœnis inferni, quas incurrerēt. Consonant huic doctrinæ Albertus 1. par. quest. 80. mem. 2. art. 4. ad 11., Alexander 1. par. quest. 39. memb. 3. propè fin., S. Thomas in 4. dist. 46. quest. 2. art. 2. ad 4., Haftenus Ruiz. Sunt plures alii, & graves Doctores (pergit inibi Requesenius) quos referunt, & sequuntur Arriaga tom. 3. disp. 52. sect. 1. n. 2., & Salas 1. 2. tract. 2. disp. 13. sect. 4. n. 24. 25. & 36., & tract. 13. disp. 11. sect. 6. quest. 3. ubi naturalem beatitudinem non simpliciter, sed secundum quid apertè illis concedunt; nec dissentit Scot. in 2. dist. 33. quest. 1. putans, probabile esse, omnium rerum naturalem cognitionem habituros longè majorem, quam omnes Philosophi habuerunt. His adiungere placet Raphaelem Venostum Novocomensem Congreg. Lateran. Ordinis S. Augustini lib. 2. de Prædest. c. 14.

scribentem, quòd,, Pueri in iustitiâ naturali decedentes etsi
 ,, non beantur supernaturali, ac indebitâ beatitudine, bean-
 ,, tur in Lympo naturali beatitudine,, item Johannem Vigue-
 rium in Institutionibus Theologicis tract. de pecc orig cap.
 18. §. 6. docentem, quòd parvuli cum solo originali deceden-
 tes non sunt privati beatitudine naturali.

Nihilominus Sfondratus hac de re procedit perquam sobriè,
 & castigatè, ut patet ex ipsis locis à Censore notatis. Palam
 enim profitetur pag. 114 quòd illi *parvuli beati quidem non sunt*,
 & pag. 119., quòd *Deus non fecit eos beatos*, & pag. 164. abso-
 lutè pronunciat, quòd illi *parvuli in eum statum bonorum na-
 turalium transferuntur, quem §. 1. ex Angelico Doctore des-
 cripsimus*. Indubitatum autem est, illam S. Thomæ sententiam
 nullatenus perstringi eâ censurâ Bellarmini, cum quo propte-
 reâ Author pag. 114. & 118. explicat quamdam auctoritatem S.
 Augustini ex lib. 3. de libero arbitrio cap. 23. nimirum, quòd
 illis parvulis absque baptismo decedentibus tribuatur quidem
 media sententia inter præmium Beatorum, & supplicium dam-
 natorum, non tamen medius locus inter Cælum, & infernum.

Cæterum, quod primo loco monendum erat, propositio
 Sfondrati à Censore notata est truncata, & mutilata, adeoque
 ita restituenda est suæ integritati,, ex quibus omnibus, inquit
 ,, Author, faciliè intelligas, magnum parvulorum, & adulto-
 ,, rum discrimen esse: si enim Deus parvulos ad gloriam non
 ,, elegit, non idèò sequitur damnari: at id sequitur in adul-
 ,, tis, in quibus rem ipsam si consideres, unum, idemque est
 ,, non eligi, quod damnari, cum medium non detur. „

Item altera propositio à Censore delata ex pag. 164. est velu-
 ti antecedens, ex quo Author facit hanc illationem. „ Ergò,
 ,, ut jam latè sæpè ostensum, certum est, etiam in parvulos.
 ,, maximam Dei misericordiam elucere, quamvis enim Dei vi-
 ,, sione, æternæque gloriâ priventur, at præservantur ne pec-
 ,, cent, hoc est, nè Deum ipsi offendant, ne iacturam inno-
 ,, centiæ faciant, nè perpetuis ignibus crucientur „ Eccè illi
 verbo Tò non *damnantur* pôsito in antecedenti respondet in
 consequenti istud Tò *perpetuis ignibus non cruciantur*. Ergò
 ex eisdem propositionibus à Censore accusatis in proparulo
 est, Authorem non excludere ab illis parvulis quamcumq; dâ-
 nationem absolutè, sed damnationem talem, idest, quæ in-

fi-

fligitur adultis, qui in peccato mortali personali defuncti utrâque poenâ damni, & sensus damnantur. Imò suprà retulimus, Authorem in lib. de Innocentiâ vindicatâ §. 2. n. 2. ita scribentem: „ Qui peccato originali tenentur, in sacris litteris vocantur *Filii iræ, Massa damnata, Vasa contumeliæ &c.* & hoc rectè deduci ostendit Author ex eo, quòd peccatum originale eil essentialiter privatio iustitiæ originalis, seu gratiæ.

PROPOSITIO QUINTA.

Qui solo peccato originali tenetur, dici non potest Deum deferere. . . priùs ergo quàm peccata hominum [actualia] præviderentur, sicquè quantum ex parte Dei fuit, nemo desertus, nemo exclusus, nemo reprobus, ergò nemo non electus. pag. 98. lin. 29. & lin. penult.

N O T A.

C Um catholicâ fide certum sit, propter peccatum originale parvulos baptismo renatos excludi à Regno calorum, & negativè saltem reprobari, ut docent omnes Theologi, contra fidem peccat, qui asserit neminem ob solum originale peccatum esse desertum, exclusum, reprobum, aut non electum. Hanc assertionem fidei principiis repugnare affirmat Cardin. de Lauræa opusc. 2. de reprob. cap. 5. n. 37., & ceriè si fide catholicâ tenendum est, parvulos cum peccato originali decedentes absolutè perire, & damnari, ut ex notationibus ad præcedentes propositiones constat; fide quoque catholicâ tenendum est, eosdem non fuisse electos, sed in massâ damnationis relictos, ut loquitur S. Augustinus, atque adeò exclusos, seu reprobos.

DISPUNCTIO.

S. Augustinus lib. 2. de Nupt. c. 2. de interpolatore quodam libri sui ad Valerium queritur, quòd alicubi mediis detrahis sententias interrumpere, alicubi extremis non additis decurreret. eâdem ratione querelam texere posset Sfondratus in Censore, qui quàm atrociter eam propositionem mutilavit, patet.

patet ex integro ejus textu, qui ita se habet „ Qui solo originali tenetur, dici non potest Deum deserere, cum ipse peccatum hoc non faciat, sed ab alio factum contrahat potius, quam committat; Si ergo Deus neminem deserit, nisi desertus, quomodo in illo prædestinationis decretorio momento, & in quo summa rerum incommutabiliter vertitur, tot hominum myriades deseruit, ab iis non desertus, hoc est, nullo eorum peccato, demeritoque præviso? Planè ut hæc omnium maxima desertio, ita non potuit à Deo initium ducere, sed à prævisis hominum peccatis, prius ergo quam peccata hominum præviderentur, sicque quantum ex parte Dei fuit, nemo desertus, nemo exclusus, nemo reprobus, ergo nemo non electus.

Ex integrâ, & adæquatâ Authoris propositione luce meridiana clarius est, ipsum inibi de reprobatione adulatorum duntaxat, qui per peccata personalia, & actualia Deum deserunt, & quorum peccata, & demerita à Deo prævidentur, sermonem habere, sicut etiam de eorundem adulatorum reprobatione locutus est Eminentiss. de Lauræa loc. cit. undè n. 44. legitur hæc conclusio „ Alii omnes, qui in adultâ ætate erant prævisi morituri in peccatis, sive cum propriis, & actualibus tantum, sive cum his & originali, etiam ob ea peccata fuerunt reprobati, sed originativè ob peccatum originale.

Huic potissimum veritati elucidandæ allaborat Sfondratus in hoc opere, ut Deus neminem prorsus à gloriâ excludat, nisi post prævisam ejus culpam. Quoad parvulos cum solo originali defunctos audivimus in superiori responsione Authorem his verbis pag. 40. adortum eos, qui asserunt illos parvulos damnari nullâ eorum culpâ prævisâ „ Vos dicitis, inquit, Deus tam multos eorum, quos ad imaginem suam finxit, & ad felicitatem æternam creavit, non quidem æternis flammis addixisse, sed tamen sponte suâ, nullâque prævisâ culpâ cælo eliminasse, vobisque misericordes, clementesque videri mini, quia non infertis quidem eis pœnam, damnatis tamen, cum cælo excluditis „ Quid clarius, quid luculentius dici poterat de illis pueris *damnatis ex prævisa culpâ*? Rursus pag. 48. „ Parvulos quod attinet, inquit; qui sine baptismo decedunt cælesti quidem regno; quippè paternæ culpæ reos, nec expiatis excludit „ Assignat paulò infra rationem „ De-

„ us quia iustus est, ait; non gratis, sed ob culpam saltem præ-
 „ visam punire decrevit „ Hæc autem est ipsissima ratio Car-
 „ dinalis de Lauræa loc. cit. à Censore, videlicet „ Deus iuste ob
 „ aliquam culpam parvulos istos damnare statuit ab æterno,
 „ sed aliam in eis non prævidit, nisi originalem, ergo ob istam
 „ tantum reprobavit „ Accedat modò Chrysostomus qui ho-
 „ mil. 16. in epist. ad Rom. expendēs hæc Apostoli verba, *omnes*
peccaverunt, & privantur gloriâ Dei, hæc habet eliquatissima,
 quorum splendorem nulla caligo obscurare poterit „ Si igitur
 „ omnes peccaverūt, quo pacto alii quidem servati sunt, alii au-
 „ tem perdit? Nempe, quòd non omnes accedere voluerunt,
 „ nam quòd quidem ad Deum spectat, salvi omnes effecti sunt,
 „ etenim vocati sunt omnes „ Desinat proindè mirari Censor,
 Emin. Authorem scripsisse, quòd quantum ex parte Dei fuit, ne-
 mo desertus, nemo ex exclusus, nemo reprobus, nè non electus.

PROPOSITIO SEXTA.

Nos dicimus exhiberi parvulis [sine baptismo decedenti-
 bus] si non gratiam sufficientem, quâ vitam æternam
 cons. qui possint, exhiberi tamen beneficium longè præ-
 stantius, quodque infinitis partibus ipsam gratiam suffi-
 cientem antecellat: eo enim beneficio prius è medio
 tolluntur, quàm peccatis se obstringant, & non damnan-
 tur; pag. 164. lin. 1.

Certum est etiam in parvulos maximam Dei misericordiâ
 elucere, quamvis enim Dei visione æternâque gloriâ pri-
 ventur, at præservantur nè peccent, hoc est, nè Deum
 ipsi offendant, nè iacturam innocentie faciant, nè per-
 petuis ignibus crucientur, quæ omnia, & maxima bene-
 ficia esse, & cælesti gloriæ certâ ratione præferri, & con-
 sequenter ad Christi merita, & Redemptionem pertine-
 re suprâ ostendimus; ibidem lin. 9.

N O T A.

Multa hîc afferuntur nova, & antea in Ecclesiâ Dei non audit a.
 Primum, quòd pueri sine Baptismo decedentes pertineant ad
 Re-

31

Redemptionem Christi, & ejus meritis maxima beneficia consequantur, quod planè contrarium est doctrinæ à Concilio Tridentino traditæ sess. 6. de justificat. cap. 6. ubi dicitur, „ Quod etsi Christus pro „ omnibus mortuus est, non omnes tamen mortis ejus beneficiū re- „ cipiunt, sed ii dumtaxat, quibus meritum passionis ejus commu- „ nicatur „ Ac statim additur, eam meritorum Christi communica- „ tionem fieri per Baptismum, in quo homines renascuntur, & justi- „ fificantur, quod etiam intelligendū de Sacramento penitentiae aliisq; „ Sacramentis, & presidiis à Deo institutis: id quod generaliter ad „ omnes homines pertinet, præcipuè tamen, & peculiari modo locū „ habet in pueris, qui non nisi per Baptismum actu ipsis collatum in ju- „ stificationem, & beatitudinem renascuntur, ut loquitur Augusti- „ nus epist. 89.

DISPUNCTIO.

IN sextâ Synodo act. 8. sugillatus fuit Macharius Antiochenus, quoddè verba D. Athanasii infideliter allegaret ex promptis iis, quæ errori, pro quo satagebat, favere viderentur, studiosè autem pressis cæteris, è quibus poterat veritas, & sana B. Athanasii doctrina constare. Eodem pede passim claudicat Censor, & in præsentī primâ propositione desiderantur hæc verba, „ Et in „ nocentiam personalem, quæ scilicet, peccatis actualibus op- „ ponitur, illibatam conservant, & in eum statum bonorum na- „ turalium transferuntur, quem §. 1. ex Angelico Doctore de- „ scripsimus, „ Quàm dolosè autem amputata fuerint hæc ver- „ ba, intrâ apparebit.

Nutquàm Censor adeò vehemens, & agitatus, nullibi adeò subdolanus, & callidus, quàm in hac, & proximè sequenti notâ, ubi totis lacertis in Authorem depugnat, omnemque movet lapidem, ut eum si non opprimat, saltē iniquiori invidiâ oneret. Tot enim, tamque disparata adversus ipsum congerit, ut tantis autoritatum, argumentorum, & disectorum involucris Lectori palpum obtrudat, inbecillium mentes confundat, & inanum larvarum terculamentis simplices deterreat. Ut autem responsio nostra viâ; ac ratione procedat, summam peritringam, quæ ad hujus notæ dispositionem reponenda sunt. In primis enim suadebimus, infantes absque baptismo decedentes plura beneficia à Deo recipere. Deindè declarabimus, hæc

ipsa beneficia illis attribui ex meritis Christi. Ulterius probabimus, præfervationem à peccatis, & à pœnâ æternâ ignis esse ingens Dei beneficium. Præterea explanabimus, hanc præfervationem etiam respectu illorum parvulorum præproperâ morte ante Baptisma ereptorum verè esse, & rectè appellari beneficium. Postremò evincemus, istiusmodi beneficium præfervationis à peccato, & gehennâ iisdem infantibus ex Christi meritis obvenire; cætera ad sequentis notæ disputationem reservabimus.

Neque novum neque in Ecclesiâ Dei inauditum, neque Concilio Tridentino contrarium, parvulos absque Baptismo decedentes variis beneficiis à Deo affici. Id satis demonstratum existimari potest ex testimoniis gravissimorum Doctorum à nobis in responsione ad quartam notam descriptis. Verum, & non nulla alia illis adiciamus. S. Bonaventura loco supra laudato docet, quòd „ Sicut in Beatis potissimè manifestatur misericordia, & in damnatis potissimè claret justitia, sic in istis parvulis manifestatur misericordia simul, & justitia (& ad secundum) Ad illud, ait, „ Quod obiicitur, quòd tristitia necessario sequitur, quando desiderium non impletur, dicendum, quòd verum est, quando nec impletur in se, nec fit recompensatio secundum æstimationem desiderantis, Quando verò secundum æstimationem desiderantis aliqua recompensatio fit, non necesse est tristari, sicut multi, qui vellent esse in Paradiso, benè consolantur de statu vitæ præsentis, quia contenti sunt his, quæ habent, quamvis modicum habeant: & sic in parvulis intelligendum est esse, quòd eis sufficiat status suus, nec elevent oculos ad opes, quas habere non possunt. Undè in lib. 2. Revelationum B. Brigittæ ita legitur cap. 1. æternus Judex allocutus illam sanctam faminam, „ Considera bonitatem, & misericordiam meam. Ego enim, „ sicut dicit Magister, facio illis virritem, qui non habent virtutem. Ego ex multa charitate omnibus illis, qui baptizati sunt, & infra annos discretionis moriuntur, do regnum cælorum, sicut scribitur, complacuit Patri meo talibus dare regnum cælorum. Adhuc etiam ex pietate meâ facio cum infantibus Paganorum misericordiam: nam quicumque eorum infra annos discretionis moriuntur, quia ad cognitionem faciei meæ venire non possunt, venient in locum quemdam tibi

„ tibi non licitum scire, ubi sine cruciatu morabuntur, „ Et lib.
 „ 5. revel. 2. interrog. 6. quæst. 1. „ O Judex quæro à te, cur
 „ alius infans procedit de utero matris vivus cōsecutus baptis-
 „ ma, alius acceptā animā intra viscera matris moritur? Re-
 „ spondit Judex inter alia. Non tamen propter hæc anima;
 „ quamvis ad vivificandum corpus longius tempus non acce-
 „ perit, durissimis appropinquat suppliciis, sed magis miseri-
 „ cordiæ mihi cognitæ. Sicut enim sol irradians domum non
 „ videtur, ut est in pulchritudine, nisi à respicientibus cælum;
 „ sed solummodò radii: sic animæ talium quamvis propter Ba-
 „ ptismi carentiam non viderint faciem meam, viciniùs tamen
 „ appropinquant miserieordiæ, quàm pœnæ, sed non sicut
 „ electi mei.

Non me præterit, nonnullos omnem penitus auctoritatem
 illis revelationibus adimere, easque anilibus fabellis accensere.
 Ast his Criticis advertere haud grave sit, eas S. Brigittæ revela-
 tiones fuisse Romæ editas, præviâ accuratissimâ recognitione,
 & approbatione sapientissimi Cardinalis Turrecremata; Quare
 ipsemet Sfondratus in opusculo de Innocentiâ vindicatâ §. 7.
 n. 12. de iisdem revelationibus hanc animadversionē attexuit „
 „ Quanti sint momenti, inquit, revelationes S. Brigittæ, do-
 „ ctissimè ostendit Cardinalis Turrecremata in prologo defen-
 „ sionis earundem revelationum c. 1. Eandè anno 1377. Urban-
 „ nus VI. & post aliquot annos Gregorius IX. peritissimis Car-
 „ dinalibus, Episcopis, & Magistris examinandas commisit,
 „ ac postea confirmavit, idemq; fecit Martin. V. teste eodem
 „ Turrecrematâ. Verba Gregorii IX. sunt. *Totum, quod in eis*
 „ *continetur* (hæc est in revelationibus S. Brigittæ) *& veritate*
 „ *conspicuum est, & sanctitate plenum perlucidum, atque perfe-*
 „ *ctum.* Urbani verò VI. *Authenticas, & veritate plenas, & à*
 „ *Dei spiritu veraciter traditas &c.* Et denique ipsa Ecclesia
 „ in oratione, quæ in Missâ dicitur sic Deum orat: *Domine De-*
 „ *us noster, qui S. Brigittæ per Filium tuum unigenitum secreta*
 „ *cælestia revelasti &c.* „ Placet hic verò documentum eruditi-
 „ ssimi Cardinalis Bona, qui de hujusmodi revelationibus uni-
 „ versaliter protulit lib. de discret. spirituum cap. 20. „ Quæ
 „ circumferuntur à sanctis viris, & mulieribus scriptæ revela-
 „ tiones, non ideo approbatæ censentur, ut illis certitudine
 „ fidei assentiamur, sed ut eas tanquam probabiles recipiamus.

Po-

Postremò Johannes Baptista de Lezana Carmelita in Apologia
 pro illibato SS. Virginis conceptu cap. 14. testatur, quod
 „ Beate Brigitte revelationes ita communi applausu, & Ecce-
 „ sia calculo, & sapientum iudicio, approbatae sunt, ut non ni-
 „ si à torvo spiritu reprobari queant, quibus in re tam gravi se
 „ opponere, audacia magna est, & calculum meruit „
 Consonat S. Bernardinus Senensis tom. 1. Serm. 58. in fer. 6.
 post Resurrectionem Domini art. 1. cap. 1. scribens, quod post
 Resurrectionem generalem „ Impassibilitas corporum puerorū
 „ in Limbo existentium erit nihil omnino pati, & hoc non ex
 „ potentia resistendi extrinsecæ læsioni, quam non habebunt,
 „ sed ex ordinatione misericordiæ Dei, quæ non permittit,
 „ eis aliquid adhiberi, per quod habeant aliquo modo lædi.
 „ Eos autem parvulos aliquod beneficium obtinere aliquo mo-
 „ do ex meritis Christi demonstrat Suarez tom. 2. in 3. par. D.
 Thomæ quæst. 59. art. 6. disp. 57. de adventu Judicis sect. 6.,
 inquit „ Ad gloriam Christi spectare, ut ab omnibus, etiam
 „ à parvulis sine gratiâ defunctis, die Judicii universalis adorea-
 „ tur, & ut Princeps, ac supremus Iudex agnoscat „ Proba-
 „ bilius etiam existimat, quòd illi intelligant „ Se nihil boni egis-
 „ se, vel mali, & idè nec pœnam sensus, nec gloriam recipi-
 „ re, & etiam intelligant propter culpam privari gloriâ „ Ad-
 „ ducit hujus rationem, ut videlicet „ Intelligant Dei benefi-
 „ cium, quòd prius in Adamo, & postea in Christo suscepe-
 „ runt, & eum hac ratione colant, & venerentur „ Addit
 Martinonius in Anti-jansenio disp. 40. de grat. sect. 5. „ Cum
 „ ipsi Dæmones amant Deum aliquatenus etiam plusquàm se
 „ ipsos, ut bonum commune omnium juxta D. Thom. 1. p. q.
 „ 60. art. 5. ad 5. ; quidni etiam parvuli isti Christum ama-
 „ hant, ut suum benefactorem, & authorem suæ resurrectio-
 „ nis, ac beneficiorum, quæ in illâ consequentur per Chri-
 „ stum, mortis corporalis æquè ac spiritualis destructorem ? „
 Et cum retulisset hæc verba Suarez loc. cit. „ De corporibus
 „ infantium nihil improbable diceret, qui eodem modo de eis
 „ loqueretur, ac de aliis damnatis, cum D. Thomas de omni-
 „ bus illis indifferenter loquatur, nihilominus tamen, quia
 „ illa corpora aliquam majorem perfectionem habebunt, &
 „ aliqua dona, seu beneficia, quæ non sunt naturæ omnino de-
 „ bita, idè respectu illorum potest attribui Christo aliqua ra-
 „ tio

„tio exemplaris „ Subiungit idem Martinonius „ Quamvis
 „ enim hæc verba Apostoli 1. ad Cor. 15. *In Christo omnes vi-*
vificabuntur , asserat Suarez „ Proprie , & præcipue intelli-
 „ de prædestinatis , attamen aliquatenus probabiliter extendi
 „ possunt ad parvulos illos , quatenus in corporibus suis resur-
 „ gentibus specialem aliquam habebunt conformitatem , & re-
 „ lationem ad Christum , quæ non erit in damnatis , nisi longè
 „ minor , multòque imperfectior , quàm in prædestinatis „
 Adstipulatur disertè Salas 1. 2. tract. 2. disp. 14. sect. 4. assignans
 discrimen inter resurrectionem adultorum ob peccata actualia
 damnatorum , & resurrectionem parvulorum ob solum pecca-
 tum originale à celesti gloriâ exclusorū „ Cum non sit , ait , il-
 „ lis (nempe primis) beneficium , sed supplicium resurgere ,
 „ non est referendum in merita Christi , secus resurrectio de-
 „ cedentium in solo originali : *Est enim maximum beneficium* ,
 „ & indebitum naturæ , idèò *in merita Christi* referendum .
 „ Undè non erunt in Iudicio tanquam accepturi novum præ-
 „ mium , vel supplicium , sed ut testes aliorum , & ut audituri
 „ sententiam publicam confirmativam secretæ damnationis
 „ antea factæ ad pœnam damni , & ut recepturi aliquod bonum
 „ novum ob merita Christi .

Modò ex SS. Patribus , aliisque Doctoribus enucleandum
 est , quàm ingens sit beneficium præservatio a peccato actuali .
 Moysen per hæc verba exodi 32. *aut dimitte eis hanc noxam* , *aut*
si non facis, dele me de libro tuo ; desiderasse , visione Dei æternâ
 carere , & addici cruciatibus æternis , nè peccata populi videret ,
 docet Chrysostomus homil. 74. ad populum Antioche-
 num , homil. 1. de laudibus Pauli , lib. contra gentes , & lib. de
 providentiâ , ubi ait in personâ Moysis , *Optabilis mihi erat in*
gehennam incidere , quàm Israelitas infideles ; & incredulo vi-
dere . Chrysostomo suffragantur Bernardus serm. 12. in Cant.
 & epist. 78. ad Sugerium , ac Riccardus Victorinus lib. de gradi-
 bus violentæ charitatis . Itèm per hæc verba Apostoli ad Rom.
 9. *Optabam ego anathema esse à Christo pro fratribus meis* , [&
 antea contestatus erat Paulus , *veritatem dico in Christo , non*
mentior , testimonium mihi peribente conscientia mea in spiritu
santo , quoniam tristitia &c] Chrysostomus homil. 1. de lau-
 dibus Pauli asserit , *Apostolū voluisse de gloriæ eternitate decidere* ,
 hom. 2. *se ipsum à celorum gloriâ cupiebat excludi , & perire* ,
 ho-

homil. 79. ad popul., *eternâ gloriâ excidere*, lib. 1. de compunctione cordis absque limitatione ullâ, multisque ampliationibus additis, *ad omnia tristia non tantum possibilia, sed etiam impossibilia* declarat hoc desiderium Apostoli, & term. 16. ad Rom. 9. sine limitatione ullâ explanat, optasse Paulum esse alienum, & separatam ab amicitia Christi; Authoritas autem Chrysostomi, qui toties tam constanter ita existimavit absque ullâ dubitatione, vir singulari, & eximio lumine Spiritus Sancti præditus ad intelligendam mentem Apostoli, maximi momenti in præsentem esse debet. Accinunt Chrysostomo Theodoretus, Theophylactus ajens, *separari à cæteris eorum, qui cum Christo eternum vivent*. Theonas apud Cassianum collat. 23. cap. 6., Vellem inquit, non solum temporalibus, verum etiam perpetuis addici suppliciis, Idem habet Ricc. Victor. loc. cit.

Insupèr aliorum sacrorum Interpretum expositionibus veritas tanti momenti magis magisque elucidanda, & inculcanda est. Agmen ducat S. Basilii in regulis fufius disputatis interrogat. 3. dicens de Apostolo, *Dei gratiam abiiecit*. Photius apud Oecumeniū ita sentit. *Eligerem nondum ad eum venisse, si per hoc vos accessissetis*. Venerabilis Rupertus Abbas Tuitientis, „ Utriusque dicta, scilicet, Moyfis, & Pauli, inquit, comment. in „ cap. 32. Exod., magni ponderis sunt, & nostras vires excedunt. Magni etiam viri hæcenus utramque sententiam humeris suis versaverunt, & rem, sicut est, satis verbis exprimere non potuerunt. Est enim hoc penè ineffabile, nec, nisi „ aliquid de ejusdem charitatis spiritu habentibus, saltem sensu „ perceptibile est, quomodo homo Deo familiaris qualicumque „ causâ, vel ratione hoc animo suo admittere possit, ut à Deo „ anathema esse, vel de libro ejus concedat se ipsum deleri, quomodo in istâ concessione non solum nullam incurrat poenâ, „ aut culpam, sed etiam ampliorem apud Deum mereatur gratiam... Divitias animi ejusmodi nos frigidi, atque inopesignoramus, & idcirco cum legimus, illum anathema se esse pro fratribus optantem, illum de libro Dei deleri se concedentem, aut dicta dissimulamus, aut in sensum exilem gravissimè prolata detorquemus. Cæterum quem spiritus idem „ tetigit, videt ex parte aliquâ, quantum talis habitus mentis „ apud Deum valeat pro suâ reverentiâ, Concinit Isidorus Cla-

Clarius vitæ integritate, ac sacrarum literarum peritiâ clarissimus Fulginatium Antistes „ Tantum abest, inquit, ut odio „ Judæos prosequar, ut si fieri posset, optarim ipsâ, quam à „ Christo expectamus, quo Christo nihil mihi charius, ne cę- „ lum ipsum quidem, felicitate privari, & paratis ab eo ineffa- „ bilibus bonis, ut meo interitu, & æterno exiliô salus Jude- „ is pararetur. Et Moses, aut dimitte, ait, eis noxam hanc, „ aut dele me de libro, quem scripsisti. . . . Quocirca optasset, „ si suo interitu reconciliari potuisset hæc gratia, relegari à „ Christo, ut hæc gloria servatæ Judææ gentis ipsi Christo ac- „ cederet „

Favet quoquæ Johannes Thaulerus ex ordine Prædicatorum profundissimus Theologus, & Spiritus Sancti unctione excellentissimè edoctus de Vitâ, & Passione Christi cap. 26. „ Ve- „ rē humilis, inquit, ac amore fervens inferni cruciatus pro „ hominibus universis perpeti optaret, si sic visum esset Deo, „ ad illiusque id cederet honorem, quemadmodum Moses pro „ filiis Israel deleri voluit è libro vitæ, & Paulus optavit anathema esse pro fratribus suis. Et cap. 29. D. Paulus fidelis „ Christi amator post horribiles illas, immanesque cruces, quas „ in suâ commemorat epistolâ, perpeffas, adhuc anathema fieri „ optabat pro fratribus suis Israelitis, idest, maledici, atque se- „ parari à Deo, ut Christo plures lucrificeret. Nimirum, hæc „ est perfectâ charitas, quæ nusquam se ipsam quærit, nusquam „ sibi parcat, neque in tempore, neque in æternitate, ut Dei „ honor augeatur. Isti sunt veri amatores, ac imitatores Chri- „ sti, qui Christo, quatenus possibile est, aliquam pro morte il- „ lius vicem reddunt, exponentes etiam periculis animas suas, „ sicut & Christus suam pro eis animam posuit, cupiuntque per- „ dere semetipsos, ut Christum lucrifaciant.

Suffragatur alter ex eodem Ordine gravissimus Theologus in Tridentinâ præsertim Synodo probatissimus Dominicus Soto, „ Anathema à Christo, inquit, super eadem verba Apostoli bi- „ fariam contingit, uno modo, cum quis voluntate ab eo desci- „ scit, & hoc nullatenus licet, cum teneamur Deum super om- „ nia diligere, atque id minimè Paulus poterat, qui nullâ re ex- „ istimabat posse à charitate Christi deturbari &c „ Accipitur „ ergo anathema, hoc est, separatio in alio sensu, nempe, pro „ eo, quod est abesse à Christi presentia, & fruitione, quam ar- „ den-

„ dentissimè exoptabat „ Et paulò post factâ sibi obiectione, si
 elongari à gloriâ Dei nequit homo, nisi per culpam, quomodò
 id Paulus optare poterat? Afferit primò eorum responsionem,
 qui intelligunt de temporariâ separatione, seu remotione
 à gloriâ. Secundò in hæc verba ipse respondet „ Tametsi dum
 „ Origenem, Chrysostomum, & Patres super hunc locum me-
 „ ditatiùs lego, sublimiorem mihi videor hîc sensum intueri.
 „ Vis etenim amoris, ubi in extasim rapit amantem, non sinit
 „ rationes has circumspectare ut se se latius proferat. Quocir-
 „ câ qui (ut paulò ante meditabar) neque exulare à cælo, neq;
 „ in tartara detrudi, ullius momenti arbitrabatur, ut separari
 „ posset à Charitate Christi, eadem nunc charitate absque præ-
 „ scriptione, vel temporis, vel loci, ait, cupere se anathema
 „ esse à Christo pro fratribus, non considerans, quo id pacto
 „ fieri posset; quasi optasset charitas Dei in Paulo fructu gloriæ
 „ orbari, ut plures Deus haberet amatores: In quo profectò se
 „ maximè dilectio patefacit &c. At quoniam nos ab hac dile-
 „ ctione quàm longissimè absumus, neque intelligere hæc pos-
 „ sumus. „

Accedit legi in Vitis Patrum, cum S. Antonio dictum esset
 cælitus, nondum eò se devenisse perfectionis, quò Coriarius
 quidam Alexandriæ manens, confestim Alexandriam petens
 Antonius ab eo requisivit, quæ bona patraret opera. Cui ille:
 nil memini, me unquam boni egisse, nisi quod manè dum surgo,
 antequam ad opus procedam, oro Deum, ut omnes in istâ Civi-
 tate à minore ad maximum ob eorum beneficia Paradisum adi-
 piscantur; ego verò solus ob mea peccata (intellige præterita,
 & ut isti salventur) addicar inferni cruciatibus. Quod exem-
 plò summis laudibus extulit verbum Antonius, ut ibi habetur.
 Possem sanctis his viris adjungere Abbatem Ludovicum Blo-
 sium, Johannem Lanspergium Carthusiensem, Authorem spec.
 Cru. & alios, maximè verò cælestes hæroinas Catharinam Se-
 nensem, alteram Catharinam Genuensem, Angelam Fulgina-
 tem &c.

Si prælibatas Patrum, & Doctorem sententias quisq; atten-
 tiori mentis oculo collustrabit, nullo negotio deprehendet,
 quod si illi hujusmodi sensa expresserunt in Moyse, & Paulo re-
 latè ad peccata aliena, quid dixissent de ipsis respectu proprii
 peccati? Siquidem docet Ruiz disp. 40. de Prædes. sect. 8. nu. 7.
 quòd

quòd contrarium charitati foret, desiderare simul cum pereuntibus hominibus perire, nec æternam vitam obtinere, si morte damnentur æternâ; quoniam indè nec major Dei gloria, nec major utilitas proximorum consequitur, ideòque simpliciter melius est, & cadens sub intrinsecâ obligatione charitatis, velle propriam felicitatem, & æternam coniunctionem cum summo bono, licèt alii separati maneant, & damnentur. Quidquid de hoc sit, nolo cum Censore contentionis funem ducere; contestor quippè, me hac de re non aliud sentire, quàm quòd docet Præceptor Angelicus lect. 1. in cap. 9. epist. ad Rom. ubi laudata Apostoli verba clarissimè, & ab omni procul censura exponit. Enim verò Eminentiſs. Author attendit in præfenti peccatum actuale relatè ad committentem; atque adeò liquiddò constat ex dictis, præſervationem à peccato esse ingens Dei beneficium præferendum cuicumque bono creato, & carentiæ cujuscumque pœnæ vel æternæ. Ast de hoc beneficio præſervationis à peccato redibit sermo in disputatione sequentis notæ, & latius in disputatione 38. & 39. notæ.

Esse verò in illis infantibus absque Baptismo defunctis magnum Dei beneficium præſervari à peccatis actualibus, & gehennâ ignis declarant complures Theologi. Idem Ruiz disp. 41. de prædestinat. sect. 6. n. 4. „ Adſcribit suavi gubernationi „ causarum naturalium, & liberarum secundum profunditatem „ judiciorum Divinæ Providentiæ, quòd illi infantes, licèt „ non obtineant remedium æternæ salutis, non damnentur „ pœnâ sensus; sed solâ pœnâ damni, & quòd personalia „ peccata non committant „ Leonardus Lessius lib. 3. de perfectionibus divinis cap. 22. n. 143 censet „, Illos infantes Baptismo „ non tinctos astituros in Judicio extremo, omnia vi- „ furos, & intellecturos, quæ geruntur, audient tubam, & simul „ cum aliis in ætate perfectâ, cum perfecto Judicio, & sibi „ sibus integris resurgent. Congregabuntur in unum locum „ seorsum tamen ab impiis, quia ad eorum sortem non pertinent „ bunt videbunt Judicis maiestatem, eumque adorabunt, vide- „ bunt sanctorum, & impiorum congregationem, eorumque bona „ na, & prava opera cognoscent, audient sententiam Judicis „ in utrosque, sibi gratulabuntur, quòd non sint de impiorum „ numero „ agent Deo gratias, quòd ante usum rationis ab- „ repti sint „ quia longè maxima pars eorum, si ad ætatem venisset „ in

„ in eandem damnationem incidisset, præsertim infidelium filios.
 „ Itaque non murmurabunt contra Deum, sed magnoperè se illi
 „ obstrictos sentient, quòd periculis tantorum malorum exempti
 „ fuerint. Excipient ipsi Sententiam Judicis, sed benignam,
 „ qua etsi à visione Dei, & cælesti regno excludentur, tamen sta-
 „ tum naturæ congruentem allequentur, quo contenti, & læti
 „ in omnem æternitatem vivant, & Deum laudent. Reque-
 „ senius opusc. 1. Theolog. sect. 2. num. 60. scribit, „ Quòd illi
 „ pueri non se gerunt sicut damnati in Inferno manentes in
 „ a versione voluntariâ, & odio Dei, sed Deum amant, eique
 „ agunt gratias ob ereptam illis vitam, antequam personaliter pec-
 „ casset. Mastrius de Meldula in 2. Sentent. disput. 4. quæst. 6.
 „ art. 2. num. 117. docet ex Doctore Seraphico, „ Infantes illos
 „ non habituros tristitiam, quia habent causas solatii, quæ eam
 „ impediunt, v. g. quòd non peccaverint peccato actionis ex
 „ unâ parte, & quòd non patiantur pœnam ignis, ut damnati in
 „ inferno ex aliâ. Pergitque addere rationem S. Doctoris à
 „ nobis suprâ propositam de statu medio illorum infantium inter
 „ beatos, & damnatos, concluditque, quòd ipsi propter evasionē
 „ pœnæ sensus, & præsertionem à peccatis actualibus valdè gau-
 „ debunt.

„ Suffragatur Arriaga tom. 3. tract. de vitiis, & peccatis disp.
 „ 52. sect. 3. scribens, „ quòd ratio proxima à nobis assignata in
 „ omnibus ferè illis eò habet maiorem vim, quòd viciniore fu-
 „ ere inferno, quàm cælo; si enim de infidelium filiis agamus,
 „ illi omnes agnoscunt, se non solùm proximam capacitatem
 „ inferni habuisse, sed certè damnandos fuisse de facto, si vi-
 „ xissent, hæc autem consideratio longè potentior est ad recre-
 „ andum, quàm altera ad asillegendum: in filiis verò fidelium,
 „ licet multi salvati essent, si vixissent, longè tamen plures
 „ periissent in adultâ ætate. Omnes quoque Theologi do-
 „ cent, quòd „ Pueri illi nullam omninò sunt habituri fomi-
 „ tem peccati: è contrariò verò habituri voluntatem in ordi-
 „ ne naturæ optimè dispositam, & magnam de Dei bonitate, ac
 „ infinitate cognitionem, undè nullum omninò peccatum
 „ actuale committerent, nec committere poterunt: habebunt
 „ enim de gravitate peccati magnam apprehensionem. Hoc
 „ posito cum omnes ferè illi agnoscant se, si permitti fuissent
 „ ad provectionem ætatem accedere, aliquot peccata forte val-
 „ de

„ de multa mortalia, & venialia commissuros fuisse videantque
 „ se ab eis fuisse preservatos simul, & à tormentis inferni, non
 „ possunt non indè tam multum, immò plus recreari, quam
 „ affligi ex amissâ visione beatâ.

Hinc Didacus de Baeza Comment. moral. in Evang. hist. p. 1.
 lib. 9. c. 1. §. 7. scribit, quòd, „ Meritò Alcuinus quæst. in Ge-
 „ nes. putat beneficium extitisse Deum erga pueros Sodomorû,
 „ dum illos tradit flammis, inter quas habent, quòd sine pecca-
 „ to sint. Nonne, inquit Alcuinus, proviſum est illis, ne diù
 „ viventes exempla sequerentur patrum, & levius in futuro
 „ crucientur? Est quaecumque *beneficium, reum non esse, qui*
 „ *gloriosus non est.* Et quidem beneficium erat, quòd pueri ca-
 „ perentur in brevi à vitâ, ne malitia mutaret intellectum. Be-
 „ neficium erat, antequam peccati proprii labe inficerentur,
 „ morte absorberi. Hoc semper Deo acceptum referent hi pue-
 „ ri, si aliquando hujus vitæ pericula noverint, quòd ab illâ, pec-
 „ cati expertes exierint, „

Postremò ostendendum superest, infantibus illis absque Ba-
 ptismate decedentibus preservationem à peccatis actualibus,
 & ab æternâ ignis pœnâ ceu ingens beneficium conferri ex me-
 ritis Christi. Istud autem necessariò consequitur ex eorum
 Doctorum testimoniis, quibus probatum est, iisdem parvulis
 alia beneficia obvenisse, vel obventura ex meritis Christi.
 Quarè Cornelius Mullus Episcopus Bitontinus in cap. 5. epist.
 ad Rom. de illis infantibus hæc scribit „ Plus ergò potest *Chris-*
 „ *ti donum*, etiam in pueris hæc, quam Adæ delictum: ex
 „ delicto enim Adæ nascuntur in utero filii iræ, longè tamen
 „ magis misericordiam exercet Deus in eis, quàm iram, & vin-
 „ dictam „ Alphonsus Salmeron disp. 48. in cap. 5. epist. ad
 „ Rom. rem acu tangit „ Illi pueri (nempe Baptismo non tin-
 „ sti, ut in margine indicatur) etiam evasionem suppliciorum
 „ gehennæ Christo debent, non quidem in se, sed in causâ suâ,
 „ idest, peccato originali, quia si illi vixissent, personalia pec-
 „ cata produxissent, quibus *gehennam ignis incurrerent.* Un-
 „ de Paulus ad Rom. 3. ait: *Peccaverunt*, & ostendit etiam de
 „ personalibus, & gravissimis peccatis admittens jam factum,
 „ quod naturâ futurum erat. Et ut Beata Deipara redempta
 „ dicitur à Christo, quamvis nulli culpæ etiam originali actu
 „ subiecta fuerit, ita isti dicuntur immunes à gehennâ ignis,
 „ quam

„ quam viventes, & destituti gratiâ Dei per actualia peccata
 „ meruissent, Salmeronem sectatus est Requesenius in opusc.
 1. Theologic. de statu parvulorum sect. 2. n. 58. & 66. clarif-
 simè eam sententiam professus. Aliis congerendis in hanc rem
 Authoribus super sedemus, tum quia Censor nullam authori-
 tatem, aut rationem adversus hanc doctrinam adducit, tum
 quia ad depellendam novitatis notam pro mille testibus stant
 Mussus, & Salmeron; siquidem de primo testatur Vuadingus
 in syllabo Scriptorum Ordinis Minorum ex Michaele ab Hselt
 „ Quodd doctrinam de justificatione in ordinem redegit, de-
 „ fendit, determinavit in Concilio Tridentino cum audito-
 „ rum admiratione tantâ, ut Patres ceteri uno ore omnes di-
 „ cerent, Spiritum Sanctum mirabili modo in eo fuisse opera-
 „ tum, Proinde innumeris, & amplissimis elogiis ejus eximia
 pietas, & spectatissima sapientia à Cardinalibus, Episcopis, ali-
 isque Scriptoribus coëvis locupletissimè cumulata fuit. Item
 Alphonfus Salmeron S. Ignatii Loyolæ Socius Synodo Tri-
 dentinæ sub Paulo III., Julio II., & III., ac Pio IV. Pon-
 tificius Theologus interfuit, ac postea undecim volumina in
 evangelia, & quinque in reliquam scripturam omnium erudi-
 torum plausu excepta conscripsit. Mentem verò, & germanum
 sensum Concilii Tridentini potius ab utroque hoc Patre ejus-
 dem Synodi, quàm à Censore haurire præstat.

Verum adhuc enucleandus est textus ille Salmeronis, in quo
 insinuat duplicem redemptionem liberativam, & præservativâ,
 & ex doctrinâ Eminentiss. Sfondrati in opusc. de Innocentiâ
 vindicatâ §. 4. nu. 2. emedullandus, Sciendum igitur, inquit
 „ inibi Sfondratus, sicut duplex est medicina, præservativa, &
 „ curativa, ista, quæ malum tollit, postquam evenit, illa, quæ
 „ impedit, ne eveniat, duplicem esse redemptionem liberati-
 „ vam, & præservativam. Redemptio præservativa non sup-
 „ ponit peccatum, sed debitum tantum, aut potentiam peccan-
 „ di, sicut medicina præservativa non supponit actualem mor-
 „ bum, sed tantum periculum morbi. Hujus verò redemptio-
 „ nis præservativæ, & in sacris Literis, & in Patribus, & in Le-
 „ gumlatoribus, ac ipso D. Thoma frequentissima est memoria.
 „ Nam Ecclesiastici 18. „ *Ante languorem adhibe medicinam.* Si
 „ adhiberi potest medicina ante morbum, cur non redemptio
 „ ante peccatum, & indulgentia, ante culpam? Imò quanto
 „ me-

„ melior, & optatior est medicina, quæ morbum impedit, quæ
 „ quæ expellit, ita tanto melior est redemptio, quæ peccatum
 „ prævenit, quàm quæ sequitur. Sic psal. 43. dicitur *Qui re-*
 „ *demisti David de gladio maligno*, hoc est Goliathi, & tamen
 „ nunquam huic David succubuerat, imò vicerat, sed pericu-
 „ lum succumbendi erat, nisi custodiretur, recidisset, nisi tene-
 „ retur, & hæc est optima redemptio, quæ casum avertit. Et
 „ S. Paul. ad Ephes. 5. *Redimentes tempus, quia dies mali sunt*;
 „ non quòd tempus semel amissum revocari possit, sed quia po-
 „ test caveri, ne amittatur. Et psal. 85. *Eruiisti animam me-*
 „ *am ex inferno inferiori*, non quòd David eò aliquandò de-
 „ venerit, sed quòd venisset, ni Deus prohiberet ... Ad sen-
 „ sum scripturæ loquuntur Patres S. Augustinus sup. Genes.
 „ ad lit. *Major gratia impenditur illi, cui conservatur innocen-*
 „ *tia; quàm cui remittitur culpa*. Et S. Bernardus serm. 21.
 „ sup. Cantica. *Angelos fuisse redemptos Sanguine Christi, non*
 „ *à peccato, quod commiserunt, sed ab eo, quod possent com-*
 „ *mittere*. Item S. Augustinus in psal. 85. *Liberavit te ab egri-*
 „ *tudine, non in quâ eras, sed in quâ futurus eras*. Et lib. 1.
 „ Confess. c. 1. *Gratiæ tuæ deputo quæcumque non feci mala,*
 „ *& omnia mihi dimissa fateor, quæ te duce non feci*. Idèd am-
 „ plius te diligit, qui se videt peccatorum luqueis non implicari „
 „ Et in l. finali C. ex quibus causis restit. dicitur *Melius est in-*
 „ *tacta jura servari, quàm post causam vulneratam remedium*
 „ *querere*. Ubi Glossa. *Melius est, inquit, morbo occurrere,*
 „ *quàm præsentem repellere*. & l. 1. C. quando liceat unicuique:
 „ *Melius est in tempore occurrere, quàm post tempus vindicare*.
 „ S. Thom. in 4. sentent. d. 43. q. 1. art. 4. ad 3. oportet, in-
 „ quit, ponere, quòd quilibet personaliter redemptione Christi
 „ indigeat, non solum ratione naturæ, liberari autem à malo,
 „ vel à debito absolvi non potest, nisi qui debitum incurrit, vel in
 „ morbum incidit: undè dimissio debitorum, vel liberatio à malo
 „ intelligi non potest, si aliquis sine debito, vel immunis à malo
 „ nascatur. Vides hîc, S. Thomam admittere redemptionem,
 „ quæ non à malo liberet, sed tantum à debito malum incur-
 „ rendi, quæ est ipsa redemptio præservativa „ Hucusque
 „ Eminentiss. Sfondratus. Ut igitur aliquis redimi dicatur, suf-
 „ ficit, illum contrahere debitum peccati; cum autem infans
 „ absque Baptismo præmaturâ morte abrepti incurrerint ex pecca-

to originali debitum peccati actualis, quo multipliciter se contaminarent, si vitam protraherent in hoc statu naturæ lapsæ, quemadmodum ex Salmerone, & aliis gravissimis Doctoribus dictum est, idcirco præservatio à peccatis actualibus est ingens Dei beneficium illis pueris ex meritis Christi obveniens, permittit à Deo præproperâ morte, postquam parvuli nullum peccatum committunt. Hæc autem, ne calumniæ pateant, ita dicta intelligantur, non ut parvuli illi dicantur redempti redemptione præservativâ concessâ Beatissimæ Virgini præservatæ ab omni prorsus peccato originali, & actuali, quod stultissimum est, sed ut præcisè ostendatur, præservationem à peccatis actualibus fuisse in illis pueris consideratis in statu reprobationis ingens Dei beneficium.

Ex his omnibus comperiet Cenfor, nullum hîc ab Eminen. Authore novum, & antea in Ecclesiâ Dei non auditum, fuisse traditum; Tridentinum autem ab ipso Cenfore allatum ibi loquitur specialiter de beneficio justificationis, ut videre est in ipso illius tertii capitis titulo, & in verbis immediatè postsequentibus.

N O T A

DEinde asseritur, beneficia illa, quæ pueris cum peccato originali decedentibus tribuuntur, gratiam sufficientem, quæ adultis confertur, & quâ vitam æternam consequi possunt, infinitis partibus antecellere, imò & ipsi gloriæ cælesti certâ ratione præferri: quod quàm sit absurdum, & primis fidei christianæ principiis contrarium per se patet. Quòd verò pueri Dei beneficio è medio tolluntur priusquàm peccatis se obstringant, id jamdudùm Episcopi Aphricani pro fide in Sardiniam relegati in epistolâ synod: cā adversus Pelagianos rejecerunt his verbis, „ Non est dicendus aliquâ Dei bonitate futuræ impietati præreptus, qui absque justificationis gratiâ mortuus impiorum consortio est deputatus.

D I S P U N C T I O.

TExtus epistolæ ab Episcopis Aphris conscriptæ ad rem præsentem nō facit; nam præter dicta in responsione ad quartam notam, Præfules illi tenebant, parvulos cum solo origina-
li

li morientes utraq; poenâ damni, & sensus dammari, quàm poenam comitantur perpetui astus odii, & blasphemix in Deum per totam æternitatem, quodd longè alienum est à sententiâ Sfondrati. Pariter, ut ipsemet Censor fateatur, hæc epistola synodica Præsulum Aphrorum conscripta fuit adversus Pelagianos: isti autem, ut egregiè demonstrat ex variis auctoritatibus S. Augustini, & aliorum Patrum Eminentiss., ac Sapientiss. Cardinalis Norisius in Vindiciis Augustinianis cap. 3. §. 5. parvulos absque Baptismo mortuos ità Dei beneficio futuræ impietati præreptos affirmabant, ut iidem fruerentur extra regnum Dei vitæ æternæ, veluti secundâ quâdam felicitate, seù, ut loquitur S. Augustinus lib. 1. oper. imperf. cap. 132., in aliquo loco secundæ felicitatis, seù quasi medio loco inter infernum, & regnum celorum, à quo errore cum toto cælo distet doctrina Cardinalis Authoris, id circò incassum ejusdem epistolæ synodice authoritas in ipsum contorquetur.

Prima verò censuræ pars altiori indagine digna est, & cum ea à Censore in sequenti nota magno apparatu promoveatur, ac quæsito fuco obducatur, ibidem accuratè expendetur, & non uno tantum modo diluetur. Cum autem in causâ eorundem parvulorum mentionem faciat Notator de gratiâ sufficienti, & subaudierim, à non nullis nigro theta inuri, quod Sfondratus tradit pag. 48. scilicet, parvulis absque Baptismo decedentibus nunquam Deum æternam vitam voluisse, & istos ad alium finem, classemque Providentiæ pertinere, exopto mihi à benignissimo Lectore ignosci, si aliquantisper à viâ digressus explicandum obiter suscipiam dictum illud Authoris, ratus me minime desistere à consilio in harum notarum disputatione præfixo, videlicet, expediendi etiam alias alicujus momenti difficultates, quas ab aliis Censoribus in eodem libro Cardinalis Sfondrati notatas comperissem. Quo circò ex ipsâ Authoris doctrinâ duplex ad eam propositionē explicatio suppetit. Altera ex eadem paginâ citatâ 48., ubi elucet, eos pueros voluntate divinâ antecedente esse ordinatos ad regnum cæleste, sed ab hoc exclusos voluntate consequente carentiam baptismatis (quâ voluntate nunquam Deus ipsis æternam vitam voluit) collocatosque esse inter beatos, & simpliciter miseros, ut loquitur S. Bonaventura in disputatione notæ contrâ quartam propositionem laudatus, ibique, ut ipse Scriptor fateatur pag.

164. , eos innocentiam personalem ; quæ scilicet , peccatis actualibus opponitur , illibatam conservare , & in eum statum bonorum naturalium transferri , quem §. 1. ex Angelico Doctore descripsit , & in hoc sensu illos infantes ad alium finem , classemque Providentiæ attinere , rectè dici potest .

Akera responsio desumitur ex eo , quod Author propendere videtur in sententiam traditam à Didaco Ruiz , disput. 49. de Prædestinat. sect. 3. , qui docet , voluntatem Dei antecedentem plenam , & quantum ex parte sui est efficacem (quâ vult salutem omnium adultorum , & eorum parvulorum , qui salvantur , quâque præstat omnia ; quæ requiruntur ex parte Dei , ut fortiatur effectum , & solum deficit cooperatio voluntatis humane) non extendi ad plurimos parvulorum , quibus est impossibile baptisma , pro quo Deus non raro directâ voluntate , atque providentiâ prædefinit impedimenta plurima ; Undè sect. 1. adducit Augustinum pluribus in locis tradentem , quibusdam pueris esse impossibile applicare remedium salutis , & eam impossibilitatem non provenire ex demerito , vel culpâ parentum , sed esse dispositam ex divinâ Providentiâ juxta inscrutabilia Dei judicia , quod etiam innuit Gonetus disp. 5. de reprobatione art. 5. afferens pro eâdem opinione gravissimos Theologos , & antea art. 4. dixerat , eos parvulos speciali Divinæ providentiæ subiacere , & pro illis , quantum ex parte Dei est , esse institutum baptisma , & per merita Christi quoad sufficientiam obtentum . Similiter Theophilus Raynaudus in opusc. de vitæ , & mortis humanæ terminis punc. 15. n. 20. non improbat hanc opinionem , pro quâ stare tradit Gregorium in 1. dist. 46. quest. 1. , Vasquez 1. par. disp. 96. c. 2. , & Becanum 1. par. tract. 1. c. 15. quest. 8. quibus addimus Didacum Alarcon in Complutensi Collegio Soc. Jesu Theologiæ primarium Professorem , & Regii Supremi Senatus S. Inquisitionis Censorem &c. tract. 4. de Prædestinat. disp. 5. c. 9. n. 22. , ubi concedit , quod nec Christus Dominus voluit illis parvulis salutem plenâ , & efficaci voluntate , sed tantum voluntate quâdam simplici concedente , & præbente media generaliter sufficientia , nam ipse quidem mortuus est pro omnibus , quatenus erat omnium una causa communis , pro quâ missus est à Deo Redemptor , veramq; omniam naturam in seipso suscepit , & pro omnibus se obtulit Patri (qui noluit suo justo judicio omnibus pro illum remedia sufficientia

cientia præstare) atque pro omnibus hominibus instituit Baptisma secundum se, nec aliud est remedium in evangelicâ lege pro expiando originali infantium, & nullo ex his modis Christus fuit Redemptor demonum, pro quibus mortuus non est.

N O T A.

Prius è medio tolluntur, quàm peccatis se obstringant, at præservantur, nè jacturam innocentie faciant, quibus satis aperte significat Author, se nullam peccati originalis maculam in pueris ante Baptismum agnoscere, uti supra ostendimus.

D I S P U N C T I O.

EA Censoris verba calumniosa sunt, & meram imposturam continent: quippè per eas voces *prius è medio tolluntur, quàm peccatis se obstringant*, evidenter importantur peccata personalia, & actualia, quibus homines obstringere se dicuntur, cum ad usum rationis perveniunt. Si enim infantes illi supponantur jam nati in peccato originali, non tolluntur è medio, priusquam peccato originali sint obstricti, proinde dici non possunt præservari, ne jacturam innocentie naturalis, quam nunquam habuerunt, faciant, sed ne amittant innocentiam personalem, quam in alterâ parte allatæ propositionis à Censore insidiosè interpolatæ (ut vidimus) Eminentiss. Author explicat per carentiam peccatorum actualium, atque adeò clarissimè supponit, non stare simul innocentiam naturalem cū peccato originali. Parvulos illos Baptismate nō adhuc expiatis plurimi, S. Augustinus innocentes vocat, „ Illos, inquit, lib. „ 1. contra Julianum cap. 6. „ Innocentes merito nuncupamus secundum id, quod ait Apostolus, nondum natos nihil „ egisse boni, sive mali, Et lib. 1. de peccatorum merit. & remiss. cap. 35. „ Sine propria voluntate nullum vitæ propriæ „ potest esse peccatum, nihil mali commiserunt infantes, qui „ propter hoc vocantur ab omnibus innocentes „ Item serm. 7. de verb. Apostoli „ Ecce infantes in suis utique operibus innocentes sunt, nihil secum, nisi quod de primo homine traxerunt &c. „ S. Bernardus Abbas serm. 67. in Cantic. „ Flangit infans auxilium gratiæ, quia vim patitur à naturâ, cla-

„ mat innocentia miseri &c. „ S. Bernardinus Senensis tom. 2. ferm. 64. in sabbatho in albis „ In tertio loco superiore stant „ animæ puerorum non baptizatorum innocentium à proprio „ peccato „ Cardinalis Cajetanus in 2. 2. D. Thom. quæst. 106. art. 2. de illâ innocentia personali ait „ Eam esse secun- „ dùm partem, scilicet à peccato actuali tantum, in quo sensu „ appellamus Innocentes parvulos occisos ab Herode in Chri- „ sti nativitate „ Novissimè Contensonus dissert. 2. de pecc. originali c. 2. scribit „ S. Augustinum non parùm laborasse in conciliandâ Divinâ iustitiâ cum puerorum nullius adhuc peccati reorum innocentia.

N O T A.

Longè aliter de his sentiunt SS. Patres, Concilia, totaq; Ecclesia, quæ per magnum illud inobedientiæ peccatum, quo Adamus se, totamque posteritatem obnoxavit, docet, pueros nondum per Baptismum renatos esse sub potestate diaboli, atque ejus captivos, filios iræ, vasa contumeliæ, idque apertè demonstrant exorcismi, & exsufflationes, quibus à primis usque sæculis in administrando Baptismi Sacramento utitur Sacerdos, quippè exsufflando in parvulum ait: *Exi spiritus immunde, & da locum Spiritui Sancto*; quod etiam expresse definivit Concilium Tridentinum sess. 5. de pecc. originali can. 7. declarans „ Adamum per offensam prævaricationis incurrisse cum morte captivitatem sub ejus potestate, „ qui mortis deinde habuit imperium, hoc est, Diaboli, quæ uti- „ quæ pœna ad omnes eos pertinet, qui carnali generatione ejus- „ dem culpe participes sunt.

DISPUNCTIO.

HÆc autem, quæ de potestate Diaboli in parvulos, de exorcismis, & exsufflationibus à Ministro Baptismi adhiberi solitis obiciuntur, jamdiù exsufflavit Doctor Angelicus, ut videre est apud Carolum ab Assumptione in Funiculo triplici, funicul. 2. §. 11. num. 106. & 107. ubi ex D. Thoma tradit, parvulos sub potestate Dæmonis remanere, quamdiù manet macula peccati originalis, & reatus pœnæ ei proportionatæ, & tamen eos per exorcismos liberari à potestate Diaboli quoad aliquid, quan-

quantum, scilicet, ad hoc, quod non præstent impedimentum Sacramento suscipiendo, & si absque Baptismo occumbant, eos remanere sub potestate Diaboli quantum ad maculam peccati originalis, & pænæ damni ei proportionatæ, secundum quod detinentur in loco, ubi sunt tenebræ gloriæ, & gratiæ. Liberantur tamen per ordinem Divinæ justitiæ à pænâ sensus omnique animi tristitiâ. De quo ordine justitiæ ita scribit S. Doctor quæst. 5. de malo art. 2. ad 5. *In statu future vite ignis, & aliæ hujusmodi activæ* (inter quæ etiam Diabolus quamvis liberè agens ob eandem rationē comprehenditur) *non agunt in animas, aut in corpora hominum secundum necessitatem naturæ.* Et in 2. dist. 37. q. 2. art. 1. ad 3. dicit, „ Virtute naturæ agentis, sed magis secundum ordinem Divinæ justitiæ, quia ille status est recipiendi „ pro meritis. Unde cum Divina justitia non exigit, quod pueris, qui cum solo originali peccato decedunt, pænâ sensus debeat, nihil ab hujusmodi activis tales patientur „ Quod si illorum infantium pænâ est omnium mitissima omniumque levissima, ut pro certo, & indubitato habuit S. Augustinus, illi pueri non possunt vexari, & affligi à Diabolo in æternum sine spe liberationis, cum hoc non possit non esse pænâ gravissima.

PROPOSITIO SEPTIMA.

Infantes Baptismo non tincti ad aliquid, quod ipsâ vitâ æternâ melius sit, destinantur. pag. 14. lin. 22.

PROPOSITIO OCTAVA.

Licet Deus parvulos sine Baptismo decedentes ad cælestē gloriam non admiserit, alio tamen, multoque majori beneficio affecit, quod illi ipsi longè cælo prætulissent, & nos quoque, si electio daretur, multò majoris prætiii, quàm Cælum duceremus Quid ergò conqueri de Deo possunt, aut quid ipsis malè fecit, si non quidem Cælo, sed alio beneficio donavit, quod multò præstantius Cælo est, quodque, & ipsi, & omnes sapientes, si potestas eligendi daretur, longè Cælo præferrent? pag. 120. lin. 10.

N O.

NOva, & inaudita, & communi Christianorum sensui repugnans assertio, super omnia Dei bona constituitur, inquit, S. Hilarius comment. in Moab. cap. 26. qui in Dei gloria collocatur, quæ nihil sit ultra, quod melius sit. Certè statui beatorum injurium, ac piarum auxilium offensivum videtur aliquid comminisci, quod cujuscunque compensationis pretextu eterna vite, ac celesti gloriæ præferatur; Quæ enim, inquit Augustinus, circa parvulos, qui post gravissimos cruciatus sine Sacramento Christianæ pietatis expirant, compensatio cogitanda est, quibus insuper & damnatio præparata est? epist. 28.

DISPUNCTIO.

Qui in referendis Scriptorum dictis aliqua alicubi vident, nec considerant, quæ aliis in locis explicatius pro veritate traduntur, meritò ab Anastasio Sinaita lib. inscripto *Vie Dux* cap. 13. vocantur monoculi; Quidni utroque oculo caput dicendus erit Censor, qui eodem in loco Authoris unum rotundis characteribus exprellum non vidit? In primâ ex propositionibus hic delatis, sublata est de medio hæc parenthesis (ut postea dicemus) qua scriptor apertè appellat alia loca tanquàm declarativa doctrinæ, quam ibi tantum innuit. In dispunctione notæ proximè superioris accepimus, S. Chrysostomum in sensu à Cardinali Sfondrato in locis citatis intento, & à Censore execrato ceu novo, & inaudito, ac communi Christianorū sensui contrario explicanteū homil. 16. in cap. 9. epist. ad Rom. verba hæc Apostoli. *Optabam ego ipse anathema esse à Christo pro fratribus meis.* Horum verborum expositionem à Chrysostomo traditam non nullis displicuisse insinuat S. Pater, „ Nec me „ sanè fugit, inquit, quæ à me dicuntur ea vobis & nova, & „ incredibilia videri. Veruntamen nisi obturbaveritis, ea statim enitar aperta reddere, nec enim simpliciter dixit, quæ „ dixit, sed quoniam omnes dicebant, Deumque incusabant, „ Pariformiter contra sententiam Cardinalis Sfondrati exclamat Censor: „ Nova, & inaudita, & communi Christianorum sensui repugnans assertio! Si dicta hæc, (Apostolo advoocationem hac ratione commodavit Chrysostomus), „ Tanquam „ inhar-

infirmiora te conturbant, rem considera, non solum quòd
separatum se esse veller, sed & causam, propter quam veller,
ac tum demum, quasi ea, quæ oculis cernuntur, videbis il-
lius magnitudinem dilectionis . . . nam nisi causam exami-
naverimus, & Heliam homicidam dicemus, & Abraham nò
homicidam solum, sed filii percussorem. Itemque & Phi-
nees, & Petrum cordis accusabimus, nec de ipsis solum san-
ctis, sed & de ipso rerum universarum Deo, quisquis regulam
hanc minimè observaverit, multa absurda suspicabitur, ut nè
igitur hoc accadat, hisce in omnibus, & causam, & consilium,
& occasionem, & omnia, factorum defensione à nobis susce-
pta, in unum componentes, ita demum res ipsas examinemus.
Quod, & nunc de beatà hac animà faciendum nobis est.

Acquissimo Chrysostomi documento obtemperans loca ab
Eminenti Authore in primà propositione indicata, quæ tria sunt
integrè, & fideliter hic describam, ut clarissimè luceat mens
Scriptoris, cui Cenfor per summum nefas inepta prorsus, & ri-
dícula imponit. Primus locus extat in pag. 48., Parvulos quòd
attinet, qui sine Baptismo decedunt, caelesti quidem regno,
quippe paternæ culpæ reos, nec expiatis excludit, non ex-
cludit tamen: naturalibus bonis, & à peccato præservavit,
æternoque supplicio, quo si adoleverent, puniendi erant,
quæ tamen magna portio amoris, & gratiæ est, cum sola præ-
servatio à peccato pluris valeat, minorisq; pretii sit, quàm re-
gnum ipsum caeleste, quo si ipsis baptis daretur, carere vellent,
quàm peccato involui. Non ergo neglecti dici possunt, qui
tanto bono donati sunt, tantoq; malo liberati.

Alter locus jacet in pag. 120. & adducitur à Cenfore cum la-
cuna in medio, quæ suis verbis replenda est. Id verò, inquit,
beneficium fuit, quòd sacro præmaturò abreptos innocentie
sux personalis securos reddidit, & quàm plurimis peccatis
cum venialibus, cum mortalibus, ac presentissimis, infinitis-
que peccandi periculis subduxit, quibus precedentibus annis
certissimè implicandi erant, addicendique perpetuis gehem-
næ incendiis juxta illud Sapientiæ 4. *Raptus est ne malitiâ mu-
taret intellectum ejus*, quòd præsertim de filiis infidelium ve-
rissimum est. Hoc verò innocentie personalis donum, & im-
munitatis à peccato tantum est, ut ipsi parvuli millies celo ca-
rere malint, quàm vel uno peccato involui, nullusque Chri-
stia-

„stianorum est, cuius non idem votum esse debeat. Ista verba quantâ vasfratitæ, & quàm insidioso artificio de medio sublatâ fuerint, inferius apparebit. Hæc etiam de causâ omitti non debent ultima hæc verba, Quod si Deus id egit, quod & ipsi, & nemo alius non optaret, ergo nulla dolendi, nulla conquerendi, sed magna laudandi, gratesque agendi causa est. Postremus locus describitur in pag. 164. Certum est, ait, etiam in illos parvulos maximam Dei misericordiam elucere, quamvis enim Dei visione, æternâque gloria priventur, at præservantur ne peccent, hoc est, nè Deum ipsi offendant, ne iacturam innocentiae faciant, nè perpetuis ignibus crucientur; quæ omnia, & maxima beneficia esse, & cælesti gloriæ certâ ratione præferri, & consequenter ad Christi merita, & Redemptionem pertinere jam supra ostendimus. Et infra hæc à se scripta testatur Eminentiss. Author ad confutandum Calvinum, & Jansenium, hominis arbitrium, Dei que bonitatem impugnant. Hæc tria dicta ad invicem sunt relata, & per modum unius, ac ut indivulsè connexa hinc assumenda sunt, cum ad genuinum, & obvium, & litteralem eorum intellectum, tum ad indagandum sensum, mentemque Authoris.

Excepimus supra à Chrysostomo, Apostolum laudata verba protulisse, *quia omnes dicebant, & Deum incusabant &c.* Unde à se ipso petit S. Doctor causam illius expressionis Paulinæ: *Quenam ergo causa?* tum sibi met respondit: *Ipsæ amatus Jesus.* Ita mens exploratissima Cardin. Sfondrati in allegatis propositionibus patet ex ipso huius libri themate, quo demonstrare nititur contra Calvinum, & Jansenium eximiam, ac effusam Dei bonitatem erga omne hominum genus, singulosque hominum status, & cum parvulorum absque Baptismo defunctorum status sit maximè numerosus, declarare studet Scriptor in allegatis locis, quod ipsis infantibus nulla, ut idemmet Author loquitur, dolendi, nulla conquerendi, sed magna laudandi, gratesque Deo agendi causa sit, atque quod in eos magna Dei misericordia eluceat. Huc tota collimat iis in locis Scriptoris doctrina.

Hostem in ipsomet notæ limine sibi fingit Censor, perinde ac si Cardinalis Sfondratus de Beatorum gloriâ stulta ferè, & ridicula senserit. Sed audiamus Authorem ita sublimiter de cælestis beatitudinis præstantiâ elocutum, Tanta est gloria, inquit, pag. 54., tantumque gaudium vel unius Beati, ut id
„lon-

„ longè omnium damnatorum mala, & dolores superet, sicquæ
 „ vel unius animæ salutem, dignam Christi Sanguine, ac pre-
 „ cibus mercedem fuisse. Nam quòd damnati doleant, & cru-
 „ cientur, id totum ab igne, causisque creatis est, quæ illos
 „ torquent. Quòd verò Beati gaudeant, & felices sint, id to-
 „ tum à Deo immediatè, clarèque viso procedit. Illa ergo in-
 „ ter damnatorum pœnas, & gaudia Beatorum, quæ inter De-
 „ um, & creaturas proportio est. Deindè quòd damnati puni-
 „ antur, opus est justitiæ, quòd Beati gaudiis exundent, opus
 „ amoris, & misericordiæ; at verò quis nescit, Deum validius
 „ amando, & miserendo, quàm vindicando, & puniendo age-
 „ re, cum hoc invitus, illud spontè, & ideo impensius agat?
 „ In pœnis damnatorum semper misericordia justitiæ misce-
 „ tur, ejusque brachium avertit, nè toto impetu, quantum-
 „ que damnati merentur, in mileres ruat. At in Beatis nihil
 „ misericordiam, nihil torrentem voluptatis moratur, quo-
 „ minùs toto alveo, plenoque fluat. Denique sola justitia est,
 „ quæ damnatos persequitur; at in Beatorum delicias, & ju-
 „ stitia, & misericordia conspirant, certantque; quæ magis
 „ felices eos reddat, tantò ergò perfectius, & excellentius opus,
 „ quantò pluribus, & melioribus causis, sicut & major lacus,
 „ in quem plures amnes volvuntur. Et hæc causa Augustino
 „ fuit, ut diceret, omnes in damnatis gemitus, pœnasque ces-
 „ saturus, si vel momento Deum videre possent, sicque vel vnâ
 „ Paradisi stillâ in eos ignes cadente. Quid ergo erit æternitas,
 „ si tantum est momentum? Quid erit mare, si tanta est gutta?
 „ Verba Augustini sunt, tanta est dulcedo futuræ gloriæ, ut si
 „ una gutta in infernum deflueret, totam damnatorum amari-
 „ tudinem dulcoraret. Quid præclarius, quid eloquentius in
 „ cælestis gloriæ commendationem pronuciari poterat? Quàm
 „ igitur compensationem pro cælesti gloriâ ab Authore traditam
 „ somniat Censor? Quid pro recompensatione illorum parvu-
 „ lorum absque Baptismo decedentium scripserit S. Bonaventura,
 „ jam suprà ex ejusdem verbis didicimus. Author autem quo-
 „ ad eorum parvulorum bona naturalia in aliâ vitâ non alia utrique
 „ admisit, ut toties diximus ex pag 164, quàm quæ illis attribuit
 „ Doctor Angelicus.

„ Exhibita elegantissimâ sententiâ Sfondrati de excellentiâ cæle-
 „ stis Beatitudinis à Beatis in Patriâ possessâ, producendum est
 „ I ejus-

eiusdem testimonium de gravitate pœnæ damni infantibus ab-
 que Baptismo defunctis ob solum peccatum originale à Deo
 inflictæ „ Maxima „ inquit pag. 39. cum S. Augustino de illis
 parvulis „ Creaturæ rationalis pœna est, si exilio mulctetur,
 „ nec verò exilium, aut majus est, quàm quoddam perpetuum, aut
 „ pejus, quàm quo cælum amittitur, tantò enim infelicius exi-
 „ lium, quantò felicior patria, sicut tantò gravius malum, quã-
 „ tò majus est bonum, quo privatur, . . . & hæc privatio patriæ
 „ est acerbissimum exilium, & paulò post subdit, quod idem
 „ *infantes damnantur, cum cælo excluduntur*. Hic humanissi-
 mum Lectorem etiam atque etiam obtestor, ut geminum hoc ef-
 fatum Sfondrati de cælestis gloriæ præstantiâ, & de miseriâ pœ-
 næ æternæ damni ab illis infantibus perpeßæ intentâ mentis
 suæ acie assiduus, dum hac de re agitur, perpendat, ex hinc
 enim deprehendet aditum penitus præclusum cavillis Censoris,
 qui innocentissimam, & integerrimam Cardinalis Autho-
 ris doctrinam eruditissimâ pietate enucleatam insidiosè exagi-
 tat, & calumniosissimè insectatur, sicque pueriliter effertur, &
 insultat, ac velut partâ victoriâ in *triumpho* cantat

N O T A.

Iuxta hanc doctrinam omnes Christiani statum parvulorum cum
 solo originali decedentium, justitiâ per fidem sibi collatâ,
 immò, & Sancti in Cælo regnantes, qui in ætate adultâ mortui sunt,
 celesti, quâ gaudent, gloriæ præferre deberent, quia neutri sine
 peccato actuali vitam hanc transigere potuerunt.

D I S P U N C T I O.

Alienissima sunt à mente, & scriptis sapientissimi Cardinalis
 ea ludibria, & insulsißimæ fatuitates à Censore obtrusæ,
 quæ nec in stolidissimum Margiten cadere possent. Quapro-
 pter innoxia. ac piissima Sfondrati effata secernenda sunt à di-
 cteriiis, & imposturis Censoris, qui quot verba, tot ineptias,
 quot voces, tot calumnias ingeminat. In primis cælestis gloria
 modò non sumitur pro beatitudine, vel obiectivâ, quæ à Theo-
 logis definitur cum Boetio 3. de consolat. prosa 2. *Status omnium*
honorum aggregatione perfectus, & cum D. Augustino 5. de civit.

c. 1. *Rerum optandarum cumulata plenitudo*, vel potius formalis sumptâ integraliter pro statu beatitudinis continente quidquid spectat ad beatitudinis perfectionem, & complementum: sic enim cœlestis gloria procul dubio involvit perfectissimum, ac excellentissimum modo præservationem à quâcumque culpâ, & pœnâ, atque aded ne ideam componatur cum se ipso, non debet institui comparatio præservationis ab omni peccato actuali, & pœnâ cum cœlesti gloriâ sumptâ absolutè, & quocumque modo, sed acceptâ prout abstrahit ab impotentiâ peccandi, & carentiâ peccati, ac pœnæ. Deindè aliud est, mortem parvulorum sine Baptismo, seu negationem Baptismatis ducendam esse pro ingenti beneficio, & gratiâ, quod falsissimum, & insulsissimum est, cum Baptisma à S. Gregorio Nazianzeno orat. 40. verè appelletur, *omnium Dei beneficiorum præclarissimum, & præstantissimum*, aliud præproperam mortem illorum puerorum absque Baptismo, quatenus est præservativa à culpâ actuali, & pœnâ æternâ ignis ab iisdem infantibus si adolescerent, incurrendâ, esse magnum Dei beneficium, quod verum, & pium est. Præterea neque fit comparatio inter illos infantes sine Baptismo decedentes, & parvulos statim post Baptismum nullo peccato actuali inquinatos ad cælum evolantes, aut inter istorum sortem, & statum illorum. Quis enim sui compos unquam effluat, carentiæ gloriæ, & cœlestis patriæ exilium esse reputandum majus bonum, ipsâ gloriæ possessione, & cœlestis patriæ mansionem: cum ipse Sfondratus eam parvulorum exclusionem à regno vocet pag. 40. *damnationem, pœnam, & exilium?*

Tota igitur magnitudo, & excellentia illius beneficii præservationis à peccato actuali, & gehennâ ignis in eis parvulis est in ordine ad visionem beatam præcisè, abstrahendo ab aliis perfectionibus status beatitudinis, & præ eminentiâ illius beneficii in eis parvulis præ visione beatâ ab Authore asseritur tantum cum modificatione, seu ut ipse ait, *Certâ ratione*, & hunc aliquem modum idem contrahit ad optionem, seu electionem, si hæc daretur inter illa duo. En verba Scriptoris in relatis locis constantissima „ Regno cœlesti, si ipsis parvulis optio daretur, ea „ rere vellent, quàm peccato involvi: ipsi parvuli nullius cæ „ lo carere malunt, quàm vel uno peccato involvi, nullusque „ Christianorum est, cujus non idem vorum esse debeat. Illi „ infantes ipsum longè cælo prætulissent, & nos quoque, si „ ele-

„ electio daretur, multò majoris pretii quàm cælum ducere-
 „ mus. Hoc beneficium præservationis à peccato, & ipsi
 „ infantes, & omnes sapientes, si potestas eligendi daretur,
 „ longè cælo præferrent.

Hæc verba in paucis versibus tam frequenter repetita, & tam
 clarè, ac constanter asseverata, & inculcata ad oculum demon-
 strant germanum sensum illarum propositionum, & genuinam
 mentem Authoris, qui totam illam præcellentiam, & majorem
 appreciationem beneficii illorum parvulorum præ gloriâ cæle-
 sti reducit dumtaxat ad illam electionem, & optionem inter ea
 duo. Istud autem ex ipsis verbis Scriptoris est adeò eliquatum,
 & in bono lumine collocatum, ut si altè menti infigatur (quòd
 planè in re præfenti ob oculos semper habendum est) omnia
 penitus profligabuntur dicteria, & machinamenta Censoris;
 qui velit, nolit, stare debet propositionibus illis, prout à
 Scriptore asseruntur, neque ad conflandam ei invidiam in re
 certissimâ & exploratissimâ unquam licebit ipsi, pro libito com-
 parationem illam confingere, sanctissimasque Scriptoris locu-
 tiones in sensum adversum, & ab ejus mente longè alienum de-
 torquere, quandòquidem, ut præclarè advertit Nazianzenus
 epist. 2. ad Cledonium „ Eædem voces, si rectè intelligantur,
 „ cum pietate conjunctæ sunt, si perperam exponantur, im-
 „ pietate non carent. „

Saluberrima, atque piissimæ Cardinalis Sfondrati doctrina à
 caligine, & tenebris à Censore offusis expurgata, & suæ purita-
 ti restituta gravissimis modò authoritatibus, & momentosis ra-
 tionibus est communienda. Celebris, & pervagata est in omni
 scholâ Theologicâ sententia à Præceptore Angelico tradita 1.
 par. quæst. 48. art. 6., & quæst. 1. de malo art. 5. nempe, ma-
 jus esse malum culpæ, quàm malum poenæ æternæ damni, seu
 carentiam visionis beatæ; nam culpa magis opponitur summo
 bono secundum se, cum sit offensa, & contemptus divinæ bo-
 nitatis secundum se, quàm poenâ, seu privatio beatitudinis,
 quæ opponitur Deo, non secundum se, sed prout participabi-
 li à creaturâ participatione creatâ: hanc enim Deus vult, & in-
 tendit, ex suppositione peccati; illam verò Deus non potest
 velle, nec intendere, sed solùm permittere. Deindè culpa
 constituit hominem malum, & poenâ dignum, poena non con-
 stituit hominem malum, quia ut ait S. Dionysius cap. 4. de di-

„ vinis

vinis nominibus, *non est malum puniri, sed fieri pœnâ dignum*; idcirco per charitatem debemus peccatum odisse propter ejus malitiam, ut efficaciter velimus nunquam peccare, & ut simus parati omnia mala peccatum non includentia subire, nè peccemus, atque adeo peccatum non est eligibile pro ullo bono consequendo etiam majori, quàm sit malitia peccati, & habet de essentia suâ, quod sit ineligibile honestè in quocumque casu. Præterea culpa comparata ad hominem committentem est illi majus malum, quàm non esse, & quàm carere omnibus bonis naturæ, gratiæ, & gloriæ, & ideo ille debet potius tolerare quodcumque malum non involvens peccatum, quàm admittere culpam, ut ait Ruiz. disput. 16. de prædestin. sect. 9. n. 7. qui disput. 17. sect. 2. n. 6. dilucidè tradit, quod „ D. Petrus „ sciens, se peccaturum esse mortaliter, si existimaret unum de „ duobus esse necessario eligendum, videlicet, aut in æternum „ annihilari, aut peccaturum mortaliter, deberet eligere in æternum „ annihilari, & renunciare suæ prædestinationi potius, „ quàm eligere peccatum mortale „

„ Ulteriùs laudatus Theologus n. 9. scribit, reprobo melius, aut „ certe minus malum fore, nunquam creari, & nunquam exis- „ sere, quàm peccare, & damnari; hanc sententiam, inquit, „ ex verbis Christi Domini Matth. 26. & Marci 14. *Melius erat „ ei, si natus non fuisset homo ille*; colligunt Cyrillus Alexandri- „ nus lib. 1. in Genes., Gregorius Nyssenus orat. de infant. „ qui præmaturè abripiuntur, & orat. Catechet cap. 7; & 8; „ Theophylact. Marci 14; Hieronymus, Matth. 26; Bernar- „ dus serm. 35. in Cantic; Glossi; & Lyra. Matth. 26; S. Tho- „ mas in Catenâ Marci 14; cui sententiæ consonare scribit „ doctrinam scholasticorum omnium asserentium, mortale „ peccatum esse malum maximum omnium malorum, propte- „ reâque rationi consentaneum esse, ut optione datâ, potius „ eligeretur annihilatio, quàm peccare „ Positâ hac doctrinâ Patrum & scholasticorum omnium quæro à Censore, quod si ipsi daretur optio: (præscindendo à quacumque hypothesi impossibili, cum in hac propositione nulla repugnantia reluceat) an mallet non consequi beatitudinem. absque ullo peccato, quàm eam obtinere post patrata peccata mortalia, quàmvis deindè per pœnitentiam detergeret. Profecto si ipse per rectam rationem, & juxta communem Patrum, & scholasticorum om-
nium

nium sententiam operari velit, deberet potius eligere carentiam beatitudinis absque ullo peccato, quam afflictionem beatitudinis, seu beatitudinem non possidendam, nisi post commissam peccata lethalia quamvis per poenitentiam expiata.

Præterea S. Augustinus lib. 5. in Julianum cap. 8.; ut refert Eminentiss. Author pag. 115; inquit de infantibus absque Baptismo mortuis, *non audeo dicere, quod eis, ut nulli essent, quàm ut ibi essent, potius expediret*, seu ut Paulò supra dixit, *ut eis, nō nasci, potius expediret*. Hinc Salmeron indicans eundem locum Augustini habet disp. 48. in c. 5. epist. ad Rom; quod „ Tales „ pueri non apperunt, non esse, imò illi malunt sic esse, quàm non esse „ Similiter Cornelius à Lapide in Ecclesiastem c. 4. assignans discrimen inter adultos peccantes, & pueros existentes cum originali „ Melius est, inquit, non esse, quàm damnari, „ & cruciari in inferno, & idèò communis damnatorum in die „ Judicii vox est, & lamentatio, ut dicant montibus, cadite „ super nos, & collibus operite nos, Apoc. 6; & docet diserte Christus loquens de Judâ traditore, idest, melius, & utilius illi esset, si natus non fuisset &c. Animæ verò puërorum, qui mortui sunt in peccato originali, deguntq; in limbo, „ malunt esse, quàm non esse, quia peccatum non est actus illorum proprius, nec ex actu proprio, sed alieno Adami Protoplasti contractum „ Citatque S. Thomam 1. 2. quæst. 83. art. 1; ut etiam sentit Requesenius opusc. de statu parvulorum sect. 1. n. 17. Quod circa si secundum rectam rationem, & ordinem charitatis deberet, datâ optione, potius eligi, non solum carere æternâ beatitudine, sed etiam in æternum annihilari, quàm vel unum lethale peccatum committere. Optime intulit Sfondratus, quod respectu infantium cum solo originali morientium præservatio à peccato actuali est tale beneficium, quod & illi infantes, & quilibet alii, datâ electione, deberent, secundum rectam rationem, & ordinem charitatis longè præferre cælo, ipsumque multò majoris pretii facere, quàm ipsam celestem gloriam.

Itaque Eminentiss. Author in notatis à Censore locis manifestam comparationem instituit inter malum culpæ, & malum poenæ in ordine ad optionem, seu electionem inter utrumlibet, & quia peccatum, seu Dei offensa est malum longè majus, quàm quælibet poenâ, vel ipsa privatio gratiæ, & gloriæ, & ex

duo-

duobus malis inevitabilibus debet eligi minus præ maiore, idcirco ex hinc legitime infert Sfondratus, esse longè æstimabilius præservari à peccato, quàm beatâ Dei visione frui, cum æstimabilius planè sit præservari à maiori malo, quàm à minori, & per consequens maioris pretij sit præservari à peccato, quàm præservari à privatione gratiæ, & gloriæ, quodd beneficium illis parvulis obvenire scribit Author securâ præproperâ morte, postquam jam ipsi immunes sunt à novo malo culpæ, & à pœnâ sensus. Quocirca Sfondratus sibi metipsi consentaneus in opusculo de Innocentiâ vindicatâ §. 2. n. 3. hanc veritatem concinnè astruxit his verbis „ Præstat vel totâ æternitate exul-
 „ lem esse cælo, & infelicem, quàm uno momento peccato-
 „ rem. Affinia sunt ista his vocibus, quas Beata Catharina Ge-
 „ nuensis à Contensono disput. 6. de probabilitatis commento
 „ cap. 2. speculat. 3. meritò appellata, amoris Dei igne decoro per-
 „ fusa proferre solebat, ut in ejus vita cap. 39. refertur, nempe
 „ Si homini suppetere vires æstimandæ gloriæ Beatissimæ
 „ Virginis Mariæ, & eam haberet in voluntate, & cum effectu
 „ ex divinâ ordinatione (quemadmodum illam habet Deipara)
 „ & deindè ei propositum esset: cum hac gloriâ debes in te vi-
 „ dere unicam imperfectionis scintillam contra ordinationem
 „ omnipotentis Dei, pro comperto habeo, quodd illa respon-
 „ deret videns tamen eam dulcem veritatem nolo hanc glo-
 „ riam cum hac societate, & potius derrudari in infernum „ Cõ-
 „ sentit. Venerabilis Pater Alexander à S. Francisco Carmelita
 „ Excalceatus probitate, & doctrinâ opinatissimus in Manuali
 „ pauperum redolente cælestem pietatem, & effundent unguen-
 „ tum illud, quo mortalium mentes ad cælestes delicias singulari
 „ quâdam suavitate perunguntur „ Est tam grande malum, inquit
 „ thesauro 28. : quantumvis minimum peccatum, ut quod-
 „ cunque bonum quantumvis maximum inde sequi possit, cõ-
 „ mitti nullo modo debeat, ita ut etiam si posset quis levis pro-
 „ latione mendacii universum mundum lucrari, non dico sibi,
 „ sed Deo, & omnes simul animas damnatorum, ex inferno li-
 „ berare, nihîlominus abstinere potius deberet ab illo menda-
 „ cio cum tanti boni jacturâ, quàm illud proferre, etiamsi tam
 „ inæstimabile lucrum inde consequeretur. Minimum enim
 „ peccatum majus affert animæ peccanti detrimentum, quàm
 „ quodlibet aliud maximum malum, . . . Sed etiam si possibile
 „ fiat,

„ fiat , ut in bonum ipsius etiam animæ peccantis peccatum
 „ convertatur , & cooperetur , nullo modo faciendum est ma-
 „ lum , ut veniat bonum .

Unde Suarez tom. 4. de pœnit. disp. 3. sect. 9. fundatissimè
 docet, quòd licèt de facto , & secundum legem ordinariam , ac
 connaturalem rebus ipsis nunquam possit occurrere occasio ne-
 cessariò eligendi inter culpam , & æternam pœnam , & in ordi-
 ne ad absolutam electionem nunquam possit malum æternæ pœ-
 næ eligi propter vitandum malum culpæ , quia saltem secundum
 legem ordinariam nunquam potest esse medium accommoda-
 tum ad illum finem , & comparatio illa consulenda non sit præ-
 fertim hominibus infirmioribus , & fragilibus , nihilominus in
 ordine ad simplicem , seu conditionatum affectum in homine
 perfecto potest esse utilis ad ponderandam gravitatem culpæ , &
 explicandum affectum odii circa illam , & hujusmodi conditio-
 nales affectus sunt frequētēs apud Sanctos Viros , & ab insignio-
 ribus Theologis impensè commendatur hoc pronunciatum S.
 Anselmi lib. de simil. c. 190. „ Si hinc peccati pudorem , & il-
 „ linc cernerem inferni horrorem ; & uni eorum haberem im-
 „ mergi , potius me in gehennam immergerem , quàm peccatum
 „ in me immitterem : malle enim à peccato purus infernum
 „ intrare , quàm peccati forde pollutus cælorum regnare ,
 „ Hoc indicium , ut adnotat Bernardinus Rosignolius , spectatæ
 innocentiae , & charitatis vir lib. 1. de actionibus virtutis cap. 17.
 „ Est maximè proprium timoris casti , cujus est maximè propriū
 „ peccatum expellere eà ratione maximè , quòd non solum ani-
 „ mum inducit in propositum ac firmam voluntatem illud ca-
 „ vendi , sed suā sollicitudine ac stimulis efficit etiam , ut cave-
 „ at , quamvis id non sit in usum deducendum nisi ab iis , qui jam
 „ didicerint in acie fortiter stare adversus propriam animi in-
 „ becillitatem . „ Descriptis S. Anselmi verbis subjungit Ga-
 spar Tauschius sacrę scripturæ interpres , & Academia Olomu-
 censis Cancellarius in fontibus Salvatoris p. 1. §. 9. „ O quan-
 „ tùm melius fecissem , si priusquam peccassem , in gehennam po-
 „ tius sine peccato cum D. Anselmo insilire voluissem . Certè
 „ multò optabilius , & omni studio præferendum est , omnes to-
 „ lerare cruciatus , & pœnarum mala omnia , quæ sunt , erunt ,
 „ fuerunt , esseque possunt , quàm unicū committere peccatum .
 „ Hoc enim sempiternum , & optimum offendit Numen , illa
 „ me

„ me pulicem unum, & canem mortuum, hisque longè viliorē
 „ quippè ad nihil aliud magis, quàm ad peccandum aptum, pro-
 „ numque affligunt. Et cui unquam in mentem venit dubitare,
 „ abiiciendus nè in ignem pulex sit potius, quàm ut molestiā
 „ aliquā Rex afficiatur, ne dicam, tormentis excrucietur, ene-
 „ ceturque, ut peccato meo excruciatu, enectusque es Chri-
 „ ste Rex meus, & Deus meus, & morte, ac tormentis tristius,
 „ diriusque afflictus?, „ Et paulò infra ostendit, quod cum fu-
 „ gimus peccatum, gaudium Derex Johannis 15. est in nobis, &
 „ Deo accedit quædam oblectatio „ Majus mihi bonum est (per-
 „ git) oblectatio tua, vel minima, quàm malum mihi sint tormē-
 „ tā omnia, vel maxima, quæ si ad oblectationem tuam faciunt,
 „ non mala, sed bona mea sunt. „

Seraphica Virgo Theresia apud Paulum Segnerū par. 2. Chri-
 stiani Instructi disc. 22. n. 5. dicebat, *quod unusquisque deberet*
intelligere hanc veritatem, eamque tanquam infallibilem tenere,
esse majus malum unicuique solum peccatum veniale, quàm sit totus
simul infernus. Sancta quoque Maria Magdalena de Pazzis, ut in
 ejus Vitā cap. 99. refertur, pro proximorum salute sæpè ingenti
 pietatis sensu proferre solebat, „ O Verbum Divinum cur pa-
 „ ti me non facis infernum, & vitam amittere, ut saltē in ali-
 „ quā parte placarem iram Patris tui? Item. Domine si non vis
 „ mihi facere istam gratiam concedendi mihi has animas, quas à
 „ te flagito, dicam etiam ego, me nolle venire ad possidendam
 „ gloriam à te mihi præparatam. „

Propterea B. Catharinæ Genuensi divinitus patefacta narra-
 tur in ejus vita cap. 27. hæc veritas, nimirum, esse multò magis
 intolerabilem offensam Dei quamvis minimam, & exiguam, quā-
 tuncunque esse possit, quàm infernum Luciferi, istudque do-
 cumentum tam altè ejus cordi infedisse dicitur, ut videndo, quā-
 ti momenti illud esset, excitatum fuerit tantum incendium in ip-
 sius pectore, ut morbo correpta ad extrema devenerit. Eandē
 cælestem veritatem constanter professus est Alexander à S. Frā-
 scisco in soliloquiis verè piissimis ac devotissimis profundā ora-
 tione magis, quàm arte, & studio ex medullis sacrarum Scriptu-
 rarum, & SS. Patrum deductis, „ Si quid Domine, ait folioq; 4;
 „ ad impetrandā gratiam præservationis à peccato mihi patien-
 „ dum est, si cruces; si labores, si tormenta, si ignominia, si per-
 „ secutiones, si mortes si omnes inferni poenæ sustinendæ sunt,

„ veniant, Domine, veniant obsecro, ex tunc omnia ista super
 „ me ad tempus, vel in sempiternum, si tibi placuerit, dummo-
 „ dō Domine te non offendam Quidquid Domine omnipo-
 „ tentia tua facere potest, ut patiar, pati volo, & acquiesco, &
 „ eligo, & rogo, dummodō non permittas, ut te offendam. Et
 „ soliloq. 13. „ O quā infelix esset pro me hora illa, momē-
 „ tum illud, in quo te offenderem! Utinam placeret Divinę pie-
 „ rati tuę in æternum omnium tormentorum potius, quā in
 „ illud momentum devenire. Certē si tibi placet hoc mihi cō-
 „ cedere, ex tunc, Domine, acquiesco, & assentior. Præopto
 „ enim magis subdi per totam æternitatem omnibus tormentis
 „ quā uno momento servū esse peccati, Expendat atabō can-
 „ didus Lector prælibata Sanctorum hominum effata, & è vestigio
 „ comprehendet, non aliud certē sensisse Sfondratum in notatis
 „ propositionibus. Undē Didacus de Avendanno Limæ in Pe-
 „ ruvio primarius Theologiæ Professor in Amphiteatro Divinæ
 „ misericordiæ p. 1. vers. 13. disc. 3. n. 369. iisdem penitus verbis
 „ Cardinalis Sfondrati eandem veritatem exprompsit, Est meli-
 „ us peccatis caruisse, quā Divini conspectus felicitate potiri,
 „ eligendum illud præ isto, si ad eum statum conditio deveni-
 „ ret, quæ impossibilis quidem, sed ad hanc veritatem declarā-
 „ dam opportuna, Idem habet Cornelius à Lapide in c. 9. epist.
 „ ad Rom.

Ex his sanctorum hominum pronunciatis, quibus mirificē
 exprimitur flagrantissimus Dei amor, & intensissimum peccati
 odium, inferimus, quod tamen pœna inferni adæquatē sumpta
 includat formaliter, vel connexivē peccata gravissima, & plura,
 & plura in infinitum, quatenus damnati habebunt privationem
 auxiliorum necessariorum ad Deum amandum, & ad faciendum
 ullum actum honestum, & patientur necessitatem saltem mora-
 liter per totam æternitatem Deum odio habendi, & blasphemā-
 di, quod secum trahit plura, & plura in infinitum peccata gra-
 vissima; nihilominus eis licuit ad exprimendum amorem Dei,
 & odium peccati præscindere à pœnā inferni illos actus pecca-
 minosos gravissimos, & protestari, se esse paratos pati infernum,
 nē peccent, & ut Deus glorificetur, intelligendo nomine infer-
 ni aliquod magnum malum physicum honestē eligibile, & patiē-
 ter tollerabile ex amore Dei. Itā non video, cur conflanda sit
 invidia Eminen. Sfondrato, eo quod à cœlesti beatitudine ab-
 stra-

strahat impotentiam peccandi, & præservationem à pœnâ æternâ, cum quibus beatitudo est necessariò connexa. Si quidem cum istiusmodi affectus puram pietatem redolentes, & huiusmodi optiones privationis æternæ gloriæ præ peccato lethali à Theologis permittantur, & à religiosis scriptoribus enixè commendentur, procul dubio etiam permitti, & approbari debet ea præcisio impotentiae, peccandi, & carentiae pœnæ ab ipsa celesti beatitudine: Siquidem tradit Joseph Cachéranus tom. 2. *ſue Theologiæ affirmativæ tract. 4. lib. 4. de Beatitudine c. 2. §. 3. n. 22.* quòd est communis Theologorum ſententia, amorem beatificû poſſe divinitus in Beatis ſuſpendi, & antea lib. 3. c. 3. §. 5. n. 65. retulit Scotiſtas, Nominales, Aegidium à Præſentatione, aliosque Doctores aſſerentes, Beatos non eſſe impeccabiles ex ipſâmet naturâ viſionis conſideratæ ſecundû ſe præciſè, ita ut ſi Beati viderent Deum, & ipſum non amarent, non remanerent ab intrinſeco impeccabiles. Similiter idem Theologus c. 2. §. 2. n. 19. ſupponit cum aliis pluribus Doctõribus, quòd Beatus actu videns Deum affici poſſit doloribus inferni etiam in æternum duraturis ſimul cum viſione beata, in quo nullam ſe videre repugnantiam, fatetur.

N O T A

Quin etiam ex eadem aſſertione, ſequeretur longè minori pretio habendos, qui poſt gravia peccata penitentiæ virtute, & charitatis ardore ad altiffimum Sanctitatis gradum pervenerunt, quales fuerunt S. Petrus, S. Maria Magdalena, & alii; quàm juſtos, qui ſervatâ Baptiſmi innocentia, ſtatim atque uſum rationis adepti ſunt, diem ſuum obierunt: id quod à fide, & ſenſu communi Chriſtianorum alienum eſt, immò, & divino oraculo apud Ezech. cap. 18. v. 21. 22. contrarium, ubi Deus vitam abſolutè impio penitenti promittit: omnium iniquitatum ejus, inquit, non recordabor, in juſtitia ſua, quam operatus eſt vivet, quibus verbis ſignificatur apud Deum, ac reverâ hominum eſſe vitâ decedentium ſortem non ex præteritis peccatis, que per penitentiam deleta ſunt, aut ex præviſis operibus, que ſi diutius vixiſſent edituri erant, ſed ex præſenti juſtitia, in quâ uſque ad ſinem perfeveraverunt, exiſtimandam eſſe: omnes nos, inquit Apoſtolus, manifeſtari oportet ante Tribunal Chriſti, ut referat unusquiſque pro -

propria corporis prout gessit siue bonum, siue malum 2. Corinth. 5. u. 10. Propria corporis prout gessit. *Hoc est, dum in corpore degeret, siue ea per se gesserit, ut adulti, siue aliorum opera, ut infantes, qui alieno ministerio Baptismum percipiunt. Quo ex textu Apostoli jam olim Augustinus Semipelagianos confutavit, qui ad prævisa quædam opera, hoc est, ut ipse loquitur, ad futura non futura confugiebant, ut rationem redderent, cur ex duobus pueris, unus ad Baptismi gratiam perveniret, alter festinantibus licet Ministris, antè acceptam eam gratiam è vitâ decederet.*

DISPUNCTIO.

HÆ instantia ultimo loco adducta non magis huc quadrat, quàm circulus quadrato. Non semel tantum hæresim illam confutat Sfondratus, & præcipuè pag. 57. ; ubi eam inter deliria recenset, & ineptissimi commenti nota exhibilat „ Dicant, inquit, Pelagianii, ex duobus parvulis, quorum unus Baptizatus, alter non Baptizatus decedat, eum, qui Baptizatus, idèò Sacramento privatum esse, quia Deus peccata prævidebat, quæ, si vixisset, commissurus erat. Augustinus inter alia argumenta, quibus ineptissimum hoc commentum refutat &c. Deindè peccatum jam remissum est peccatum non amplius existens, cum peccatum remitti sit ipsum tolli, & destrui, atq; adeò dicit carentiam mali, & mæstitiæ, & hoc modo, idèst, quatenus est remissum est materia gaudii, quia ex infinitâ Dei misericordiâ peccatis illis penitentiâ deletis successerunt innumera bona. Veruntamen si consideretur peccatum perpetrandum, & ut stat sub optione, seu electione inter ipsum, & cælestem gloriam acquirendam post commissâ aliqua peccata deinceps per penitentiam expiata, certissimum, & inconcussum esse debet, potius esse eligendum carentiam beatitudinis sine peccato actuali, quàm beatitudinem supposito peccato quamvis gratiâ Dei remittendo, & proindè firmissimum consistit, præsertim à peccato actuali præferendam esse ipsi beatitudini, si inter utramque daretur optio: Illa autem prælatio præsertim à peccato, & gehennâ non ponit, neque figit aliquem statum pro parvulis absque Baptismo decedentibus, sed ut ex Suario dictum est, simplex, & conditionatus affectus est: Istiusmodi autem affectus,

aus, ut animadvertit Card. de Lugo de Pœnit. disp. 5. sect. 2.
 „ Habent rationem simplicis complacentiæ sistentis in crâ per-
 „ fectionem complacentiæ simplicis, quæ potest esse intensa,
 „ quia gradus superadditi non faciunt eam esse amorem absolu-
 „ tum, nec respiciunt obiectum alio modo „ Et in hoc consi-
 „ stit tota allucinatio Censoris, qui transit ab illâ comparatione
 sitâ præcisè in optione, seu electione inter ea duo ad statum ab-
 solutum, vel ad aliam comparationem. Quem enim præterit,
 plures his de rebus constitui posse comparationes, easque vel
 ex mutatione alterutrius extremi, vel ex multiplici respectu,
 & habitudine ad eundem terminum posse multifariam variari,
 diversasque proponi quæstiones? Censor autem, ut Paulò an-
 te dicebamus, indutus personam accusatoris contra Eminen-
 t. Authorem non debet gratis, & arbitrariè commutare quæstio-
 nes, & themata, variasque fabricari comparationes, sed debet
 omninò consistere intra terminos ab Authore propositos, eos-
 que invariato oppugnare.

Quoad Sanctos verò, qui à Cenfore dicuntur in cælo regnan-
 tes, qui in ætate adultâ mortui sunt, & sine peccato actuali vi-
 tam hanc non transegerunt, uti SS. Petrus, & Magdalena, non
 solum antecederet ad eorum peccata, sed etiam si con-
 scipiantur illi considerare sua peccata præterita in ordine ad tẽ-
 pus præsens, & ad electionem, quæ pro illo tempore facienda
 fuisset secundum rectam rationem, & habere tunc actum con-
 ditionatum circa peccata præterita, necesse est, ut docet Sua-
 rez loc. cit. quòd illa etiam detestentur plusquàm carentiam be-
 atitudinis absque culpa, quia illa conditionalis habet hunc sen-
 sum, quòd si nunc occurrerent illud idem tempus, & occasio-
 nes, in quibus peccarunt, potiùs eligerent non peccare, quàm
 quolibet alio carere malo. Subscribit Suarior Tauschius de fon-
 tibus Salvatoris p. 1. §. 11. ajens „ Beati in cælo clarè intuen-
 „ tes Deum mallent carere omnibus bonis, commodisque su-
 „ is, & pati cruciatus, malaque præter peccatum alia possibi-
 „ lia omnia, quàm vel levissimum in Deum delictum admitte-
 „ re, adeò hoc illi gravius judicant, immò, quàm vel alius le-
 „ vissimè offendat Deum „ Undè omniò inopportunitum, &
 à præsentis scopo prorsus alienum est, quod scribit Censor de
 excellentiâ Sanctorum pœnitentium supra alios, & de vitâ à
 Deo absolute promissâ impio pœnitenti. Ut enim habet idem

Tau-

Tauschius loc. cit. „ Quamvis peccatum meum ignoscat mihi
 „ Deus, semper tamen verum erit, me peccasse, nec efficere po-
 „ tero (ò si id efficere possim !) ut non peccaverim „

Agitur quidem nobilis controversia inter Theologos; utrū
 innocentem Deus amet plus, quàm pœnitentem. Cum autem
 ille magis ametur à Deo, qui destinatus est ad altiorem gradum
 gratiæ, & gloriæ, si e sit innocens, si ve pœnitens, proinde
 Ruiz disp. 53. de volunt. Dei sect. 11. n. 4. thesim statuit in hæc
 verba „ Ex duobus hominibus prædestinatis ad æqualem gra-
 „ dum gratiæ, & gloriæ, cæterisq; paribus, innocentem Deus
 „ magis diligit, quàm pœnitentem, ut existimant omnes, qui
 „ de hoc tractant. Frequenter tamen evenit, per accidens ma-
 „ jora bona tribui pœnitenti, quàm innocenti, & consequen-
 „ ter magis amari pœnitentem. Multi namque resurgunt hu-
 „ miliores, cautiore, ferventiores ad recuperandam cum fæ-
 „ nore jacturam præcedentium peccatorum, propter quam
 „ utilitatem consequendam, & Petrus permissus est cadere, &
 „ alii plerique prædestinati ad altiorem gradum gloriæ, uti Pa-
 „ tres observant „ Sed quorsum hæc spectant? Non enim
 Sfondratus attendit hic peccatum nisi relatè ad hominem com-
 mittentem, quatenus est liberum agens illius culpæ, vel in or-
 dine ad electionem liberam, quo sensu planè peccatum
 est malum majus, quàm non esse, & quàm carere omnibus bonis
 naturæ, gratiæ, & gloriæ; non autem considerat peccatum, si
 referatur ad hominem præcisè, in quantum ea culpa permitti-
 tur à Deo, vel in quantum ipse homo, vel alius permittit, ut
 sic enim, concedit Ruiz loco laudato, peccatum non esse ho-
 mini malum omnium maximum.

N O T A.

Falsa Authoris ratiocinatio oritur ex eo, quòd peccatum actuale
 in se ipso tantum consideret, prout est offensu Dei, cui summo-
 perè displicet, illudque comparet cum statu infantium antè per-
 ceptum Baptismum è vita discedentium. Cum potius debuisset eo-
 rundem infantium statum cum statu iustorum, qui gratiâ, & cha-
 ritate Deo coniuncti sunt, aut etiam cum statu Beatorum, qui sum-
 mo jam bono fruuntur, comparare. Nunc enim quis non advertat
 pueris à peccato actuali vacantibus infinitis partibus præferendos
 esse

esse fideles adultos, qui in adoptionem filiorum Dei adscripti, spe jam salvifacii sunt, & per bona opera ad vitam proficiunt sempiternam, & multo adhuc magis beatos in celo, qui ab omni peccato liberi, & suæ felicitatis securi in æternum cum Christo regnant? sane si peccatum actuale semel admissum statum, & conditionem adultorum ita deprimit, ut eis etiam in celo constitutis infantes sine Baptismo demortui quodammodo præferri debeant, ut quid ergo Apostolus Dei bonitatem tantoperè prædicat, quod ubi abundavit delictum, ibi abundet gratia? Ut quid ex eo potissimum misericordiam Dei commendat, quod omnia cooperentur in bonum iis, qui secundum propositum vocati sunt &c. Quam in rem Augustinus ait prorsus omnia, idest, ipsa etiam peccata, quia & humiliores post peccatum resurgunt, & per penitentiam ferventiores, majori quàm antea, alacritate, in bonis se operibus exercent.

Præterea sita sunt beneficia, quæ Deus etiam ob meritum Christi pueris sine Baptismo decedentibus confert, cur, quæso, ecclesiasticâ sepulturâ privantur? cur cum psalmis, & hymnis ad Ecclesiam non deducuntur? cur pro eis Sacrificium Missæ in gratiarum actionem non offertur? At qui non solum hunc usum non habet Dei Ecclesia, sed potius parentes, ac propinqui, ceterique fideles ejusmodi puerorum mortem tanquam gravissimum casum deplorant.

DISPUNCTIO.

CAlumniosa Censoris nota ex his falsis persuasionibus, & imaginariis speciebus nascitur; primò, quod mors infantis in peccato originali sit gratia, & beneficium Dei, secundo, quod sit felicior status parvuli decedentis sine Baptismo, quàm fors parvuli defuncti statim post Baptismum ante usum rationis, tertio, quod carentia gloriæ, & infernus sit bonus majus, quàm ipsa gloria, & Paradisus; quarto, quod decessus parvulorum in peccato originali sit, tum respectu eorumdem puerorum, tum respectu parentum ipsorum infantium, materia non doloris, sed puri gaudii, quinto, quod suppositâ eorumdem morte in peccato originali, esse non possit magnum Dei beneficium, & eorum ingens consolatio, quod ipsi fuerunt præservati à peccatis actualibus, quibus adulti inquinantur, & ipsimet, si adolevisent, ea perpetrassent, & gehennam incidissent; sexto, quod exindè illi infan-

infantes non habeant magnam causam laudandi, gratesque agendi Deo, sed potius materiam habeant dolendi, aut conquerendi de Deo, & tandem quod peccatum jam remissum possit tantum esse obiectum doloris, & tristitiæ, nullatenus autem gaudii, & lætitiæ. Hæc autem absurda, cum ex ignorantia, & pravis phantasmatibus, vel potius dolo Cardinali Stondrato per summam injuriam afflexerit Censor, nil mirum, si tot consecraria inepta, & ridicula non ex sententiâ, & doctrinâ Authoris, qui nullum ex illis unquam somniavit, sed ex suo marte, & depravata imaginatione oborta jactabundè in vulgus sparserit. Non sua bufoni de fabulâ gratior proles, quàm obtrusa à Censore commenta, exultavit in somnio suo, quasi in Delphorum oraculo.

Plura alia comminiscitur Censor de statu parvulorum absque Baptismo defunctorum, quæ vel jam everfa sunt, vel clariùs deficientur ex his, quæ Ariaga tom. 3. disp. 52. sect. 4. n. 14 scribit, nimirum, „ Illi infantes levissimam propositionem habent „ ejus boni, quod amiserunt: est enim res supernaturalis, quâ „ non possunt sine magno miraculo vehementer apprehendere; at tormentorum, quæ sunt res naturales, habent intensâ „ valdè propositionem, ideòque magis gaudent, se hæc evasisse, „ se, quàm doleant, se illam amisisse. Et hæc ratio potest habere locum, etiamsi dicatur, in se majus malum esse eam pœnam „ damni, cum enim ea non positivè affligat, quidquid sit de propria gravitate, sicut affligunt dolores, & alia mala positiva, „ non potest, nisi mediante vehementi apprehensione boni, „ quo privat torquere, hæc autem apprehensio admodum est „ exigua in infantibus. Et sicut homo quandò non cogitat, non affligitur de amisso honore, aut divitiis, ita si eas non valdè „ æstimet, non valdè etiam de illarum amissione tristabitur. Id „ quod clarissimè ex nobis ipsis confirmo, nam licet habeamus „ notitiam visionis beatæ, & quàm sit infinitam propè bonum, „ nihilominus quia cogitatio hæc est obscura, non apprehendimus in hac vitâ vehementer quid sit eâ visione carere, undè „ fit quòd ordinariè ad movendos homines ad deserenda vitia „ longè efficacior sit propositio pœnarum inferni, quæ incurruntur quolibet mortali, quàm propositio visionis beatæ, quæ „ per idem peccatum amittitur, ergò facillimè potest intelligi, „ eos infantes in Limbo, eo quòd beatam visionem non apprehendat adeò efficaciter, non ita dolere, quòd illam amiserint,

„ ac

„ ac gaudent, quòd evaserint poenas inferni, quarum gravitatē
 „ vehementius apprehendunt, utpotè obiectum naturale, &
 „ magis cadens sub naturâ intellectus ipsorum.

N O T A.

D Enique valdè periculosa, & perniciofa esset ista doctrina, si in vulgus spargeretur: ubi enim semel homines sibi persuassent, parvulis sine Baptismo demortuis ea præstari beneficia, quæ celesti etiam gloriæ anteferri debeant, facile existimarent, non tantis referre, an Baptismo regenerati, an verò non regenerati moriantur, idque præsertim locum haberet in matribus ex crimine fetus suos concipientibus, quas nihil aequè cohibere solet, quàm si cogitent, quòd in Ecclesiâ didicerunt, prolem, si in utero extinguatur, æternum perituram.

D I S P U N C T I O.

Pericula, & detrimenta illa, quæ ex Authoris doctrinâ obventura per acerbissimas hyperboles ominatur Censor, jam fuerunt superius elisa, cum in unum conglobata digestimus absurdas coniectaria, & insula machinamenta, quæ ad confutandâ celeberrimo Scriptori invidiam ex suo cerebro commentus est Notator, cui necessitate peccanti ignotcerem; quippè oppugnari non potest optima cautela, nisi petitis artibus. Nonne hoc divinare, seu potius calumniari est, & affectatâ, temerèque asfutâ verborum interpretatione, quoquò libido tulerit, mentem Cardinalis Authoris inflectere? Nec Syracusani senis machinis ex libro Sfondrati poterit unquam trahi, quòd exclusio à gloriâ sit gratia, & beneficium, quòd ob carentiam Baptismi infantibus contingat major gratia, & felicitas, quòd privatio gloriæ sit potior ipsâ gloriâ, quòd status peccati originalis sit perfectior statu peccatæ sanctitatis, & immunitatis ab omni peccato. Istiusmodi siquidem spectra, & inania monstra jam superius detecta, profligata, & dissipata sunt, sanaque Scriptoris mens tam dilucidè explanata fuit, ut nullis planè salebris asperari posse videretur. Sedulò, & assiduè reflectat Censor, in presenti sermonem esse de parvulis absque Baptismo decedentibus, idest, de hominibus, quos propter peccatum originale esse exclu-

clusos à regno cælorum, & negativè saltem reprobatos confessus est ipsemet Censor in sua Notâ ad quintam propositionem tanquam catholicâ fide certum, & ab omnibus Theologis traditum; ut de his parvulis protulit Sfondratus pag. 120. „ Quòd „ Deus eos sâto pramaturò abreptos innocentia suâ persona- „ lis securos reddidit, & quamplurimis peccatis, tum veniali- „ bus, tum mortalibus, ac præsentissimis, infinitisque peccan- „ di periculis subduxit, quibus procedentibus annis certissimè „ implicandi erant, addicendiq; perpetuis gehennæ incendiis. „ Hujusmodi autem reprobis, seu consideratis in statu reprobatio- „ nis præstitum fuisse à Deo maximum beneficium, eo quòd immaturâ morte abrepti à quamplurimis peccatis, infinitisque peccandi periculis præservati fuerint, quibus, protractâ vitâ, certissimè inquinandi erant, mulctandiq; perpetuis ardoribus, quis mentis compos in dubium revocare poterit? Infantes quoquè, inquiebat Cornelius Mussus in cõcione de pœnitentiâ christia- „ nâ, „ Quamvis dicantur innocentes respectivè ad alios, tamen „ absolutè etiam infantia, ut pervenit ad sextum aut septimum „ ænum habet sua peccata, sua desideria carnalia, suos amores in- „ honestos, sua odia maligna, & suos timores mundanos. „ Quidquid ergò discrimini, quidquid detrimenti, quidquid di- „ ri ex hinc ominatur Notator, non ex innocentissimâ, & saluber- „ rimâ doctrinâ Cardinalis Sfondrati, sed ex Censoris præstigiis, depravatione legitimi sensus ab Authore intenti, & ex inductâ ab ipsomet caligine portendi debet.

Porro doctrina Cardinalis Sfondrati hac de re prorsus est eadem cum sensu, & piis proloquiis sanctorum hominum, & præcipuè S. Theresiæ (quæ ut superius vidimus, dicebat, unumquè- „ que debere intelligere eam veritatem, illamque tanquam infal- „ libilem tenere) & S. Anselmi, de quo Eadmerus sancti viri indivi- „ duus comes in ejus vitâ lib. 2. cap. 2. refert quòd propter hæc „ (idest propter dicta supra à nobis, & ab eodem Eadmero hîc re- „ lata) „ Magno studio semper vir sanctus nitebatur peccatorum „ contagia devitare, & quidquid eis aliquam nascendi occasiõem „ poterat ministrare, ab intentione suâ omni sollicitudine pro- „ pulsare. Nec in his momentaneus erat, in his versabatur quo- „ tidiana institutio morum ejus, in his stabat assidua conversa- „ tio vitæ ejus, in his vigeat indeficiens executio propositi „ ejus in istis Deo serviebat, pro his quibusque bonis acceptus „ erat,

„ erat, per hæc vitam æternam adipisci satagebat. „ Sanctissimi hujus Archipræfulis ex eodem Benedictino Ordine assumpti piissimis axiomatibus Eminen. Cardinalis Sfondratus concors, & conspirans erat, tùm in toto suæ vitæ curriculo, tùm in extremâ annorum periodo, quandò eo temporis momento, quod fuit ejus vitæ mortalis supremum, idemque decretorium æternitatis, pluriès à circumstâciis auditus est, inter mortuis verbis Christum Dominum exorare, ut pro immensâ suâ bonitate ipsum tali dignaretur donare statu, in quo illum offendere non amplius posset, quod summum omnium beneficiorum existimabat. Undè in præfenti mihi fas sit usurpare verba S. Chrysostomi in commendationem illius sententiæ Paulinæ supra laudatæ, „ Et hoc humilitatis ejus est, etenim omni pelago latior, omni „ flammâ vehementior erat hæc dilectio, ac nulla illam prodigitate distabit oratio, sed ille solus eam noverit, quisquis „ eadem exactè præditus fuerit. „ Quocirca hanc responsionem ejusmodi Chrysostomi verbis, quibus eam exorsus sum, concludere liceat ex hom. 11. in epist. 2. ad Corinth. „ Hæc igitur cogitantes timeamus verba hæc magis, quàm gehennam, obferemus hæc magis, quàm regnum ipsum, & ne putemus grave „ esse puniri, sed peccare. . . Ne igitur gehennam timeamus, „ sed quòd offendimus Deum; hoc enim illo gravius, quod irascens averfatur, hoc omnium deterius, hoc omnium molestissimum: . . . Antè omnia peccatum timeamus, hoc enim „ supplicium est, hoc gehenna, hoc & innumera mala. „

Vix è tabulâ manum post dilutam Notam dimoveram, cunâ protinùs subaudi, nonnullos superciliosos Censores in Emin. Sfondratum acriter inveftos, perindè ac si pag. 120. ipse abusus fuerit verbis istis Sap. 4. *Raptus est ne malitia mutaret intellectum ejus*, hæc accommodando infantibus immaturâ morte præceptis absque Baptismo, quod à S. Augustino videtur prædamnatum lib. 3. & 4. de Animâ, & ejus origine ad Vincentium Victorem, inter cujus undecim errores S. Doctor enumerat lib. 3. cap. 15. octavum his verbis: *De infantibus, qui priusquam renascantur in Christo, præveniuntur occiduo, scriptum esse: Raptus est, ne malitia mutaret intellectum illius, & cetera, quæ in eam sententiam in Sapientiæ libro leguntur*, quod repetit S. Pater cap. 24. lib. 4. circa fin. num. 8. scribens; *Ante his, qui priusquam Baptizentur, expirant dictum esse quod scriptum est: raptus est*

est ne malitia mutaret illius intellectum, atque ad hunc sensum cætera pertinentia.

Verum ex ipso met S. Augustino evertitur cavillus in Cardinalem Authorem contortus, nam S. Doctor eodem lib. 3. cap. 10. fusiùs describit illum errorē Vincentii Victoris aiens, „No-
 „li credere, nec dicere, nec docere de infantibus, qui prius-
 „quam renascantur in Christo præveniuntur occiduo, scri-
 „ptum esse: *Raptus est, ne malitia mutaret intellectum illius,*
 „*aut ne fictio deciperet animam ejus, propter hoc properavi de*
 „*medio iniquitatis illum educere. Placita enim erat Deo anima*
 „*ejus, & consumatus in brevi explevit tempora longa,* si vis
 „esse catholicus. Hoc enim ad illos omnino non pertinet,
 „sed ad eos potius, qui baptizati, & piè viventes diu non per-
 „mittuntur hic vivere, non annis, sed sapientiæ gratiâ con-
 „sumati. Iste verò error, quo putatur, hoc de parvulis an-
 „tequam Baptizentur morientibus esse dictum, ipsi sacrosancto
 „lavacro intolerabilem facit injuriam, si parvulus, qui bap-
 „tizatus rapi poterat, propterea prius rapitur, ne malitia mutet
 „illius intellectum, aut ne fictio decipiat animam ejus, *quasi in*
 „*eodem Baptismo hæc esse malitia credatur, & fictio, qua in pejus*
 „*mutetur, & decipiatur,* si non ante rapiatur. Deinde quoniam
 „placita erat Deo anima ejus properavit de medio iniquitatis
 „illum educere, ita ut nec paululum remoraretur, ut quòd in
 „eo prædestinaret, impleveret, *sed contra suam prædestinationem*
 „*facere maluit tanquam festinans, ne quod ei placuerat in non ba-*
 „*ptizato, exterminaretur in Baptismo, tanquam moriturus infans*
 „*ibi pereat, quòd currendum est cum illo ne pereat.* Quis ergò
 „hæc verba scripta in libro Sapientiæ de parvulis sine Bapti-
 „smate mortuis dicta esse crederet, diceret, scriberet, recitaret,
 „si ea sicut oportuerat, cogitaret? „

Ex hinc claret, jure à S. Augustino reprobari, quod omnia illa verba Sapientiæ simul accepta enuncientur de ipsis infantibus. *Hoc enim* (idest totus, & integer contextus eorundem verborum) *ad illos OMNINO non pertinet*, idcirco S. Doctor in aliis duobus locis ab Adversario obiectis (quamvis utrobiquè paucissimis verbis præfatum errorem contrahat) copulative accipit eadem verba, scilicet, *& cætera, quæ in eam sententiam in Sapientiæ libro leguntur*, item, *utque ad hunc sensum cætera pertinentia*. Porro nullatenus dici potest, quòd anima parvuli

Ba-

Baptismo non tincti sit Deo placita, & quòd ille infans in eo statu occumbens confumatus in brevi expleverit tēpora longa. Quamobrem Sfondratus vocat eos infantes *culpā paternā reos & non expiātos, culpā originali aspersos, peccato originali obstrictos, privatos justitiā originali, & gratiā, aliisque donis supernaturalibus*, alleritque illos *non esse beatos*, eorumque naturam appellat *propriā conditione sordidam, ac peccatricem, divinique amoris indignam*; ac proindē illis attribuit dumtaxat hęc prima verba ejusdem textus Sapientiæ. *Raptus est ne malitia mutaret intellectum ejus, istudque præsertim de filiis infidelium* verum esse pronunciat, de quibus audivimus supra tūm Lessium docentem, quòd longē maxima pars eorum, si ad ætatem venisset, in eandem damnationem incidisset, & ipsimet magnoperē se Deo obstrictos sentient, quòd periculis tantorum malorum exempti fuerint; tūm Arriagam scribentem, quòd omnes illi infidelium filii agnoscunt, se non solum proximam capacitatem inferni habuisse, sed certē damnandos fuisse de facto, si vixissent tū paulo antea Mussum in idem conspirantem. Immo Sfondratus eadem Sapientiæ verba commodē extendere posset ad omnes infantes absque Baptismate mortuos, quos ut potē jam reprobos Deus magno favore prosequitur, si eos ex hac vitā rapiat, ne diuturno vitæ decursu malitia plurimorum peccatorum personalem mutaret in deterius intellectum eorum, ipsosque deiiceret ad gravissima gehennæ tormenta.

Expendenda quoque sedulò est ratio, propter quam S. Doctor redarguit Vincentium Victorem ea Sapientiæ verba applicantem præfatis infantibus, videlicet, *quasi in eodem Baptismo hæc esse malitia credatur, & scilicet, qua in pejus mutetur, & decipitur, si non ante rapiatur*, item, ita ut Deus faceret contra suum decretum prædestinationis festinando eos infantes rapere, *ne quod ei placuerat in non Baptizato, exterminaretur in Baptismo, tanquam moriturus infans ibi pereat, quòd currendum est cum illo ne pereat*. Hęc autem sunt prorsus absurda, & ridicula. Undē S. Augustinus, qui ea Sapientiæ verba loc. cit. coartare videtur ad eos tantum, *qui Baptizati, & piē viventes diu non permittuntur hic vivere, non annis, sed Sapientiæ gratiā consumati*; nihilominus lib. 1. de Civit. Dei cap. 28. differens de altā Dei providentiā „ qua rectē consultum est illis seminis „ quas Deus permittit Barbaris vi opprimi, inquit, vel enim „ jam

„ jam superbiebant, quòd turpem nullius essent passè contactù,
 „ vel fortassè indè elatè fuissent, si nec violentiâ hostiù essent
 „ oppressè, non est ablata ipsis castitas in animo residens, quod
 „ Dei gratiæ tribuendum, sed humilitas persuasa, quæ est ma-
 „ gnum bonum, ubique utitur. Doctor gratiæ iisdem verbis Sa-
 „ pientiæ 4. sicut, ait, quidam morte rapti sunt, ne malitia
 „ mutaret intellectum eorum, ita quiddam ab istis vi raptum
 „ est, ne prosperitas mutaret modestiam earum (quamvis de
 „ aliquibus ipsarum immediatè subdat) quòd cum de carne suâ
 „ turpem nullius essent perpassè contactum jam superbiebant.
 „ Rursùs idem Augustinus super psal. 85. assignans plures ra-
 „ tiones, cur Deus sæpenumerò non exaudiat preces homi-
 „ num, hæc habet, „ Quid enim petebas? . . . Ego, inquis,
 „ petebam vitam filii mei, quid mali petebam? nihil mali pe-
 „ tebas, sicut tu sentiebas, Nam quid, si ille raptus est,
 „ ne malitia mutaret intellectum illius? Sed peccator, in-
 „ quis, erat, & ideo volebat eum vivere, ut corrigeretur.
 „ Tu volebas eum vivere, ut melior esset. Quid, si
 „ Deus noverat, si viveret, pejorem futurum. Undè ergò nosti
 „ quid illi prodesset, mori an vivere? „ Vides hic, ab Augusti-
 „ no usurpata ea Sapientiæ verba indefinitè, & universaliter tum
 „ de pueris, qui quandoque peccato inquinati sunt, ut accidit de
 „ illo filio in exemplum adducto, ubi etiam S. Doctor indicat, esse
 „ Dei misericordiæ adscribendum, quòd quis cum paucioribus
 „ peccatis decedat; tum de illis feminis, quamvis in superbiæ cri-
 „ men jam prolapsis.

„ Ast gratiam istorum Criticorum aucupemur, producendo in
 „ medium Doctores eadem Sapientiæ verba infantibus absque Ba-
 „ ptismo defunctis adaptantes. In disputatione Notæ proximè
 „ superioris excepimus verba Didaci de Bæza asserentis unà cum
 „ Alcuino Deum beneficium extitisse erga pueros Sodomorù, quòd
 „ raperentur in brevè à vita, ne malitia mutaret eorum intellectu,
 „ & ut levius in futuro crucientur. Teophilus Raynaudus in Mi-
 „ scell. Philolog. opusc. de vitæ, ac mortis humanæ terminis pun-
 „ cto 15. num. 18. cui titulus: *Parvuli obeuntes in expiati Provi-*
 „ *dentiam non ledunt*, „ Qui nullo actuali peccato, inquit, inquit,
 „ nati sunt, sed tamen sordent originali, quibus stamen vitæ suc-
 „ ciditur, priusquam expientur, aut etiam expiari possint, cu-
 „ jusmodi sunt abortivi, & qui absconditi non viderunt lucem
 „ &c.

„ &c. Etiamſi non peccarint, prænoſcuntur tamen peccaturi,
 „ ſi vita ſuppeteret, ut benè exponit Alphonſus Curiel. Sap. 4.
 „ ad illud, *Raptus eſt, nè malitia &c.* non quòd demerita condi-
 „ tionaliter præviſa moverint Deum ad vitæ breviationem in
 „ pœnam talium demeritorum. Sed motus ſolâ ſnâ bonitate
 „ obſtare voluit ſceleribus, in quæ prævidit ruituros cum ſuo
 „ graviore damno, & aliorum perniciæ, ſi vitam fortirentur lon-
 „ giorẽ. Tantum ergo abeſt, ut juſtitia Dei, ac providentia cri-
 „ minationi jure patere poſſit ob breves vitæ terminos his per-
 „ ſonis, quæ nihil peccarunt conſtitutos, *ut potiùs optimè de*
 „ *illis mereatur Deus* vitam ſuccidens, cujus ulterior prolon-
 „ gatio cum majori eorum damno conjungeretur. Sine piacu-
 „ lo omitti non poſſunt verba hæc Cornelii Muſſi Epifcopi Bitō-
 „ tini morum, & ſapientiæ famâ celeberrimi ad hanc theſim in
 „ paucis illuſtria, quibus tergiverſationem omnem ſepſit, „ Juſti-
 „ tia, & miſericordia Dei, inquit in cap. 5. epiſt. ad Rom. ſimul
 „ efficiunt, ut aliqui infantes in utero moriantur. Juſtitia qui-
 „ dem enim exigit, ut filius perditionis intereat, miſericordia
 „ verò, ut citiſſimè, ne peccata peccatis adiiciens graviùs jam
 „ torqueatur juxta illud Sap. 4. *Raptus eſt, nè malitia mutaret in-*
 „ *tellektum ejus.*

Iſtorum ergo Doctorem (itâ mihi Cenſorem interpellare fas
 ſit cum S. Auguſtino lib. 2. cont. Julian. cap. 10.) *appende ſen-*
tentias. Nolo eſſe plures, ut eas te pigeat numerare, ſed non ſunt
leves, ut eas didigneris appendere, immò ſunt tam graves, ut te
videam ſub earum onere laborare. Compertiſſimum exindè fit,
 Eminentiſſ. Authorem ſano, & legitimo ſenſu pro infantibus
 ante Baptiſmum ereptis, ſicque à peccatis actualibus quamplu-
 rimis, & ab æternâ ignis pœnâ ſubductis uſurpaſſe ea prima dū-
 taxat Sapien. verba ab illis Scriptoris hand pœnitendi nomi-
 nis eandem in rem pronunciata, atque ad eò nil novum, & an-
 tea inauditum à Sfondrato obtruſum eſſe, neque ſacrarum pa-
 ginarum oracula fuiſſe ab eo novo, quodam modo explicata, &
 ad proprios ſenſus contra regulam Concil. Tridentini detorta.
 ut eidem Notator pluribi, & præſertim in ſua conſeſione im-
 ponit.

PROPOSITIO NONA.

Qui solo originali tenetur dici non potest Deum deferere Si ergò Deus neminem deserit, nisi desertus, quomodò in illo prædestinationis decretorio momento, & in quo summa rerum incommutabiliter vertitur, tot hominum myriades deseruit, ab eis non desertus, hoc est nullo eorum peccato, demeritoque præviso ? pag. 98. lin. 20.

N O T A.

Certum est, hoc effatum Augustini, Deus neminem deserit, nisi prius deferatur, intelligi de perseverantiâ adulatorum in iustitiâ jam acceptâ, à qua non excidunt nisi per propriam voluntatem, & peccata actualia: quod expressè significat Concil. Trident. sess. 6. de Justificat. cap. 11. ubi ait, Deus suâ gratiâ iustificatos non deserit, nisi ab eis prius deferatur.

DISPUNCTIO.

Bernardus Guyard ex præclarissimo Ordine Prædicatorum Doctor Parisiensis, & Christianissimo Regiâ Consiliis, & Concionibus in opere, cui titulus. *Discrimina inter doctrinam Thomisticam, & Jansenianam* edito Lutetiæ anno 1655. lib. 2. quæst. 4. art. 1. testatur, illud dictum Augustini, *Deus neminem deserit, nisi prius deferatur* intelligi à Jansenio Iprensi de derelictione quantum ad gratiam habitualem; Nam si desertionem Dei scribit Jansenius tom. 3. lib. 3. c. 19. apud eundem Theologum, *quæ sit actualis gratiæ subtractione, spectare voluerimus, nimis enormiter ab Augustini mente discedunt, qui istud ei paradoxum, & quidem postquam per Adami lapsum in statum damnationis, & iræ Dei præcipitati sumus, imponere volunt*, „ Contendunt tamen aliqui, pergit Guyardus, Concil. Tridentinum „ non loqui de habituali, alii verò sic, sed non cum alterius exclusione. Hac tamen contentione salvus abire non potest „ adversarius Jansenius, nam qui, Deum non prius hominem „ deserere, quàm ipse ab homine deferatur, de subtractione „ utri-

„ utriusque auxilii tum habitualis, tum actualis contendunt,
 „ Iprentem in sensibiliore parte vulnerant, quandoquidem
 „ apud illum de solo auxilio actuali controversia est. De utrâ-
 „ que tamen subtractione sermonem esse volunt Thomistæ, ita
 „ ut doceant, Deum nullum deferere subtrahendo ab eo sive
 „ gratiâ habituali, sive actualem, quin prius Deum deferuerit „
 „ Et mox refert pro auxilio actuali, & gratiâ habituali Johannem
 „ à S. Thoma 1. par. quæst. 19. dist. 5. ita respondentem ad autho-
 „ ritatem Concil. Tridentini „ Ad alias ponderationes Conci-
 „ lii, quòd Deus non deest, nisi homines ei defuerint, dicimus
 „ propositionem esse verissimam, & verificari tum de gratiâ ha-
 „ bituali sanctificante, tum de actuali auxiliante, quatenus De-
 „ us de se paratus est semper auxiliantem gratiam dare, & per-
 „ ficere opus suum, quod incæpit, nisi per nos steterit, & nisi
 „ prius saltem in genere causæ materialis recedamus „ Sub-
 „ iungitur postea Alvarez de auxil. d. 58. n. 7. „ Si carentia auxi-
 „ lii efficacis consideretur ut est simplex negatio, prius intel-
 „ ligimus, Deum non dare auxilium efficax, quàm hominem
 „ peccare, si autem consideretur ut privatio seu pœna peccati,
 „ prius intelligimus, hominem peccare, seu velle persistere in
 „ peccato, quàm Deum non dare auxilium efficax ad vitandum
 „ peccatum; nec est inconveniens, quòd idem respectu ejus-
 „ dem secundum diversam rationem sit prius, & posterius „
 „ Ecce Alvarez, subiungit ibidem Guyardus, axioma, de quo
 „ est quæstio, etiam de subtractione auxilii actualis intelligit,
 „ supponendo semper dari illi auxilium sufficiens, subtrahi au-
 „ tem efficax, quod est etiam actuale „

Præterea illud proloquium Augustini sic exponit Raphael
 Averfa Clericorum Regularium Minorum Generalis 1. par.
 quæst. 23. sec. 2. „ Augustinus, inquit, voluit respondere ad
 „ id, quod sibi imponebatur, voluntatem Dei esse, ut Chri-
 „ stiani, qui cadunt, salvi esse nec velint, nec possint. Et in-
 „ quit, ipsos quidem peccatores nolle salvari, & dum sunt in
 „ hac voluntate, non posse salvari, sed tamen in hanc despe-
 „ rationem non ex Dei voluntate cecidisse, redditque ratio-
 „ nem, quia Deus neminem deserit, nisi prius deseratur; Ubi
 „ planè sensus est, Deum non excludere quemquam à salute,
 „ nisi prius ipse renuat salvari „ Concilium verò Tridentinū
 ita explicatur ab Andrea Duvallo Doctore Sorbonico in tract.

de gratia q. 5. art. 6. „ Quamvis Concilium Tridentinum fest.
 „ 6. cap. 11. quando inquit, Deum neminem deserere, nisi pri-
 „ us homo eum deserat, de auxilio sufficienti loquatur, hoc ta-
 „ men non est intelligendum de toto vitæ hominis spatio, qua-
 „ si Deus, postquam aliquis semel eum deseruit, eum reliquo
 „ vitæ suæ tempore deserat, & auxiliis sufficientibus destituat,
 „ sed de singulis vicibus, in quibus Deus excitantem gratiam
 „ confert, tunc enim eà vice, quâ homo eam renuit, Deus eam
 „ subtrahit, ita tamen, ut aliis momentis, seu vicibus miseri-
 „ corditer eam offerre non desinat, & idem intellectus, & vo-
 „ luntas obcæcorum, & induratorum piis illustrationibus, &
 „ motionibus affici non destituat, dicunturque obcæcati, &
 „ obdurati potius ratione effectus, quàm ratione mediorum,
 „ quia, scilicet, de facto non convertuntur, licet Deus ad con-
 „ versionem sufficienter eos moveat „

N O T A.

CÆterum si generalius ea verba accipiuntur, tam certum est,
 omnes in Adam Deum deseruisse, quàm omnes in Adam pec-
 casse. Cum itaque Deus aliquem, qui solo originali tenetur, dese-
 rit, hoc est, ex prævisione peccati originalis in massa perditionis
 relictum damnat, non illum deserit antequam deseratur, sed ab eo
 prius desertus est, tum in Adamo, in cujus lumbis fuit, tum etiam
 quando primum carnali generatione in peccatis conceptus culpam
 originalem contraxit „ Universum genus humanum, inquit Augu-
 „ stinus, tam justo iudicio divino in apostaticâ radice damnatum
 „ est, ut etiam si nullus inde liberaretur, nemo rectè posset Dei vi-
 „ tuperare iustitiam „ Enchirid. cap. 99. Non sumus ingrati,
 inquit idem S. Pater „ Quid secundum placitum voluntatis suæ
 „ tam multos liberat misericors Deus, de tam debitâ perditione,
 „ ut si inde neminem liberaret, non esset iniustus, ex uno quippè
 „ omnes in condemnationem non injustam iudicati sunt ire, sed ius-
 „ tam, lib. de dono perseverantiæ cap. 8. similia habet pluribus aliis
 in locis S. Doctor, quibus è diametro opponuntur, quæ hic ad mi-
 nuendum, vel potius ad tollendum de medio peccatum originale
 afferuntur.

Æ Quo jure protulit de ævi sui Calumniatoribus S. Cyprianus lib. de unitate Ecclesiæ, „ Corruptores vocans, & in-
 „ terpres falsos, qui extrema ponerent, & media prateri-
 „ rent, partim memores, & partim subdolè non recordantes,
 „ scindentesque unius capituli sententiam, ut ipsi ab Ecclesiâ
 „ scissi erant „ Quid nobis pronuntiandum de Censore, qui
 ad impingendam religiosissimo, ac doctissimo Cardinali imma-
 nem accusationem sublato de medio peccati originalis (quod est
ipsa fidei fundamenta subvertere, uti advertit S. Augustinus lib.
 5. contra Julianum cap. 2.) ipsemet sustulit de medio delatæ
 propositionis verba Authoris, quibus clarissimè producebat in
 medium peccatum originale ab Adamo commissum, & à singu-
 lis ejus posteris contractum? Nonne frontem omnem decoxit
 Censor, adversus quem meritò intorquere posset Sfondratus
 hæc verba à magno Augustino contra Julian. lib. 4. cap. 8. jasta-
 ta: *Redde verba mea, & evanescent calumnia tua, repone suis locis;*
quæ dixi, ut appareat de re tantâ, quibus abs te fraudibus dispu-
tetur? Quisnam autem tollit de medio peccatum originale, qui
 ponit in medio verba illud dilucidè explicantia, an qui eadem
 verba de medio calumniosè subtrahit? Verba autem ab Autho-
 re in medio posita, & à Censore insidiosè de medio detruncata
 sunt „ Homo peccatum originale non facit, sed ab alio factum
 „ contrahit potius, quàm committit, „ Quemadmodum S. Au-
 gustinus lib. 1. contra secundam responsionem Juliani cap. 48.
 dixerat „ Aliena sunt, sed paterna sunt, at per hoc jure semi-
 „ nationis, atque germinationis, & nostra sunt „ Et S. Tho-
 mas supra adductus „ Puer laboravit vitio alieno quantum ad
 „ causam, quia peccatum ab alio traxit, laboravit tamen vitio
 „ proprio, in quantum à primo parente culpam contraxit „
 Fas mihi modò sit cum S. Augustino lib. 2. cit. cap. 185. loqui:
 „ Fovea Vulpeculæ ex utrâque parte conclusa est, non est quâ
 „ intret ut lateat, aut si jam ibi latebat, non est quâ exeat, ut
 „ evadat „

Pro diluendâ verò Notâ Censoris attendendum opportunū
 hocce monitum S. Hilarii lib. 4. de Trinitate. *Intelligentia di-*
scitur ex causis est assumenda dicendi, quia non sermoni res, sed
res est sermo subiectus. Author autem in loco à Censore allega-

to in id unum strenuè inctumbit; ut verba ista Apostoli ad Rom. 9. *Dicit enim Scriptura Pharaoni, in hoc ipsum excitavi te, ut ostendam in te virtutem meam, ergò cujus vult miseretur, & què vult indurat à Jansenianis cavillis vindicet, eaque proinde à pag. 79. usque ad 105. quo solet ingenii acumine, & sermonis nitore illustrat. Ex pluribus namque textibus scripturæ, & S. Augustini luculenter demonstrat, Deum neminem deferere nisi deferatur ab homine per impedimentà à voluntate Deo vocanti oppositā; obdurationem, & cecitatem non ex Dei voluntate, sed hominis actuali culpā, liberoque arbitrio provenire, propriam obdurationis Pharaonis causam ipsius malitiam, & avaritiam fuisse, non autem defectum gratiæ, aut divinam voluntatem, atque adeò totam obdurationis causam in malitiam, & voluntatem humanam referri etiam ex illā parte, quā Deum permittentem, & non impediētem spectat. Deindè in paginā à Censore notatā Sfondratus ex verbis S. Augustini, vel S. Cæsarii Arelatenfis pergit explicare causam illius obdurationis, & excæcationis peccatoris adulti, inquit; *Deum non deferere hominem, nisi prius ab homine deferatur per peccatum, videlicet, actuale*; & excipit peccatum originale à causā hujusmodi desertionis, immediatè subiungens, *nam si de originali intelligatur, cum nemo hoc careat, frustra poneret Augustinus discrimen inter eos, qui Deum deserunt, & eos, qui non deserunt, cum nemo peccato originali careat; ut taceam illum, qui solo originali tenetur, dici non posse Deum deferere, cum ipse peccatum hoc non faciat, sed ab alio factum contrabat potius, quàm committat. Non negat itaque simpliciter, & absolute Author, quòd homo per peccatum originale Deum deferat, sed dumtaxat affirmat, hominem per peccatum originale non deferere Deum ex propriā malitiā, & voluntate, ex quā tantum provenit ejus obduratio, immò in verbis immediatè subnexis Sfondratus videtur declarare universaliter, & indefinitè reprobos à gloriā non excludi, nisi aliquo peccato prævisio, quo Deum deseruerint; Prius ergo, inquit, *quàm peccata hominum præviderentur, sicque quantum ex parte Dei fuit, nemo desertus, nemo exclusus, nemo reprobus. Cum autem inter reprobos plurimi sint ob solum peccatum originale à gloriā exclusi, isti, quantum ex parte Dei fuit, non fuerunt deserti, exclusi, & reprobi, nisi postquam prævisum fuit eorum originale peccatum, quo in Adamo Deum deseruerint.***

Quam-

Quamvis autem, sicut ex contextu elucet, ibi loquatur Scriptor duntaxat de reprobatione adulatorum, ut in dispositione quintæ Notæ animadversum est, attamen, si illa propositio præcisè consideretur ab aliis divulgata, nil obstat, quo minus sensum à nobis modò explicatum reddat. Propterea videndus omnino est Sfondratus pag. 59. 163. 181. ubi idem Augustini dictum in eandem sententiam effert.

Alit vim facit Censor in hoc verbo Apostoli ad Rom. 5. vers. 12. *In Adam omnes peccaverunt*, proinde haud dedignetur germanam ejus dicti expositionem excipere à S. Augustino lib. 2. oper. imperf. c. 185. „ Quamvis enim, inquit, peccatum illud „ primum, atque unum, quod per unum hominem intravit in „ Mundum, commune sit omnium, propter quod dictum est, „ *in quo omnes peccaverunt*, tamen sua propria parvuli peccata „ non habent. Undè dixerat lib. 1. ejusdem operis cap. 57. „ Sic autem aliena sunt originalia peccata propter nullū in eis „ nostræ voluntatis arbitrium, ut tamen propter originis contagium esse inveniuntur. & nostra. „ Id totum autem exprefsit Sfondratus, cum pluribi præcipuè pag. 48. illos infantes absque Baptismo mortuos vocavit, *paternæ culpæ reos, & non expiatis*, item cum ibidem dixit, quòd *Deus statuit omnium bonorum sortem ex merito demeritoque primi hominis pendere*, & demum pag. 52. cum ad hæc verba Apostoli in eodem cap. 5. ad Rom. *Sicut per inobedientiam unius peccatores constituti sunt multi*, subjunxit, „ Ubi vides, idem Apostolo esse, omnes, quod „ multos. Quòd si Adamus omnes perdidit, Christus verò nō „ omnes redemit, sequitur fortius peccatum Adami ad perdendum, quàm Christi sanguinem ad redimendum fuisse, sicque „ non erit verum illud Apostoli: *ubi abundavit delictum, superabundavit gratia &c.* „ His addendus locus S. Hilarii egregius (quamvis esse nusquam hodiè in ejus operibus inveniatur, ut observant Theologi Lovanienses in annotationibus ad S. Augustinum, sed leguntur in Commentariis Ambrosiasti inscriptis ad illud cap. 5. ad Romanos.) à S. Augustino lib. 4. Bonifacium cap. 4. his verbis conceptus, „ Sic S. Hilarius intellexit quod scriptum est, *in quo omnes peccaverunt*; ait enim „ manifestū in Adam omnes peccasse, quasi in massā, ipse enim „ per peccatum corruptus, omnes quos genuit, nati sunt sub „ peccato. Hæc scribens Hilarius sine ambiguitate commonu-

„ it.

„ it, quomodo intelligendum esset, *in quo omnes peccaverunt*,
 Eatenus ergò, per SS. Hilarium, & Augustinum omnes pecca-
 verunt in Adamo quasi in malsâ, quatenus Adam per peccatum
 corruptus, omnes quos genuit, nati sunt sub peccato; atqui id
 totum perspicuè expressit Sfondratus tum in locis supra allega-
 tis, tum pag. 48 dicens, „ Adamo infelicitè peccante, tota quo-
 „ que posteritas quippè ex patre rebeli nata, omni jure ad cæ-
 „ leste regnum spoliata est, quod peccatū originale vocamus,
 „ & pag. 114. Adamo peccante, non is solum, sed tota ejus po-
 „ steritas justissimè Dei donis gratiâ, videlicet, & gloriâ, ali-
 „ isque dotibus innocentie privata est, Proinde naturam hu-
 „ manam in Adamo quasi in malsâ, corruptam appellat pag. 26.
 „ Propriâ conditione sordidam, ac peccatricem, diviniq; amo-
 „ ris indignam, „ Quæ omninò consonant SS. Cypriano, &
 Thomæ Aquinati in disputatione primæ Notæ allegatis, & Cõ-
 cilio Arausicano 11. can. 2. statuenti in hæc verba, „ Si quis soli
 „ Adæ prævaricationem suam, & non ejus propagini asserit no-
 „ cuisse, aut certè mortem tantum corporis, quæ pœnâ peccati
 „ est, non autem, & peccatum, quod mors est animæ, per unū
 „ hominem in omne genus humanum transisse testatur, injusti-
 „ tiam Deo dabit, contradicens Apostolo dicenti: per unum
 „ hominem peccatum intravit in mundum, & per peccatum
 „ mors, & ita in omnes homines pertransiit, in quo omnes pec-
 „ caverunt, „

PROPOSITIO DECIMA.

Constat parvulos (sine Baptismo decedentes) sensibilis
 pœnæ immunes fore, id enim ratio, omniumq; Theo-
 logorum autoritas convincit; pag. 119. lin. 12.

N O T A.

Ratione ergò destitutus, & ex Theologorum albo expungendus.
 Augustinus, qui medium locum, in quo infantes sine uliâ sensi-
 bili pœnâ, naturali quâdam felicitate in æternum fruerentur, ut,
 Pelagianorum inventum explosit, eosdemque infantes ad sinistram,
 in Judio futurorum, atque in Infernum, isuros, tametsi non nisi mi-
 tissimâ pœnâ ibidem plectendos, constanter docuit. Idem

Idem dicendum de S. Fulgentio, Gelasio, & Gregorio magno Summis Pontificibus, Isidoro Hispalensi, Alcimo Avito, Anselmo, & aliis, qui hanc Sententiam palam, & apertè docuerunt.

Rationis quoque expertes, & Theologorum nomine indigni erunt inter scholasticos, ac recentiores Gregorius Ariminensis in 2. Sentent. dist. 30, quest. 3. Oviedo lib. 1. de gratiâ, & libero arbitrio tract. 3. cap. 2. num. 1. Conrius tract. de statu parvulorum &c. Silvius 1. 2. quest. 38. ar. 6. q. 2. Paludanus epist. ad Archiepiscopum Tyronensem, & hac nostrâ etiam etate Florentius de Cocq. tract. 2. cap. 6. sect. 6. & Scholæ Lovaniensis Doctores, qui omnes hanc sententiam sequuntur, imò eodem quoque loco habendus erit Eminen. Card. Norisius, qui in vindiciis Augustini §. 5. fusè eandem sententiam tanquàm dogma Catholicæ Ecclesiæ probatum defendit. Potuit quidem liberè Author sequi sententiam, quæ negat, pueros ob solum originale peccatum pœnâ sènsus plesti, tanquàm à tempore Scholasticorum inter Theologos communior, sed non debuit contrariam tantâ confidentiâ reticere, & improbare.

DISPUNCTIO.

Hospes, & peregrinus sit Cenfor in Theologicâ Palæstrâ necesse est, ubi nihil frequentius contingit, quàm quòd eadem argumenta, eademque rationes pro aliquâ controversiâ seù propugnandâ, seù oppugnandâ adductæ quibuspiam apodicticæ ratiocinîa, & evidentes demonstrationes, aliis dumtaxat coniecturæ, aut paralogismi, aut ad summum argutiæ vix tenuiter probabiles videantur. Quid si dixisset Eminentiss. Author cum Carolo ab Assumptione in triplici funiculo pag. 61. rationes oppositæ sententiæ esse frivolas, pag. 58. contrariam sententiam esse certè irrationabilem pag. 53. ejusque sectatores vocari puerorum tortores? Aut cum Eminentiss. Bellarmino lib. 6. de amiss. grat. & stat. pecc. cap. 4. pronunciasset, Cenforis sententiam, seù ab eo laudatam non videri quidem apertè ab Ecclesiâ reprobata, rejici tamen passim in scholis, & sibi improbabilem videri? Aut cū doctissimo Cornelio Musso Episcopo Bitontino in cap. 5. epist. ad Rom. sensisset „ Piè credendum est, cum omnibus ferè sanctæ orthodoxæ Ecclesiæ Doctoribus, nullam aliam pœnam habere infantes, qui citrà Baptismalium undarum lavacrum intereunt, nisi quòd perpe-
„ tuo

„ tuò carent illâ cœlesti Beatorum gloriâ . Parùm enim agno-
 „ scere videtur divinam misericordiam , qui alitèr sentit . (&
 „ post non pauca) sed mittamus , ait , ut ex animo loquatur D.
 „ Augustinus : Igne , inquit , cruciantur infantes non Baptiza-
 „ ti . Quid indè ? Num habentes Ambrosios , Hieronymos , Sco-
 „ tos , Thomas , Bonaventuras , Riccardos , Albertos , Guillel-
 „ mos , Alexandros , Petros , Durandos , uni Augustino adhe-
 „ rebimus , tantam , & Doctòrum , & Sanctòrum Patrum cater-
 „ vam reiicientes ? Absit , ut propter unius Augustini autori-
 „ tatem à tantis Patribus (adde à pietate , & à ratione) discedā .
 „ Displicerem & ipsi Augustino , si tot , tantisque reiectis Pa-
 „ tribus , illi uni adhærerem ?

Profectò rationes illas à Scriptore meritò dici convincentes ,
 si non alio ex capite eluceret , hoc unum sufficeret , quòd eàdem
 rationes scholæ Theologicæ Principes in suas partes pertraxe-
 runt , eosque impulerunt ad deferendam opinionem , quam à tot
 SS. Patribus fuisse traditam scribit Censòr . Quot igitur sunt
 Theologi denegantes parvulis abique Baptismo decedentibus
 pœnam sensus , tot sunt testes , & trophæa vandissimè potentie
 rationum ejus sententiæ , quam hac de re strenuissimè , & reli-
 giosissimè tuetur Cardinalis Sfondratus .

Mirari etiam subiit fuit Censòris cavillationes circa vocem
 illam Theologorum , quorù nomine venire dumtaxat scholasti-
 cos Tractatores , qui Augustinum secuti , ut in lectionibus Ro-
 mani Breviarii pro die festo S. Doctòris legitur , postea Theolo-
 gicam disciplinam viâ , & ratione tradiderunt , eorumque Dux ,
 & antesignanus extitit Petrus Lombardus dictus Magister sen-
 tentiarum , est adeò tritum , & exploratum , ut pudeat his nugis
 diutius immorari . Undè Doctores , qui de locis Theologicis
 agere solent , hoc Theologorum agnomine eosdem scholasticos
 donant , eisque tribuunt locum Theologicum à loco SS. Patrum
 discretum .

Vulgatum est quoque vel in ipsâ sacrâ Scripturâ vocem illam
omnes sæpe-numero usurpari pro longè majori parte . Certè tot ,
 tantique sunt Theologi sententiæ Emin. Authoris propugna-
 tores , ut factâ istorum cum aliis Theologis pro oppositâ opinio-
 ne stantibus comparatione , jure à Martino in Anti-jansenio
 disp. 49. sect. 1 paucissimi dicantur , „ Contrarium , inquit , sen-
 „ tiunt exceptis Gregorio Ariminensi , & Driedone , Magister
 sen-

sententiarum, D. Thomas, D. Bonaventura, Scotus, Riccardus, Gabriel, ceterique veteres, & recentes Theologi Bellarminus, & alii controversiarum Scriptores, Johannes Malderus Episcopus Antuerpiensis 1. 2. quæst. 83. dub. 2. Parvulos nihil ab inferni igne pati, ait, propter peccatum originale est communis omnium Scholasticorum ut vel ex eo consensu magnum peti possit argumentum, adeo clari sunt pro eâ doctores, ut Adversarii vix ex scholasticis habeant, quem pro se producant præter paucissimos &c. Habertus Episcopus Vabrensis lib. de gratiâ cap. 16. n. 2. scribit, parvulis absque Baptismo decedentibus non infligi poenâ sensus, quæ responderet delectationi illicitæ *secundum omnes Theologos*. Suarez tom. 2. in 3. p. disp. 50. sect. 5. in probatione secundæ conclusionis de illis infantibus ait: *Neque patientur sensibiles penas, ut omnes Theologi docent*. Bellarminus lib. 6. de amiss. grat. & itaru pecc. cap. 4. post adductos SS. Patres subdit, His accedit Petrus Lombardus cū omni scholâ Theologorum, qui communi consensu docent, parvulos sine Baptismo morientes puniri apud inferos poenâ damni, non autem poenâ sensus, Salmeron disp. 48. in cap. 5. epistolæ ad Rom. Pro hac sententiâ, Testis est, inquit, tota penè Schola Theologorum, & præsertim Magistri in 2. d. 33., & ibidē D. Thomæ, Bonaventuræ, Scoti, & omnium ferè præter unum Gregorium Ariminensem, & Ubertinum de Casalibus, in lib. de vitâ Salvatoris, Nihilominus verissimè protulit de magno Augustino S. Antoninus Archiepiscopus Florentinus 2. par. hist. cap. 8. tit. 10. *Est gemma Doctorum, & Pater Theologorum &c.*

Mastrius de Meldula quæst. 5. de pecc. origin. art. 1. n. 155. & 159. vocat sententiam Authoris communissimam inter Catholicos, adducitque S. Bonaventuram asserentem, eandem sententiam omnes Magistros magis approbare communiter, & Scotum ipsam appellantem sententiam Magistrorum. Juremeritò autem S. Cælestinus Papa scribens ad Galliæ Episcopos, Augustinum tantæ scientiæ fuisse, memorat, ut inter Magistros optimos etiam antè à suis decessoribus haberetur, Et S. Gelasius in epistola 6. proficitur, Augustinum, & Hieronymum esse lumina Magistrorum.

Cardinalis Aureolus in 2. sent. dist. 33. q. unicâ art. 1. scribit,

N

bit,

bit, quòd illa doctrina [sententiæ Sfondrati] est communis Ecclesiæ sententia. Æquissimè tamen pronunciavit Johannes II. Papa in epist. 3. „ Doctrinam S. Augustini in Ecclesiâ observari secundum Prædecessorum statuta „ Alexander VII. SS. Augustini, & Thomæ asserta appellavit *dogmata inconcussa, tutissimaque*. Et Clemens X. de S. Augustino, „ Est Ecclesiæ Doctor præcellentissimus, qui spiritu Dei plenus hæresum, errorumque tenebras tanquam fulgentissimum christianæ eruditionis iubar, profundissimis, simulque sole clarioribus scriptis prosligavit „

Nicolaus de Lyra in cap. 4. Ecclesiast. asserit, infantes absque Baptismo defunctos non sustinere aliquam „ Pœnam sensibilem, sed habere vitam magis delectabilem, quàm possit haberi in vitâ præsentī *secundum omnes Doctores, qui loquuntur de morientibus in solo peccato originali* „ Johannes Maldonatus exponens verba Johannis 3. vers. 5. *Nisi quis renatus fuerit &c.* subiungit, „ Lego apud Severum Antiochenum in Catenâ Græcâ, quòd omnes hodie Catholici docent, infantes, qui sine Baptismo decedunt, beatâ quidem privari vitâ, aliâ tamen pœnâ non puniri „ Equis autem arbitrabitur, Scriptores istos discrepare à Possidio in epist. ad Macedonium vocante S. Augustinum, *Patrem Patrum, Doctorem Doctorum?* à Sixto III. asserente, eum esse *inter intemeratæ Ecclesiæ Doctores præcipuum?* ab Hugone Victorino didascal. lib. 4. c. 14. testante; *omnes Ecclesiæ Doctores eum ingenio vicisse incomparabiliter?* à Martino V. illum Patrum, *sapientiumque omnium ingenia, ac studia exhibere?*

Nemini autem palmam cedere in exornando S. Augustino Eminentiss. Sfondratum (quamvis sanctissimus Doctor omni humanâ laude longè major sit) elegantissima ejusdem verba demonstrant pag. 56. & 218.

Eâdem postmodum oberrat chordâ Censor crambem recoctam jam toties in cineres effusam porrigens, videlicet, imponendo Authori, ipsum assignare medium locum in quo infantes absque Baptismo decedentes sine ullâ sensibili pœnâ naturali felicitate in æternum fruuntur. Centies ostendimus, Scriptorem hac in re perquam sobriè, & temperatè se gessisse, affirmando cum S. Thoma pag. 164. „ Illos infantes in eum statum bonorum naturalium transferri, quem paragrapho primo ex Angelico Doctore descripserat.

Ad

Ad ultima verò Censoris verba Petrus de Comitibus Regens
 Augustinianus disp. 5. de pecc. origin. art. 3. sectatus senten-
 tiam, quam de pœnis parvulorum tenet Eminentiss. Author,
 ita respondet „ Ex capite authoritatis est multò probabilior, &
 „ communior nostra sententia, quàm opposita, atque adeò nō
 „ video, quomodo possit sustineri, quòd nostra sententia ad-
 „ verferetur Statutis Pontificum, D. Bonaventuræ, Scoti, Ae-
 „ gidii, & aliorum. Facillimè trahuntur ad nostrū sensum Afri-
 „ canæ Synodi, Gelasius, Gregorius, Avitus, Isidorus, An-
 „ selmus &c. „ Suffragatur Andreas Duvallius tract. de peccat-
 „ tis quæst. 4. art. 3. inquiens „ Non esse apertè de fide, infan-
 „ tes absque Baptismo decedentes non puniri pœnâ sensus, sed
 „ tantum damni; siquidem cap. *Majores de Baptismo* non defi-
 „ nitur absolute pœnam peccati originalis esse solum privatio-
 „ nem Divinæ Visionis, sed illud dumtaxat ex communi Theo-
 „ logorum sententiâ, tanquam certum statuitur, & suppo-
 „ nitur. Ita ut hæc definitio non sit majoris ponderis pro fide,
 „ quàm sit communis Theologorum sententiâ; dicendum ta-
 „ men est ad fidem accedere, tum propter hanc communem
 „ Theologorum sententiam, cum Theologorum unanimis
 „ consensus in aliquo dogmate Ecclesiæ sensum de illo aperire
 „ videatur; tum etiam propter rationes Theologicas, quas cō-
 „ stat, quando evidentes sunt, certitudinem maximam ingene-
 „ rare, tum denique propter definitionem allatam Pontificis,
 „ qui quando approbat doctrinam communem Theologorum,
 „ eam ad certum aliquem gradum certitudinis elevat, ut si do-
 „ ctrina illa non sit de fide, ad eam tamen quàm proximè acce-
 „ dat.

De voluntate Dei omnes salvos faciendi, & de Christo pro omnibus mortuo.

PROPOSITIO XI.

Dæ sunt in Deo voluntates; prima absoluta, efficax independensq; ab omni hominum merito, qua Deus naturaliter, meroque suæ bonitatis instinctu, atque ut dicam, motu proprio vult omnium hominum salutem, æternāq; felicitatem. . . . & hanc vocamus voluntatem antecedentem; pag. 21. lin. ult. Altera voluntas est hypothetica, & conditionata. . . . & hanc vocamus voluntatem consequentem. pag. 6. lin. 31.

N O T A.

Hæc duplex in Deo voluntas, antecedens, videlicet, & consequens, cujus primus meminit S. Johannes Damascenus lib. 2. de orthodoxâ fide cap. 29. novo prorsus sensu hic accipitur, quem apud nullum etiam ex recentioribus Theologis reperias. Aliter omnino utramque hanc Dei voluntatem exposuit Doctor Angelicus 1. p. q. 19. art. 6. ad 1. ubi allato exemplo Judicis, qui cum velit antecedenter omnes Cives vivere, hunc homicidii reum consequenter atque absolute, ob justitiam, ac bonum publicum vult morte puniri, hæc subjungit, „ Deus vult antecedenter omnem hominem salvari, sed consequenter vult aliquos damnari secundum exigentiam suæ justitiæ „ Neque tamen id, quod antecedenter volumus, simpliciter volumus, sed secundum quid, quia voluntas comparatur ad res secundum quod in se ipsis sunt, in se ipsis autem sunt in „ particulari: undè simpliciter volumus aliquid secundum quod volumus illud, consideratis omnibus circumstantiis particularibus, quod est consequenter velle: Undè potest dici, quod Judex „ justus simpliciter vult homicidam suspendi, sed secundum quid „ velit eum vivere, scilicet, in quantum est homo, undè magis potest dici velleitas, quàm absoluta voluntas. „ Et iterum eadem par. quest. 23. art. 4. ad 2. de voluntate Dei salvandi omnes, sic loquitur, „ Deus vult omnes homines salvos fieri antecedenter (quod „ non

„ non est velle simpliciter „ Idem habet 3. p. q. 21. art. 4. *Allata propositioni nihil magis contrarium, quam hec doctrina D. Thomæ, ut omninò mirandum sit, Autorem in ipso jam libri titulo profiteri, se nodum prædestinationis ex doctrinâ ejusdem S. Doctoris explicaturum.*

DISPUNCTIO.

EXscribendus necessariò hic est integer locus à Cēfore propositus, ex eo enim adequatè accepto omnis cavillatio penitus evanescet. Duæ, inquit Eminentiss. Scriptor pag. 5. „ Sunt in „ Deo voluntates, Prima absoluta, efficax, independensque ab „ omni hominum merito, qua Deus naturaliter, meroque bonitatis suæ instinctu, atque, ut ita dicam, motu proprio vult „ omnium hominum salutem, æternamque felicitatem, & ideò „ eos creat, eos redimit, & accomodatissimis ad hunc finem „ mediis accingit, aliter tamen, aliterque juxta infinitæ, ac ordinatissimæ Sapientiæ suæ modum. Et hanc vocamus voluntatem antecedentem, seu voluntatem amoris, quia nullam „ aliam causam habet, quàm ut dixi, naturalem bonitatis suæ „ instinctum, motumque proprium. Hæc, inquam, voluntas, „ quantum est ex parte Dei, efficax, & absoluta est. Efficax, „ quia vi hujus voluntatis movetur Deus ad media, non tantum „ huius finis necessaria, & commoda, verum etiam abundantissima, & præstantissima hominibus applicanda, adeò ut ne vni- „ genito quidem, nec sanguini, vitæque parcat, quod nemo „ facit, nisi qui finem flagrantissimè, ac efficacissimè ex parte sua „ cupit. Absoluta verò hæc ipsa voluntas dicitur, quia licet „ Deus exequi hanc suam voluntatem nolit, nisi homine consensum suum præbente, cum salvare invitum nolit, quod tamen creaverit, & quod ideò creaverit, ut æternam vitam adipisceretur, quodque in hunc finem nobilissimis, & validissimis mediis intruxerit, id totum gratis, totumque opus summi amoris, & bonitatis fuit, nihil homine ipso ad propositum tam regię spontaneæque adoptionis conferente, nullaque ex „ ejus parte conditione expectatâ. Quod Deus te voluerit condere, voluerit in filium, quantum est de se, adoptare. voluerit regni cælestis hæredem esse, in eumque finem „ nullo, ac pretiosissimis te dotibus, ac beneficiis exornaverit, „ mere

„ meræ charitatis, & misericordiæ fuit, nihil te, cuiusque meritis adjuvantibus. Voluntas verò, qua decrevit, ne hoc ipsū regnum obtineres, nisi velles, & merereris, quodque spoliare te illo voluerit, quia prævidit, te operari, & mereri nolle, hæc, inquam, voluntas conditionata, & consequens dici debet, quippe ex prævisâ voluntate, arbitrioque tuo pendens, quod Theologi nostri aliis terminis voluntatem intentivam, & executivam appellant.

S. Johannes Damascenus primus quidem omnium illam duplicem voluntatem nomine antecedentis, & consequentis appellavit; eam autem distinctionem duplicis voluntatis desumpsit vel à Tertulliano, vel à S. Chrysostomo: primus lib. 2. cont. Marcionem c. 11. habet, „ Bonitas Dei prior secundum naturā, „ severitas posterior secundum causam, illa ingenua, hæc accedens, illa propria, hæc accomodata; illa edita, hæc adhibita. „ Nec natura enim inoperatam debuit continuasse bonitatem, „ nec causam dissimulatam evasisse severitatem, alteram sibi, alteram rei Deus præstitit, „ Chrysostomus verò homil. 1. in epist. ad Ephes. „ Ubique ait, beneplacitum est voluntas antecedens. Nam est alia voluntas. velut, voluntas prima est, „ ut ne, qui peccaverunt, pereant. . . . Beneplacitum ergo „ primam voluntatem nominat, nempe, vehementem voluntatem, voluntatem cum cupiditate conjunctam, quæ & firma „ animi persuasio dicitur, „ Damascenus horum Patrum vestigiis insistens in calce libri contra Manichæos inquit, „ Primaria voluntas est id, quod quispiam ex se ipso vult, „ & lib. 1. de hæde Orthodoxâ cap. 29. „ Sciendum est, ait, Deum præcipuâ, & antecedente voluntate velle omnes salvari, & regni sui compones fieri, non enim nos ut puniret condidit, sed ut participes „ simus ipsius bonitatis tanquam bonus. Peccantes verò puniri vult tanquam justus. Itaque prima illa voluntas antecedens „ dicitur, & beneplacitum, quod ex ipso est; secunda autem „ consequens voluntas, & permissio ex nostrâ causâ ortum habens &c.

Componat, quæso, Lector Eminen. Authoris verba aliis præfatorum Patrum, & nec lac lacti tam simile reperiet, adeò religiosè eorum vestigia preffit Sfondratus. Voluntatem Dei antecedentem relatè ad salutem omnium hominum appellat Author efficacem, & efficacissimam, sed cum addito diminutive, nempe,

pè,

pè, vel quantum est ex parte Dei, ut pag. 2. 5. 6. 10. 17. 18. 19. 23. 28. 29. 30. 31. 32. 41. 43. 112. vel cum isto alio addito diminvente illi alteri æquipollente, nimirum, *si ipsi homines velint*, ut in pag. 5. 18. 19. 32. 41. 50. 53. 58. 60. 82. Voluntatem Dei antecedentem de salute omnium hominum cum illo duplici addito diminvente consideratam importare dumtaxat voluntatem efficacem inadæquatè, seù in actu primo relatè ad finem principalem, idest, salutem omnium hominum est evidens, & innegabile ex ipsis terminis. Videatur Mastrius de Meldula celebris Theologus in primo Sent. disp. 3. quæst. 4. art. 4. n. 260. disp. 4. quæst. 3. art. 3. n. 62. & latius quæst. 5. n. 96. 98. & seq. ubi ex verbis Chrysostomi superius allatis infert, „ Si ex illis non explicatur, ait, voluntas beneplaciti, & quæ sit efficax quantum ex „ parte suâ, quibus aliis clarioribus verbis id explicare potuerit „ planè ignoro; & disp. 5. q. 1. art. 2. n. 22. docet, quod nisi dicatur illam voluntatem esse ex parte Dei efficacem quantum „ in se ipso est, jam talis voluntas non declarat ingens, flagrant, „ sque, ac vehemens Dei desiderium, quod omnes salventur, „ nec ex tali voluntate Patres rectè arguerent summam Dei bonitatem, & eam exaltare altitudinem divitiarum divinæ gratiæ, ac misericordiæ, & minimè declararet affectum Dei erga „ totum genus humanum, „ Et n. 9. post allata verba antiquissimi Authoris Constitutionum Apostolicarum sub nomine S. Clementis lib. 2. cap. 59. subjungit idem Mastrius, „ Ecce quod „ voluntas salvandi omnes vocatur à Clemente placens, idest, „ voluntas beneplaciti in sensu superius declarato, ut beneplacitum dicitur quidquid Deo placet, & quod cupit, ut fiat quantum in ipso est, quo etiam sensu vocatur perfecta, ut ostendatur, esse efficax, quantum est ex parte Dei, in multis enim non „ perficitur ex ipsorum defectu, „ Hoc totum, & nihil amplius contendit Sfondratus in hoc suo Tractatu, ut magis, magisque inferiù patefiet.

Huic loquendi modo apertè concinunt tum S. Chrysost. homil. 2. in epist. ad Hebr. ubi generalem voluntatem in Deo esse dicit salutis omnium hominum, „ quos quantum in se est ad salutem perducere cupit, „ Tum Ambrosiaster super illa eadem verba Apostoli, *Deus vult omnes homines salvos fieri*. Tum S. Petrus Chrysologus serm. 108. eleganter exprimens eximium Dei affectum, quantum ex se est omnium impiorum salutem de-

sider-

siderantis, & procurantis „ Audi, inquit, rogantem Domi-
 „ num: totâ die expandi manus meas, ipso habitu rogat? Ex-
 „ pandi manus meas, ad quem? ad populum non credentem, sed
 „ contradicentē; distendit membra, dilatat viscera, pectus por-
 „ rigit, offert sinum, gremium pandit, ut patrem se tantæ ob-
 „ secrationis demonstraret affectu: Audi & aliter rogantem Deū:
 „ Popule meus quid feci tibi, aut quid contristavi te? &c. Tūc
 S. Paulinus Nolanus in epist. de Gazophilac., Deus, quantum
 „ in ipso est, omnem hominem vult salvum fieri, quia in omni
 „ homine opus suum diligit &c., Tūc S. Laurentius Justinia-
 nus lib. de contemptu mundi cap. 8., Noli ò homo cum delin-
 „ quis bonitatem damnare divinam, quòd suam tibi minimè
 „ prærogavit gratiam, & benè agendi tibi negaverit potestatem,
 „ vult, quantum in ipso est, omnes homines salvi fieri, & ad
 „ agnitionem veritatis venire, quatenus in omnibus reperiat,
 „ quod coronet; Tūc S. Thomas in cap. 19. Johan. lect. 3.,
 „ Per hoc, quod dicit *sic* ostendit ejus ardens desiderium de
 „ salute generis humani 1. ad Timoth. 2. vult omnes homines
 „ salvos fieri, Lucæ 19. venit filius hominis quærere, & salvum
 „ facere quod perierat; vehemens autem desiderium consue-
 „ vimus exprimere per *sic*, „ Tum Enchiridion Colonien-
 „ se in tit. de Sacram. Penit., Misericors Deus vult omnes homi-
 „ nes salvos fieri, quantum ad se attinet, voluntate anteceden-
 „ te, quod verò reprobos damnat, sit voluntate consequente.
 „ . . . Deus adeò vult omnes homines salvos fieri, ut ne-
 „ mini quantumlibet scelerato gratiam suam subtrahat; Tūc
 „ denique Scotus in 2. dist. 37. dum promiscuè disputat quæ-
 „ stiones quatuor §. ad *solutionem istorum*, ait „ Deus licet non te-
 „ neatur dare rectitudinem nostris actibus, tamen quantum est
 „ ex se daret, si voluntas creata cooperaretur. Universaliter
 „ enim quidquid Deus dat antecedenter, daret illud consequē-
 „ ter, quantum est ex se, nisi esset impedimentum, „ Nota (ad-
 „ monet post relata hæc verba Scoti Ruiz disp. 19. de voluntate
 Dei sect. 5. n. 21.) generalem doctrinam de antecedente volunta-
 „ te *quantum est ex se efficaci*, „ & paulò antea dixerat, eandem
 esse sententiam omnium ferè scholasticorum.

Hanc Dei voluntatem antecedentem salvandi omnes homi-
 nes appellant efficacem quantum est de se, seu quantum est ex
 parte Dei, vel si homines velint, Dionysius Petavius tom. primo

The-

Theolog. dogm. lib. 10. cap. 3. & 4. ubi hoc latè probat ex pluribus SS. Patribus, quemadmodum etiam habet Didacus Ruiz frequenter in suis tomis Theologicis, Herinez in Academia Lovanienfi S. Theologiæ Lector jubilatus par. 1. Theol. disp. 8. q. 2. n. 27. Marcus de Berulle tom. 1. Theol. Scori disp. de Prædestinat. quæst. de voluntate Dei; Antonius Bernaldus de Quiros in Collegio Vallisoleti generalis studiorum Præfectus, & Theologiæ Professor primarius in selectis disp. Theolog. de Deo q. 19. art. 6. num. 79. Petrus de Comitibus Regens Augustinianus disp. 2. de prædestin. art. 1. & omnes illi Theologi, qui asserunt illam voluntatem Dei antecedentem esse absolutam, & Deum dare omnibus gratiam quantum est de se efficacem, seu si homo velit.

Eodem modo discurrendum est de illâ voce *absoluta*, cujus in toto libro hac solum occasione semel, aut bis meminit Author. In pag. namque 19. fit mera repetitio verbalis præhabita in loco à Censore producta, & pag. 112. ponitur *ta' absolutè* in sensu diverso, prout opponitur huic particulæ *ta' comparative*. Quod autem loc. cit. illa voluntas Dei antecedes certissimè, & ab omni procul censurâ dicatur absoluta, non quidem respectu finis principaliter intenti, idest, salutis omnium hominum, ut falso obtrudit Censor, sed respectu mediorum, est exploratissimum legenti integrum textum supra allatum. Non ne verissimum est, Deum absolutè hominem creasse, elevasse extrinsecè ad finem supernaturalem, ipsique in ordine ad æternam salutem validissimis mediis opitulatum esse? Undè Mastrius loc. cit. disp. 4. quæst. 5. n. 97. docet cum Gabriele Pennoto Canonico Regulari Ord. S. Augustini de libert. lib. 4. c. 21. quòd,, voluntas Dei „ præveniendi hominem per gratiam non est voluntas conditionata, si non fuerit impedimentum ex parte hominis, sed „ est omninò absoluta, nec homo potest ejus executionem impedire, licèt enim sit in ejus potestate ei consentire, vel dissentire, non tamen eam recipere, vel non recipere, quia Deus, „ us operatur eam in nobis sine nobis,, Quamvis hæc ex verbis ipsius Authoris sint evidentissima, & ad omnes cavillos Censoris confringendos abundantissima, ut autem ipse addiscat, quàm leviter jactavit, illam voluntatem Dei antecedentem de omnium hominum salute dici non posse absolutam, patitur se instrui à scholæ Theologicæ principibus.

B. Albertus Magnus apud Dionysium Carthusianum 1. Sent. disp. 46. q. 1. loquens de distinct. divinæ voluntatis in antecedentem, & consequentem, ait „ Quidam Magistri nostri tem-
 „ poris dicunt idem subtilioribus verbis: duplex est voluntas,
 „ una absoluta, quæ absolute, ac simpliciter comparatur ad vo-
 „ litum, & non per aliud, quemadmodum enim scientia Dei
 „ comparatur per se ad omne verum, & potentia Dei ad omne
 „ ens possibile potestate efficientis, ita voluntas per se est om-
 „ nis boni, & non nisi boni, & hoc modo vult omnem hominē
 „ salvari. Alia est Dei voluntas pendens ex præscientiā meri-
 „ torum non sicut ex causā, sed sicut ex ratione concomitante,
 „ & hac voluntate non omnem hominem vult salvari: Hæc Al-
 „ bertus „ Tum pergit Dionysius. Alberti responsio procedit
 „ secundum opinionem superius recitatam eorum, qui dicunt,
 „ quod præscientia meritorum sit ratio prædestinationis „
 Advertat hic obiter Lector, Dionysium cum aliis pluribus me-
 ritō inter Authores docentes, prædestinationem ad gloriam
 fieri post prævisa merita, recensere Albertum Magnum.

Doctor Angelicus, ad quem in suā censurā provocat Notator,
 super eadem verba Apostoli sic altē edisserit in Comment. ejus-
 dem epistolæ lect. 1. „ Alio modo secundum Damascenum, ut
 „ intelligatur de voluntate antecedente, non consequente.
 „ In voluntate enim Dei, licet non sit prius, & posterius, di-
 „ citur tamen voluntas antecedens, & consequens. Item se-
 „ cundum quod voluntas potest dupliciter considerari, scilicet
 „ in universali, vel *absolute*, & secundum aliquas circumstan-
 „ tias, & in particulari. Et prius est *absoluta* consideratio, &
 „ in universali, quàm in particulari, & comparata. Et ideo vo-
 „ luntas *absoluta* est quasi antecedens, & voluntas alicujus rei in
 „ particulari est quasi consequens. Exemplum de Mercatore,
 „ qui vult omnes merces suas salvare *absolute*, & hoc voluntate
 „ antecedente. Sed si consideret salutem, non vult omnes mer-
 „ ces per comparisonem ad alia salvare, scilicet, quando cum
 „ salute sequitur submersio Navis, & hæc voluntas est conse-
 „ quens. Sic in Deo salus omnium hominum secundum se cō-
 „ siderata habet rationem ut sit volibilis. Et Apostolus hic ita
 „ loquitur, & sic ejus voluntas est antecedens. Sed si conside-
 „ reretur bonum justitiæ, & quod peccata puniantur, sic non vult,
 „ & hæc voluntas est consequens „

S. Ber-

S. Bernardinus Senensis tom. 2. serm. 5. feriæ quartæ in die cinerum cap. 2. pag. 32. ita sententiosè farur,, De Domino Apostolus 1. Timoth. 2. ait,, Qui vult omnes homines salvos fieri. Quod verbum exponens Damascenus ait, quòd in Deo est duplex voluntas, non quidem ex parte volentis, sed voliti, scilicet voluntas antecedens, vel *absoluta*, & voluntas consequens, seu *conditionata*. Voluntas autem *absoluta* est, quæ respicit ordinem naturæ, prout à Deo condita est, & quia à Deo omne bonum est volitum, & naturam intellectualem bonum est obtinere salutem, ideò, quantum ex se est, vult omnes homines salvos fieri, quia ad hoc omnes conveniunt in humanâ naturâ. Voluntas verò *conditionata* respicit ordinem personæ ex parte liberi arbitrii, in quo incidit in malum, & quia non est bonum omnes homines salvos fieri, nisi sub conditionibus istis, scilicet, ut qui se præparat, & salvari consentit, vult Deus salvari per suæ gratiæ largitatem, nolentem verò, & suæ gratiæ resistentem Deus non vult salvari, quia nec bonum, nec justum est. Patet exemplo: licet enim sol omnes homines illuminare sit aptus, tamen qui oculum claudit, vel se ab eo avertit, non illuminatur à Sole. Sic Deus, quantum in se est, paratus est omnes salvare, & tamen homines, qui obstaculum ponunt, nequaquam salvat,, Nihil accommodatius, nihil splendidius pro doctrinâ Sfondrati esseri poterat.

Franciscus Horantius gravissimus Theologus Ord. Minorũ, qui Concilio Tridentino Procurator pro Episcopo Palentino interfuit, & postmodum ad Ecclesiæ Ovetensis infulas evectus fuit, hanc eruditam atrexit ponderationem lib. 3. de locis catholicis c. 6., D. Paulus dum discipulum eo loco persuadet pro omnibus orare, egregiè judicat omnium salutem Deum sitire; parum etiam repugnabimus, si quis hujusmodi Dei desiderium, & voluntatem, aut conditionalem, aut magis *absolutam*, suoque modo perfectam appellet, modò eam sic omnes commodissimè exprimamus, Deus vult omnes homines, & eorum quemque, salvos fieri, nisi obstinatorum hominum gravitas, ac durities divinum à se favorem excuriat.,

Vincentius Contensonus piissimus, & solidissimus Theologus ex inclyto Ordine Prædicatorum primo tomo Theologiæ primæ editionis disp. 9. de Divinâ voluntate cap. 1. specul. 3. pag. 384. habet,, Similiter Deus *absolutè* vult reprobum salvari, quæ

„ tamen attentis variis causis finit in peccatum labi, & propter
 „ peccata damnari.

Petrus de Comitibus Augustinianus in tract. de Prædestinat.
 disp. 2. art. 1. explicans verba D. Thomæ 1. par. quæst. 19. art.
 6. ad 1. ait, quòd S. Doctor nomine voluntatis antecedentis in-
 telligit voluntatem *absolutam*, qua Deus fertur in hominem ut
 homo est absque ullo adjuncto bonitatis, seu malitiæ, & nomine
 voluntatis consequentis intelligit actum voluntatis, quo Deus
 fertur in hominem cum adjuncto, hoc est, ut bonum, seu ma-
 lum.

Gabriel Vasquez Theologus præstantissimus in 1. par. disput.
 §5. n. 15. ita discurrit, „ Juxta mentem Damasceni, qui prius
 „ hanc divisionem divinæ voluntatis in antecedentē, & conse-
 „ quentem ex Chrysostomo accepit, & nobis explicavit, ali-
 „ qua etiam voluntas antecedens est efficax, & omninò absolu-
 „ ta, qualis est voluntas præveniendi hominem gratiā vocatio-
 „ nis. Porro tametsi voluntas, qua ex se vult Deus omnium
 „ hominum salutem, sit efficax, tamen non est omninò sub con-
 „ ditione, sed est voluntas verè absoluta, licet non nihil con-
 „ ditionis includat, quare non solum velleitas, sed voluntas
 „ nuncupanda est. Explicat hanc divisionem S. Thomas in hoc
 „ articulo, qui & exemplo, quo utitur, & doctrinā ipsā mentē
 „ Damasceni apprimè intellexisse videtur. Inquit igitur in so-
 „ lutione primi argumenti, eam esse voluntatem antecedentē
 „ quæ circa rem aliquam absolutè, & secundum se consideratā
 „ versatur, consequentem verò, quæ est circa rem cum ali-
 „ qua circumstantia. „ Rursus n. 20. & 21. habet, „ Inter volun-
 „ tates antecedentes necessariò fatendum est, esse aliquas om-
 „ ninò absolutas, & efficaces, si explicationem Damasceni, &
 „ S. Thomæ sequamur. Cum enim ex eorum sententiā volun-
 „ tas antecedens respectu nostri sit, quæ ex solo Deo, nec ullo
 „ modo occasione nostrorum operum ortum habet, illa etiam
 „ erit antecedens, qua Deus decrevit vocare nos hac aut alia
 „ vocatione, quæ omninò absoluta, & efficax est. Sicut enim
 „ ex sua sola benignitate vocare voluit, sic etiam nullo inpediē-
 „ te in tempore vocat, nec talis voluntas vocandi unquam effe-
 „ ctui caret, quamvis ipsa vocatio non semper voluntatem no-
 „ stram moveat.

Didacus Alarcon in Complutenſi Collegio Societ. Jesu pri-
 ma-

marius Theolog. professor tract. 3. de Voluntate Dei disput. 6. cap. 3. n. 13. firmat hanc assertionem „ Voluntas antecedens, „ qua Deus vult omnes homines salvos fieri, est omnino absoluta ex parte subiecti, & ex parte obiecti, & formaliter est simplex, virtualiter tamen dicitur efficax, ut tradunt quoque „ docent, non esse decreta conditionata in Deo, & probant testimonio plurima Sanctorum omnium asserentium, voluntatem hanc esse ardentissimum desiderium Dei salutis omnium, & ostendunt etiam infinita beneficia, quæ Deus omnibus hominibus consulit, quibus suam salutem consequantur.

De Quirós in Collegio Vallisoleti Soc. Jesu Generalis studiorum Præfectus quæst. 19. de voluntate Dei art. 6. n. 8. „ Mea, inquit, sententia sit, hanc voluntatem Dei antecedentem salvandi omnes esse absolutam simpliciter, & secundum quid conditionatam, & num. 79. dixerat, „ Deus ex se efficaciter vult salutem omnium, saltem sub conditione, quod bene vivant, & nemo catholicus negare potest; Ergo vult *absolutè* omnium etiam reproborum salutem, Georgius de Rhodes disp. 5. de Deo quæst. 2. sect. 2. § 1. appellat illam Dei voluntatē antecedentem conditionatam, & inefficacem ex parte obiecti, at ex parte Dei omnino *absolutam, & efficacem*, allegatque pro hac sententiā Suarez, & Ruiz.

Johannes Gisbert in Academiā Tolosana Regius Theologiæ Professor tom. 2. Scientiæ Religionis par. 1. de Deo uno, & Trino in serie quæstionum Juris, præviā approbatione Decani illius universitatis edito, ponit q. 3. de voluntate Dei cap. 5. art. 2. hanc Thesim n. 5. „ Voluntas generalis Dei salvandi omnes homines partim est efficax, partim inefficax, formaliter verò, & quoad intentionem *absoluta* est, non conditionata.

Videat Censor, an allata Sfondrati propositio sit aded contraria D. Thomæ, ut nihil magis, undè desinat mirari, quòd Author in ipso libri titulo professus sit, se nodum prædestinationis ex doctrinā ejusdem S. Doctoris explicaturum. Ea autē Theologorum testimonia, (quibus alia plura adiici possunt) coacervata sunt ad instructionem ipsius Censoris, ut addiscat, modum illum loquendi non esse contra omnes veteres, & recentes Theologos, quamvis re verā, nusquam dixerit Sfondratus, voluntatem Dei antecedentem salvandi omnes esse absolutam relatè ad terminum principalem, id est, ad salutem omnium hominum;

sed

sed dumtaxat relatè ad media omnibus collata, ut ex ejusdem verbis evidentissimum est.

PROPOSITIO XII.

Deus seridè, impensissimè, ac quantum in se est, efficacissimè omnium hominum salutem vult. pag. 2. lin. penult.

PROPOSITIO XIII.

Hanc Dei voluntatem omnes salvandi, quantum ex parte Dei est, efficacem esse, dubitari non potest, pag. 43. lin. 32. superiori propositione eandem voluntatem *absolutam* vocat.

NOTA.

HÆc è diametro opponuntur Scripturis sacris, quæ nobis omnipotentiam Dei commendant,, In ditione tuâ cuncta sunt posita, & non est qui possit resistere voluntati tuæ,, *Esber cap. 13. num. 9.* Consilium meum stabit, & omnis voluntas mea fiet. *Psal. 113. n. 11. quæ verba Psalmistæ expendens Augustinus Enchirid. cap. 43. ait,* quod utique non est verum, si aliqua voluit Deus, & non fecit, quoniam ne fieret, quod volebat Omnipotens, voluntas hominis impedivit. Undè ex hujusmodi assertionibus, ut ait adhuc Augustinus eodem lib. cap. 96., *Periclitatur ipsum*, „ nostræ fidei confessionis initium, qua nos in Deum Patrem omnipotentem credere confitemur, neque enim veraciter ob aliud vocatur omnipotens, nisi quia quidquid vult potest, nec voluntate cujusquam creature voluntatis Omnipotentis impeditur effectus.,

DISPUNCTIO.

Superfeditet sanè Cenfor jactandâ oppositione propositioni Authoris contra Scripturam, si hæc in ejus libro legisset, seu potius nō dissimulasset, nempè,, Duæ sunt voluntates in Deo (ex Commentatore S. Matthæi inter opera S. Anselmi) est & alia, „ quæ

„ quæ est de effectibus rerum, de qua dicitur, omnia quæcum-
 „ que voluit fecit, huic nemo potest resistere, hæc providen-
 „ tiæ concordat semper &c. item pag. 34. Voluntas Dei nō po-
 „ test mutari, aut vinci. pag. 39. Divina voluntas est immuta-
 „ bilis. pag. 217. *Nihil est, quod tuæ possit resistere voluntati, si sal-*
 „ *vare decreveris Israel* ex Esther. 13. „ quæverba contra Au-
 „ thorem afferuntur à Censore, qui potius adnotare debuisset;
 „ prædictas authoritates evidenter procedere de voluntate Dei
 „ efficaci simpliciter, & adequatè, seu in actu secundo.

Observat autem Stephanus Dechamps de hæresi Janfeniana
 lib. 1. disputat. 7. cap. 2. num. 3. Janfenium ad improbandum in
 Deo voluntatem feriam, & impensam salvandi omnes homines
 fædè hæreticos expilasse, infamemq; ex variis illorum sententiis
 ac veluti laciniis centonem concinnasse. sic Janfeniani in Gal-
 lico Catechismo de Gratia ad illam interrogationem 66. „ Vo-
 „ luit ne Deus solos electos salvos fieri? Respondent „ Si vellet
 „ omnes, ac singulos homines salvare, omnes re ipsa salvarentur,
 „ quia omnia quæcumq; vult in cælo, & in terra facit, nec est, qui
 „ possit ejus resistere voluntati „ Urget id ipsum acerrimè Theo-
 „ dorus Beza in Apolog. colloq. Monpelg. pag. 315. „ Si verè,
 „ inquit, & simpliciter Deus vellet omnes salvos fieri, om-
 „ nes necessario ad salutē perducerentur, quia voluntas ejus est
 „ „ omnipotentissima. At non omnes actualiter salvantur &c. „ Ur-
 „ get quoque Hieronymus Zanchius de prædest. cap. 5. thesi 11.
 „ „ Cum Dei volūtas nulla ratione impediri possit, & sit omni-
 „ „ tentissima, idcirco nullo modo dici potest, Deum simpliciter,
 „ „ & propriè velle omnes in universum homines salvos esse, Et
 „ in explicatione thesis 12. „ Cum voluntas Dei sit omni-
 „ „ tentissima perfectio, si simpliciter vellet, omnes salvos fieri, omnes
 „ „ salvi fierent &c. Ideo psal. 113. dicitur: quæcumq; voluit Do-
 „ „ minus fecit in cælo, & in terra, „ Rursus paucis interjectis, „ Cæ-
 „ „ terum pugnat cum Dei omnipotētia, & majestate dicere, De-
 „ „ um aliquid simpliciter velle, & illud non fieri; quare si qui
 „ „ non salvantur, dicendum est Deum noluisse simpliciter illos
 „ „ salvari &c. „ Deducit exhinc Dechamps, tritum illud esse, &
 „ familiare Calvinianum argumentum, quo Janfeniani rem con-
 „ fici, & suos exarmari adversarios putant.

NEquè potest dici, hæc verba Authoris, efficacem, & efficacissimam esse Dei voluntatem salvandi omnes, commodè intelligi posse, atque eo planè sensu, quo Apostolus absolute dicit, Deum velle, ut omnes salvi fiant, tametsi non omnes salventur. Non enim licitum est in rebus Theologicis verborum significationem immutare, & ea novo prorsus sensu contra communem, & apud omnes receptum, intelligenda proponere, quia, ut ait Hieronymus ex malè ordinatis verbis sæpè hærelis incurritur, quod quidem hic accidit, supra enim vidimus ex S. Thoma 1. q. 19. art. 1. ad 1. antecedentè Dei voluntatem, potius dicendam velleitatem, quàm voluntatem absolutam, cum è contrario hæc verba Authoris, seriò, impentissimè, efficax, efficacissima, absoluta voluntas in sensu obvio, & apud omnes recepto voluntatem Dei simpliciter absolutam significant, quæ si non impletur, jam Deus non est omnipotens.

DISPUNCTIO.

Solerter adnotavit Bernardus Guyard in opere inscripto. *Discrimina inter doctrinam Thomisticam, & Jansenianam* lib. 2. quæst. 5. art. 8. quod, „ Jansenius Iprensis contradicit Doctori Angelico quoad illam distinctionem, quia vulgò dicit, quòd „ Deus vult omniù salutem, *quantum in ipso est*. Hæc enim ultima clausula non illi arridet. Quod si, inquit Cornelius apud „ eundem, ab authoribus istis quærat, quomodo non omnes salvi „ fiunt, si Deus velit omnes salvos fieri, cum ejus omnipotentissimæ „ voluntati nihil resistere possit, dicere solent, Deū omnes homines „ velle salvos fieri, *quantum in ipso est*. Verum non tantum ista „ expolitio nō placet illi, imò contrariam divinæ sinceritati dicit; sed modum istum loquendi familiarem esse D. Thomæ, „ qui in ejus lectione versati sunt, non possunt ignorare. Celebris est locus ille lib. 3. cont. Gentes cap. 159 in quo post, „ quam ostendit, quòd, licèt in potestate hominis nō sit, nec promereri, nec advocare gratiam Dei, potest tamen impedire ne „ eam recipiat, propter quòd justè rebellis gratiæ dicitur, & peccatum illi imputatur, addit sequentem rationem, *quia Deus „ in quantum est in se paratus est omnibus gratiam dare, vult enim „ omnes homines salvos fieri, & ad cognitionem veritatis venire.* „ Sic

„ Sic altera autoritas , quæ est Principis Apostolorum , Deus
 „ patienter agit propter vos nolens aliquos perire , sed omnes
 „ ad poenitentiam reverti , quam etiam ad ostendendum Deum
 „ velle omnium salutem à Theologis malè impendi , scribit Jā-
 „ senius , eandem in S. Thoma interpretationem recipit ; *vel*
 „ *secundum Damascenum* , inquit , *non vult aliquem perire vo-*
 „ *luntate beneplaciti antecedente , quia facit quod in ipso est , ad vo-*
 „ *stram salutem* . Quamvis enim voluntas Dei ex se per consen-
 „ sum liberi arbitrii efficax non reddatur , modus iste loquendi ,
 „ quantum est in se , cum illà voluntate efficaci non est incom-
 „ patibilis . Ab aliis abtineo , sicut & in hac parte ab ejus disci-
 „ pulis , in quorum scriptis nihil frequentius , quàm hæc clau-
 „ sula *in quantum in ipso est* legitur , quis autem in animum suū
 „ inducere poterit expositionem S. Thomæ super locum Apo-
 „ stoli vult omnes &c. Esse contrariam divinæ sinceritati ? so-
 „ lus Jansenius ,

Deum autem seriò , impenissimè , & quantum est de se effica-
 citissimè velle salutem omnium hominum est constantissima , &
 exploratissima veritas à plurimis SS. Patribus , & Theologis ex
 sacris Scripturis deducta , ut etiam ex disputatione sequentium
 notarum constabit . In antecessum verò observamus , volunta-
 tem Dei antecedentem salvandi omnes , ut non semel dictum est ,
 esse efficacem quantum est ex parte Dei , seu si homines velint ,
 seu si auxiliis consenserint , adeòque non esse absolutam ex par-
 te termini principalis , qui est salus omnium hominum , sed cō-
 ditionatam , & coarctari ad finem , ut fiat sub tali conditione , &
 non aliter . Undè cum volitione finis conditionatà fiat volitio
 ejusdem , si non purificetur conditio , & utraque , tam volitio ,
 quàm volitio , quæ erat antecederet ad conditionem , transit ad
 volitionem , vel volitionem absolutam consequenter ad purifica-
 tam , vel non purificatam conditionem , & per consequens ef-
 ficacia voluntatis conditionatæ non consistit in hoc , quod fiat
 effectus absolute , sed quod fiat , si purificetur conditio . Cum hoc
 tamen optimè cohæret , quòd illa voluntas Dei de salute omniū
 non sit inefficax ex eo quòd salus omnium non sortiatur suum
 effectum . Siquidem nulla voluntas conditionata finis redditur
 inefficax ex eo , quòd finis volitus non sortiatur absolute effe-
 ctum suum . Sicut enim se habet efficacia volitionis divinæ ab-
 solutæ in ordine ad effectum absolutum , ita se habet efficacia vo-

litionis divinæ conditionatæ in ordine ad effectum conditionatum, & per consequens sicut volitio divina absoluta est efficax, per hoc, quod effectus ex vi illius est absolute futurus. ita volitio divina conditionata est efficax per hoc, quod effectus est ex vi illius conditionatè futurus. Porro non potest per id, quod ex voluntate alicuius sit eo modo, quo fieri vult, reddi inefficax talis volūtas, cum efficacia voluntatis consistat in hoc, ut fiat, quod vult, & eo modo, quo vult. Aliquos autem non salvari, nō purificatā conditione cooperationis ex parte ipsorum, fit ex vi ipsiusmet voluntatis divinæ de salute omnium alligatæ huic conditioni, si coope- rentur, & non aliter, cum hæc ipsa volitio de salute omnium sub hac conditione involvat nolitionem de salute omnium, non positā conditione. Idcirco per hoc, quod aliqui non salvantur, non purificatā conditione cooperationis, non potest reddi inefficax voluntas Dei conditionata de salute omnium; immò esset inefficax, si omnes etiam non cooperantes salvarentur, & hoc contrariaretur illi voluntati; quā fertur in salutem omnium cum particulā taxativā, prout stat sub conditione cooperationis, & non aliter. Hinc fit, ut salus omnium, non impleta conditione, esset contra efficaciam voluntatis divinæ, quæ vult talem salutem non simpliciter, sed sub tali modo, & tali conditione. Quod egregiè animadvertens S. Thom. 1. par. quæst. 15. art. 8. in corpore, dicit; „ Ex eo, quod voluntas Dei sit efficacissima, non solū sequi, „ quod fiant ea, quæ Deus vult, sed etiam quod eo modo fiant, „ quo Deus fieri vult „ Cum ergo Deus velit salutem omnium hominum non simpliciter, sed ut stat sub conditione cooperantis contingenter ex parte libertatis humanæ, hoc ipsum est juxta voluntatem Dei, ut salus omnium non sequatur, quando contingit deficere id, quod requiritur ex parte aliquorum. Quare optimè salvatur divinam voluntatem semper impleri, prout fertur ad volitum non secundum se, & simpliciter, sed conditionatè, & ut stat sub tali modo contingenti. Tota equivocatio Censoris est, quod efficaciam voluntatis conditionatæ à Sfondrato assertam constituit in fortitione effectus absolutæ, quæ est extra terminos tali efficacię proportionatos.

Nequid autem ad exactam hujus notæ solutionem desideretur, paucis explicandum est cum Didaco Ruiz disp. 20. de voluntate Dei sect. 4. n. 18. quomodo voluntas illa Dei antecedens salvandi omnes velleitas dici possit, „ Velleitas, ait, quæ non „ vult

„ vult ex parte sua præstare, quæ præstare requirit illud bonum,
 „ quod per eam est volitum, illa videtur esse propria voluntatis
 „ ignavæ, sed aliter se habet Dei velleitas, quæ multò melius si-
 „ gnificatur verbo indicativi dicendo. Deus vult, omnes ho-
 „ mines salvos fieri. Tunc enim maximè velleitas significatur
 „ verbo indicativi, quando ex parte volentis nihil deficit, quo
 „ minus obtineatur effectus volitus, nam talis volitio est parti-
 „ culariter efficax, & absoluta. „

Hinc Bernardus Guyard in quæstione nuper laudatâ art. 7.
 opportunè animadvertit, „ Tantæ esse necessitatis explicationē
 „ illius sententiæ Paulinæ: *Deus vult omnes homines salvos fieri,*
 „ ut exindè pendat explicatio, an Christus Dominus pro om-
 „ nibus omninò hominibus mortuus sit, „ Quod cum à longè
 „ perspexerit Jansenius, voluntatem antecedentem pro om-
 „ nium salute in Deo extinguere, aut inutilem efficere conatur.
 „ *Postquam peccata* (verba sunt Jansenii) *jam ab hominibus indu-*
 „ *cta considerantur, antecedens voluntas in sola præcisione mentis,*
 „ *adeoque nudâ quadâ velleitate, nihil omninò gratiâ causante, con-*
 „ *sistere potest, quod ex eo manifestissimè patet, quia talem antecede-*
 „ *ntem voluntatem etiam erga damnatas creaturas sive hominū*
 „ *sive Angelorum Deus habet.* „ Observat idem Guyardus articu-
 „ lo octavo sequenti, „ Jansenium jactare, quòd S. Thomas su-
 „ per allegatum textum Apostoli securus est duas explicationes
 „ S. Augustini, quarum prima sit per distributionem accommodā,
 „ altera per distributionem, non pro singulis generum, sed pro
 „ generibus singulorum, quæ duæ solū prædestinatos respiciunt,
 „ non autem omnes omninò homines, „ Fateor, inquit Guyardus,
 „ & non solū hoc ibi habet S. Thomas; sed etiam in primā
 „ parte, sed nonne addit, & admittit tertiam explicationem de
 „ voluntate antecedente, per quam omnium vult salutem? Sed
 „ quia vim facit Iprensus in Commentariis S. Apostoli, quare
 „ non descendit usque in finem istius lectionis primæ? Inve-
 „ nisset enim, quòd homo Christus Jesus est mediator Dei, &
 „ hominum, *non quorundam, sed inter Deum, & omnes homines,*
 „ post quæ sanè gloriari ausus non fuisset, habere se favorabilem
 „ S. Thomam, nam ly *non quorundam* pertinet ne ad distribu-
 „ tionem accommodā, sive ad distributionem pro generibus
 „ singulorum, non pro singulis generum? Non ne potius de-
 „ notat, eum velle salutem omnium omninò hominum, hoc

„ est, omnium individuorum naturę humanę? „ Deindè explicat, quomodò S. Doctor illam expositionem de distributione accommodat tantum pro prædestinatis usurpans, eam de voluntate consequenti, quę simpliciter voluntas dicitur, intelligit. quandò verò eam ad omnes omninò homines extendit, tunc ipse loquitur de voluntate antecedenti, quę dicitur velleitas per respectum ad voluntatem consequentem, quamvis illa dicat actum formalem in Deo. Undè quæst. 6. art. 2. refert hanc egregiam sententiam Dominici Soto in 4. dist. 15. q. 1. art. 1. „ Dominicus Soto, inquit, quem Calvinus in disp. sup. Concil. Tridentinum Regentem Concil. Tridentini prædicat, mentem utique Patrum circa mortem Christi apprimè novit; Sic autem ait, quòd „ Bonitati divinę nullum magis nativum est in operibus „ ad extra se factis, quam omnes homines, ut ait Paulus, salvos facere. Hoc enim uno proposito illos creavit, atque hac siti eos redempturus de cælo descendit, ut NEMINE EXCEPTO, suam eis beatitudinem impertiret.

P R O P O S I T I O X I V .

Manifestum est, Deum non tantum ferid omnium salutem velle, verum etiam ad hanc consequendam non avarè, non parcè, sed effusissimè, quantum est de se, omnia media suppeditare, quę non modò sufficiant, imò abundant; pag. 128. lin. 25.

N O T A .

QUam hæc falsusint, infantes ipsi, ut loquitur Augustinus lib. 4. contra Julianum cap. 8. sua taciturnitate convincunt „ quãdoquidem eos vel in sinu matrum, vel statim atq; lucem aspexerunt, antequam ad Baptismum pervenerint, extinctos, omnia media ad salutem consequendam necessaria non habuisse, res ipsa per se clamat.

D I S P U N C T I O .

INstantia illa de parvulis absque Baptismo decedentibus à V. C. Ludovico Bail Doctore Theologo Ecclesię Parisiensis Pro-

Propœnitentiario in libro de beneficio Crucis Parisiis impresso anno 1653. par. 3. art. 7. rectè vocatur Achilles Jansenistarum, ibique egregiè docetur, „ Quòd etsi discernerentur parvuli ab „ adultis in hac causâ, non iniquû videretur, quia parvuli igne „ perpetuo non torquentur post mortem, sicut adulti: quare si „ salus esset impossibilis parvulis, cum ex hoc torqueri non de- „ beant in æternû, tolerari posset, sed quòd sit impossibilis adul- „ tis, quibus aliter paratum est incendium sempiternum, ut nō „ possint aliter esse, quâ in inferno, quaquâ se vertant, hoc hor- „ rescit animus, & intollerandum videtur iis, qui de Deo sen- „ tire norunt in bonitate ejus, „ Nihilominus præfata obiectio nullatenus tangit Cardinalem Authorem, qui pag. 29. & 48. expresse excipit infantes absque Baptismo decedentes, ut nos supra specialiter explicavimus.

N O T A.

Quid de omnibus gentibus, quas ante adventum Christi vias suas ingredi dimisit Deus? Certè de his S. Prosper in respon. ad cap. 8. Gallorum sic habet, „ Si circa universitatem generis humani „ salvandam, & in agnitionem veritatis vocandam itâ indifferens „ per omnia sæcula asserenda est voluntas Dei, & usquequaque ne- „ minem hominum prætermisissè monstratur, impenetrabilis judi- „ ciorum Dei altitudo pulsatur. Quare enim in præteritis sæcu- „ lis dimiserit Deus omnes gentes ingredi vias suas, quando Jacob „ elegit sibi Dominus. . . . quare quod quærebat Israel, non est „ consecutus, electio autem consecuta est, ceteri verò excecati sunt, „ impossibile est comprehendere, & perniciose curiositatis est quæ- „ rere „

D I S P U N C T I O.

HUic obiectioni itâ satisfit in Enchiridio Concilii Colonien- sis de Sacramento Pœnitentiæ fol. 93. edit. Parisi anni 1558. nimirum, „ Constat Deum nulli hominum gratiâ illâ generaliùs „ acceptâ deesse, adeò ut nullus sit peccator tam scelestus, cui „ Deus quoad in hac vitâ superstes fuerit, hanc gratiam penitus „ subtrahat &c. Vel Pharaon, vel Judas traditor exemplo esse „ possunt, quam liberalis sit Deus in hac gratiâ subministrandâ. Quòd

„ Quòd autem Actorum 14. legimus. dicente Paulo ad viros
 „ Lyttrios, Deum in præteritis generationibus dimisisse omnes
 „ gentes ingredi vias suas, non sic intelligendum, quasi Deus
 „ gentes suâ gratiâ deferuerit. Qui enim non reliquit se exper-
 „ tem testimonii, hoc est, qui beneficiis innumeris testificatur
 „ se esse Deum optimum, & maximum, qui omne genus ho-
 „ minum inhabitare facit super terram, ut quærant eum, adeoq;
 „ declarat se eum esse, qui det omnibus vitam, & inspirationem
 „ & omnia, sequitur non longè esse ab unoquoque nostrum,
 „ quod in ipso vivamus, moveamur, & simus, isne putandus est
 „ ulli genti gratiam suam prævenientem subtraxisse? „ Deindè
 „ declaratur, quomodo Deus peccatores gravioribus vitiis impli-
 „ catos deferat. „ Factum est, ut gentes Dei gratiam contemnen-
 „ tes ac repudiantes dimissæ sint ingredi vias suas. Atque eâ-
 „ dem omnino ratione fit, ut non omnes illos motus gratiæ spe-
 „ cialis omnibus peccatoribus Deus impertiat. In causâ est enī
 „ peccatoris obduratio gratiam illam communem seu genera-
 „ lem negligentis, & repudiantis.

Tametsi Deus, „ In hæc verba quoquè respondet Bail modò
 „ laudatus art. 17. „ Dimiserit gentes ingredi vias suas, non im-
 „ pedit istud. quin auxilia quædam interiora ad vitanda pleraq;
 „ peccata, & aliquod bonum operandum acceperint, Deus enī
 „ dicitur deferere, non denegatione omnimodæ gratiæ, sed
 „ non appositione quarundam gratiarum magis specialium,
 „ quas omnibus non concedi apud nos indubitatum, sed vel il-
 „ las, vel quandam gratiam generalem parciùs, & occultius om-
 „ nium hominum corda pulsantem, cum dispares sint mensu-
 „ ræ, & quantitates gratiarum, quantò melius ex aliis verbis
 „ ejusdem S. Prosperi confici potest, gratiam sufficientem dari
 „ etiam his, qui pereunt; Sic enim loquitur in responsionibus
 „ ad obiectiones Vincentianas in fine: Qui enim voluntatem
 „ Dei spreverunt invitantem, voluntatem Dei sentiunt vindic-
 „ cantem. „ Tum subdit hanc sententiam ex lib. 2. de vocat.
 „ Gentium cap. 10. „ Manifestaverunt, inquit, divinatorum elo-
 „ quiorum multæ autoritates, & continua omnium sæculorū
 „ experimenta docuerunt, justam Dei misericordiam, & justi-
 „ tiam nec alendis unquam corporibus hominum, nec docen-
 „ dis, juvandisque eorum mentibus unquam defuisse. „ Ex eo-
 „ dem Authore oporis de vocatione Gentium subnecti possunt
 „ alia

alia luculentissima testimonia ab Eminentiss. Scriptore deprō-
pta pag. 16. 133. 149. 153. 190. quibus addere visum est hoc aliud
ex lib. 2. cap. 4. ubi explicatur, quomodo Deus ante Christi ad-
ventum dimiserit omnes gentes vias suas ingredi, „ Quamvis
„ speciali curâ, inquit Author ille, atque indulgentiâ Dei Popu-
„ lum Israeliti cum constet electū, & omnes alias nationes suas
„ vias ingredi, hoc est, secundum propriam permissâ sint vive-
„ re voluntatem, non ita se tamen æterna Creatoris bonitas ab
„ illis hominibus avertit, ut eos ad cognoscendum se, atque
„ metuendum, nullis significationibus admoneret, „ Et cum
„ descripserit gratiam internam cum externâ conjunctâ à Deo
omnibus collatam, pergit, „ Quoniam etsi longè est à pecca-
„ toribus salus, præsentia tamen salutis ipsius, ac virtute nihil
„ vacuum est &c. Sicut enim ista gratiæ largitas, quæ in omnes
„ gentes effluxit, non evacuat eam, quæ super unum Israel sub
„ lege roravit, nec præsentis divitiæ fidem præteritæ abrogant
„ parcitati, ita nec de illâ curâ Dei, quæ Patriarcharum filiis
„ propriè præsidebat, coniiciendum est, gubernacula divinæ
„ misericordiæ cæteris hominibus fuisse subtrahita. Qui quidē
„ in comparationem electorum videntur abiecti, sed nunquam
„ sunt manifestis, occultisque beneficiis abdicati.

At ambages omnes à Censore inductas his verbis Eminent.
Sfondratus evertit, „ Si enim Deus, inquit pag. 122. quantum
„ ex se est, vult omnes efficaciter, impensèque salvari, sequitur
„ non minùs efficaciter, impensèque media, & gratias homini
„ dari, quibus hunc finem obtinere possit, voluntati enim finis
„ respondet voluntas, & cura mediolorum. Vel igitur reprobanda
„ est illa Dei voluntas efficax secundum se salvandi omnes,
„ vel si hæc admittitur, rejici nequaquam poterit, Deum effu-
„ sissimè, quantum est de se, omnia media abundanter suppeditare,
„ Undè S. Johannes Chrysostomus homil. 7. in Johannem hæc præclara habet, „ Gratia in omnes diffusa est, non Ju-
„ deum, non Gentilem, non Barbarum, non Scytham, non
„ liberum, non servum, non virum, non mulierem, non
„ senem, non juvenem averfatur, omnibus autem facilem se
„ præbet, omnes pari honore vocat, „ Consonant Augustinus
lib. de Genes. ad lit. Author lib. de vocatione Gentium l. 2. S.
Cyrillus lib. 1. in Johannem, & doctrina scholæ Sorbonicæ apud
Philippum Gamachæum de grat. ad quæst. 3. c. 5. „ Pagani, in-
„ quit,

„quit, in summâ rerum divinarum ignorantia, & caligine ver-
 „fantes, nec ullam Evangelii lucem habentes præter lumen na-
 „turæ habent adhuc varias inspirationes supernaturales, qui-
 „bus præveniuntur, & excitantur, quibus si assensum præbe-
 „ant, futurum est, ut Deus cætera ad salutem necessaria illis
 „suppeditet, illosq; erudiat, vel per se immediatè, vel per An-
 „gelos, vel per homines, sicut de Centurione, de Eunuchò,
 „& aliis legimus,,

Habertus Episcopus Vabrensis lib. 2. de grat. cap. 6. n. 1. af-
 fert aliud testimonium Gamachæi 12. ad quæst. 3. c. 5. prop. 2.
 his verbis,, Philippus Gamachæus vir qualis quantorū *arrâçes*,
 „Gratia sufficiens, ait, nemini denegatur, sed datur re verâ om-
 „nibus cujuscumq; fortis, status, & conditionis fuerint, nec
 „solum electis, sed etiam reprobis; assertio est contra Calvinū,
 „& probatur ex scripturis &c.,,

Deindè exseribit verba Andræ Duvallii, quem paulò post
 vocat Professore Regium magni nominis, & insignis notæ, &
 postea Isamberti, & tum subdit., Professores hodierni doctis-
 „simi in Sorbonæ, & Navarræ Regiæ numerosissimis scholis,
 „quæ sunt turres David, ex quibus pendent mille clypei om-
 „nis armatura fortium, Hennequinus, Dautruvius, Perere-
 „tius, Lemoinus, Robertus Duvallius, & alii eandem senten-
 „tiam contra hæreticos sentiunt, & docent,

N O T A.

Quid deindè de tot barbaris nationibus, quas à ducentis annis in
 novo Orbe Europei invenerunt, quasq; etiam nunc in novos
 subindè tractus penetrantes inveniunt, in quibus vix ulum veri Dei
 cultus vestigium occurrit, an apud illos omnibus, & singulis homi-
 nibus tam adultis, quàm infantibus semper omnia ad salutem con-
 sequendam media effusissimè à Deo suppeditata fuisse dicemus?

DISPUNCTIO.

Audiat de illis tot barbaris nationibus Censor responsum te-
 „stis omni exceptione majoris,, Japones, ut refert S. Fran-
 „ciscus Salesius lib. 4. de amore Dei cap. 5., Apostolo suo Bea-
 „to Francisco Xaverio querebantur de eo, quod Deus, qui tan-
 „tam

„ tam curam habuerat aliarum nationum, suorum oblitus fuisse
 „ majorum videretur, cum eis sui ipsius cognitione non favisset
 „ defectu cuius perditum fuerat. Vir Dei respondit, divinam legē
 „ naturalem sitam esse in spiritu omniū mortalium, quam si pri-
 „ sci sui custodissent absq; dubio illos lux cælestis illuminasset,
 „ sicut ē contra quia eam violarunt, damnari meruere. Tum Sa-
 „ lesius divinitus edoctus pergit, Responsio Apostolica Viri Apo-
 „ stolici, & omnino similis rationi, quam magnus Apostolus as-
 „ signat perditionis antiquorum Gentilium, (Eccē aliud re-
 „ sponsum de gentibus ante Christi adventum, quod Censor op-
 „ posuerat), Quæ eos inexcusabiles facit, nam cum cognovissent
 „ bonū, secuti fuerunt malū, quod est uno verbo, illud quod illis
 „ intimat in primo capite epistolæ ad Roman., miseriam supra
 „ miseriam eis, qui non agnoscunt perditionem suam à malitiā
 „ suā dimanare, Assignarat paulò antè rationem S. Præsul, quia
 „ Deus sol justitiæ supra omnes diffundit sufficienter, aut ut me-
 „ lius dicam, SUPERABUNDANTER radios suarum inspirationum
 „ corda nostra suis benedictionibus calefacit, unumquemque
 „ pulsando illecebris sui amoris, Item ex lib. 2. de amore Dei
 „ c. 8. Deus, inquit, non reliquit nobis inutilitè declinationem
 „ naturalem ipsum amandi, sed ut illa non remaneat otiosa, hoc
 „ præcepto generali nobis præcipit eā uti, & ut hoc præceptum
 „ executioni mandari possit nullum relinquit hominem viventē,
 „ cui ipse non donet abundanter omnia media ad hoc necessaria.
 „ Solvisibilis omnes attingit suo calore vivificatē, & velut ama-
 „ tor universalis rerum inferiorum in eas immittit vigorem ne-
 „ cessarium ad rerum productionem; itā pariter divina bonitas
 „ vivificat omnes animas, & largitur robur omnibus cordibus
 „ ad ipsam amandam, absque eo quod nemo sit absconditus suo
 „ calori, (& infra) Deus non donat nobis solum simplicem suf-
 „ ficientiam mediorum ad ipsum amandū, & ejus amore ad nos
 „ salvandum, sed copiam opulentam amplam, magnificam, dignam
 „ tam magnā bonitate, uti est divina &c. Non exercet ergo Deus
 „ simplicem sufficientiam remediorum ad convertendos obsti-
 „ natos, sed ad id applicat divitias suæ bonitatis: Apostolus
 „ opposuit divitias bonitatis thesauro malitiæ cordis impœni-
 „ tentis, & loquitur de corde malitioso, & tā pleno iniquitate,
 „ ut contemnat etiam divitias mansuetudinis, quā ipsum per-
 „ trahit Deus ad poenitentiam; & notetur, quod obstinatus nō

„ spernit tantum divitias bonitatis divinæ, sed divitias trahentes ad pœnitentiam, ita ut *nemo* possit veraciter ignorare hanc divitem, opulentam, sæcundam, & copiosam abundantiam „ mediorum, quæ Deus largitus est peccatoribus ad ipsum amandum, *id certum videtur quasi in tota Scripturâ*, „ O quam multa quam paucis! Videat Censor, quam aptè hæc concinant Sfondrato.

N O T A.

Certe si hæc tam incredibilia, atque ipsis rerum experimentis contraria, tanquam ad defendendam Dei causam necessaria, ita in Ecclesiâ proponuntur, valdè timendum est, nè Hereticis, Judæis, Muometbanis, imò & tot impiis libertinis, atque Atheis, quibus hoc sæculum abundat, occasio detur, Ecclesiam, & fidem catholicam subsannandi.

DISPUNCTIO.

CAveat Notator, hypercriticus quid ipsa universalis Ecclesia in Lectionibus Breviari Romani pro die festo S. Anthonii attestetur de S. Francisci Salesii scriptis, quibus supereminet iste tractatus de Amore Dei, „ Suis etiam scriptis cælesti doctrinæ refertis Ecclesiam illustravit, quibus iter ad christianam „ perfectionem tutum, & planum demonstrat.

Hæc autem de tractatu amoris Divini à Sancto Præsule conscriptæ memoriæ consignavit Christophorus Giardu Episcopus Castrensis tum religione, tum pastoralis zelo probatissimus in compendio ejus vitæ lib. 2. c. 24. „ Ipse, ait, complanavit, & facile reddidit animabus piis iter valdè certum ad montem perfectionis ex communi sententiâ Academicæ spiritualium, & merito consecutus est Lauream, & Magisterium hujus artis artium. „ Franciscus tractans de amore Dei simul junxit praxim cum theorica, nec docuit alios nisi id, quod prius experitus fuerat in se ipso, non sunt ejus præcepta merè speculationes, sed reales experientiæ, non inventiones ingenii, sed operationes affectus, neque hoc opus fuit partus naturæ, sed donum gratiæ, nec illud eruit ex suo marre transmittens posteris proprias considerationes, sed id didicit ex unctiōe spiritus,

„ tus, & exercitio cordis. Prius fecit, postea scripsit, prius
 „ operatus est, postea docuit. . . . Denique tractatus de
 „ amore Dei aliud non est, quam epitome exercitiorum spiri-
 „ tualium cum celesti sponso præhaborum &c.
 „ Sed ne pigeat ad fastidium usque congerere, & inculcare alio-
 „ rum Patrum, & Doctorum testimonia ad rem tanti momenti fir-
 „ mandam, Familiam ducat S. Paulinus Nolanus epist. de Gazo-
 „ philac. „ Patent, inquit, thesauri bonorum Dei, & divitiarum bo-
 „ nitatis ejus in promptu sunt, ut unusquisque non expectet
 „ accipere, sed ultro libi rapiat, quantum velit. . . . ob hoc
 „ quantum in ipso est omnem hominem vult salvum fieri, quia
 „ in omni homine opus suum diligit, & impense tibi largitus est
 „ de suis opibus, si tu tibi ipsi non sis invidus, & avarus de iis,
 „ quæ Deus tua fecit, non ut causa tibi ad mortem, sed ut præ-
 „ tium ad vitam forent. O abundantia bonitatis Dei &c. S.
 „ Ephrem, Syrus serm. de compunctione cordis, „ Divinam pro-
 „ videntiam, ait, & in nos munificentiam quantaque nobis quo-
 „ tidie largiatur, consideremus universi. Semper ejus gratia
 „ corda nostra visitat &c. „ Et postquam multa dixit de benigni-
 „ tate, quæ Deum compellit, ut semper visitet etiam peccatores,
 „ à quibus repellitur, addit, „ Cernis quanto desiderio salutem
 „ nostram litiat? quanto opere nos salvare cupiat? „ Cardinalis
 „ Hosius, qui Legatus Summi Pontificis Concilio Tridentino
 „ præfuit, in confessione huiusmodi cap. 68. scribit, „ Sicut Sol in suo
 „ splendore permanens illuminat reuelatâ facie fulgorem suum
 „ specularantes, eodem modo, & lux Christi splendet quidam om-
 „ nibus, ditissime eis largiens suam claritatem. Episcopus Ros-
 „ senfis lib. contra Luter. art. 36. „ Præsto est Deus cuique vo-
 „ lenti huiusmodi, & gratiam largiri suam, jam huius incomparabi-
 „ lis thesauri cunctis factâ potestate, „ Enchiridion Colonien-
 „ se in tit. de sacram. pœnit. „ Misericors Deus vult omnes ho-
 „ mines salvos fieri quoad se attinet voluntate antecedente,
 „ quod vero reprobos damnat, sit voluntate consequente, quod
 „ iustus sit eos, quibus præbita est omnis occasio consequende
 „ salutis, nec apprehendere voluerunt, damnare &c. Deus adeo
 „ vult, omnes homines salvos fieri ut nemini quantulibet sce-
 „ lerato gratiam suam subtrahat „ Universitas Duacena lib. in-
 „ scripto: Veritas, & Æquitas Censuræ Pontificiæ &c. „ Omnes
 „ illustrationes, & inspirationes, quæ non desunt infidelibus,
 „ sunt

„ sunt gratiæ Christi, ad cuius fidem disponunt remotissimè.
 „ Infideles carere gratiâ sufficienti ad salutem tam proximâ, quâ
 „ remotâ, & omnibus principiis ejus, non est benè sentire de
 „ gratiâ Christi, & copiosa redemptione. Et pag. 95. Nemo
 „ autem est, qui auxilium quoddam speciale, illustrationem,
 „ piam motionem &c. non percipiat,, Matthæus Ory Doctor
 „ Parisiensis Ord. Prædic. qui tempore Francisci I. Inquisitorem
 „ fidei Lutetiæ agebat lib. contra hæreses fol. 131., Speciale Dei
 „ auxilium nemini denegatur, sed omnibus velut lumen Solis
 „ diffunditur, ita ut non sit acceptio personarum apud Deum,
 „ cum non sit Deus Judæorum tantum, sed & gentium., Ruiz
 „ disp. 69. de scientia Dei sect. 10. n. 7., Deus quantum ex se est,
 „ ardentissimo amore desiderat reproborum conversionem, &
 „ salutem, validissimisque mediis, & auxiliis procurat eandem.

Excipiat tandem Censor doctas has voces Francisci Horantii
 supra laudati lib. 1. de locis catholicis pag 52., Gratia sufficiens
 „ & necessaria, ait, est omnibus parata non minus quam sit per-
 „ via oculis nostris lux hæc materialis, imò nolentes, & relu-
 „ ctantes humanissimè provocat, utque inexcogitabili arte im-
 „ piorum etiam pectoribus, quæ nostri Salvatoris benignitas est
 „ & humanitas, se se insinuat, & undique misereantis Dei divi-
 „ tiæ prodeuntes se senobis ostentant etiam peccatoribus, &
 „ malis; Sed audiat Calvinus lib. 2. c. 2. sect. 6. *Phanaticos ni-
 „ bil moror, qui gratiam pariter, & promiscuè expositam esse gar-
 „ riunt.* Sit ut lubet, simus nos phanatici, simus garruli, simus
 „ Divinæ gratiæ expositores, modò id crimen nobis commune
 „ sit cum antiquis Prophetis. cum Apostolicâ majestate, cum
 „ universâ Sanctorum multitudine, utriusque Ecclesiæ veteris,
 „ scilicet, ac novæ, Græcæ, & Latine, utrum magis præoptan-
 „ dū nobis cum his recensitis nos malè audire à Calvino, an be-
 „ nè nobis esse cum istâ suâ maledicentiâ?, Viderit Censor,
 „ cui suffragetur magis, utri accedere malit. Sibi placeat, sibi plau-
 „ dat, sibi sapiat, quantum volet Notator, tot criminum reos agat
 „ laudatos Doctores, aliosque plurimos his consentaneos, tot ac-
 „ cusationibus illos oneret, Sfondrato optatius est à talibus cum
 „ talibus accusari, quam absolvi.

P R O P O S I T I O X V .

133

Palam est, nullum omninò hominum esse. quem Christus nolit efficaciter, quantum est de se, salvum esse; pag. 17. lin. 20. Quod si nihil scriptura, nihil Patres de hoc Dei omnes homines salvandi proposito loquerentur, id ipsum apertissima ratio convinceret, cui nemo, nili expertis rationis repugnare possit; pag. 18. lin. 18.

N O T A .

Quod Christus omnium salutem voluerit; proque omnibus sanguinem suum fuderit, nullus dubitat Catholicus; at quod efficaciter pro omnium, ac singulorum hominum salute sanguinem suum Deo Patri obtulerit, negabit profectò, non qui, ut ait Author, rationis expertus fuerit, sed quisquis meminerit, Christum jam jam iturum ad mortem, dixisse Patri. Non pro Mundo rogo, sed pro his, quos dedisti mihi, qui tui sunt *Johann. 17. v. 9.* Item quisquis novit eum orantem ad Patrem non potuisse non exaudiri pro suâ reverentiâ; *Heb. 5. v. 7.* Denique quisque ex doctrina gratuite prædestinationis, agnoscit Deum solis electis salutem æternam absolutâ voluntate dare decrevisse, ex quâ voluntate pendet series illa gratiarum, & beneficiorum, quibus certissimè liberantur, quicumque liberantur, quorum utique potissimum est perseverantiæ donum.

D I S P U N C T I O .

Calumniosam obtrudit in hac notâ imposturam Censor argumentatus à propositione modificatâ termino diminvente, & particulâ taxativâ ad propositionem ampliativè, & nullo addito diminvente affectam. Author in delatâ propositione expressè ponit voluntatem efficacem Christi *quantum est de se* circa salutem omnium. Dum ergò Notator exindè transit ad voluntatem Christi simpliciter, & adequatè efficacem, manifestam patefacit suam inicitiam, vel dolum. Porro de voluntate Christi Domini, utpotè quæ fuit semper divinæ Patris voluntati perfectissimè conformis, discurrendum est in præsentia materiâ

teriâ eodem modo, quo de voluntate divinâ superius locuti sumus. Propter eâ Christus voluntate generali antècedenter quatum est de se efficaci voluit, ut omnes homines, qui per peccatum Adæ perierant, per media quædam convenientia salutem æternam consequerentur, sicut, & sciebat Deum Patrem eo modo velle omnes homines salvos fieri. Undè cum maximo pietatis sensu scripsit S. Franciscus Salesius introductionis suæ part. 5. cap. 13. quod sicut olim summus Sacerdos super pectus in rationali suo filiorum Israël nomina descripta gerebat, ita Christus Dominus, ut veritas figuræ responderet, omnes homines verè in corde suo expressis omnium, & singulorum propriis nominibus, habuerit, & sic omnibus, & singulis meritorum suorum fructus distribuerit. Item lib. 2. de Amore Dei cap. 4. in fin declarans S. Præsul summum beneficium Redemptionis generi humano à Domino communicatum edisserit, Ita demonstravit
 „ Dominus divitias suæ bonitatis in hac Redemptione copiosas
 „ abundanti, superabundanti, magnificæ, & excessivæ, quæ nobis acquisivit, & veluti recuperavit omnia media necessaria
 „ pro adeptione gloriæ, adeo ut nemo possit unquam conqueri
 „ quasi divina misericordia alicui deesset, & cap. 6. Deus certè
 „ ostendit mirificè divitias incomprehensibiles suæ potentiae
 „ in hac tam magnâ varietate rerum quas nos videmus in natura, sed etiam majori magnificentiâ ostendit thesauros infinitos suæ bonitatis in varietate incomprehensibili bonorum,
 „ quæ nos agnoscimus circa gratiam. Ipse non fuit contentus
 „ in sacro excessu suæ misericordiae mittere suo populo, idest,
 „ *generi humano* redemptionem generalem, & universalem, quâ
 „ quisque salvus esse potest, sed eam tot modis variavit, ita ut
 „ suâ liberalitate relucente in totâ hac varietate ista varietas
 „ mutuo exornet etiam suam liberalitatem, & cap. 7. Hæc suprema Dei bonitas diffundit abundantiam gratiarum, & benedictionum in totum genus humanum, & naturam Angelicam, à quâ omnes irrigati fuere, velut à pluvia, quæ cadit supra bonos, & malos, omnes illuminati fuerunt tanquam à lumine, quod illuminat omnes homines in hunc mundum venientes. Omnes receperunt suam partem, veluti ex semine, quod cadit non solam supra terram bonam, sed etiam in medium viarum intra spinas, & supra petras, ita ut omnes inexcusabiles forent coram Redemptore, si ipsi hac abundantissimâ
 „ re-

„ redemptione non uterentur pro propria salute. Quamvis
 „ autem hæc abundantissima gratiarum opulentia sit ita diffusa
 „ supra totam naturam humanam, & in ipsâ nos sumus omnes
 „ æquales, & dives abundantia benedictionum sit omnibus no-
 „ bis oblata, nihilominus harum gratiarum varietas est tam ma-
 „ gna, ut dici non possit, an sit mirabilior magnitudo omnium
 „ gratiarum in tam ingenti diversitate, aut diversitas in tantâ
 „ magnitudine; & infra. Quisquis habet non solum ad suffici-
 „ tiam, sed abundanter quidquid opus est ad salutem, Hæc
 S. Franciscus Salesius, qui ab Eminentiss., & piissimo Cardinali
 de Aguirre tom 3. Theologiæ S. Anselmi disp. 120. sect. 7. nu.
 65. „ Vocatur Seraphicus amator Dei, ardentissimus Derama-
 „ tor, & Ecclesiæ in hoc ipso sæculo eximium decus, Zelator ar-
 „ dentissimus gloriæ divinæ, qui nihil cogitabat, volebat, loque-
 „ batur, agebat, nisi ex præsentissimo ætque æstuante Dei amore
 ipsius cor urente. & alibi nuncupatur alter hujus sæculi Bernar-
 dus.

N O T A.

Certum est enim, Christum Dominum paternæ voluntati sibi no-
 te semper consentientem hoc decretum, nec precibus, nec mor-
 te suâ mutare voluisse, ac proinde solis electis absolutè, & efficaciter
 magnum illud usque ad finem perseverantiæ donum, ut loquitur Cõ-
 cil. Trident. ad salutem eternam promereri voluisse, quos videlicet,
 sibi à Patre datos, neque à quoquam de manu suâ raptum iri in Evân-
 gelio declaravit. Undè S. Thomas S. Augustinum sequens 3. par. q.
 21. art. 4. docet omnem Christi voluntatem absolutam fuisse semper
 impletam, atque aded quamlibet ejus orationem esse exauditam,
 „ omnis, inquit, absoluta voluntas Christi, etiam humana fuit im-
 „ pleta, quia Deo fuit conformis, & per consequens omnis ejus
 „ oratio fuit exaudita, Et eodem articulo respondens ad 2. ait di-
 „ cendum, quod Dominus, „ Non oravit pro omnibus Crucifixoribus,
 „ neque etiam pro omnibus, qui erant credituri in eum, sed pro his
 „ solum, qui erant prædestinati, ut per ipsum vitam consequer-
 „ tur eternam, Quapropter si credamus Authori, dicendum esset,
 S. Thomam, itemque S. Augustinum cum omnibus eorum sequacibus
 apertissime rationi repugnare, quod an tolerandum sit, aliorum, ad
 quos pertinet, judicium esto.

DIS-

N Onnulla tùm supra, tùm hìc opposuit Censor de oratione
 Christi, quæ sanè præfocata fuit ab Eminen. Authore pag.
 50. sed cum ea non legerit, vel saltem dissimularit, ut ipsi invi-
 diam crearet, proinde hìc exscribenda sunt „ Sciendum est, in-
 „ quit Sfondratus, Christum Dominum Johan. 17 mundo va-
 „ ledicentem pro tribus personarum generibus preces suas ad
 „ Patrem fuisse. Primo à versu 9. usque ad 20. pro solis Apo-
 „ stolis rogat, quibus tantum, & non toti mundo conveniunt,
 „ quæ illic à Christo dicuntur, videlicet, quòd sermonem suum
 „ eis dederit, quòd mundum eos odio habuerit, quòd non sint
 „ de mundo, quòd eos in mundum mittat &c. postea à versu 20.
 „ non pro solis Apostolis, sed pro omnibus fidelibus, (quos in-
 „ ter multi utique reprobi erant) orat iis verbis. *Non pro eis*
 „ *autem rogo tantum, sed, & pro iis, qui in me credituri sunt per*
 „ *verbum eorum*, ubi apertè ostendit, se priùs pro solis Apосто-
 „ lis ad Patrem precatum esse. Denique versu 21. rogat, & pro
 „ toto mundo, *ut credat mundus, quia tu me misisti*, Ubi vides
 „ licet Christus à speciali illà oratione, quæ solos Apostolos
 „ complectebatur, Mundum excluderet, non exclusisse tamen à
 „ reliquâ oratione suâ, in qua petebantur, quæ toti mundo cõ-
 „ venirent, videlicet, ut in Christum crederent. Licet ergò
 „ Christus præcipuè pro Apostolis, pro fidelibus, pro præde-
 „ stinatis oraverit, non ideò tamen reliquum mundum oratio-
 „ nis suæ expertem voluit, ut etiam S. Paul. clarè 1. ad Timoth.
 „ 4. his verbis insinuat: *Qui est Salvator omnium hominum ma-*
 „ *ximè fidelium*. Vides in hoc reprobos, & electos pares esse;
 „ quòd omnes ad redemptionem pertineant, sed in hoc distin-
 „ gui, quòd electi præcipuas partes redemptionis obtineant,
 „ quia soli ejus effectum consequuntur. Planè cum S. Johan-
 „ nes testetur, Christum esse Advocatum pro peccatis totius
 „ mundi, sequitur orasse quoq; pro peccatis totius mundi, alio-
 „ quin tam frustra esset Advocatus, qui non erat, quàm frustra
 „ esset Musicus, qui non cantat. Omnes ergò redempti, omnes
 „ commendati, omnes Christo ad salutem commisi, sed electi præ-
 „ cipuè, non tamen soli. Oravit ergò pro mundo, & non oravit:
 „ oravit prece illà communi, omnesque complectente, non ora-
 „ vit oratione illà speciali ad solos Apostolos, aliosque electos
 „ spe-

„ *ſpectante, quo modo intelligendus etiã eſt Angelicus Doct̃or*
 „ *3. par. quæſt. 21. art. 4. ad 2. cum enim nihil aliud ſit oratio, quã*
 „ *expreſſio deſiderii, ſicut Chriſtus omnibus etiã reprobis ſalutẽ*
 „ *ardentiſſimẽ optavit, ita pro omnibus quoque precatus eſt „*
 „ *Ex his Eminentiffis. Authoris verbis contritos jam vides Le-*
 „ *ctor omnes cavillos Cenſoris, qui, ut apertiffimum eſt, inſi-*
 „ *dioſe diſſimulavit præclariffimam illam Sfondrati doctrinam,*
 „ *ubi etiam ſatiſcit S. Thomæ, ejusque locus nominatim exprimi-*
 „ *tur à Notatore obiectus, cui hanc aliam reſponſionem Bernar-*
 „ *di Guyard ſupra commendati lib. 2. de diſcriminibus inter do-*
 „ *ctrinam Thomiſticam, & Janſenianam art. 3. reponere viſum*
 „ *eſt „ S. Thomas, inquit, ſcripturas (ſi quis unquam) intelle-*
 „ *xit, & benè de Domino ſenſit. Quis autẽm benè de Domino*
 „ *ſentire poteſt, niſi eum non ſolum crucifixoribus prædeſti-*
 „ *natis, ſed etiam reprobis vitam ex viſceribus ſuis extrahenti-*
 „ *bus peperciſſe credat? ſi enim exemplum dedit nobis, ſi illis,*
 „ *qui oderunt nos, benefaciamus præcipit, ſi pro perfequen-*
 „ *tibus nos jubet, ut oremus, ſi eam perfectionem commen-*
 „ *dat nobis, quæ perfectio eſt Patris cœleſtis, qui facit oriri ſo-*
 „ *lem ſuum ſuper bonos, & malos, ipſum pro omnibus per-*
 „ *ſecutoribus, & crucifixoribus ſuis non orafſe credet S. Tho-*
 „ *mas? ut autem Chriſtus Dominus non tantũ amicis, ſed &*
 „ *inimicis benefaciendum, pro illiſque orandum perſuaderet,*
 „ *dicebat Ethnicos & id quidem præſtare, hoc eſt, amicis ſuis*
 „ *benefacere; at verò Chriſtianis, qui ad nobiliorem, ſanctio-*
 „ *rem, generoſioremque dignitatem promoti ſunt, non tan-*
 „ *tũ amicos, ſed & inimicos diligendos eſſe. Quis igitur Pa-*
 „ *trẽ, Legislatorem, & Ductorem Chriſtianorum in hoc arti-*
 „ *culo deſeciſſe poterit ſibi perſuadere. Quis pro charis, &*
 „ *amicis ſuis tantũ, hoc eſt, pro Prædeſtinatis orafſe dicet?*
 „ *Hoc & Ethnicis faciunt. Deindẽ Chriſtus Dominus pro illis*
 „ *omnibus, quibus pepercit, oravit, ignoſcendo enim ora-*
 „ *bat, & orando ignoſcebat; At non tantũ Crucifixoribus*
 „ *prædeſtinatis, ſed etiam reprobis, quantum eſt ex ſe ignovit.*
 „ *Horribile enim & dictu, & cogitatu eſſet, in anima Chriſti*
 „ *ſive viventis, ſive morientis odium aliquod, aut rancorem*
 „ *adverſus iſtos parricidas remanſiſſe, ita ut veniam illis conce-*
 „ *dere renuiſſet, igitur & pro omnibus illis oravit „ Tum id*
 „ *confirmat doctiſſime Guyardus ex ipſis verbis Chriſti Domini*

juxta expositionem Venerabilis Bedæ super Luc. 23. & ejusdem S. Thomæ pluribus in locis, additque suffragia insignium Theologorum Medinæ, & Cabreræ .

Huic Doctori Parisiensi adiungere libet alterum ejusdem facultatis Theologum Franciscum Feuardentium, qui lib. 5. Theomachia cap. 25. ita refellit objectionem Calvinitarum, & Jansenianorum de precibus Christi „ Preces Christi, inquit, ali-
 „ quandò singulares, ac pro privatis amicis fuerunt conceptæ,
 „ velut cum pro Petro rogavit, ut non deficeret fides ejus, ac
 „ etiam frequenter pro se ipso, velut in suscitatione Lazari, &
 „ gestis tam in horto olivarum, quàm in monte Calvaria
 „ omnibus compertum est. Aliquandò verò magis communes,
 „ & universæ, quales fuere, quas modò pro suis Apostolis, mo-
 „ dò pro credituris per verbum illorum, modò etiam pro Cru-
 „ cifixoribus, & inimicis suis effudit dicens : *Pater ignosce il-*
 „ *lis &c.* Alias denique preces effudit pro toto Mundo, cun-
 „ ctisque filiis hominum, cujusmodi fuerunt illæ, quas in mon-
 „ tibus pernoctans divino Patri offerebat, ut etiam volens, no-
 „ lens agnoscit Hæresiarca. Nemoque dubitare potest, Domi-
 „ nicas preces omninò pares, & conformes fuisse operibus, cū
 „ ergò pro omnibus indifferenter, & sufficienter passus, & mor-
 „ tuus sit, indubitatum esse debet, eundem etiam preces, &
 „ orationes suas pro omnibus sufficienter coram Patre suo fu-
 „ disse, & obtulisse. Quod autem soli electi re ipsâ finalem gra-
 „ tiam, æternamq; beatitudinem consequantur, cæteri omnes
 „ in peccatis suis moriantur, ac pereant, horum culpis effici-
 „ tur, non meritum Christi insufficientiâ, quemadmodum
 „ in illis evidenter apparet, quibus dicitur, volui vos congre-
 „ gare, & noluitis, perditio tua ex te Israel, ex me verò salus
 „ tua; vocavi & audire, venireque renuistis; ego in interitu
 „ vestro ridebo. Deus enim reliquit hominem in manu consi-
 „ lio sui, adiecit illi præcepta, & mandata, vitam proposuit, &
 „ mortem, ad quodcumque voluerit, apponat manum. si vo-
 „ lueris servare mandata, ipsa servabunt te &c. Cudebantur, &
 „ vibrabantur hæc tela adversus Calvinianos, & Jansenianos; hinc
 „ sibi prospiciat Censor, ne quis fortè ei exprobet, eisdem ipsū
 „ configi, & in eorum castris stipendia facere. Viderit ipse, quas
 „ in angustias partium studio se se coniecerit .

P R O P O S I T I O X V I . 139

Unus est Deus, unus est mediator, inquit Apostolus . . .
ergo qui omnium Deus, & mediator est, aut oportet officio suo desit, aut omnium salutem, & vitam efficaciter velit. pag. 10. lin. 1. art. 18.

N O T A.

I Am suprâ ostensum est, periclitari ipsum confessionis nostræ initium, qua Deum omnipotentem predicamus, si Deus efficaciter aliquid velit, quod effectu careat, unde nequaquam dicendum est, Christum omnium mediatorem futurum non fuisse, nisi omnium salutem, & vitam efficaciter voluisset. Alio quippè, aliaque ratione juxta prædestinationis gratiæ defensores verè mediator, ac Redemptor omnium dicitur, quod videlicet sufficiens pro omnibus pretium, ac superubundans, morte sua Patri obtulit, ac re ipsa solverit, ac deindè sacramenta instituerit tanquam communes gratiæ fontes, ex quibus omnes salutem hauriant. Id quod S. Prosper his verbis exprimit responsione ad primam objectionem Vincenti Cum „ propter unam omnium naturam, & propter unam omnium causam à Domino nostro in veritate susceptam rectè omnes dicuntur „ redempti, & tamen non omnes à captivitate sunt eruti, redemptionis proprietas haud dubiè penes illos est, de quibus Princeps „ Mundi missus est foràs, poculum quippè immortalitatis, quod contra „ seclum est de infirmitate nostrâ, & uirtute divinâ, habet quidem „ in se, ut omnibus profit, sed si non bibitur, non medetur „ Quâ doctrinam sequitur, & confirmat Concilium Tridentinum sess. 3. cap. 2. & 3. dum ait „ hunc Christum proposuit Deus propitiatorem „ per fidem in sanguine ipsius pro peccatis nostris, non solum autem „ pro nostris, sed etiam pro totius Mundi: verum etsi ille pro omnibus mortuus est, non omnes tamen mortis ejus beneficium recipiunt, sed ii dumtaxat, quibus meritis passionis ejus communicatur „ Videndus hac de re Cardinalis de Laurea opusc. 1. de prædest. cap. 20. & opusc. 2. de reprob. malorum cap. 11.

A Pagè nugas. Pudet diutius immorari his mendaciis jam supra non semel detectis, & exsuffatis. Ne ferram, ut Tertulliani verbis utar, per eandem lineam frustrà reciprocam, ad notasse sufficiat, Eminentiss. Authorem ibi loqui de voluntate Dei efficaci, *quantum est de se*. En ejusdem verba à Censore suppressa in medio illius textus, „ Cum Deus, inquit, sit omnium „ Dominus, omnium mediàtor, non potest non omnibus, *quantum est ex se*, vitam, & felicitatem velle &c. Quis autem ambiget, ut quis de factò liberetur à servitute Dæmonis, debeant ei Christi merita applicari per Sacramentum, & idè in effectum nō redimi reprobos, quia Sacramenta non recipiunt. quando, & ut oportet? Hoc dumtaxat intendit Eminen. de Lauræa opusc. 2. de reprob. malorum cap. 11. allegato à Censore, qui exindè suffuratus est textus S. Prosperi, & Concilii Tridentini, qui solum eodè spectant. Nihilominus idem doctissimus Cardinalis opusc. 3. de gratiis actualibus cap. 19. ponit hanc primam conclusionem num. 429., Pro omni lege omnibus infidelibus omnis generis Deus largitus est, ac largitur gratiam sufficientem „ (quam Sfondratus efficacem vocat, quantum est de se juxta locutionem plurium gravissimorum Theologorum inferius adducendum) ad posse in eum credere, sicut oportet, & ad possè se legem Dei salvantem, seū conducentem ad salutem observare, licèt non fecerint, Et num. 456. astruit hanc aliam assertionem: „ Dicendum ergò & veraciter confitendum, quòd „ benignissimus Dominus, & amantissimus Pater noster Deus, „ qui creavit hominem, ut summum bonum intelligeret, intelligendo amaret, amando possideret, ac possidendo frueretur, „ idest, illum elevavit ad supernaturalium fruendorum ordinē, „ quamvis illum liberum formaverit, & in manu consilii sui reliquerit, ut faceret, quod veller, sive bonum, sive malum, „ sciens eum suis propriis viribus non posse ad bonum supernaturale, hoc est, ad summi boni cognitionem, & possessionē „ se conducere, verisimile, ac probabile non est, quòd homini talia bona opera ad id bonum conducentia præceperit, nisi ei virtutem, seū auxilium, per quod id posset facere, concesserit, alioquin, & impossibilia præcepisset, & postea sine culpa hominem damnaret. Hic est ipsissimus S. Augustini discursus „

„ sus

„ fus, ut in suo loco diximus de auxilio *sine quo non* collato Angelis, & Adamo, inquit, quod si illud non dedisset, transgrediendo Dei præceptum non peccassent. Huc enim colligunt omnia Sacræ Scripturæ loca, quæ Dei in hominem amoris ac misericordiam commendant.

Hactenus iste Purpuratus Pater, qui inibi easdem geminas theses validissimis argumentis ex scripturâ, Patribus, & Conciliis, atque rationibus communit, penitusque prostermit ambages, & technas omnes, quas Censor in has ultimas propositiones iniicit circa media salutis à Deo concessa omnibus infidelibus, barbaris, & silvicolis ante, & post adventum Christi Domini.

De reliquo in loco accuratæ Propositionis Scriptor efficacissimè demonstrat, Deum serîo, & efficaciter quantum est de se velle omnes prorsus homines salvos fieri, ex textu Apostoli, ex quo eodem omninò modo, argumentatur Doctor Angelicus lect. 1. in cap. 2. epist. 1. ad Timoth. : „ Homo Christus, inquit, „ est mediator Dei, & hominum, non quorundam, sed inter „ Deum, & omnes homines, & hoc non fuisset, nisi vellet omnes salvare. „ Et in limine lectionis 2. pergit: „ Suprà dixit „ Apostolus. quòd Deus vult omnes salvos fieri, & probavit „ hoc ex parte Dei, quia est unus omnium, & ex parte Christi, „ qui est unus mediator omnium &c., „ Subscribit Eminentiss. Cajetanus in comment. ejusdem epistolæ: „ Manifestat, ait, „ quòd Deus vult omnes homines salvos fieri, & ad agnitionē „ veritatis venire, tum ex unitate Dei &c. tum ex unitate Mediatoris: Si plures essent Mediatores inter Deum, & hominem, existimaretur, quòd unus esset mediator pro quibusdā, „ & alius pro aliis; Sed ex quo unus est mediator Dei, & hominum ad reconciliandum homines Deo, illi uni incumbit „ mediare inter Deum, & omnes homines. Et propterea idem „ sequitur, scilicet, quòd Deus vult omnes homines salvos fieri, & ad agnitionem veritatis venire, ex hoc ipso, quòd unū „ constituit mediatorem Dei, & hominum. Qui tanto magis „ omnium hominum mediator est ad Deum, quanto ipse est homo, quanto ab ipso nihil humani alienum est. *Qui dedit Redemptionem semetipsum pro omnibus.* Ab effectu manifestat, „ quòd etiam mediator vult omnes homines, salvos fieri, & ad „ agnitionem veritatis venire, ex hoc ipso, quòd dedit semetipsum pretium ad redimendum, non aliquos, sed omnes „ Quod

„ Quod verissimum est non solum quantum ad sufficientiam ,
 „ sed etiam quantum ad efficientiam „ Adjungit hic Cornelius
 à Lapide Theodoretum Commentatorem Apostoli apud S. An-
 selmum, & alios: „ Unus, inquit, est omnium hominum tam
 „ fidelium, quam infidelium Deus, idest, Creator, Provisor,
 „ & Pater, qui summè bonus omnes homines quasi filios suos
 „ amat ac salvos esse cupit, ideoq; dedit Christum mediatorem,
 „ ut scilicet unus, & idem Christus omnium omninò hominū
 „ esset Redemptor, utque per Christum omnes sibi homines
 „ jungeret, ac salvaret; patet ergò, quòd Deus velit omnes ho-
 „ mines salvos fieri serió, & sincerè, seu ut addit Sfondratus,
 „ efficaciter quantum est de se, videlicet, ut explicat S. Tho-
 „ mas loc. cit. nisi impedimentum ponant.

PROPOSITIO XVII.

Cum sacræ Scripturæ totiès, ac tam enixis verbis Christum
 pro omnibus mortuum esse testentur, nullibi verò, &
 nunquam pro aliquibus tantum, planè temerarius sit,
 qui id dicat. . . . Si quis Princeps moriturus ultimis
 tabulis disponat, ut ex regio, immensoque thesauro,
 quem hæredi relinquit, omnes prorsus regni captivi re-
 dimantur, qui triremibus, & servituti addiçti sunt, hæ-
 res verò non de singulis generum, sed de generibus sin-
 gulorum, hoc est, non de omnibus, sed de paucis tan-
 tum id intelligi vellet, quis non infidelem prævaricato-
 rem, hostemque paternæ voluntatis non diceret? pag.
 15. lin. 25.

NOTA.

Nemo non videt, hîc tanquam temerarios, infideles prævari-
 catores, ac divinæ voluntatis hostes traduci, quos hæc loca
 Scripturæ, Deus vult omnes homines salvos fieri, & Christus pro
 omnibus mortuus est, ita interpretantur, ut vocabulum omnes ac-
 cipiant, non pro singulis generum, sed pro generibus singulorum,
 idest, non pro quolibet individuo, sed pro cujuscumque sexus, eta-
 tis,

tis, conditionis, nationis hominibus; qua in re Author manifeste ostendit, vel se non legisse SS. Augustinum, Prosperum, Fulgentium, Gregorium Magnum, Remigium Lugdunensem, S. Thomam, aliosque Patres, qui inter alias locorum istorum explanationes hanc ipsam afferunt, & in primis commendant, vel si eos loca illa ita intellexisse noverat, vix ipse temeritatis, atque in SS. Patres irreverentia notam effugiet, qui non solum eorum interpretationem non est secutus, sed eam cum fastidio, & iniuriâ reiecit. Sat erit indicare loca, ubi prædicti SS. Patres hanc explanationem tradunt. S. Augustinus Enchirid. cap. 103. epist. 107. lib. de corrept. & grat. cap. 14., Episcopi Aphricani pro fide exules in epistola synodica, S. Fulgentius lib. de incarnat. & gratiâ cap. 31., S. Gregorius in pr. Regum lib. 1., S. Remigius cum tota Ecclesiâ Lugdunensi lib. de tribus cap., Lupus Ferrariensis d. 3. q. 1., S. Anselmus lib. de voluntate Dei in fine, S. Thomas 1. p. quest. 19. art. 6 ad 1., item in Comment. super caput 2. epist. 1. ad Timotheum vers. 4. hos sequuntur inter recentiores Estius in 1. dist. 46., item in suis ad hunc locum Apostoli Commentariis, Sylvius 1. p. quest. 19. Fromondus in comment., Cardinalis de Lauræa opusc. 1. de prædest. cap. 20., & innumeri alii.

Restat Thomas Lemos loquens de eadem explanatione tom. 2. tractatu 2. de dilectione Dei æternâ cap. 14. num. 138. ait, eam tanquã Sanctorum explanationem venerandam esse, & respiciendam, „ Asserere autem, inquit, illam esse extortam, & peregrinam, seu minus rectam non est solum sanctis Ecclesiæ Doctoribus contradicere, quod & gravissimum est, sed re ipsâ est idem S. Augustino, „ & S. Prospero obicere, quod antiquitus eisdem sanctis Doctoribus à Pelagianis, & Semipelagianis obiciebatur.

DISPUNCTIO.

Rursus involucris, & ambagibus nos obruere progreditur Censor propositionem mancã, & mutilam obrudens. Defunt enim ista verba in medio „ Qui id dicat, quod scriptura non dicit, id verò non dicat, quod scriptura tam clarè, & „ toties dicit „ Et in fine desiderantur hæc alia „ At quando „ id iustius dicendum de illis erit, qui contra clarissimam scripturæ sententiam Christi Redemptionem angustissimam faciunt, ejusque infinitum in homines amorem brevissimis ter- „ mi-

„ minis coërcent „ Textus autem scripturæ ab Authore ibi indicatus non est ille Apostoli 1. ad Timoth. 2. *Deus vult omnes homines salvos fieri &c.* ut falsò supponit Censor, sed sunt ista loca scripturæ „ Nec minus hanc in rem faciunt, inquit, Sfondratus ibidem, illæ sententiæ, quibus sacræ litteræ clarissimis verbis docent, Christum pro omnibus mortuum esse, quales sunt ad Rom. 8. *Qui proprio filio suo non pepercit, sed pro omnibus tradidit illum*, & 2. ad Cor. 5. *si unus pro omnibus mortuus est Christus, ut qui vivunt non sibi vivant, sed illi, qui pro omnibus mortuus est*, & 1. ad Timoth. 4. *Qui est Salvator omnium hominum maximè fidelium*, & epistola 1. ad Cor. 8. *Peribit infirmus in tuâ scientiâ, pro quo mortuus est Christus?* Ubi Apostolus apertissimè supponit, Christum etiam pro mortuis, hoc est, pro reprobis mortuum esse, & 1. Joan. 2. *Ipse est propitiatio pro peccatis nostris, non pro nostris autem tantum, sed etiam pro totius Mundi* „ Oculos Lectoris appello. Nonne Sfondratus hic evidentissimè loquitur, Christum mortuum esse pro omnibus contra Calvinistas, & Jansenianos? Hoc autem est de fide sanctum, & est dogma orthodoxum à Sede Apostolicâ definitum, & à Sfondrato pluribus etiam Patrum suffragiis roboratum, & præcipuè Augustini, ac Concilii Tridentini ita-tuentis sess. 6. cap. 3 1. „ Quòd etsi Christus pro omnibus mortuus est, non omnes tamen beneficium ejus mortis accipiunt „ Ex quibus testimoniis immediatè infert Author „ Ex his omnibus, inquit, palam est, nullum omninò hominem esse, pro quo Christus passus non sit „ Deindè verba illa Authoris contra eos jaciuntur, qui dicunt, quod scriptura non dicit, idverò non dicunt, quod scriptura dicit, atque Christi Redemptionem angustissimam faciunt, ejusque infinitum in homines amorem brevissimis terminis coërcent. Hæc autem non feriunt Patres à Censore nominatos, qui, ut ipsemet fatetur, non tenent tantum expositionem textus Paulinæ ab eodem assertam, sed etiam tradunt alias explicationes, & sanè Augustinus explanationem Authoris palam docet, ut indicatur pag. 16. 17. 18. 30. 31. 32. 35. 37. 47. 50. 75. 185. 186.

Tempestivè observat Ludovicus Bail de beneficio Crucis par. 3. art. 4., quòd „ Dogmatistæ (Bajani, & Janseniani) Christum charitate spoliant, minusque sitientem salutis hominum exhibent, quàm sint plerique homines, quos chari-

„tas urget ad desiderandam, & procurandam pro viribus salu-
 „tem omnium. Tam irrationabile est dogma, & Christo tam
 „injuriousum, cujus charitas omnibus supereminet, ut si sola
 „hæc inesset ratio, mihi esset horrori, sicut omnibus Christū
 „amantibus esse debet. Et art. 5. subiungit, quòd Apologistę
 „Janleni obiciunt Patres, & Concilia, quorum verbis deter-
 „minatur, Christum pro mundo Electorum mortem subiisse
 „&c. sed in istâ farragine autoritatum operam ludunt Apo-
 „logistę: legi enim, & iterum legi, nec aliud lego, nisi quod
 „aliqui ex his Patribus indicant, Christum mortuum fuisse pro
 „electis, aut pro populo christiano, eosque redemisse; at istud
 „lubentes admittimus, nec eâ de re controversia est. Non
 „negant autem isti Patres, etiam mortuum fuisse pro aliis. Ad
 „quid igitur ista, nisi ad falsum, & pompam, & ad simplicium
 „deceptionem paginam occupant in eorum Apologią? „
 „Equidem minimè diffiteor, non paucos Theologos imme-
 „mores obsequii, & reverentię innumeris titulis magno Augu-
 „stino ab omnibus debitę acrius perstringere expositionem illo-
 „rum verborum Apostoli, *Deus vult omnes homines salvos fieri* à
 „S. Doctore habitam pro generibus singulorum, non pro singu-
 „lis generum. Ast Eminentiss. Author duobus in locis propo-
 „nit eandem explicationem S. Augustini circa illa verba Aposto-
 „li, & summâ, qua par est, veneratione, & modestiâ eam exci-
 „pit. Primò enim pag. 56. scribit, „Augustinum, prout illi cum
 „Pelagianis certamen erat, illam Apostoli sententiam expli-
 „casse, eamq; expositionem conceptis verbis asleverat *esse verâ*
 „in sensu insinuat, idque refellendis Pelagianis satis fuisse, „&
 „postmodum luculentissimum elogium S. Doctori attexit. Idem
 „repetit Author alio in loco pag. 165. nempe, „Sententiam il-
 „lam Apostoli diversis modis à S. Augustino expositam, utcū-
 „que opportunius videbatur Pelagianis confutandis, & susti-
 „neri debere, quod suorum verborum Augustinus interpret
 „sit. Undè idem S. Pater in tribus locis à Censore citatis versat
 „tantummodò illud dictum Apostoli 1. Timoth. 2. *Deus vult*
 „*omnes homines salvos fieri*. De morte verò Christi pro omnibus
 „persuadè nulla ibidem mentio, benè tamen in locis ab Eminen-
 „tiss. Authore allegatis pag. 15. 16. & alibi, ubi Doctor gratiâ Chri-
 „sti Augustinus disertè asserit, Christum pro omnibus mortuum
 „fuisse.

Locus epistolæ Synodicæ Episcoporum Aphrorum in Sardinia exulum à Censore significatus extat in cap. 14. ubi solum fit sermo de eodem effato Apostoli. *Deus vult omnes homines salvos fieri*, quod idem patet expressè in cap. 31. lib. de Incarnat. & Grat. S. Fulgentii à Censore notato, & in loco allegato P. Lemos, imò S. Fulgentius lib. 1. de remiss. peccat. cap. 16. asserit, Christum Dominum mortuum fuisse, etiam pro Judâ „ Post traditionem Christi, inquit, habuit traditor tempus, quo per illum sanguinem, qui effusus est in remissionem peccatorum, „ ipsius quoque Judæ posset remitti peccatum. Quoniam Christus, qui pro impiis mortuus est, non denegasset sup traditori remissionis beneficium, si non ille sibi desperando adimeret „ tempus remissioni concessum, „ Et epist. 7. ad Venantiam cap. 8. tradit, medicinam cælestem ex se nunquam deficere pro quocumque vulnere „ Sicut medico nostro, inquit, nulla est „ incurabilis plaga, ita nec in aliquo vulnere, nec in aliquo „ tempore cælestis potest deficere medicina „ S. Gregorius magnus homil. 25. in Evangel. in idem conspirat „ Ubique nobis occurrit superna medicina, quia & dedit homini præcepta ne peccet, & tamen peccanti dedit remedia, ne desperet. Sed hinc cognoscimus quantum Redemptori humani generis debitores sumus &c., & homil. 35. Ecce vocat, & „ quos inquinatos denunciat, hoc eos etiam amplecti querit, „ à quibus desertum esse se queritur. Nemo ergo tantæ misericordiae tempus perdat, nemo oblata remedia divinæ pietatis abiiciat. Ecce superna benignitas averfos nos revocat, & „ nobis revertentibus clementiæ suæ sinum aperit. Item homil. 34. Adhuc expectat, & provocat, ut surgamus, sinum suæ pietatis aperit, nosque ad se recipere per poenitentiam querit &c. sed ecce adhuc post tergum sequitur, & monet, „ quia jam & à nobis contemptus est, & tamen adhuc vocare non cessat &c. superbè averfos benignè revocat, & qui ferire nos adversantes potuit, ut revertamur, munera promittit „

S. Remigio cum Ecclesiâ Lugdunensi de tribus cap. respondet Andreas Duvallius Doctor Sorbonicus in notis ad easdem epistolas, agens de variis expositionibus loci Pauli, *qui vult omnes homines salvos fieri* „ Licet prima expositio, inquit, sit „ Augustini in Enchirid. cap. 103., nihilominus propter hu-

„ jus

„ jus temporis hæreticos parumper est periculosa. Quod verò
 „ Christus non fuerit passus pro his, qui in infidelitate mori-
 „ untur, ejusque passio fuerit dumtaxat pro multis, & non pro
 „ omnibus, hæc benignâ indigent interpretatione; sermo enim
 „ est de merito, & satisfactione quoad efficaciam, non autem
 „ quoad sufficientiam, quomodo pro omnibus omnino homi-
 „ nibus passus est. Qua quidem distinctione facile est omnibus
 „ Ecclesiæ Lugdunensis rationibus occurrere, ut legendo cui-
 „ vis facile constabit.

De Servato Lupo Abbate Ferrariensi advertit Ludovicus Ba-
 il in lib. de beneficio Crucis p. 3. cap. 22., quod „ Cum li-
 „ brum illius de tribus questionibus typis editum approbassent
 „ antiqui Professores facultatis sacræ Duacenæ Colvenensis, &
 „ Sylvius ac ea de causâ malè audirent apud aliquos, quasi arma
 „ suppeditassent Jansenii defensoribus, Apologeticam scripse-
 „ runt epistolam, in qua demonstrant, illum Auctorem alienû
 „ esse ab opinionibus Jansenii, multaque in illo libro contine-
 „ ri dogmatibus Jansenii contraria. At, inquit, Lupus as-
 „ ferit, Christum non pro omnibus mortuum, nec esse Salva-
 „ torem omnium quæst. 3. Certè Catholicus non esset, si dice-
 „ ret, Christum salvare omnes, damnare neminem, damnare-
 „ tur ipse Pontificiâ Bullâ, si affirmaret, cuiuspiam non suppete-
 „ re sufficientia per Christum auxilia ad abstinendum à peccato,
 „ & hominem etiam peccare damnabiliter in eo, quod neces-
 „ sariò facit art. 64. hic error est, à quo alienissimus est Serva-
 „ tus, qui pag. 63. cum Chrysostomo sapit, quod *gratia Dei*
 „ *pro omnibus gustaverit mortem, non pro fidelibus tantum, sed*
 „ *pro mundo universo*, & ipse quidem pro omnibus mortuus est.
 „ Quod autem, si non omnes credunt, ille quod suum erat, im-
 „ plevit; idest, auxilia gratiæ sufficientia cuique, ne in perpe-
 „ tuum labatur, & ut à peccato resurgat, promeritus est, ut sit
 „ omnium Redemptor sufficienter, paucorum efficaciter, &
 „ verum sic *perditio tua ex se Israel, tantummodo ex me auxili-*
 „ *um tuum*. Imò vult Lupus, *tanti pretii merito etiam damna-*
 „ *tos minus puniri* pag. 62. Utinam ex doctrinâ Servati discant
 „ Pontificum Bullis adversantes, Deum nullos æternis gehen-
 „ næ cruciatibus addicere, quibus non dederit ex Christi meri-
 „ tis aliqua auxilia sufficientia ad salutem, *vel saltem ad oran-*
 „ *dum*, ut impetrent uberiora, multò minus se ipsum decipi-

„ at quisquam quasi destitutus auxiliis ad non peccandum suffi-
 „ cientibus æternas sibi pœnas peccando non accumulet &c.
 „ ex quibus perspicuum est, tantum abesse, ut Lupus neget
 „ Christum mortuum pro omnibus fuisse, ut etiam doceat,
 „ quod supra insinuavimus, profuisse damnatis ejus sanguinem,
 „ ut mitius torqueantur . . . Mordeant ne Baiani dentibus
 „ Lupi, an potius mordeantur? quæstionem aliis amplius re-
 „ linquimus excutiendam „

S. Anselmus in devotissimis Orationibus, & Meditationibus
 nunc recufis in Urbē eruditissimā pietatē religiosissimi, ac do-
 ctissimi Cardinalis de Aguirre tantam veritatem clarissimè pro-
 fitetur orat. 28. num. 10. „ Tu verò, dulcissime Domine Jesu,
 „ nō solum pro amicis, sed & pro inimicis mori voluisti „ Orat.
 „ 34. n. 1. Domine Jesu Christe, qui Patre disponente, Spiri-
 „ tu Sancto cooperante mortem tuam, spontanea voluntate mi-
 „ sericorditer à peccato, & morte æternā mundum redemisti,
 „ Orat. 44. num. 1. Ille venit in hunc mundum, & humanum
 „ genus suo sanguine salvavit, & inferni claustra destruxit, &
 „ cælestis Regni januas aperuit. Medit. 6. num. 9. Certi sint
 „ omnes peccatores, & iniqui, se peccatorum suorum veniam
 „ accipere, si ipsa peccata sua curant dimittere, & pœnitenti-
 „ am agere, ipse fons pietatis pro amore, quem erga eos habe-
 „ bat, eandem carnem, quam pro eis sumpsit, perculit cruci-
 „ figi, ut qui erant peccatis mortui, nequialiter ad vitam redire
 „ poterant, nisi pretio ejus sanguinis redempti, nullo modo
 „ desperent, cernentes pretium, quod est datum pro peccatis
 „ suis. Medit. it. §. 3. n. 15. Homo ille redemit omnes alios,
 „ Et tandem Medit. 15. §. 3. n. 45. Ille ipsis potius, à quibus
 „ patitur, compatitur, à quibus vulneratur, ille medetur, ille
 „ vitam procurat, à quibus occiditur. Cum qua mentis dul-
 „ cedine, cum qua spiritus devotione, cum qua charitatis ple-
 „ nitudine clamat, Pater, ignosce illis! „

Tandem D. Thomas 1. par. quæst. 19. art. 6. ad. 1. exponit
 dumtaxat textum Apostoli. *Deus vult omnes homines salvos fi-*
eri. In Comment. verò epist. 1. ad Timoth. c. 2. dilucidè ha-
 „ bet, ut Paulo ante retulimus, quod „ Jesus Christus est me-
 „ diator Dei, & hominum, non quorundam, sed inter Deum,
 „ & omnes homines, & hoc non fuisset, nisi vellet omnes sal-
 „ vare „ Item „ Christus est propriatio pro peccatis nostris „

„ pro

„ pro aliquibus (electis nimirum) efficaciter, sed pro omnibus sufficienter, quia pretium sanguinis ejus est sufficiens ad salutem omnium, „ Rursus 3. par. quæst. 79. art. 7. ad 2. „ Dicendum, inquit, quod passio Christi prodest omnibus quantum ad sufficientiam „ Si prodest omnibus quantum ad sufficientiam (subjungit Contensonus dissertat. 5. pro defensione „ Innocentianæ Constitutionis) profectò pro omnibus passio servatoris oblata est „ Adducit ibidè Contensonus alios clarissimos textus Doctoris Angelici pro eodem catholico dogmate ex 3. dist. 20. quæst. 1. art. 1 q. 1. ad 2 „ ex comment. in cap. 8. prioris epist. ad Corinth. „ & ex lect. 3. in cap. 19. Johann.

Ex recentioribus à Censore allatis seligere visum est Emin. Cardinalem de Lauræa, qui in loco citato assumit dumtaxat querendum; *quomodo solvetur, quòd Deus vult omnes homines salvos fieri, si pauci sunt prædestinati*, quibus verbis constat titulus illius capituli vigesimi; nullam autem inibi habet quæstionem, an Christus pro omnibus omninò hominibus tam prædestinatis, quam reprobis passus, ac mortuus sit. Istud enim ex professo agit cap. 11. in opusc. 2. de reprobatione malorum, ubi n. 162. conceptis verbis asserit „ Quòd sicut fides docet, Christus est „ Salvator, ac Redemptor, & Mediator humani generis inde „ finitè, & universaliter. non verò hujus, vel illius generis, „ aut nationis, & sic tam hominum, qui in lege naturæ, aut lege scriptæ, quam eorum, qui fuerunt, sunt, & erunt pro tempore legis Evangelicæ, & sic omnium omnis temporis hominum „ Et deinde ponit hanc conclusionem n. 165. „ Christus „ pro omnibus omninò hominibus tam prædestinatis, quàm reprobis passus, ac mortuus est, „ Eamque probat pluribus argumentis desumptis ex Sacrà Scripturà, Patribus Græcis, & Latinis, & ex Conciliis, & nu. 183. scribit: Tandem à Summis „ Pontificibus Innocentio Decimo primùm, postea à Successore „ re Alexandro Septimo damnantibus ut hæreticas quinque „ propositiones Jansenii; quæ dicebat, *Christum non esse mortuum pro omnibus*, in ordine quinta, *hæretica declarata, & „ damnata est*. „ Postea his verbis Emin. Theologus eidem capiti finem imponit, „ Concludamus ergò caput illud, simulq; „ opusculum cum S. Augustino lib. de salut. docum. cap. 46. „ *Christus non pro Sanctis tantum passus est, sed pro peccatoribus, „ & impiis, ac sceleratis ascendit in Crucem, & passione suà nos*

„ omnes revocavit ad vitam, non Sanctis tantum dedit Deus Solem,
 „ & Lunam, & pluviam, & omnia nascentia terræ &c. Non enim
 „ injustus est Deus, aut personarum acceptor, sed justus, beni-
 „ gnus, ac misericors, Cui gloria in sæcula. Amen. „

*De Gratia, quæ omnibus datur, seu de gratia
 orandi.*

PROPOSITIO XVIII.

Gratia orandi omnibus, qui præcepto tenentur; loco, & tempore opportuno datur, pag. 181. lin. 16.

Deus, ut omnibus, & quantum ex se est, efficaciter vult salutem, ita ad illam obtinendam omnibus copiosissima media tribuit, quorum potissimum, & maxime necessarium est Gratia orandi. pag. 138. lin. 36.

NOTA.

NOva prorsus, & SS. Patribus imò, & Theologorum scholis inaudita doctrina, quæ etiam infidelibus, impiis, idololâtris, quocumque tempore, & loco vixerint gratia orationis communicatur, cui quidem doctrinæ sat eris opponere hæc verba Apostoli, quomodo invocabunt, in quem non crediderunt? Rom. 10. v. 14. quam in rem ait Augustinus. Si fides deficit, oratio perit, quis enim orat, quod non credit? Serm. 36. de verbis Apostoli cap. 2. Iterumque eodem Sermone loquens de Paulo Apostolo, „ Ut ostenderet, inquit, fidem fontem esse orationis, nec posse ire rivulum, ubi caput fontis siccaretur; adjunxit. atque ait, quomodo invocabunt, in quem non crediderunt? ergo ut oremus, credamus. Certè hic est communis christiane doctrinæ, ac pietatis sensus; quod fides sit fons orationis, & quod in tantum quisque orare incipiat, in quantum ad Deum per fidem accedit. Unde paradoxum, vel potius monstrum simile est, ei, qui nec dum aliquid de fide audivit, munus orandi, & quidem copiosum, & quodammodo continuum tribuere.

ERgò Eminentiss. Cardinales Bellarminus, de Lugo, de Lauræa, de Aguirre, & Norisius, Illustrissimi Episcopi Galliani Habertus Vabrensis, & Abelii Ruthenensis, celebres Theologi Vincentius Torre ex schola D. Thomæ, Mastrius ex schola Scotistarum, ac Lemoinus ex Sorbona, & alii plures in hac disputatione, & in sequentibus allegandi novam prorsus, & SS. Patribus, imò, & Theologorum scholis inauditam à Censore incusabantur tradidisse doctrinam, & potius paradoxum, & monstri simile, eo quia omnibus hominibus urgente præcepto, & pro loco, ac tempore opportuno à Deo gratiam orandi communicari doceant, & præcipuè sapientissimus Cardinalis Norisius illud probans ex S. Augustino.

Næcias autem, gerras, & offucias in notâ congestas jam penitus distillavit Sfondratus, qui, ut evidens est ex ipsiusmet verbis primæ propositionis delatæ, non scripsit omnibus dari gratiam orandi quocumque tempore, & loco, ut calumniatur Censor, sed *instante præcepto, & loco, ac tempore opportuno*. Quinimò oppositum disertè tradit Author pag. 162. „ Quidquid, inquit, „ de hac quæstione sit, an, videlicet, quoties præceptum vrget, „ etiam improbissimis peccatoribus gratia detur, nostri instituti haud est, id indubitanter asserere, sed solum dicimus, nulum hominem esse, cui dum vivit, & ut loquitur Augustinus, „ per mensuras temporum, per intervalla locorum, non quàm plurima gratiæ auxilia dentur, quibus & majorem, completâ, „ que gratiam, & ipsam quoquæ vitam æternam consequi possit; „ id enim sufficit ad Dei bonitatem planè ostendendam in omnes effusam, nihil interim contendendo, quandò, quotiès, „ quantoque numero ea auxilia præstentur: sicut enim aliud est „ Solem omnibus lucere, aliud semper lucere, ita aliud est, Deum omnibus gratiam dare, aliud semper dare, istud dubium, „ illud compertum, ut à nobis hætenus probatum est. „

Duplicem autem orationis speciem appositè distinguit Scriptor pag. 182., aliam imperfectam, aliam perfectam „ Gratia, „ seu spiritus orandi, ait, gradus quoque suos, & minorem, „ majoremque perfectionem habet: nam quoad initia sua, primosque gradus à Deo non petitur, sed spontè, gratique datur (alioquin eundem in infinitum esset, & hoc ipso, quod

„ pe-

„ petis, jam gratiam petendi habes) non ergo petis ut detur,
 „ sed datur ut petas . . . sed quoad maiorem intentionem, fer-
 „ vorem, & perseverantiam, etiam ipsa gratia orandi postula-
 „ tur, sic enim cum Ecclesia precamur. *Adiones nostras qua-*
 „ *sumus Domine &c.* His ergo, quæ nemini desunt, & major;
 „ ac perseverantior orandi spiritus. & proximum auxilium Dei
 „ ad legem implendam obtineri possunt. Primis ergo illis pre-
 „ cibus, quorum facultas Dei liberalissimo dono omnibus pec-
 „ catoribus præsto est, duo petimus, opportunum, videlicet;
 „ auxilium Dei cum ad omnem orationem (quam oportet hu-
 „ milem, fiducialem, ac perseverantem esse,) tum ad omnem
 „ operationem honestam, & salutarem.

Hanc doctrinam postea confirmat Scriptor testimoniis SS. Augustini, Gelasii Papæ, & Doctoris Angelici; in propositio-
 ne autem delatâ Authorem loqui tantum de illâ gratiâ minus
 perfectâ, ejusdem verba modò allata, & alia plura variis in locis
 posita evincunt. Quandoquæ etiam docet, gratiam orandi sup-
 ponere fidem. sic pag. 225. assert illud Jacobi p. *postulet autem*
in fide nihil hesitans; & cum Doctore Angelico 22. quæst. 83. art.
 16. ait ibidem „ Orationem habere vim merendi à Charitate,
 „ efficaciam verò impetrandi à fide, & fiduciâ „ Ex quo cor-
 ruunt omnia consecratoria in notâ Censoris allata.

Supponenda hic quoque est alia Authoris doctrina ex pag.
 155. & seq. decerpta, nimirum „ Nemo potest invincibiliter
 „ ignorare illum præsertim articulum fidei de existentia Dei;
 „ & licet modò nos lateat, quibus modis, quibusque secretis
 „ spiraculis Deus etiam Barbaris lucem, & gratiam suam infun-
 „ dat, certum est infundere, nullusque est sinus conscientie
 „ impervius Deo, quem gratiâ, & radio veritatis non imple-
 „ at. Ea quidem cognitio naturalis est, cum, ut observat S.
 „ Thomas 1. par. quæst. 2. art. 2. ad 1., sit magis præambulum
 „ ad fidem, quàm ipsa fides. Fides enim præsupponit cogni-
 „ tionem naturalem, sicut gratia naturam, sed quia hujusmodi
 „ notitia præsertim apud Barbaros, & rudes est nimis vaga, con-
 „ fusa, & universalis, propterea à Deo supplente defectum
 „ nature, ea per gratiæ inspirationem magis completur ad
 „ ipsum Creatorem velut rerum humanarum principium, &
 „ bonorum malorumque remuneratorem cognoscendum, in-
 „ vocandum, colendum, timendumque, & hæc est illa fides

„ inchoata, sine qua nemo placere Deo potest, & qua si benè
 „ aliquis utatur, ad completam quoque, & christianam fidem
 „ perventurus est, Item pag. 169. ait dicendum esse cum An-
 „ gelico Doctore ad Rom. 10. lect. 3. „ Omnibus hominibus
 „ etiam incultissimis, ac planè Barbaris auxilium gratiæ dari,
 „ quo legem naturalem observent, qua observatâ, & nisi obicē
 „ ponant, Deum curaturum, ut eis quoque Evangelium inno-
 „ tescat &c.,

Undè antiqui Theologi Hugo à S. Victore, S. Bonaventura, Gerson, Adrianus, Guillelmus Parisiensis, ut testatur Contensonus dissertat. 6. cap. 1. de probabilitatis commento, docuerūt, nullam etiam apud infideles dari juris nēdum naturalis, sed divini invincibilem ignorantiam, quia, inquit, possunt recurrere ad supremum, quem intra se habent, magistrum Deum *facile exorandum*, si veritatem studio quæsitam continuis precibus à Deo efflagitent, & se pœnitentiâ vitæque emendatione divinâ luce dignos efficiant, adeoque fidei ignorantiam eis imputandâ credunt, quia Deus fidem nutritis etiam in sylvis minimè negaret, si illam adhibitis omnibus, quibus potest comparari mediis, postulerent.

Ità ergò respondet Censori Cardinalis Bellarminus lib. 2. de grat. & lib. arbit. cap. 8. „ Possunt, inquit, Gentiles, quibus
 „ nondum est Evangelium prædicatū, cognoscere per creaturas
 „ Deum esse, & proindè possunt à Deo per gratiam prævenientē
 „ excitari ad credendum de Deo, quia est, & quòd inquirentibus
 „ se remunerator sit, & ex tali fide excitari possunt eodē dirigē-
 „ te, & adiuvante Deo ad orandum, & eleemosinas faciendas, &
 „ eo modo impetrandum à Deo majus fidei lumen, quod Deus
 „ ipso per se, vel per Angelos, vel per homines facile commu-
 „ nicabit. Ità respondet S. Thomas quæst. 14. de veritate art.
 „ 11. ad 1. & affert exemplum Cornelii, „ Quare Vincentius
 „ Ferre ex Ordine amplissimo Prædic. in tom. de fide tract. 2. q. 1.
 „ §. 1. n. 3. loquens de infidelibus apertè negat, „ Quòd si quis in
 „ pœnam peccati privetur omni auxilio sufficienti ad legē im-
 „ plendam, ille talis adhuc non peccabit legem non adimplen-
 „ do, quia nemo peccat in eo, quod vitare non potest, proin-
 „ dè dicit Tridentinum, Deus impossibilia non jubet, sed ju-
 „ bendo monet, & facere, quod possis, & petere quod non pos-
 „ sis, ideòquē saltē debent restare in aliquo *auxilio sufficientia ad*

T

„ posse

„ *posse potere* auxilia sufficientia requisita ad præceptorum adi-
 „ pletionem. Quòd si hæc adsint, quamvis prima deficient,
 „ homo non omni auxilio sufficienti privabitur, & sic tenebi-
 „ tur ad legis adimpletionem; si autem omni auxilio sufficienti-
 „ ti destituatur, sic quòd adimpletio sit homini impossibilis,
 „ non peccabit non observando legem „

Opportunissima est in præsentì doctrina Maltii de Meldula
 in 3. sent. disp. 16. de virtutibus Theologicis, quæst. 15. art. 2.
 num. 405. ubi funditus evertit molimina omnia, quæ contra
 Authoris doctrinam machinari quispiam posset „ Oratio illa,
 „ inquit, qua aliquis petit à Deo fidem, pertinet aliquo modo
 „ ad ipsam fidem, & in ratione doni computatur cum ipso fi-
 „ dei dono, ut docuit Gregor. homil. 9. in Ezechiel. dum ait,
 „ opera sine fide non adjuvare, nisi pro fide percipiendâ fiant.
 „ Undè non mirum, quod Deus nunc concurrat auxilio super-
 „ naturali ad illam voluntatem, quæ non procedit merè ex lu-
 „ mine rationis naturalis, sed ex lumine fidei subobscurò, &
 „ quasi ab aurorâ fidei, & ejus crepusculo, ut quærat idem lu-
 „ men clarius, & oret pro illo obtinendo, quemadmodum ele-
 „ ganter discurret Cardinalis de Lugo disp. 12. sect. 3. ubi alia
 „ plura dissolvit ad præsens negotium spectantia. Dum autem
 „ negamus, dari non posse meritum aliquod ad salutem proxi-
 „ mum, vel remotum ante fidem, hoc asserimus in ordine ad
 „ justificationem, quatenus non potest ad ultus justificationem
 „ consequi absque propriâ fide, & strictè sumptâ, nam si quis
 „ concedere velit infideli aliquos actus supernaturales ante fi-
 „ dem ex auxilio Dei elicitos, qui sint veluti præviæ disposi-
 „ tiones saltem remotæ, quibus Deus moveatur ad illum illu-
 „ minandum circa res fidei, & ad ulteriora trahendum, ut ju-
 „ stificationem consequi possit, hoc nullum reputo inconve-
 „ niens, nam ad doctrinam Patrum, & Conciliorum in præ-
 „ senti negotio salvandam sufficit, quod nemo sine fide, vel an-
 „ te fide justificationem consequi possit, quia de potentiâ ordi-
 „ nariâ, ut inquit Apostolus, impossibile est sine fide placere
 „ Domino, quod de fide supernaturali explicat Tridentinum
 „ sess. 6. cit. cap. 6. cum inquit, Deum benè utenti supernatu-
 „ rali excitatione ad bonum, inspiraturum aliqualem noticiam
 „ supernaturalem fidei, quam adjuvante Deo complecti queat,
 „ idest, credere, & justificari; excitatio autem supernaturalis
 „ ad

„ ad bonum in hac vitâ non est aliud, quàm actus fidei, vel actus
 „ proximè dispositiuus ad illum. Idcirco Smilinch. de Deo uno
 „ tract. 3. disp. 6. quæst. 4. ostendit, infidelibus, quibus fides
 „ prædicata non est, non omninò defuisse auxilium Dei remo-
 „ tè sufficiens ad salutem, quo si benè usi fuissent, ad auxilia ul-
 „ teriora pervenissent usque ad illud, quod proximè sufficeret
 „ ad credendum Deo sic disposituro, ut per ministerium ho-
 „ minis, vel Angeli, vel à solo Deo fides illa annunciata fuisset, & ab eodem concessa fuisset vocatio interna proximè sufficiens ad idem „

Accedit Eminentiſs de Lauræa opusc. 3. de gratiis actualibus cap. 19. asserens, omnes infideles habere sufficientem gratiam ad Deum orandum, ut ipsis veritatem Religionis insinuet. Id, que innumeri alii catholici tradunt. Suffragantur duo Episcopi Gallicani. Alter est Ludovicus Abelli in tract. de gratia sect. 7. ubi docet, quod „ Concilium Tridentinum sess. 6. cap. 11. „ hanc S. Augustini sententiam ex ejus libro de naturâ, & gratiâ „ cap. 47. refert., & approbat: Deus impossibilia non jubet, sed „ jubendo monet, & facere quod possis, & petere quod non „ possis, & adiuvat ut possis. Ex quo sequitur, quod quamvis „ aliquando desit gratia benè operandi, *namquam tamen deest* „ *gratia postulandi, & impetrandi auxilii Divini* „ Alter est Ilahac Habertus Episcopus, & Comes Vabrensis Doctor Sorbonicus, qui in Theologiâ Græcorum Patrum circa gratiam cū perpetuâ collatione scripturæ, Conciliorum, doctrinæ S. Augustini, S. Thomæ, & Scholæ Sorbonicæ lib. 2. cap. 15. n. 3. habet „ Theologiæ celeberrimus Professor Alfonsus Lemoi- „ nus Doctor Sorbonicus gratiam sufficientem docuit esse *grati-* „ *tiam petendi, seu gratiam orationis*, de qua toties D. Augusti- „ nus; & verum id quidem, sententiæque nostræ prorsus cō- „ sentaneum.

Astipulatur Ludovicus Bail, qui lib. de benefic. Crucis part. 2. art. 53. impensè commendat Tostatum Abulensem in cap. 16. Matth. quæst. 178. scribentem „ mandata Dei possibilia es- „ se, & si ad ea requiratur gratia Dei, quia quod per alium pos- „ sumus, dicimur simpliciter posse, ut dicitur 3. Ethic. quæ „ per amicos possumus, & per nos dicimur posse. Deus autem „ nulli subtrahit auxilium generale, idèò non est crudelis ju- „ bendo, etiamsi juberet, quod haberemus charitatem, & gra-

„ tiam , & virtutes , quia etiam hoc erat facile obtineri , cum
 „ quidquid ab eo petierimus , statim concedit , si est de necessariis
 „ ad salutem nostram „ Insuper ipsum Bail in disputatione no-
 „ tæ proximè superioris pro hac veritate audivimus cum Colve-
 „ nerio , & Sylvio disertè locutum .

Concinit de ista gratiâ orandi nemini denegatâ Raphael Ve-
 nostus Canonicus Regularis S. Augustini lib. 2. de prædestinat.
 cap. 20. „ Hac gratiâ , ait , neminem quantumvis peccatorem
 „ omninò privat Deus viatorem , ut se se ad Deum oratione
 „ convertere possit , pro lumine , & charitate impetranda , ac
 „ benè ut possit moraliter operari , supràque carnis naturam vi-
 „ vere , & se præparare ad charitatis spiritum suscipiendum à
 „ Deo . Hinc fit , ut etiam existentes sub regno Sathanæ Do-
 „ minus omninò non deferat , sed coadiuvat Dei inimicos , ut
 „ possint se in regnum Christi transferre . Hic est ille spiritua-
 „ lis Sol , qui oritur æquè super bonos , & malos , & aqua stil-
 „ lans super justos , & injustos . Hac gratiâ resistere potest ten-
 „ tationi viator , sed non ea merendo vincere sine charitate ,
 „ Idèd dixit Dominus Cain ejus inimico . Subter te erit appe-
 „ titus , & dominaberis illi in resistendo , & non peccando , li-
 „ cet non meritoriè vincendo , si volueris „

Pro coronide tot insignium Doctorum sit Eminentiss. Cardi-
 nalis de Aguirre Sapiëntia , & Religione nulli secundus , qui
 tom. 3. Theologiæ S. Anselmi , disp. 124. sect. 1. n. 2. statuit
 hanc thesim „ Hominibus lapsis adest ex misericordia , & dono
 „ Dei potestas simpliciter dicta ad præcepta servanda , aut sal-
 „ tem facultas ad impetrandam illam *per orationem* , & alia pia
 „ opera . Hæc assertio communis , & certa videtur inter omnes
 „ Theologos quarumlibet scholarum , repugnantibus solum
 „ iis , qui aut tuentur Jansenium , aut non satis ab eo se differ-
 „ re ostendunt „

Ex sacris literis, quæ totiès omnes, nulloque excepto, ad quærendum, pulsandum, petendum, vitamq; mutandam invitant, constat, gratiam saltem remotam, hoc est, orandi, & petendi omnibus dari, alioquin frustra peccatores ad rem impossibilem invitarentur. pag. 184. lin. 1.

N O T A.

HÆc fuit Massiliensium, ac deinde Cassiani, Fausti, aliorumque Semipelagianorum sententia, qui omnibus hominibus orandi facultatem concedebant, per quam quærendo, pulsando, petendo divinam opem promererentur, ut videre est in epistola Prosperi ad Augustinum, & apud Cassianum lib. 12. de institutione canobii cap. 14. & apud Faustum lib. 2. cap. 10. quam sententiam rejecerat S. Augustinus ostendens, orationem non esse à nobis, quasi ex nobis, sed ex munere divino, seu speciali gratia Dei, baud secus ac alia opera pia proficisci. „ Attendant, inquit, de Massiliensibus, quomodo sal-
„ lantur, qui putant esse à nobis, non dari nobis, ut petamus, quæra-
„ mus, & hoc esse dicunt, quod gratia præceditur merito nostro, ut
„ sequatur illa cum accipimus petentes, & invenimus quærentes,
„ aperiaturque pulsantibus, nec volunt intelligere etiam hoc divi-
„ ni muneris esse, ut oremus, hoc est, petamus, quæramus, atque
„ pulsemus. „ Lib. de dono perseverantie cap. 23. scribens verò cō-
„ tra Julianum lib. 4. cap. 8. sic pronunciat. „ Necessè est gratiam præ-
„ cedere, & cor tangere, ut beatificum donum à Deo petatur, &
„ ut pulsetur ad Deum. „ Idem postea S. Fulgentius contra Semipe-
„ lagianos his verbis expressit epist. 6. cap. 7. „ Haberi non potest ip-
„ se saltem orationis affectus, nisi divinitus fuerit attributus, ut
„ ergò desideremus adjutorium gratiæ, hoc ipsum quoque est opus
„ gratiæ, ipsa namque incipit infundi ut incipiat posci, ipsa quoq;
„ amplius infunditur, cum poscentibus datur. „

„ **M**ens non sanari, sed vincere cupiens., Inquebat Ma-
 „ xentius Dial. 2. „ averſa ab his, quæ dicuntur, ad nihil
 „ aliud intentæ eſt, niſi ut inveniat, quod pro ſuis partibus elo-
 „ quatur: „ Non quidem verbis, ſed exemplari caſtigatone di-
 „ gna eſt temeritas Cenſoris, qui, ut hæreſim Semipelagianam
 „ Emin. Cardinali per ſummum neſas inureret, eam propoſitio-
 „ nem ad modum hæreſis efformavit, & ſubticuit in medio hæc
 „ verba. *Quæ omnia ſupponunt, hæc fieri poſſe, & conſequenter gra-
 „ tiam ſaltem remotam,* quæ penitus extingunt dogma Mallilien-
 „ ſium, qui, ut fatetur ipſe Cenſor, tenebant orationem eſſe à no-
 „ bis, quaſi ex nobis, non ex munere divino, ſeu ſpeciali gratia.
 „ Optimè norat Sfondratus errores Semipelagianorum, inter
 „ quos recenset ſequentes pag 55. „ Docebant Semipelagiani, à
 „ „ Deo non omnia merita præveniri, priorem eſſe hominis obe-
 „ „ dientiam, quàm gratiam, initium ſalutis eſſe ex eo, qui ſalva-
 „ „ tur, non ex eo, qui ſalvat, gratiam à voluntate præcedi, qua
 „ „ tantum Medicum quærat, ſidem, aut ſaltem initium fidei non
 „ „ ex gratia, ſed ex naturæ viribus eſſe, eum adjuvari à gratia, qui
 „ „ cæperit velle, ipſum autem velle à gratia non dari. „ His autē
 „ „ pravis dogmatibus è diametro opponuntur ipſamet Authoris
 „ „ verba à Cenſore relata, & alia omiſſa, quibus ipſa orandi facultas
 „ „ vocatur *gratia orandi*, quo nomine in toto contextu inſignitur,
 „ „ proinde pag. 182. dicitur „ Hæc gratia, ſeu ſpiritus orandi, quo-
 „ „ ad initia ſua, primosque gradus à Deo non petitur, ſed ſpon-
 „ „ tē, gratisque datur „

Attendant quæſo, benignus Lector teſtimonia Auguſtini à
 Cenſore in ſua notâ congeſta, & luce meridiana clariùs videbit,
 illa contra ipſum plurimum, pro ipſo nihil facere. ea namque
 omninò conſona ſunt doctrinæ ibi à Sfondrato traditæ, ut le-
 genti facillimè patebit.

PROPOSITIO XX.

159

Gratia, seu Spiritus orandi, quoad initia sua primosque gradus à Deo non petitur. pag. 182. lin. 8.

NOTA.

Assertionis hujus falsitas apertè demonstratur per preces Ecclesie. quæ dum orat pro infidelibus, & incredulis ut credant, orat, ut orare incipiant. Ex fide enim statim orandi Spiritus concipitur, cum autem Ecclesie preces exaudiuntur, recenter conversi, inquit Augustinus epist. 107. velle incipiunt, quod nolebant, & habere fidem, quam non habebant, quod ut fiat in eis, oratur pro eis, quamvis non oretur ab eis. Cum verò factum fuerit, quod oratur, ei, qui fecit, aguntur gratiæ, & pro eis, & ab eis.

DISPUNCTIO.

„ **E**iusmodi est rationis expers, ut solerter monet Nazianzenus apud Damascenum in Eclogis lit. A. tit. 61. & ad oppugnandam veritatem obfirmata temeritas, ut qui eam laborat, nec tùm quidem, cum in se ipsos incurrunt, vel intelligant, vel pudore suffundantur, Si enim suæ integritati restituatur illa propositio, ut jacet penes Authorem, & ut à nobis descripta est in vestibulo disputationis notæ impactæ 18. propositioni, omnis præcisa fuisset Censori ansa, calumnias, & hæreses ingeminandi in libro Emin. Authoris, qui ibidem loquitur quidem de prima gratia orandi non petendâ ab ipso orante, non tamen excludit, quod pro illo petatur ab aliis. Porro ratio ab ipso Authore adducta est evidens ex propriis terminis, quia in illis gratiis, vel esset procedendum in infinitum, vel asserendum esset, eam orationem proficisci à pura potentia naturali, atque adeò necesse est, quod ante illam gratiam, quam supponit Scriptor simpliciter primam, non detur in eo alia gratia, per quam ipse possit petere ipsam primam gratiam, quamvis hæc peti possit ab alio pro ipso. Propterea scribit Sfondratus pag. 181. „ Gratia orandi habet se per modum primi principii practici, „ quod alio principio non eget, sed est causa omnium aliarum „ actio-

„ actionum supernaturalium,, Siquidem, ut videre est apud Ovidium controversia 7. de Gratia puncto 1. n.4. plures Theologi existimant, esse veritatem de fide, quod homo non possit sibi promereri primam gratiam actualem, secus gratia caderet sub meritum aut condignum, aut congruum operis purè naturalis, quod Pelagianum est. Quare Tridentinum sess.6. cap.5. decernit, *ipsius justificationis exordium in adultis à Dei per Christum Jesum præveniente gratiâ sumendum esse, hoc est, ab ejus vocatione, qua nullis eorum existentibus meritis vocantur;* prout existimo neque relatè ad potentiam Dei absolutam posse primam gratiam actualem cadere sub ullum prorsus meritum. Hæc autem non impediunt, quin prima gratia actualis cadere possit sub meritum alterius à recipiente, quia non est principium meriti in altero, & est gratia prima relatè ad eum, in quo recipitur, non relatè ad alios, & ideò cum in peccatore universaliter agnoscam meritum congruum simpliciter, & absolute tale (quidquid alii contra sentiant) quilibet sive iustus, sive peccator potest congruè mereri alteri primam gratiam vocantem (sic de facto solet tribui meritis S. Stephani prima efficax vocatio Pauli, & meritis S. Monicæ prima efficax vocatio Augustini) & saltem mediatè primam gratiam habitualement, gratiæ augmentum, perseverantiam finalem &c. quæ omnia ad primam gratiam actualem aliquantulum consequuntur eandemque habent cum congruo alterius merito proportionem. Cæterum pag. 158., Ultrò fatetur Author, quod „ gratiæ comparandæ nunquā media peccatoribus desunt, oratio, videlicet, tum propria, tum aliena,, Sed quod mirum est id ipsum declarat Censor in sua nota, confirmatque suffragio S. Augustini minimè ratus ipsum secum committi. Undè potius Censor annotare debebat, cum Stephano Dechamps lib. 1. de hæresi Janfeniana cap.6. n.4. etiam Jansenium lib. 3. de Gratia Christi cap.1. ipsas Ecclesiæ præces in opinionis suæ defensionē trahere,, Tale adiutorium, inquit, Ecclesiæ præcibus repugnat, „ quia tollit funditus fideliū orationes &c. Docent enim idem „ recentiores, hujusmodi adiutorium semper esse præsens omnibus &c.,, Quod si verum est, quis non videt pro illis, quibus sufficiens adiutorium præsto est, inaniter preces fundi? „ Hoc accersitum est ex Davide Paræo Calviniano sic argumentū lib. 2. de lib. arbit. cap.8. pag. 291., Si omnibus, ait, semper adest, „ set sufficiens auxilium vitandi infidelitatem, & peccata, frustra

„stra oraret Ecclesia. Quia sufficiens auxilium cum fingatur
 „universale esse, non est ex eorum beneficiorum genere, quæ
 „præcibus, & supplicationibus sunt impetranda. „

Unus autem instat omnium pro dilucidanda, corroboranda-
 que Sfondrati sententia, & prosliganda nota Censoris mihi sit
 Eminentiss. & sapientiss. Card. Norisus, qui in doctissimis vin-
 diciis S. Augustini pag. 90. & seq. unâ cum Authore differtat. 5.
 de calumnia sublata Janseniani erroris omnibus hominibus, etiâ
 infidelibus concedit adjutorium, seu auxilium *sine quo non* ad eli-
 ciendos actus bonos remissos, debiles, ac minus perfectos, qui-
 bus tamen adjutorium, *quo* ad robustiores actus ad implendam
 legem necessariis impetrari potest. Item illud auxilium *sine quo*
non dicit esse illud, quo quis conatur implere præceptum, quo-
 ve deficiens viribus easdem à Deo deprecatur, seu quo homo
 simpliciter potest conari implere mandata, ac orare pro viribus
 impetrandis, seu quo Deus humanas voluntates ad bonum fa-
 ciendum movet, nempe, ad actus tenues, & minus perfectos,
 exempli gratiâ, conatus ad implenda præcepta, & orationes ad
 impetrandas vires, qui profectò actus non sunt purè velleitates,
 uti censet Jansenius, sed voluntates, licet sine ulteriori auxi-
 lio inefficaces ad implenda præcepta, & postmodum subiungit,
 hujus auxilii factos esse beneficio Redemptoris participes *Omnes*
homines.

Comprobat id Purpuratus Doctor ex S. Augustino in lib. de
 natura, & gratiâ cap. 67. ubi ait, „Cum vero ubique sit præsens,
 „quî multis modis per creaturâ sibi Domino servientem aver-
 „sum vocet, doceat credentem, consoletur sperantem, dili-
 „gentem adhortetur, exaudiat deprecantem, „Eodem omninò
 consilio Auctor differtat. de calumn. sublata Janseniani erroris
 pag. 297. promit hoc aliud S. Doctoris testimonium lib. de grat.
 & lib. arbit. cap. 17. „Qui vult ergò facere Dei mandatum, &
 „non potest, jam quidem habet voluntatem bonam, sed adhuc
 „parvam, & invalidam „Illa bona voluntas, inquit, erudi-
 tissimus Author, *est ab adiutorio sine quo non*, „Quo desiderium
 „præcepti implendi excitatur, qui tamen motus est invalidus,
 „nisi adiutorium *quo* roboretur „Plura ad hoc ipsum S. Do-
 ctor in superiori cap. 15. „Ut homo, ait, qui voluerit, & non
 „potuerit, nondum se plene velle cognoscat, & oret, ut ha-
 „beat tantam voluntatem, quanta sufficit ad implenda manda-

71. ta. Tanta autem voluntas habetur ab adiutorio *quo*, prior ve-
 72. rō, quæ est parvum desiderium, ex adiutorio *sine quo non* de-
 73. rivatur; & in lib. de natura, & gratiâ cap. 25. „ Conetur er-
 74. go, inquit, anima domare linguam, & dum conatur, poscat
 75. auxilium, & oret lingua, ut dometur lingua. Ille conatus,
 76. & oratio sunt cum adiutorio *sine quo non*, ipsam verò linguam
 77. reapse domare est effectus adiutorii *quo*, ac gratiæ visticis.
 78. Hoc ipsum probatur ex lib. S. Doctoris de natura, & gratiâ
 79. cap. 68. ubi cum dixisset, Deum non præcipere impossibilia,
 80. ait „ Hinc admonemur, & in facilibus quid agamus, & in dif-
 81. ficilibus quid petamus. Igitur opera facilia, seu actus bonos
 82. minus perfectos facere possumus, absque eo quod majus, &
 83. ulterius auxilium à Deo postulemus, quod tamen in actibus
 84. perfectioribus, ac difficilioribus suppliciter petendum est.
 85. Idem in epistola 89. ad Hilarium scribit „ Quia etsi possit antè-
 86. quam petat, quid ei prodest, nisi illi agat gratias, ex eo quod
 87. potest, à quo petendum est, quod nondum potest? „ Hastè-
 88. nus celeberrimus Theologus, cui hac de re concors omnino est
 89. Sfondratus.

PROPOSITIO XXI.

Augustinus mille locis . . . de hominibus, quales in
 Mundo sunt, hoc est, peccato originali, multisque actu-
 alibus obstrictis constantissimè docet, non peccaturos
 violatis divinis præceptis, nisi potestatem haberent illa
 observandi, & consequentèr, nisi haberent gratiam sal-
 tem inchoatam, hoc est, orandi. pag. 184. lin. 9.

N O T A.

A Liqum gratiam saltem inchoatam, hoc est, ut Author inter-
 pretatur, gratiam orandi necessariam esse in quibusvis homi-
 nibus, id est, etiam induratis, obcæcatis, infidelibus, Idololatriis,
 ad hoc ut eis peccata imputentur, cum alioquin nullam ei vitandi,
 ac præcepta Dei adimplendi potestatem haberent, opinio est doctri-
 ne Augustiniane prorsus opposita, quam S. Doctor in omnibus pæ-
 nè operibus contra Pelagianos, & Semipelagianos editis refellit,

ac

*ac nominatim lib. de corrept. & grat. ex cap. 6. usque ad 11. ut mi-
rum omnino sit, Authorem asserere S. Augustinum mille locis illud
ipsum docere.*

DISPUNCTIO.

TEstimonia S. Augustini in superiori dispunctione ex Eminentiss. Norisio, & Authore indicata dissertationis producta apertissimè revincunt immodicam Censoris confidentiā, quæ ut ulterius pateat, ipsi opponere possumus alia ejusdem Augustini, & aliorum SS. Patrum suffragia à Cardinali Sfondrato passim in hoc opere deprompta, precipuè à pag. 148. usque ad 155. & in pag. 184. Auctoritas autem à Notatore indicata, & à Doctoribus oppositæ sententiæ allata jacet in cap. 11. lib. de corrept. & grat. inter medium, & finem, ubi S. Doctor agit de adiutorio ad non peccandum mortaliter, & perseverandum in gratiā non autem de adiutorio ad credendum, & ad poenitendum, ac propterea sensus illorum verborum est, poenam peccati originalis esse, quibus deest adiutorium tale, quale non defuit Angelo, & primo Homini, videlicet, ut sine ulla difficultate posset perseverare, si vellet.

De induratis autem; & obcecatis adnotat Bernardus Guyard lib. 2. de discriminibus inter doctrinam Thomisticam, & Jansenianam quæst. 3. art. 1. quod „ Jansenius Iprensis cæcos magis obcecat, magis indurat obduratos, & ultra progressus „ opinionem eorum, qui gratiam sufficientem usque ad obcecatos, & induratos extendere volunt, visū Augustini doctrinæ, ad absurditatem, imò & delirium usque ascendere prædicat „ Et art. 2. observat, quod „ Jansenius opinionem „ erroneam, & perniciosam sustinens, Orthodoxorum sententiam, qui auxilium sufficiens infidelibus à Deo impertiri docent, non nisi gratis, ac temerè dici posse, audet affirmare „ Antea quæst. 2. art. 2. retulit hæc verba Jansenii t. 3. l. 3. c. 13. nempe. *non adest semper gratia: qua possumus, hoc est, qua illa eadem præcepta adimplenda sufficiamus* (& quod pejus est) *hæc impossibilitas fidelibus accidit, non tantum quando nolunt præcepta facere, sed etiam quando volunt.* Bone Deus; exclamat ad ea verba Guyardus „ Quantum distat doctrina hæc ab ea Thomistarū, „ qua perpetuò docent, toties quoties occurrit præceptum „ fa-

„ faciendū, Deum ad id auxilium sufficiens suppeditare. Col-
 „ ligo ex Bannesio, quem Pelagianum, aut Semipelagianum
 „ non dicent. Quotiescumque, inquit 1. par. quæst. 23. art. 3.
 „ conc. 3. aliquis peccat speciale peccatum contra supernatu-
 „ rale præceptum vel fidei, vel penitentiæ, vel alterius super-
 „ naturalis virtutis, necesse est, ut ille de facto receperit aliquā
 „ divinam inspirationem illuminantis Dei, aut vocantis, aut
 „ invitantis ad fidem, vel penitentiam; hæc conclusio asseri-
 „ tur à nobis certa secundum fidem. Quid autem aliud, subdit
 „ Guyardus, radium illum intellectum illustrantem, aut scin-
 „ tillam voluntatem excitantem, nisi adiutorium sufficiens ap-
 „ pellamus? Tum super hæc verba Johan. 15. *si non venissem, &
 „ locutus eis non fuisset, peccatum non haberent, nunc autem excu-
 „ sationem non habent*, adducit eundem Bannesium sic discurren-
 „ tem, Hunc locum universi Doctores, præsertim D. Augusti-
 „ nus interpretatur de peccato infidelitatis, quod cōmiserunt
 „ Judei non recipientes Jesum tanquam verum Christum, &
 „ Messiam promissum in lege, & dicit Christus Dominus, quod
 „ illud peccatum non commississent, nisi ipse proposuisset illis
 „ sufficienter doctrinam, & miracula supernaturalia, quibus
 „ pro tunc obligabantur credere „

Deinde adiungit Guyardus suffragia Johannis à S. Thoma, Na-
 varette, Medinæ, & Alvaris eodem sensu explicantium S. Au-
 gustinum, & allegat ista alia verba Jansenii : *Nunquam aliud ex
 „ præcepto colligit S. Augustinus, quàm id, quod præcipitur, non
 „ fieri sine libero voluntatis arbitrio, seu quod idem est, possibile esse,
 „ ut id, quod præcipitur, actu liberi arbitrii impleatur „* Sed quis
 „ crederet, pergit Guyardus, eam esse mentem Augustini, nam
 „ per quid nisi per voluntatem potest aliquod præceptum divi-
 „ num adimpleri? Agebat ne contra aliquos, qui eleemosynam
 „ manui, non voluntati adscribebant? Aliud autem tantum vi-
 „ rum requirere necesse est, per hoc enim dictum nefanda, tùm
 „ Lutheri, tùm Calvinii dogmata salvarentur, nam sive liberum
 „ arbitrium merè passivè se haberet, ut aiebat ille, sive sponta-
 „ neè tantum, ut Jansenius, quæ ab eo proficiscerentur opera,
 „ non fierent sine eo. Aliud est igitur id, quod præcipitur actu
 „ liberi arbitrii impleri, & aliud liberè adimpleri. In primo
 „ non salvatur, quam reiicit Jansenius, indifferentia, in secū-
 „ do autem planè conservatur, & consequenter vera libertas „

„ Quomodo etiam altera hæc ejus explicatio, nunquam aliud
 „ ex præcepto colligitur, quàm id, quod præcipitur possibile
 „ esse, ut actu liberi arbitrii impleatur, subsistere potest? à quo
 „ nascitur ista possibilitas? à principiis naturæ, & hoc est, quod
 „ initio volebat Pelagius. Ab auxilio divino juxta illud, quod
 „ per amicos possumus, per nos ipsos dicimur posse, ergò si nō
 „ datur, impossibilia jubet Deus. Quod cum sacrilegium sit as-
 „ serere, *ex consensu omnium Thomistarum*, planum est, *de fide*
 „ *esse* quotiescumque aliquod præceptum implendum occur-
 „ rit, à Deo *infallibiliter*, non solum justis, sed & *perdis* au-
 „ xilium sufficiens, per quod impleri possit, *infallibiliter dari* ..

„ Illa autem Jansenii calumnia ex Calvinianorum scholis aut
 gurgustis emerfit, ut observat Stephanus Dechamps lib. 1. de
 hæresi Jansenianâ cap. 5. quæ iisdem pœnè vocibus perfonat. nā
 sententiam de Gratia sufficiens omnibus prorsus adultis à Deo
 concessa ad evitanda peccata, & legem Dei servandam Calvi-
 niana Synodus Dordracena sess. 34. pag. 165. damnat *ut Pelagia-
 nam, Papisticam, Hæreticam*. Ipse Calvinus lib. de æterna Dei
 prædestinat. pag. 696. omnes ingenii nervos contendit, ut ex
 S. Augustino Pelagianum esse probet, quod Albertus Pighius
 assererat, offerri omnibus gratiam. Hæresiarchæ istius famosus
 affectus Paræus lib. 2. de grat. & lib. arbit. cap. 8. pag. 279. in ean-
 dem rem scribit „ Induratos, ait, habere auxilium sufficiens
 „ ad repellendam à se cæcitatem non est minus falsum, quàm
 „ cæcos habere auxilium sufficiens ad aperiendos sibi oculos.
 „ Deus enim sibi soli id servavit, ut cæcitatem cordium tollat,
 „ cæcos illuminet &c. Dicere talis induratis dari sufficiens au-
 „ xilium resistendi suo peccato, est aperta insania „

„ Ad locum verò S. Augustini ex lib. de corrept. & grat. c. 11.
 quem à Jansenio magnificari dicit, respondit ibidem Guyardus
 cum Alvare disp. 112. „ Quod S. Augustinus solum docet, quod
 „ in natura lapsa sit pœna peccati, quod non detur ei auxilium,
 „ quo perseverare possit, non tamen sentit, quod sit novum
 „ peccatum, si homo non faciat, quod ex corruptione peccati
 „ originalis non potest, nisi detur illi auxilium, quo id facere
 „ possit, ut patet in infidelitate negativa, & ita se explicat Au-
 „ gustinus cap. 67. citato „

„ Eodem collimat Eminentiss. de Lauræa opusc. 3. de grat. actu-
 alibus cap. 19. ubi ad probandum pro omni lege omnibus infi-

de-

delibus omnis generis Deum largitum esse, ac largiri gratiam sufficientem ad posse in eum credere sicut oportet, & ad posse legem Dei salvantem, seu conducentem ad salutem observare, licet non fecerint, producit etiam S. Augustinū in psal. 13. & 24. in lib. 3. de lib. arbit. c. 18. in lib. de nat. & grat. cap. 6. & 67. in lib. de spirit. & lit. cap. 33. & 34. & n. 453. ita concludit in favorem Eminentiss. Sfondrati „ Si ergo Patres Concilii Tridentini existimantes cum Apostolo Paulo, sine fide impossibile esse placere Deo, & quemlibet hominem habere posse fidem Dei, & neminem absque propria culpa caruisse, aut carere eā, *per necessariam consequentiam inseritur, quod omnes homines habuerint & de facto habeant principium aliquod supernaturale*, per quod possint saltem eam habere, alioquin sine propria culpa eā carerent; hoc autem supernaturale principium est gratia sufficiens, puta, illuminatio, ac inspiratio ad credendum in Deum, illumque diligendum, in illumque sperandum, & ad dolendum de peccatis, quæ quidem illuminatio, ac inspiratio tripliciter accidere potuit, ac potest, vel aliquo prædicante, ut regulariter fit ex Rom. 10. Quomodo credent, quem non audierunt? Et quomodo audient sine prædicante? Tunc enim prædicante aliquo extrā, Deus, ut eum Augustino tractatu 6. in primam Johannis epistolam diximus, loquitur intrā, illuminans, ac inspirans. Alio sed speciali modo Deus sine prædicante extrā, illuminat, immittendo in alicujus infidelis intellectum cogitationem, & dubitationē de veritate suæ Religionis, & inspirando ad inquirendum de vera, & ad orandum ipsū, ut faciat cognoscere veritatem. Tertio tandem modo, qui frequentius accidit in rusticis, & idiotis, & aliis, qui prædicantem immediate nō audierunt, sed à suis majoribus, vel aliis civilioribus, aut in agendis rebus magis instructis, licet non credentibus audierunt, quod detur alia Religio, quæ ab ejus sectatoribus prædicatur ut verior, in his casibus Deus illuminat, ac inspirat, ut ea inquiretur. Quod si præfati omnes quomodocumque illuminati, ac inspirati non despiciant, seu non respuant, resistent, ac derideant illuminationes illas, ac inspirationes, ut factum legimus, & modò fieri scimus à Gentilibus, Mahometanis, Judæis, & Hæreticis ipsis Deus concederet gratiam adjuvantem, & efficacem ad inquirendam veram religionem, & successive

„ ad

ad eam amplectendam, at quia reiciunt, despiciunt, & irrident, reiciuntur à Deo, despiciuntur, & irridentur: ex pro-
 verb. 1. Act. Apost. c. 7. & 13 sibi ergò imputent, non Deo &c.
 sit ergò laus Deo virtus, & gloria in æternum, qui neminem
 vult perire, & omnibus gratiam sufficientem concedit, per
 quam habeant posse non perire,,

N O T A.

Idem illud principium tanquam Sacris Scripturis, & S. Augusti-
 ni doctrine in primis adversarium pluribus locis evertit Ange-
 licus Doctor, & aliud planè contrarium supponit, tantum enim ab-
 est, ut in quocumque peccatore gratiam saltem inchoatam, vel re-
 motam requirat, sine qua peccatum eis non imputaretur, ut potius
 expresse doceat,, Multis desse auxilium. adevitandum peccatum,
 „ quod quidem auxilium, inquit 2. 2. quest. 2. art. 5. ad 1. quibus-
 „ cumque divinitus datur, misericorditer datur, quibus autem nò
 „ datur, ex justitia non datur in pœnam præcedentis peccati, &
 „ saltem originalis peccati, ut Augustin. dicit in lib. de corrept. &
 „ grat. Vide item 1. 2. quest. 79. art. 1. & art. 3. nec non 1. par. q.
 „ 23. art. 3. ad 3.

DISPUNCTIO.

Idem respondendum est ad illud testimonium S. Thomæ, cui
 non uno tantum in loco satisfacit Eminen. Author, & maxi-
 mè pag. 168. ajens. Quod si aliquandò negat S. Thomæ quibusdam
 auxilium gratiæ necessarium dari, ut videre est 2. 2. quest. 2. art. 5.
 ad 1. (qui locus citatur à Cenfore) intelligendus est, ut supra osten-
 dimus, vel quod subindè, non verò semper, totoque vitæ tempore
 negetur, vel de auxilio gratiæ proximo ad aliquid faciendum, non
 verò de remoto, & incompleto, quò si useris, reliqua etiam necessa-
 ria adjungentur, ut idem Angelicus à nobis citatus docet de Cornelio
 Centurione, & de Barbaro in sylvis educato.

Eandem responsionem allegatæ auctoritati D. Thomæ at-
 texit Ludovicus Bail lib. de beneficio Crucis par. 3. art. 26. eamq;
 confirmat ex S. Doctore lib. 3. contra Gentes cap. 159. juncto
 Commentario Ferriarenis, & per totum articulū exponit alios
 textus Præceptoris Angelici ab Adversariis obiectos. Demum
 ad

addatur expositio illius textus Angelici adducta à doctissimo Cabrera 3. par. quæst. 62. disp. 20. art. 1. Cum D. Thomas 2. 2. q. 2. ar. 5. ad 1. fatetur, non dari quibusdam auxilium gratiæ ad „ credendum in pœnam præcedentis peccati, loquitur de auxi- „ lio necessario ad explicitè credendum articulis fidei, ut colli- „ gitur ex ipsa solutione, & ex argumento S. Thomæ „ sed non loquitur de auxilio necessario ad credendum primū „ credibile, nempe, Deum esse, & remuneratorem esse, hoc „ enim auxilium nemini negatur: sed potius omnes in univer- „ sum prævenit Deus illos, itans ad ostium, & pulsans,.

PROPOSITIO XXII.

Sine gratia orandi in statu naturæ corruptæ nulla potestas est observandæ legis divinæ. pag. 184. lin. 15.

PROPOSITIO XXIII.

Nullo peccato gratia petendi amittitur, sine qua omnem quoque libertatem tolli necesse est. ibidem lin. 20.

N O T A.

NOVUM prorsus dogma, atque hactenus in scholis catholicis indu- ditum. Certè de hac gratia orandi, quæ hic necessariè in om- nibus hominibus requiritur, ut eis peccatum imputetur, & sine qua, ut Auctor existimat, omnis libertas tolleretur, non esset gratia Chri- sti, neque ejus meritis adscribi posset. Non enim gratuita, sed ho- mini in quocumque statu posito debita esset, quemadmodum homini sanè mentis ipsa arbitrii libertas naturaliter deberetur. Undè etiamsi Christus non fuisset incarnatus, ejusmodi orandi gratia in omnibus hominibus admittenda esset, cum alioquin non essent ad pec- candum liberi, ut Auctor contendit.

Sequeretur etiam, quod non posset fides per infidelitatem, Apostasia- m, & Atheismum amitti: individuali enim nexu inter se coha- rent fides, & oratio, neque dici potest, eum, qui adhuc orandi gra- tiam retinet, à fide omnino excidisse.

DIS-

S Augustinus lib. de prædest. sanctorum cap. 11. vocat privilegium Manichæorum sumere ex eodem libro, quæ vellent, & sibi putarent conducere, cæters præterire. Hoc reatu passim involvitur Censor, qui palpum lectoribus obrudere studet, ut Sfondratum insimulet, quasi nullum agnoscat discrimen inter gratiam sufficientem proximam, & gratiam sufficientem remotam, & adstruat gratiam sufficientem proximam esse simpliciter necessariam ad hoc, ut quis dicatur posse liberè servare legem divinam, & evitare peccatum. Undè reddenda est suæ integritati prima propositio hoc modo „ Sine gratiâ saltem inchoata, „ hoc est, orandi in statu naturæ corruptæ nulla potestas est „ observandæ legis divinæ, „ Altera quoque propositio mutila, & truncata est: ita enim jacet loc. cit. „ Sicut ergo ex sententia Augustini nullo peccato, quandiu ratio viget, amittitur libertas, & potestas adimplendi legem divinam, vitandique peccati, ita nullo peccato omnis gratia sufficiens, & remota, „ hoc est, gratia petendi amittitur, sine qua omnem quoque libertatem tolli necesse est „

Utraque autem notæ pars expressa est ex Jansenio Iprensi, qui lib. 3. de Gratiâ Christi cap. 12. instat apud Stephanū Dechamps lib. 1. de hæresi Jansenianâ cap. 6. hoc ipso gratiam converti in naturam, quo omnibus communis esse fingitur, juxta illud Augustini: *Communis est omnibus natura, non gratia*. At hæc quod Calvini arma sunt adversus Catholicos ita disputantis lib. 2. inslit. cap. 3. num. 10. „ Merito Augustinus tam eos deridet, „ qui aliquas volendi partes sibi arrogant, quàm reprehendit alios, qui putant promiscuè dari omnibus, quod speciale est „ gratiæ electionis testimonium. Communis, inquit, omnibus est natura, non gratia, vitreum acumen appellans, quod „ mera vanitate splendet, ubi ad omnes generaliter extenditur, „ quod Deus, quibus vult, confert „ Quo etiam argumento Petrus Martyr in loc. comm. tit. de præd. num. 40. utitur, ut Catholicos oppugnet „ Postremò, inquit, dum isti sic gratiam „ faciunt omnibus communem, illam convertunt in naturam „ &c. „ Quoad alteram verò notæ partem spectat, Jansenius frequenter gratiam sufficientem infidelium, ut humanæ Philosophiæ, aut Pelagianæ hæresis fatum traducit, & loc. cit. cap. 11.

docet, infideles ac levissimò quidem gratiæ sufficientis rore perfundi, quia „ Ante fidem, ait, Augustinus nullam omninò „ gratiam sive efficacem, sive sufficientem ad quicquā benè operandum in infidelibus novit „ Et cap. sequenti demonstraturum se pollicetur „ Gratiā sufficientem infidelium à Semi- „ pelagianis excogitatam fuisse „ Hausta sunt hæc omnia ex Petro Martyre in loc. comm. tit. de lib arbit. num. 9. & 10. ità Catholicos aggresso „ Neque verò adversariorum nostrorum (Catholicorum) decreta longè discedunt à Pelagianis. Illi enim „ docuerunt, naturam adiutam gratiā creationis & doctrinā legis posse rectè agere, isti verò dicunt, naturam gratiā præveniente & pulsante adiutam posse bona facere, quæ Deo placeant &c. Apud Augustinum autem, qui adversus istos fortiter dimicavit, nihil est discriminis inter rectè agere absque „ gratiā, & rectè agere extra fidem Christi &c. Apparet ergò „ eos, qui aliam gratiam sibi fingunt, quàm eam, qua iustificamur, & in Christum inserimur, obtrudere nobis humanū „ commentum, vel potius Pelagianum perfugium, quod diviniæ litteræ non agnoscant „

Novum, & inauditum dogma esse, quod gratia sufficiens (quæ Sfondratus collocat in gratiā orandi imperfectè) omnibus adultis conferatur in ordine ad salutem, arbitrariè obloquitur Censor. Satis, superque sit vidisse Didacum Ruiz in tom. de prædestinat. à disp. 40. usque ad 50. ubi recenset innumeros omnis ætatis Doctores eandem doctrinam expressè tradentes, quibus addere possemus plures recentiores, ut uidere est apud Martinonum in Anti-- Jansenio disp. 23. ubi n. 37. rectè explicat, quomodò gratia sufficiens non pertinet ad naturam, quatenus debeat naturæ, vel ab eâ exigatur connaturaliter, vel quòd subtrahi nequeat salvo iudicio rationis & usu libertatis naturalis, cum sit beneficium gratuitum & ordinem naturæ transcendat, poruissetq; Deus citra ullam iniusticiam, & indecentiam relinquere homines & Angelos in statu puræ naturæ; undè ipsa gratia debetur tantum ex suppositione, quòd Deus velit ordinare creaturas racionales ad finem supernaturalem, detque illis præcepta, quæ sine auxiliis gratiæ servari non possunt, cuiusmodi sunt præcepta supernaturalia, alioquin inutilis foret hæc ordinatio, vanaque intentio, & Deus vellet fieri impossibilia; proindè communiter docent Theologi, non posse peccatum

im-

imputari carentibus sufficienti potestate illud vitandi, & neminem supplicio aut vituperatione dignum esse, qui id non faciat, quod facere non potest, quod ipso naturali lumine per se notum est „ Ut illud cantent in montibus pastores, & in theatris poetæ, & indocti in circulis, & docti in bibliothecis, & Antistites „ in sacris locis, & in Orbe terrarum genus humanum „ Ut affirmat Augustinus lib. 2. de duabus animabus cap. 11. „ Nulla que doctorum paucitas, nulla indoctorum turba in eo dis-
sentiatur „ Ut ait idem S. Pater in lib. de vera Religione cap. 14. „ Quis enim peccat in eo, quod caveri non potest „ Inquit lib. 2. contra Faustum c. 18.

Prætermittenda verò nequaquam est alia egregia doctrina, quæ difficultati ultimo loco obiectæ reponit Ludovicus Bail par. 3. de benefic. Crucis art. 14. „ Non est, inquit, communis absolutè omnibus hominibus gratia hæc sufficiens consistens in interioribus quibusdam illuminationibus, & admonitionibus secretis, quibus Deus pulsatur ad ostium cordis uniuscujusque ad vitanda peccata, & aliquid rectè operandum; nec enim infantes illam recipiunt, nec amentes, quare uno verbo describi potest prolixa illa ratiocinatio: sic D. Fulgentius lib. de incarn. & grat. Christi cap. 30. refellit Pelagianos asserentes, Deum expectare hominis voluntatem . . . Si ergo satis est unica instantia ex infantibus petita ad refellendum dogma Pelagianum, cur nobis non sufficiat ad refellendam imposturam Bajanorum, qui gratiam quandam interiorem omnibus sufficientem à nobis admitti improperant? Deinde negamus istud principium: naturale est, quod omnibus nullo excepto competit. Datur enim instantia in resurrectione omnium mortalium, quæ erit opus supernaturale, quod merito Christi omnibus conveniet. Sicut enim in Adam omnes moriuntur, sic in Christo omnes vivificabuntur, licet diversa futura sit resurgendum conditio. Sic interpretatur Theodoretus, & in Concilio Palestino, seu Diospolitano coactus est Pelagius id ipsum admittere, cum antea negaret, omne genus humanum per Christum resurgere. Unde & inferri potest, si quid commune omnibus pro corpore sit Christi sanguine acquisitum, non debere alienum à ratione videri, si quid etiam commune pro animâ omnibus Christi sanguine acquisitum sit, media, scilicet, sufficientia ad salutem. Numquid

„ enim Christus magis corpus sanavit, quam animam? Negene
 „ ergo illi articulum resurrectionis, & solis prædestinatis, idest,
 „ sibi ipsis attribuant, si hæc ratio valeat ad destruendam grati-
 „ am sufficientem, illudque præciosum Dei donum, quo capti-
 „ vitas primæva hominum soluta est, conculcent, injuriis pro-
 „ soindant interim, ac sic injuriosè Christi Sanguinem habe-
 „ ant, ut ingratitudinem Pelagii longè superare videantur: nec
 „ enim tantum est negare se beneficium accepisse, ac injuriis af-
 „ ficere. Non immeritò putamus, castissimum, ac mitissimum
 „ animarum sponsum amarum esse amariorum, ac amarissimum,
 „ ut de se ipso dixit l. 1. revelat. S. Brigittæ c. 58. cum non satis
 „ sit eum charitate sua nudare, nisi etiam adultero comparent,
 „ qui edat spurium prolem. Expeditius se se ab his ambagibus
 „ extricant aliqui Theologi ità compressius loquentes, nempè;
 „ quòd gratia sufficiens necessaria ad salutem sit quidem gratuita
 „ antecedenter, & in radice propter gratuitam elevationem ad fi-
 „ nem supernaturalem; at consequenter, & supposità hac eleva-
 „ tione sit debita.

„ Sed quoniam (subjungit post pauca idem Doctor Bail) piæ
 „ nostræ meditationes corda ista non emolliunt, quòd princi-
 „ piis Augustinianis se fuleiri putent, quæ nobis obiciunt, pro-
 „ pria ipsorum principia ipsi veriùs opponamus, nec enim ve-
 „ rè obijci potest à Bajanis, quod inter naturam, & gratiam non
 „ distinguamus, cum tam sæpè distinctionem illam, & tam ex-
 „ pressè asseramus, sed hoc ipsismet impropere potest, qui si
 „ velint permanere in suis dogmatibus, & consequenter ad sua
 „ principia philosophari, convincentur ipsi de Pelagianismo,
 „ & quòd inter naturalia, & supernaturalia sicut ipse Pelagius,
 „ non distinguant amplius, ità ut Pelagii laqueis nunquam se
 „ possint exuere. Cum autem id ex eorum Scriptorum doctrina
 „ disertè, & dilucidè demonstrarit Bail, tùm in hæc verba cō-
 „ cludit, Invenitur ergò Jansenius Pelagii socius, & cujus se
 „ debellatorem profitebatur, ejus cogitur esse propugnator,
 „ nisi à suis principiis longè velit discedere. Et jam cum ipsi
 „ sint magis Pelagiani, gloriantur se magis esse anti-Pelagia-
 „ nos.

Supereft modò satisfaciendum Cenfori obijcienti, ex doctri-
 nâ Authoris sequi, quòd tamen si Christus (puto voluisse dici
 Verbum divinum) non fuisset incarnatus, ejusmodi orandi gra-
 tia

tia in omnibus hominibus admittenda esset &c. Sed levi brachio diruitur hæc argutia. Etenim Censor, ne extra oleas vagetur, permanere debet cum Eminen. Authore in hypothesi, in qua tantum ipse procedit, videlicet, quod Deus præviso hominis lapsu adhuc voluerit omnes homines salvos fieri; in hac itaque suppositione Deus neque de potentia absoluta potuit homini lapsi auxilia sufficientia ad salutem non providere. Quoniam neque de potentia absoluta potest Deus velle finem, & nolle media ad ipsum necessaria, & sine quibus finis redditur impossibilis secus Deus posset velle impossibilia; atqui ex una parte auxilium sufficiens est medium necessarium ad salutem, & sine quo salus redditur impossibilis; ex altera parte in hac hypothesi omnes, & singuli homines sunt à Deo ad salutem voliti, igitur neque de potentia absolutâ Deus potuit omnibus, & singulis hominibus lapsis non providere auxilia sufficientia ad salutem. Quod si etiâ præviso Adæ peccato Deus decernere noluisse Divinæ Personæ incarnationem in remedium, sed voluisse benignè omnino, & liberaliter ex se culpam condonare, vel acceptare satisfactionem aliquam imperfectam, & non condignam, quam potuisset pura creatura exhibere, tunc gratia hominibus collata non esset gratia Christi, sive per Christum, sed Gratia Dei; gratia autem Christi non est specie diversa gratiâ Dei, nec perfectior intrinsecè, proinde Vasquez, Oviedus, Arriaga, Ripalda, & plures alii Theologi docent, quod Gratia ex eo præcisè, quod sit Christi seu per Christum, non confert, cæteris paribus, ad majus meritum: Quod autem gratia illa infidelibus concessa, sit verè ac propriè gratia à Christo sive Christi meritis comparata, apertissimè declarat Cardinalis Author pluribus in locis, & præcipuè pag. 48. Inquiens, „ Omnibus, & singulis hominibus ob meritum „ Salvatoris validissimas gratias ab æterno paratas, quibus humana voluntas ad malum prona in bonum flecteretur „ & pag. „ 49. „ Christum pro omnibus orasse, ac orando gratiam omnibus etiam reprobis meruisse, qua converti, salvarique facillimè possent, si vellent „ Idque efficacissimè ac invictissimè demonstrat Sfondratus ex scripturarum oraculis, & complurium SS. Patrū, maximè divinæ gratiæ præconis Augustini pag. 13. 17. 18. 26. 48. 50. 144. & seqq.

DEmum quæ fieri potest, ut hujusmodi orandi gratia locum olim habuerit in Stoicis, Epicureis, Judeis, Pelagianis? Quandoquidem Stoici cetera bona à Dijs, solam virtutem à se ipsis habere putabant, Epicurei nullam in Deo rerum humanarum curam, ac providentiam agnoscebant; Judei autem ignorantes Dei justitiam, & suam volentes constituere, nullo se auxilio Dei ad adimplendam legem indigere dicebant; Pelagiani denique liberi arbitrii viribus confisi divinæ gratiæ necessitatem tollebant. Quid de Atheis, & Libertinis, qui in corde dixerunt, Deum non esse, an etiam illis gratia orandi semper adsuit? Quid si homines hanc orandi gratiam nō habuerunt, neque de illā unquam cogitaverunt, consequens est ex mente Authoris, etiam libertate ad peccandum necessariā caruisse, adeoque nulla eis peccata à Deo ad culpam imputanda fuisse, quam consequentiam ipse Author expressè admittit hanc eādem pag. lin. 16. ubi ait, „ Quod si alicui deesse hæc gratia (orandi) posset aliquis „ esse sane mentis, qui furando, occidendo, adulterando, blasphemandoque nihil peccaret.

DISPUNCTIO.

REdeat Ludovicus Bail loco nuper laudato sic tempestivè locutus, „ Sed ad magis sedandum, inquit, furorem hunc Jā- „ senianum contra amabilem gratiam Dei, quæ omnes invitāt „ ad vitam beatam, libet iisdem verbis eos compellare, quibus „ Jonam Prophetam quondam Deus mitigavit, cum affligeretur „ ob misericordiam universalem ad Civitatem Ninives imper- „ titam, in qua etiam, ut putat Paulus Palatius commentariis „ in Prophetas Minores, Sardanapalus Rex erat, qui gratiam „ Dei confecturus est, & remissionem peccatorum. Exarscens „ te enim hederā, cujus foliis ab ardore Solis servabatur Jonas, „ ex quo ille incommodum sentiens magis doluit, & iracundiā „ efferbuit, ut etiam cum morte vitam commutare desideraret. „ Tunc dicit Deus ad Jonā: Putasne benè irasceris tu super bedera, & dixit, benè irascor ego usque ad mortem, & dixit Dominus, tu doles super bedera, in qua non laborasti, neque fecisti, ut cresceret. Quæ sub unā nocte nata est, sub unā nocte periit. Et ego non parca Ninive civitati magnæ, in qua sunt plusquam centum viginti mil-

*millia hominum, qui nesciunt, quid sis in dextera, & sinistra
 suam, & jumenta multa.* „ Hæc tunc Deus ad Prophetam iracū-
 „ diorem, quæ ego ad Jansenii interpretem non minus apertè di-
 „ xerim, qui tanto iræ impetu contra Dei gratiam incensus est,
 „ qua universo Orbi magnæ veluti civitati benignitatem suæ
 „ misericordiæ impendit, ut homines à morte peccati, & ruinâ
 „ primi parentis educat, *putasne benè irasceris tu?* Si equus tu-
 „ us in oculo, vel pede læsus sit, tu doles, & vis, eum sanum esse,
 „ & non potes audire, velle Deum, universos homines salvos
 „ esse, sed gratiam, qua primùm illorum saluti studet, injuriis
 „ laceras. Comprime, quæto, illos ætus, & disce, te Deum
 „ habere patientissimum, benignissimum, & qui prius miseri-
 „ cordiam, quàm justitiam exhibeat. „ Hactenus Bail, qui toto
 „ articulo 31. ex libris veteris testamenti probat, „ Traditionem
 „ gratiæ sufficientis ferè ab ipso mundi exordio inchoatam, &
 „ ex illo tempore, in quo in Adamo viciatum est genus huma-
 „ num, ut loquitur D. Augustinus epist. 157. ad nostrum ævum
 „ prorogatum esse, ut non omnes veteris testamenti filii gratiæ
 „ prorsus ignari dici debeant, licet illius plures fuerint contē-
 „ ptores. „ Et limine hujus articuli fatur, „ Quod impugnato-
 „ rum gratiæ sufficientis antistes Jansenius Iprensis in titulo ca-
 „ pituli 8. lib. 3. tom. 1. ait, statum veteris testamenti figurivum,
 „ & propheticum non attulisse Judæis gratiam sufficientem, sed
 „ potiùs impediendam, „

Idem ferè habet Bernardus Guyard lib. 1. per totum articulū
 nonum, in quo graviter conqueritur „ Quod Jansenius non
 „ proponit nobis Deum misericordem, sed ferocem, sanguino-
 „ lentum, crudelem, & his adhuc aliquid pejus, & quod toto
 „ ferè libro octavo de Gratiâ Christi Salvatoris, & maxime cap.
 „ 2. 3. 4. 5. 6. 7. 8. 9. non solum super omnes scholasticos, sed &
 „ suprà S. Thomam, nec non Apostolos jam sacro Christi Col-
 „ legio aggregatos petulantia intolerabili spumam suam audet
 „ spargere Deum in ore suo gladium, ut aliàs vidit
 „ Propheta, deferentem ostendit in veteri lege omnibus, dem-
 „ ptis paucissimis, gratiam ad implenda præcepta sufficientem,
 „ derogantem, eo scopo hanc legem condidisse, ut clamarent
 „ sine auxilio, vellent sine adjutorio, dolerent sine remedio. „
 Non solum autem infidelibus, sed etiam Judæis gratiam suffi-
 cientem Jansenius eripuit lib. 3. de grat. Christi cap. 4. 5. 6. &
 seq.

seq. eamq. cum legis Mosaicæ scopo pugnare contendit in hæc verba relata à Stephano Dechamps lib. 1. de hæresi Jansenianâ cap. 6. „ Augustinus legem & præcepta idcirco superbis hominibus lata esse, & plerumq. dari docet, ut agnoscant se ad legem implendam non sufficere, sed multitudine prævaricationum confusi ac territi ipsaq. confusione ac timore humiliati di-, scant ad gratiam, quam non habent, implorandam fugere „ Cumq; ex pluribus S. Augustini testimoniis evicit, legem esse datam, ut nos doceret ad gratiam confugere, inde colligit, sufficientem gratiam iis defuisse, qui sub lege vivebant „ Non solum, inquit cap. 5. non dabatur illis gratia sufficiens implendi, quod jubebatur, multo minus gratia sufficiens ad salutem, sed è contrario talis gratia lationi legis ac scopo Dei capitaliter repugnabat „ Sic Calviniani contra Rem. in specim. Amstelart. 57. apud eundem Dechamps loc cit. decernunt „ Judi-, cæi, quibus Christus prædicabat, non poterant se convertere & credere, nunquam etiam ipsis sufficiens gratia data est, qua ad conversionem & salutem pertingerent „ Prævitq; ipse Calvinus lib. 2. Institut. cap. 5. num. 6. & 7. ex cap. 7. num. 8.

Cæterum in disputationibus præcedentium notarum abundè consimilibus instantiis satisfactum est, iis enim ad summum probatur, Deum actu non conferre omnibus hominibus auxilia proximè sufficientia ad orandum perfectè pro impetrandâ gratiâ necessariâ ad exequendum præceptum; ad hoc liquidem, ut eruditissimus Author Dissertationis de sublata calumniâ Janseniani erroris cap. 2. §. 2. scribit, concurrere debent notitia præcepti, desiderium ejusdem faciendi, ac judicium practicum propriæ infirmitatis, & si homo formet judicium practicum prorsus oppositum, nempe, judicet, se posse sine ulteriori Dei auxilio mandatum implere, ponit obicem orationi faciendæ, nec est in potentiâ proximâ ad orandum, quam tùm primum recipiet, cum erroneum illud judicium deponet: sic Pelagiani putabant, eâ Dei gratiâ, quam Catholica Ecclesia docet, evergiliberum arbitrium, ac omnium virtutum merita suffocari, & hoc erroneo judicio obcæcati non erant in potentiâ proximâ ad orandum pro impetranda gratia ad exequenda præcepta. Id ipsum pluribi confitetur Sfondratus, & præcipuè pag. 165. scribens „ Pelagianos asseruisse, hominem viribus naturæ, pro-

„ priæque voluntatis petere, pulsare, quærere, velle, & sic à
 „ Deo, & gratiam, & gloriam obtinere „ Et post relatum egre-
 „ gium Testimonium S. Augustini lib. 4. contra Julianum cap. 8.
 „ subiungit „ Pelagius dixerat, ideò hominem salvari, aut non
 „ salvari, quia in ejus potestate, liberoque arbitrio est velle,
 „ aut nolle, orare, vel non orare, pulsare, vel non pulsare &c.
 „ & ideo iis gratiam dari, qui volendo meruerunt, non dari,
 „ qui nolendo demeruerunt, quæ planè falsissima sunt, & me-
 „ ritò ab Augustino, omnibusque Catholicis damnata: nemi-
 „ ni enim prius merenti gratia datur, cum sit ipsa principium
 „ meriti & quampluribus non merentibus data sit, ut in Paulo,
 „ Magdalenà, Gentilibus, aliisque patuit „ Undè Eminentiss.
 „ Author pag. 96. primam, & præcipuam causam obdurationis
 „ Judæorum refundit in eorum voluntatem, quòd, inquit, „ Nol-
 „ lent credere, quodque meruerint, ut indurarentur, hoc est,
 „ ut à Deo defererentur, meruerint, inquam, quia operibus
 „ legis, & superbiâ tumidi nollent fidei subiecti esse, nollent
 „ in Mediatorem, & Salvatorem credere. Quòd verò id nol-
 „ lent, imò non possent, id non ex gratiæ defectu, divinaque
 „ voluntate (Cum mutari utique in melius possent, quæ pote-
 „ stas à gratia erat) sed ex eorum malitiâ provenisse, quæ quandiù
 „ talia saperent, *in sensu composito*, ut Theologi loquuntur,
 „ credere non poterant, sicut quandiù oculos aliquis claudit,
 „ non potest videre, quòd igitur non possent credere culpæ
 „ ipsorum fuisse „

„ Istud deduxerat Sfondratus ex textu S. Augustini relato à lau-
 „ dato Authore loco citato præfatæ dissertationis, nempè ex tract.
 „ 53. in Johann. ubi inter alia leguntur hæc verba, „ Hinc, & illi
 „ non poterant credere non quia mutari in melius homines nō
 „ possunt, sed quandiù talia sapiunt, non possunt credere: Hinc
 „ excæcantur, & indurantur, quia negando divinum adiutoriū,
 „ non adjuvantur &c., proindè meritò subdit, „ Hic planè Au-
 „ gustinus clarissimè simul, & elegantissimè mentem suam ex-
 „ posuit, nec credo, in omnibus Augustini operibus luculen-
 „ tius testimonium esse „ ex iisdem etiam Augustini verbis pa-
 „ riter infert doctissimus Author prælibatæ dissertationis: ex ma-
 „ gni Doctoris sententia, ait, q̄ui putant suis tantùm viribus
 „ sine Dei adiutorio posse servare mandata, *quousque talia sapi-*
 „ „ unt, potentiam proximam ad orandum pro impetrando adiu-

„torio non habent, quam tùm primum recipient, cum erro-
 „neum illud iudicium deponent. Ita passim Theologi tradunt
 „&c. „ Eodè quoque refertur, quod pag. præcedenti 93. ex
 pluribus conglobatis testimoniis sacræ scripturæ etiam secundū
 textum Hebraicum, & S. Augustini disertissimè, & validissimè
 ostendit Eminentiss. Author de obduratione Pharaonis. Ex
 hac Cardinalis Sfondrati doctrinā dissipantur omnes instantiæ
 Censoris non solum de Pelagianis, & Judæis, sed etiam de sto-
 icis, & Epicureis, Atheis, & Libertinis, quæ sanè solvendæ
 etiam sunt ab innumeris omnis ætatis Theologis docentibus, à
 Deo de factò conferri omnibus prorsus hominibus auxilia gra-
 tiæ sufficientis consistentis vel in gratia orandi, vel in illustra-
 tionibus & piis motibus supernaturalibus intellectus, & volun-
 tatis. Profectò prima, & præcipua causa obdurationis, & im-
 potentiae proximæ ad orandum in omnibus illis sectis refundē-
 da est in eorum voluntatem, qua meruerint, ut indurarentur,
 hoc est, ut à Deo defererentur, quia Stoici cætera bona à Diis,
 solum virtutem à se ipsis haberi volebant; Epicurei agnoscere
 nolebant in Deo rerum humanarum curam, & providentiam;
 Athei, & Libertini dicere voluerunt in corde suo: non est De-
 us. Quòd vero illi his deterrimis erroribus laborarent, id non
 ex gratiæ defectu, divinaque voluntate, (cum mutari utique in
 melius potuissent, quæ potestas à gratia erat) sed ex eorundem
 malitia proveniebat, qui quandiu talia saperent in sensu com-
 posito orare, & credere non poterant, sicut quamdiu oculos ali-
 quis claudit, non potest videre, quod igitur non potuerint illi
 orare, & credere, culpæ ipsorum fuit.

Tempestivè adnotat Bail par. 3. de beneficio Crucis art. 32.
 quòd Apologista Jansenii destructionem communissimæ senten-
 tiæ de gratia sufficienti omnibus hominibus impertita inferre
 evidenter se jactat ex hoc, quod nequissimi homines non senti-
 unt, nec experiuntur, se illuminari, ac pio tangi desiderio, dum
 in scelera ruunt præcipientes. Hujusmodi ostentationem pluribus
 copiosè refellit Bail reponens, quoslibet etiam depravatissimos
 non carere piis istis cogitationibus ac affectionibus, & si illas in
 seipsis non experiantur, quia non reflectunt se super se; idq;
 exemplificat in hominibus, qui operationem custodiæ Angeli-
 cæ non sentiunt juxta hanc doctrinam S. Bonaventuræ in 2. dist.
 11. art. 2. q. 1. dicentis, credendum esse, quòd multis modis

An-

Angeli, qui nos custodiunt, & studeant promovere ad bonum, & studeant retrahere à malo, quamvis hoc non percipiat hebetudo spiritus nostri, propter quod multi superbiunt, multi sunt ingrati, & frequenter sibi attribuunt, quod est ex beneficio Angelico &c. Deindè irà ad hominem contrà Jansenium argumētatur idem Bail „ Probi homines, ait, gratia medicinali, quam solam pro efficaci gratia admittit Iprensis, non sunt privati, & si non sentiant delectationem calicis immissam, in qua illam totam constituit, dum benè quidpiam operantur. Namq; & mysticorum Theologorum doctrina est, qui penitus res spirituales discutunt, perfectissimas animas vix suos actus se reflectere, imò & hanc reflexionem quamdam esse in vita Eminentiori spirituali speciem imperfectionis, qua anima à Deo unice dilecto avertit se, dum actui suo creato inspiciendo incumbit. Sic quippè delicata est eminentioris vitæ spiritualis perfectio, ut distractionem reputet hanc introversionem, qua aliud, quam Deum ipsum respicit. Et tamen cælestes illæ animæ inter cæteras gratiâ Christi abundant etiâ inter ipsas sterilitates, quibus omni solatio sic sibi destitutæ apparent, ut cum Christo moriente exclament gemebundæ: *Deus Deus meus ut quid me dereliquisti*. Si igitur invalida est consequutio, quod probæ animæ gratia medicinali careant, quia non experiuntur suavitatem cælestem, in qua illa sita sit tota, ut putant, & iners erit illa ratiocinatio, qua similiter concludunt, flagitiosorum maximum carere sufficienti gratiâ, quia non sentiunt se illuminari, aut moveri ad bonum.

Post hæc Bail se ad Jansenianos convertit his verbis „ Si pertinacius illi contendat, se experiri cælestem illam delectationem omni concupiscentiarum delectatione majorem in omnibus operibus bonis, hoc inter prætenſa eorum privilegia numerabimus, quod adeò felices sint horum dogmatum sectatores, non solum quod nunquam gratiæ Spiritus Sancti resistent, quod ut Filii Dei agantur, quod in illis nunquam Dei gratia vacua sit. Non solum, quod si forſan peccaverint, statim excusationem paratam habeant, mandatum Dei sibi fuisse impossibile, ut qui gratiam suam medicinalem non haberent, qua vinceretur insuperabiliter concupiscentia. Non solum, quod vix pro aliis à se, Christus Sanguinem fuderit,

„ cum à se diffidentes Pelagiani sint , aut ad minus Semi - Pela-
 „ giani , idest , hæretici , qui nequaquam à massa perditionis se-
 „ gregati dici possunt , sicut ipsi , qui orthodoxi sunt . Sed etiã
 „ quod suavitatem quandam cælestem in omni bono opere ha-
 „ beant & sentiant , in qua ex hac vita prægustant delicias vitæ
 „ cælestis . Atq; hæc sola sit Christi gratia , nam si quidpiam
 „ agatur ex motivo timoris aut doloris , aut alterius cuiuspiam à
 „ dulcedine illa & delectatione distincti , ex gratia non fit , nec
 „ verè bonum dici potest .

Oppositum planè contestatus est Cornelius Mussus in con-
 cione habita coram Pio IV. Pontifice Maximo de admirabili Gē-
 tium vocatione „ Super omnia mirabilia , inquit , mirabilissi-
 „ mus est modus , quò Dominus negotiatur & tractat dextrè sa-
 „ lutem peccatorum , non dico , hominum communium , sed
 „ gentium immundarum , & incircuncisarum , Chananæorum ,
 „ Samaritanorum , Scytharum , Thracum , Aphrorum , Roma-
 „ norum , Græcorum , Barbarorum , omnium Idololatrarum ,
 „ omnium impiorum , omnium Atheorum , omniumq; eorum ,
 „ qui non cognoscunt Deum , & non habent ritus ac ceremo-
 „ nias , vivuntq; absq; aliqua sua lege præter naturalem „ (&
 „ paulo post) „ Effundit Dominus maximam copiam aquarum
 „ suarum , & inundat illam terram prius desertam , sterilem sa-
 „ mariae , ut eam diffundat ad omnes gentes &c. Non est ità cõ-
 „ munis sol , nec tam generalis ros & pluvia , sicut est omnibus
 „ patens gratia Dei per Jesum Christum „

Quamobrem cohærenter ad ista Sfondratus negat pag. 159.
 hominibus „ *Gratiam abesse saltem incompletam , & remotam ,*
 „ *qua maiorem , & proximam consequi possint* , & pag. 163. cum
 „ S. Augustino docet , quòd sicut certum est , non omnes esse
 „ christianos , ita certum est , non omnes gratiam immediatam ,
 „ & proximam habere , qua sint christiani , habere tamen gra-
 „ tiam illam remotam , mediatam , & incompletam , qua si ute-
 „ rentur , christiani fierent „ Ast in hujus Theologici asserti
 comprobationem alios eximios Theologos in idem conspiran-
 tes audiamus Chorum ducat Didacus Alvarez ex sapientissi-
 mo Ordine Prædicatorum disput. 112. n. 5. ubi ponit hanc the-
 „ sis „ Deus omnibus tribuit pro loco , & tempore auxilium su-
 „ per naturale intrinsecum , & sufficiens ad implenda præcepta
 „ naturalia , quæ supposito præcepto impleri non possunt ex

„ solis viribus naturæ & intelligitur conclusio, de
 „ facto omnes recipere hujusmodi auxilium sufficiens saltem
 „ pro loco, & tempore, quo obligat hujusmodi præceptum,
 „ aliàs transgressio illius præcepti non imputaretur hominibus
 „ ad culpam, cum nullus peccet in eo, quod vitare non potest „
 Item disputat. 71. num. 2. docuerat „ Si illi omnes qui non cõ-
 „ vertuntur, & salvantur, non habeant gratiam verè sufficien-
 „ tem, quæ tribuit posse, omnes illi converti, piè operari,
 „ vel salvari non possent, & ita non imputaretur eis ad culpam,
 „ quod non converterentur, nec adimplerent divina mandata
 „ & consequenter Deus irrationabiliter conquereretur de il-
 „ lis, & sine causa eos increparet, quod tamen sacrarum litera-
 „ rum testimoniis videtur repugnare „

Franciscus Vermelius antiquus Professor Duacensis Ordin.
 Prædic. 1. part. tract. 9. disp. 6. astruit duplicem hanc conclu-
 sionem: Dico 4. Deus confert omnibus adultis auxilia sufficien-
 „ tia, sine quibus non stat mandatorum observatio pro tempo-
 „ re, & occasione, qua talis urget observantia, nam. deus vult
 „ omnes homines salvos fieri, ut habet Paulus 1. ad Timoth. 2.
 „ sed talis voluntas esset omninò inanis, & superflua in Deo,
 „ nisi tribueret hominibus auxilia sufficientia ad salutem etiam
 „ intrinseca . . . quia ut obligatio alicujus præcepti urgeat,
 „ homoque teneatur ad ejus observantiam, requiritur potestas
 „ adimplendi, impossibile enim nulla est obligatio, ut dicit
 „ regula juris, & peccati reum teneri quemquam, quia non fa-
 „ cit quod facere non potuit summæ iniquitatis est, & infantiæ,
 „ inquit Augustin. tom. 6. de duabus animabus cap. 12. sed ab-
 „ sque auxilio sufficienti non est in homine potestas ad manda-
 „ torum observantiam, ergo quotiescumque instat, & urget
 „ obligatio præcepti, confert Deus præfata auxilia sufficien-
 „ tia „ Altera verò conclusio hujusmodi est „ Dico 6. nullus
 „ quantumcumque obduratus datur, qui non possit implere
 „ mandata, & salvari, ac consequenter, qui non recipiat auxi-
 „ lium sufficiens, aliàs non peccaret, & commodum reporta-
 „ ret ex obduratione sua, cum tamen constet, etiam maximè
 „ obduratos peccare &c. „ & pro hac veritate ait, adesse gene-
 rales scripturæ locutiones.

Bartholomæus Medina Ordin. Prædic. 1. 2. q. 109, art. 10.
 eandem premit orbitam ajens: „ Deus geminum donum suæ gra-

„ tiæ

„tiæ conferre solet peccatoribus, alterum, quo possunt respicere, & salvari, & hoc donum universis hominibus confert, &c. Alterum est auxilium efficax, quo homo efficaciter convertitur, & salvatur, & hoc universis hominibus, qui pereunt, licet non conferat, non tamen propriè negat, nam est paratus conferre, si homines non contradicant, & resistent.

Johannes Puteanus Augustinianus Tolosæ primarius Regius Theologiæ Professor loco infra citando in propositione 32. statuit hanc thesim: „Nullus planè datur, etiam si agat in abditissimis, & remotissimis partibus terræ, in quibus nihil hætenùs auditum fuit de Evangelio, qui non habeat gratiam sufficientem, per quam potest salutem propriam perficere, si vult.

Concinit Petrus de Comitibus Augustinianus disp. 7. de Prædestin. art. 4. docens, „Quod quisque in quolibet statu, & tempore tenetur fervare divina præcepta, ergò habet sufficientiã ad hoc, aliter Deus præciperet illi impossibilia, quod repugnat Tridentino, sed non haberet sufficientiam ad observationem divinorum præceptorum, nisi haberet à Deo suum adiutorium, ut docet Tridentinum sess. 6. can. 3. ergò in quocumque statu habetur gratia sufficiens, aliter daretur importentia etiam ad malum ex defectu virium sufficientiæ ad bonum, quod est erroneum, eo quia inobservantia mandatorum non esset mala, „Quod autem spectat ad gratiam orandi, quæ debeat præsupponere fidem, & ad auxilia gratiæ sufficientis collata infidelibus, jam supra uberius satisfactum est.

Hinc dignoscat Censor, quàm rationabiliter ex Augustino hanc propositionem iniquè ab ipso profectissimè Author intulerit, videlicet, „Aut ergò ex mente Augustini nemini deest hæc gratia saltem inchoata, hoc est, orandi, aut si alicui deest, erit aliquis sanæ mentis, qui furando, occidendo, adulterando, blasphemandoque nihil peccabit, *quod absurdissimum est.* „Hoc ultimum verbum fuit à Censore abscissum, ut exinde immane flagitium Sfondrato inpingeretur. Quare disputationem hanc absolvat Episcopus Leouvardiensis alibi laudatus in cap. de obduratione. „Hominibus etiam perditissimis, inquit, quãdiù rationis sunt compotes, boni facultas non adimitur, quin semper in Domino possunt oculos levare in Cælum, & necessarium auxilium impetrare.

De-

De Gratia sufficienti, & efficaci.

PROPOSITIO XXIV.

Quod Nabuchodonosor, non Pharaon punientem Deum agnoverit, id juxta August. lib. de Prædest. & Grat. non ad Dei præscientiam referendum est, non ad disparem causam, non ad conditionem, & dignitatem inæqualē, non ad defectum externæ vocationis, sed ad solum, merumque arbitrium; pag. 36. lin. 9.

N O T A.

Librum de Prædestinatione, & Gratia non esse Augustini, jam pridem in recensendis ejus operibus notarunt Doctores Lovanienses, & confirmat Bellarminus lib. de Scriptoribus Ecclesiasticis, ubi observat hunc librum discrepare à præfati, & à doctrina S. Augustini, atque adeò neque à Beda, neque ab alio veteri testimonium habere. De eodem libro sic loquitur Dionysius Petavius tom. 1. dogm. theol. cap. 14. n. 15. Libellus iste non est Augustini, sed imperiti cujusdam, qui meritò se cum Afinà Balaam comparat, ut valdè mirer ab ullo, qui quidem legerit, pro Augustiniano referri.

DISPUNCTIO.

Liber de prædestinat. & gratia, quamvis à Scriptoribus insinuatis in nota Censoris attribuat Authori suspecti nominis, nihilominus ab aliis Docteuribus æquiore subit sententiam. Sirmondus, quod nomen non tam est hominis, quàm eruditionis, teste Natali Alexandro cap. 4. in histor. eccles. sæculi 5. art. 3. §. 7. asseruit librum de prædestin. & gratia S. Fulgentio in editione Parisiensi opusculorum ipsius ann. 1613. & idē Natalis cap. 4. art. 4. num. 18. in histor. eccles. sæculi 6. addit Theophilum Rajnaudum in censurâ inofficiosæ censuræ. Ruiz disp. 45. de prædestinat. sect. 4. num. 3. profiteretur, quod, Idem liber de prædest. & grat. vel est Augustini, vel magnâ ex parte Augustini sententiam sequitur, & magnam autoritatem habet apud

„ apud Theologos, ut constat ex frequenti illius citatione, &
 „ præsertim ex cap. 15. *cujus auctoritate nituntur plurimi Scho-*
 „ *lastici.* Et reapse ex eodem cap. 15. Augustini suffragium
 pro suâ sententiâ deprompsit Sfondratus imitatus in hoc, teste
 Ruizio, plurimos Scholasticos, quibus adjungendi sunt Emin.
 de Lauræa opusc. 3. de gratiis actualibus cap. 22. Petrus de Co-
 mitibus Augustinianus disput. 7. de prædest. art. 4. & Ludovicus
 Bail de beneficio Crucis par. 3. art. 16. Sed quid dicet Censor, si
 ostendero, in hoc eodem volumine Eminent. Authorem sub-
 odoratum fuisse dubiam auctoritatē libri de prædestinat. & grat.
 Arrigat, quæso, aures ad hos clarissima voces ex pag 177. *In que*
verba, inquit S. Augustinus de prædestinat. & grat. cap. 14. de cu-
jus libri dubia auctoritate jam alibi dictum. Si Censor non alie-
 nis oculis, nec conspicillis passionum fuligine tinctis librum
 Eminent. Cardinalis perlustrasset, non tanta temeritate tragæ-
 dias in sapientissimum Authorem Vaticani Senatus Sidus præ-
 fulgidissimum excitasset. Porro Matrius de Meldula disp. 5. de
 prædest. quæst. 1. art. 3. num. 40. ex lib. de prædest. & grat. cap.
 13. & 15. instituit comparationem inter Nabuchodonosorum,
 & Pharaonem. Idem peregerunt Ruiz loc. cit. ac Benedictus
 Pererius insignis Sacrarum Scripturarum interpres in cap. 11.
 Exodi disp. 5. n. 33.

N O T A.

Certè quisquis asserit inter Nabuchodonosorum humiliatum, ac
 penitentem, & Pharaonem induratum, & rebellem, hoc est,
 inter quoslibet bonos, & malos solum, merumque discernere arbi-
 trium, primum Deo Paulo interroganti, quis te discernit? con-
 tradicit, deindè Augustino repugnat, qui hunc errorem in omnibus
 suis libris adversus Pelagianos, & Semipelagianos, ac nominatim
 in lib. de prædestinat. Sanctorum cap. 5. funditus evertit.

DISPUNCTIO.

Quorumnam artificium Scriptorum redoleat dimidiatos, &
 interpolatos Authorum textus asserre, Patres, & Docto-
 res frequenter insinuant, & detestantur, præclaris hisce artibus
 adversus Cardinalem Sfondratum dimicat Censor, qui isthæc
 verba

verba in loc. cit. existentia subticuit „ Quamvis enim deferue-
 „ rit Deus Pharaonem, id iusto iudicio factum, Deo quidem
 „ permittente, ut pro sua libertate caderet, non ideo tamen, ne
 „ caderet, gratiam, & auxilium subtrahente „ Ex his verbis
 „ optimè perspicitur, quam arbitraria sit illatio Sfondrato impa-
 „ cta, quòd inter pœnitentem, & obduratum seu inter bonos, &
 „ malos solum, merumque discernat arbitrium. Debuisset poti-
 „ us Censor attendere verba S. Augustini, si non ex lib. de præ-
 „ destin. & grat. saltem ex lib. de Civit. Dei tanquam genuino fœ-
 „ tu S. Doctoris, nec non testimonia S. Thomæ, & Dominici
 „ Soto in paginis proximè sequentibus 137. & 138. producta, ex
 „ quibus legitimè infertur conclusio à Sfondrato conscripta, non
 „ ea à Notatore conficta. Hoc autem argumento gratiam sufficiën-
 „ tem à Jansenio oppugnari, scribit Dechamps lib. 1. de hæresi Jā-
 „ seniana disput. 8. cap. 6. nu. 3. „ Jansenius, positâ gratiâ suf-
 „ ficienti, sequitur, inquit lib. 3. de grat. Christi cap. 1. homi-
 „ nem posse se ipsum ab aliis suæ voluntatis libertate discernere,
 „ re, atq; ita contrâ Apostolum gloriari dicentem &c. Nam
 „ talis gratiæ adiutorium non discernit bonos à malis, sed com-
 „ mune est bonis, & malis. Hæc autem omnia non solum do-
 „ ctrinæ S. Augustini, sed & scripturis sacris adversantur. Ex-
 „ pressum istud est, pergit Dechamps ex Petro Martyre in loc.
 „ commun. tit. de prædest. n. 41 & Davide Paræo lib. 2. de grat.
 „ & lib. arbit. cap. 7. pag. 287. Primus habet: Positâ illâ gratiâ
 „ universali, nemo eligeretur à Deo, imò nos eum eligeremus,
 „ oblatam ejus gratiam recipiendo & essemus electionis Dei fi-
 „ guli, non ab ipso fingeremur. Alter verò sic urget: Si omni-
 „ bus daretur sufficiens auxilium ad salutem, discretio fidelis ab
 „ infideli tota penderet à libero arbitrio. Ipse enim esset fide-
 „ lis, qui auxilio cooperari vellet, ille maneret infidelis, qui
 „ eidem auxilio cooperari nollit. Vel me tacente, subjungit
 „ Dechamps, observare quilibet potest, hîc paucis comprehen-
 „ di vim omnem argumenti illius, quod adversus gratiam suffi-
 „ cientem validissimum esse Janseniani arbitrantur „
 „ Quàm contraria autem sit menti Authoris, ejusque doctrinæ
 „ illatio Censoris, perpendatur expositio illius Textus Paulini.
 „ *Quis autem se discernit?* in pag. 112. ubi „ Duplicem discre-
 „ tionem statuit, unam, quæ fit viribus naturæ ab Apostolo in
 „ loco indicato damnatam, aliam, quæ fit viribus gratiæ, non

„ quidem excludendo hominis voluntatem , sed gratiam , &
 „ voluntatem includendo „ Et hanc scriptor probat duplici
 locupletissimo testimonio S. Augustini , & exindè concludit
 „ Laus tota operis non voluntatis , sed gratiæ est , quia , ut vo-
 „ luntas bene operetur , non à se , sed à gratia habet „ Immo
 hæc pulcherrima ibidem subjungit . Quod sit tamen omninò ve-
 „ lis , nihil humanam voluntatem ad discretionem Reprobi,
 „ Electique conferre , id quoque verum erit : quidquid enim
 „ in opere aliquo est , quod ad ordinem supernaturalem perti-
 „ net , quodque æternam vitam meretur , id totum , unicèque
 „ à gratia est , nihil præter naturalia conferente voluntate ; na-
 „ turalia verò , qualia sunt esse actum liberum , esse vitalem , tam
 „ nullam ad æternam vitam obrinendam proportionem habēt ,
 „ quam nullam habent ad Regnum promerendum terram cole-
 „ re , aut hortum rigare . Et hac ratione verum est , quamvis
 „ inter duos æquali gratia instructos unus velit , alter nolit ,
 „ eum , qui vult , non voluntate sua , sed gratiâ discerni , quia
 „ voluntas , ut voluntas nihil habet dignum vitâ æternâ , at ni-
 „ hil non est causa discernendi „ Quid autem concinnius dici
 poterat juxta orthodoxas regulas , & præscriptum S. Augustini ,
 aliorumque Patrum .

Testimoniis verò ab Eminentiss. Scriptore productis super-
 addatur hoc aliud Alvaris Resp. l. 3. c. 5. n. 9. quo conversio
 peccatoris tribuitur gratiæ , non conversio voluntati creatæ ,
 adeò ut dici possit , quòd Pharaò discernatur à Nabuchodonoso-
 fore per solum , merumque arbitrium , Nabuchodonosor verò
 discernatur à Pharaone per gratiam „ Cum inquiritur ratio , in-
 „ quit Alvarez , propter quam detur auxilium efficax illi , qui
 „ convertitur , vel salvatur , fit ultima resolutio ad merum be-
 „ neplacitum divinæ voluntatis , & ibi sistitur juxta illud Mat-
 „ th. II. *Ita Pater , quoniam sic fuit placitum ante te* . Cum autem
 „ requiritur ratio , quare ille non convertitur , nec recipit au-
 „ xilium efficax , fit resolutio in defectum voluntatis ejus , quæ
 „ cum posset per auxilium sufficiens converti , noluit converti ,
 „ sed in peccato persistere , & ratio discriminis est , quia ut 1.2.
 „ q. 11. ar. 3. ad 2. dicit S. Thomas , defectus gratiæ prima cau-
 „ sa est ex nobis , sed collationis gratiæ prima causa est à Deo „

Non hîc solum, sed pluribus aliis locis Author sub nomine Augustini libros falsò illi adscriptos citat, ut pag. 31. & pag. 50. Responsû Augustini ad articulos sibi falsò impositos, qui liber nò est Augustini, sed Prosperi, cum inter ejus opera diversò licèt titulo reperiatur; pag. 118. librum de fide ad Petrum, quem esse S. Fulgensii omnes conveniunt; pag. 181. librum de dogmatibus ecclesiasticis, qui absque dubio est Gennadii Massiliensis Semipelagianorum partibus addicti; sanè quisq; in citandis Augustini operibus aberrat, ostendit, se in ejus sectione non ita versatum esse, ut sperare potuerit, se ex ejus doctrinâ nodum prædestinationis explicaturum, quemadmodum Author in ipso libri titulo se facturum spâdet; si tamen hæc tituli verba ejus sunt, & non alienâ manu, dum opus typis ederetur, supposita.

DISPUNCTIO.

QUoad *jurisdicta* seu *audientia* operum S. Augustini præfandum est cum Eminentiss. Cardinali de Lauræa in prologo ad tria opuscula Theologica Romę edita anno 1687. „ Sci- „ as, inquit, amice Lector, quòd in his opusculis citavi inter- „ dum pro S. Augustino libros aliquos, qui post duodecim sæ- „ cula à morte S. Doctoris negantur esse illius opera, & dicun- „ tur esse respectivè discipulorum S. Augustini, at continere „ doctrinas S. Augustini menti conformes, eorum seriem mox „ referam. Fateor benigne Lector, me nolle contendere cum „ ejusmodi antiquitatis Cenforibus, qui eo nituntur funda- „ mento, quòd de eis S. Doctor in suis retractationibus men- „ tionem non fecerit, sicut de cæteris fecit, sed cum juxta Apo- „ stoli documentum Rom. 1. sapientibus, & insipientibus de- „ bitor sim, rationem reddam, cur eos pro S. Augustino cita- „ verim, ejusdemque libros esse crediderim, salvâ moderno- „ rum Cenforum pace, quibus detrahare non intendo „ Exponit deindè Purpuratus Pater rationem, cur us fuerit editione Basileensi Operum S. Augustini anno 1506 adornatâ à Cōrado Leontorio Mulbrunensi Ordinis Cisterciensis, quem ex Possævino, & ejusdem Ordinis Chronicis Virum Religiosum, doctissimum, ac gestorum S. Augustini peritissimum nuncupat;

„ Cujus attestations, inquit, utpotè antiquæ credidi tanquam
 „ veraci, memor documenti Spiritus Sancti Ecclesiast. c. 11.
 „ Non te prætereant narratio seniorum, ipsi enim didicerunt à
 „ Patribus suis, quoniam ab ipsis discas intellectum, & in tem-
 „ pore necessitatis dare responsum. Hic autem Religiosus fra-
 „ ter Conradus senior est, quia de anno 1506. vivebat, & scri-
 „ bebat. Ergo potui, & debui credere. „ Subneſcit deinde in-
 „ diculum librorum, de quibus ait „ Est quæſtio, nimirum 1. li-
 „ ber de mirabilibus sacræ scripturæ, lib. de prædestin. & grat.
 „ liber de fide ad Petrum, liber de cognitione veræ vitæ, liber
 „ de ſalutaribus documentis, liber de ſpiritu, & anima, liber
 „ Hypognoſticon contra Pelagianos „ liber de Ecclesiast. dog-
 „ matibus.

Hanc autem recentium Criticorum ſedulitatem Cardinali Sfondrato minimè ignotam fuiſſe compertiſſimum eſt ex pluri-
 bus voluminis hujus locis, præcipuè ex pag. 35. ubi meminit
 de criterio eruditorum in editione Lugdunenſi operum S. Au-
 guſtini, & de judicio eorundem, ac Eminentis Bellarmini quo-
 ad lib. Hypognoſticon, & pag. 96. memorat ultimam Augu-
 ſtini editionem Pariſienſem à Monachis Benediſtinis Congre-
 gationis S. Mauri egregiè procuratam, & de notis Philippi Lab-
 bæi in eadem opera. His prudenter ſibi ſuaſit Sfondratus, ho-
 minibus bonæ voluntatis ſatis indicatum, ſe modernorum cri-
 ticorum doctos labores in ſecernendis operibus S. Auguſtini le-
 gitimis, & genuinis à ſpuriis, & adulterinis noviſſe, neque di-
 vinavit, ſuum hunc librum adeò moroſos, & Hypercriticos Le-
 ctōres ſeu potius Cenſores offenſurum, præcipuè cum nec Emi-
 nentiſ. de Lauræa in deſcripto ſuperius indiculo omnia opera
 à neotericis Cenſoribus tanquam ſuppoſititia Auguſtino abju-
 dicata recensuerit, & alia plurima à præfatis ſcriptoribus, & à
 Natali Alexandro inter adulterina rejeſta fuerint. Undè ſicut
 illorum operum in eo indiculo deſcriptorum minimè re-
 morata eſt Eminentis. de Lauræa, quin eadem opera non alio
 ſub nomine, quàm S. Auguſtini in ſuis ſcriptis allegaret, ità
 Cardinalis Sfondratus rectè conſcius de recentium criterio cir-
 ca opera S. Auguſtini religioni non ſibi duxit, eadem ipſius S.
 Doctoris nomine inſignita producere.

Equidem ignoro, an Cenſor admiferit, quòd tot Patres, ſcho-
 læ Theologiæ proceres, alique innumeri Doctores, qui per
 duo-

duodecim à morte S. Augustini sæcula scripserunt, & opera ejusdem S. Patris, quæ à Censore, & modernis criticis, ut spuria repudiata sunt, passim in suis lucubrationibus adduxerunt, & commendarunt, in ejus lectione non ita versati sint, ut sperare potuerint, se ex ejus doctrina explicaturos difficultatum nodos. Præterquam quod non solum à Patribus, & Theologis communiter usque ad duodecimum post obitum S. Augustini sæculum eadem opera omnia sub ejusdem S. Doctoris nomine indiscriminatum relata sunt, sed etiam apud recentissimos, & magni nominis Scriptores, qui nuper de theologicâ facultate sua opera typis ediderunt, eadem Augustini nomine absolute inscripta reperire facile est: sic Claudius Erassen Doctor Parisiensis tom. 1. Scoti Academici tract. 2. disp. 3. art. 2. sect. 1. quæst. 5. allegat sub nomine S. Augustini librum de articulis sibi falsò impositis, Pater Gonetus disp. 1. de grat. art. 6. §. 1. affert librum de Ecclesiasticis dogmatibus sub nomine S. Augustini, & Contensonus sub ipsius titulo citat librū de symbolo ad Catechumenos tom. 1. Theolog. dissertat. 9. c. 1. specul. 3. &c.

PROPOSITIO XXV.

Eam gratiam sufficientem agnoscimus, & docemus, quæ subindè impletur, subindè repugnante libero arbitrio non impletur, effectuque suo culpâ voluntatis caret, quamque S. Augustinos clarissimè, & frequentissimè docuit. . . . & quam tota Societas Jesu amplectitur, gravissimique alii Doctores; pag. 129. lin. 7.

N O T A.

AUthor inter gratiam sufficientem, & efficacem, quam esse Ari-
cem dicere mavult, nullum discrimen agnoscit nisi in actu se-
cundo. Undè præcedenti propositione docuit, quod inter Nabucho-
donosorem, & Pharaonem, seu inter bonos, & malos non gratia,
sed solum, merumque discernit arbitrium. Tota ergo gratiæ ef-
ficacia juxta illum unice pendet à solo arbitrio, estque in potestate
hominis pro nutu suo gratiam reddere efficacem, quæ alias non esset,
nisi sufficiens, & inefficax, aded ut moraliter, & in ratione benefi-
cii

cui plus nibil ex parte Dei in gratia efficaci, quàm in gratia merè sufficienti contineatur. Nescio, quibus oculis, aut conspiciillis Augustini opera contra Pelagianos, & Semipelagianos legerat, qui tã asseveranter ait, illum clarissimè, ac frequentissimè ejusmodi gratiã sufficientem, & ex solo nutu arbitrii humani efficacem docuisse. Aliam omninò gratiã in legendo Augustino invenerat Clemens VIII. Summus Pontifex, qui in celebri scripto Congregationi de auxiliis exhibito §. 1. & seqq. docet, gratiam ab Augustino contra Pelagianos, & Semipelagianos assertam, Efficaciam suam habere ab omnipotentia Dei, & à dominio, quod summa Divina Majestas habet in voluntates hominum, Eandem gratiam apud Augustinum reperit Cardinalis de Lauræa, qui opusc. 3. de grat. a. Qualibus cap. 3. post multa de ea allata, sic concludit, Ergò per Augustinum datur gratia efficax, invid, ut verum fatear, sicum capio, in omnibus suis scriptis ferè semper de ea loquitur.

Denique Cardinalis Bellarminus gratiam sufficientem, qualis huc ab Authore describitur lib. 1. de gratia, & libero arbitrio cap. 12. rejicit tanquam à sententia divinarum scripturarum, & D. Augustini omninò alienam, & per eam censet everti fundamentum prædestinationis divinæ, quam, inquit, S. Augustinus ex divinis literis comprobavit. Porro non ex solo hoc Cardinalis Bellarmini testimonio liquet, falsò hanc de gratia sufficienti, seu à solo eventu efficaci doctrinam toti Societati Jesu adscribi, sed id adhuc clariùs ostenditur ex Decreto Patris Claudii Aquavivæ ejusdem Societatis Præpositi dato die 14. Decembris an. 1613. quod refert Tannerus ejusdem Societatis Theologus disput. 8. de gratia, quest. 2. dub. 5. num. 86. quo expressè vetitum fuit, ne doctrina illa in scholis Societatis doceretur.

DISPUNCTIO.

S Tomachum movere Censori videtur vox illa gratiæ effectricis, sed prætermisiss Neotericis Scholasticis audiat Censor Illustrissimum Habertum in Theologia Græcorum Patrum de Grat. lib. 2. cap. 16. nu. 1. pronunciantem gratiam cum effectu conjunctam à Græcis Patribus quoque hujusmodi nomine insigniri. B. Irenæus inquit in fragmentis, operationem Dei effectricem appellat, & deinde ejusmodi locutionem testimoniis SS. Basilii, Chrysostomi, & Cyrilli confirmat, atque etiam suffragiis Do-

Doctōris gratiæ Christi Augustini, & Doctōris Angelici corro-
 borat, tum subdit. „ Superest, ut receptissimam omnium in
 „ schola Sorbonica sententiam proponamus, quam Philippi
 „ Gamachæi Regii Theologiæ Professoris verbis conceptam
 „ damus ex quæst. 3. de gratia efficaci c. 6. Efficax gratia comple-
 „ ta, consistit in congruitate, opportunitate, & attemperatione
 „ Divinæ vocationis cum libero arbitrio, cum ingenio, & sen-
 „ sibus nostris accommodata, ex qua vocatione semel positâ se-
 „ quatur certus, & infallibilis hominis consensus, nec possit
 „ non sequi, spectatis omnibus circumstantiis. „ Postmodum
 pergit doctissimus Præsul. „ Sic expressa, sic exposita de gratia
 „ efficaci Theologorum Sorbonicorū sententia eximii, & præ-
 „ clarissimis quibusque S. Augustini, S. Thomæ, Græcorum de-
 „ indè Patrum. . . . de eadem gratia dictis, & placitis quàm
 „ bonè, & appositè consentiat, paucis indagandum, & aperien-
 „ dum est. In tota autem sua nota Censor eadem oberrat chor-
 „ dâ imponens Auctori, quòd ipse teneat totam gratiæ efficaciam
 pendere unicè à solo arbitrio, quod pura puta calumnia est ex
 ejus cerebro conficta, atque adeò ea, quæ hic contra Sfondratū
 confarcit, & præcipuè testimonia Bellarmini, & Claudii Aqua-
 vivæ Censoris somnia, non Cardinalis doctrinam pessundant.
 Faveat, quæso candidus Lector, advertere genuina hæc Emin.
 Authoris testimonia ex pluribus aliis, quæ afferri possent adver-
 sus infictam accusationem evidentissima: pag. 210 ex pluribus S.
 Augustini textibus desumptis ex operibus indubitatis ejusdem
 S. Patris inferit; „ Clarissimum esse, nullam aliam ab Augustino
 gratiam effectricem cognitam esse, quàm quæ illustrando, & de-
 „ lectando intellectum simul, & *voluntatem expugnet*; & pag.
 „ 211. Hæc est illa gratia, quam Augustinus *mirabilem, ineffa-*
 „ *bilem, efficacissimam, invictam, omnipotentissimam, indeclina-*
 „ *bilem, insuperabilem, triumphatricem*, & deniquè, ac frequen-
 „ tissimè *congruam* appellat, hoc est, talem, tamque *flectendæ vo-*
 „ *luntati* accommodatam, ut nunquam non flectat, & vi- cat,
 „ seu, ut ipse loquitur, *quæ facit de nolente volentem, quæque à*
 „ *nullo corde respuitur*. . . . Hæc est gratia illa, de qua lo-
 „ quitur Augustinus, ea videlicet, quæ pulchritudinem boni
 „ honesti tam affabrè *voluntati* depingit, ut *rapiat in amorem*.
 „ Item pag. 216. Nihil ergò aliud est triumphatrix ista gratia,
 „ quam oratio, & rethorica Dei *humanam voluntatem* alloquen-

„ tis

„tis, & alloquendo in quacumque partem voluerit persua-
 „dentis. Nec mirentur, si dicimus, posse Deum argumenta,
 „& rationes invenire, quibus certissimè quacumque etiam
 „*obstantem voluntatem expugnet*. . . . Hoc est ergò cordi
 „duro verbum Dei, quod metallo est ardor ignis, liquefcunt
 „igni metalla, & non liquefcunt corda Dei verbo? fac ærea, fac
 „adamantina esse, ad hunc ignem solventur. „

Oppidò quàm multa, & omnia penè gratiæ efficacis arcana hoc
 paucorum verborum contextu conglobata latitant, immò emi-
 nent, & splendescunt, quibus Eminent. Author totam gratiæ
 Theologiam complexus est. Faceffant igitur ineptæ, & absur-
 dæ criminationes obtrusæ à Censore, qui nusquam apud Sfon-
 dratum reperiet, ab arbitrio dari posse efficaciam gratiæ, seu ab
 eo fieri posse, ut gratia sit efficax, nisi utatur ipse illis conspicil-
 lis, quibus videntur ea, quæ non sunt, tanquam ea quæ sunt,
 uti consimilibus conspicillis quadraginta à se notatas proposi-
 tiones ex libro Cardinalis Sfondrati excerptis.

Quoad scripta verò Papæ Clementis Octavi, & acta Congre-
 gationū de auxiliis patet responsio ex nostro Proloquio ad Le-
 ctorem, & insuper extat Decretum Innocentii X. Pontificis
 Maximi, quo in Congregatione Generali Sanctæ Romanæ, &
 Universalis Inquisitionis die 23. Aprilis 1654. damnat itera-
 to Augustinum Cornelii Jansenii, simulq; libros omnes ad eju-
 sdem defensionem editos, & edendos, ac deniq; fidem abrogat
 quibusdam prætensis actis coram Clemente VIII. & Paulo V.
 simulq; Pseudo-Bullæ Pauli V. contra doctrinam Ludovici Mo-
 linæ his verbis „ Cæterum cum tam Romæ, quàm alibi circum-
 „ferantur quædā asserta Acta manuscripta, & fortan typis excu-
 „sa Congregationum habitarum coram fel record. Clemente
 „VIII. ac Paulo V. super quæst. de Auxiliis Divinæ Gratia tū
 „sub nomine Francisci Pegnæ olim Rotæ Romanæ Decani,
 „quàm Fratris Thomæ de Lemos Ordinis Prædicatorum, alio-
 „rumq; Prælatorum, & Theologorum, qui, ut assertitur, præ-
 „dictis interfuerunt Congregationibus. Nec non quoddam
 „Autographum sive exemplar cujusdam assertæ constitutionis
 „eiusdem Pauli V. super defensione prædictæ quæstionis de au-
 „xiliis ac damnationis sententiæ seu sententiarum Ludovici
 „Molinæ societatis Jesu, eadem Sanctitas sua præsentī hoc de-
 „creto declarat, ac decernit prædictis actis tam pro sententiâ

„ Fra-

„ Fratrum Ordinis S. Dominici, quam Ludovici Molinæ, alio-
 „ rumque Societatis Jesu Religiosorum, & Autographo sivè
 „ exemplari prædictæ assertæ Constitutionis Pauli V. nullam
 „ omninò esse fidem adhibendam, neque ab alterutra parte seu
 „ à quocunque alio allegari posse vel debere, sed super quæstio-
 „ ne prædicta observanda esse decreta Pauli V. & Urbani VIII.
 „ suorum Prædecessorum. „

PROPOSITIO XXVI.

Qui gratiam sufficientem statuunt, quæ nunquam effectum suum completum assequitur, talem mihi videntur statuere gratiam, quæ non est gratia; pag. 129. lin. 13. Ut silentio præteream. quod illi dicunt hujusmodi sufficientes gratias potentiam agendi dare, sed nunquam effectū. Deindè post allata quædam exempla rerum naturalium ad probandum, quod hîc proponit, statim addit lin. 28. planè tam nova hæc sunt, tam inaudita, ut nec dici debeant, cum careant ratione, nec credi possint, cum careant exemplo; ibidem lin. 37.

N O T A.

Communis est doctrina Thomistarum, quòd gratia excitans, seu inefficax, quam sufficientem vocant, operando non nullos bonos effectus in homine, puta, illuminationis, & inspirationis, det etiam ei-actum primum, seu potentiam ad ulteriorem, ac principalem effectum, u. g. ad fidem amplectendam, ad pœnitendum, ad vincendum tentationem, ad præceptum aliquod aut consilium adimplendum, tametsi ad opus illud re ipsa ponendum ultra requiratur gratia efficax, quæ det voluntati actum secundum, seu potentiam actui secundo coniunctam.

Huic Thomistarum doctrinæ subscribunt omnes gratiæ per se ipsâ efficacis defensores, dummodò gratia illa sufficiens dicatur tantum sufficiens in ordine suo ad vitandam ambiguitatem, & amphibologiam. Siquidem vocabulum sufficiens grammaticaliter, & vulgari acceptione significat id, quod omnia ad agendum necessaria comple-

Estur, & per se aptum est, ac idoneum ad opus perficiendum, de quo videndus Cardinalis de Lauræa opuse. 3. de gratiis actualibus cap. 4. An doctrina hæc Thomistarum totque aliorum Theologorum de gratia sufficienti tam nova, & inaudita, & tanquam ratione carens, & quæ nequidem proponi debeat, ab Autore traduci, atque exagitari potuerit, æqui, ac prudentes Lectores judicent.

DISPUNCTIO.

V Erba illa, „ Tam nova hæc sunt, tam inaudita, ut careant ratione, & exemplo, nec credi possint „ Non appellant directè doctrinam Thomistarum, totque aliorum Theologorum de gratia sufficienti, sed cadunt proximè super has voces, quibus ea immediatè subnectuntur „ Aliquem ignem, qui nunquam arserit, aliquam aquam, quæ nunquam madefecerit, aliquam stellam, quæ nunquam luxerit, aliquod speculum, quod nunquam imaginem obiecti retulerit „ Et sanè hæc esse prorsus nova, inaudita, & incredibilia, nemo, uti autumo, ibit inficias. Istud autem intulit Eminentiss. Author per modum argumentandi, tanquam aliquod inconueniens consequens ex illa Thomistarum sententia, ut istiusmodi argumentationes in scholis passim fieri solent, non tamen per hoc notare intendit ullâ censurâ doctrinam illam scholæ Thomisticæ de gratia sufficienti.

Sic V. G. contra Scotistas P. Gonetus disp. 3. de attributis divinis in communi art. 2. §. 2. probat, Divina attributa non distinguui inter se, nec ab essentia Divina distinctione formali, seu ex natura rei, quam ponunt Scotus, & ejus discipuli, quia hæc distinctio Scotica non minus læderet, ac violaret puritatem, & simplicitatem Divinæ naturæ, quàm sententia Gualterii, & Gilberti Porretani Episcopi Pictaviensis quæ fuit ab Ecclesia damnata. Pariter idem Theologus disp. 6. de Scientia media art. 6. contendit, quod scientia media favere videtur, ac viam sternere errori Semipelagianorum de quibusdam initiis fidei, & bonæ voluntatis à natura, & de prædestinatione ad gratiam ex prævisione meritorum, quod tollat à Deo rationem primæ causæ, & primi liberi, atque supremum dominium in nostras voluntates, quod derogat divinæ omnipotentix, & enervet efficaciam gratiæ, quod attribuat Deo modum con-

concurrendi cum causis liberis, cæcum, & ignorantem, vagum, & indeterminatum, quod apparenter solum faveat libertati; re ipsa tamen illam tollat, & in suo primo principio præfocet, & extinguat, quod faciat Deum Authorem peccati, & deterat famam Sanctitatis divinæ. E contra Maffrius de Meldula disp. 2. de divinis attributis quæst. 2. art. 3. n. 82. tradit, quod si in Deo inter ejus attributa non daretur distinctio formalis ex natura rei tradita à Scoto, divina attributa non essent in Deo formaliter, sed tantum virtualiter, & eminenter, & consequenter Deus non denominaretur formaliter sapiens à sapientia, justus à justitia, sed tantum virtualiter, sicut sol non denominatur formaliter calidus, vel siccus, sed tantum virtualiter, quia tales formæ non continentur in ipso secundum proprias formalitates. Pariter Eminen. Bellarminus lib. 1. de grat. & libero arbitrio cap. 12. citato à Censore scribit, sibi videri, „Esse omnino eandem cum „errore Calvinii, & Lutheranorum, aut parum ab illo distare „sententiam illorum, qui docent gratiam efficacem esse acti- „nem Dei physicam, quæ determinat voluntatem ad volendum, „& eligendum bonum, quod illi fuerat per gratiam excitantein „inspiratum, & quia non potest fieri, ut Deus physicè deter- „minet voluntatem, quin ipsa voluntas determinetur, & velit „id, ad quod determinatur, idèd fieri non potest, ut gratia ista „non habeat effectum infallibilem. „Frequentissima enim so- „lent esse hujusmodi argumentationes inter catholicos Doctores nec exinde christianæ charitatis vinculum inter eos scinditur, nec ad invicem classicum canitur, sed unusquisque absurda illa consecraria à sententia sua longè arcet, negando illationem, seu consequentiam, ut passim fit in disceptationibus scholasticis absque censura, & calumnia alterutrius partis.

Scrupulum fortassis cuipiam inlicere posset nomen illud, seu quæstio de voce gratiæ efficaci, aut efficacissimæ quantum est de se, quam Sfondratus omnibus hominibus à Deo conferri pluribus in locis tradit; & per eam non nisi ipsam gratiam sufficientem intelligit. Quare diutius differendum non est omnem nuntantium mentium formidinem abstergere. Enim verò Eminen. Author cum voluntatem Dei antecedentem de salute omnium hominum appellarit efficacem, seu efficacissimam quantum est de se, vel si homines velint, ne sibi metipsi collideretur, non poterat alio nomine, nisi gratiæ efficaci, quantum est de se, seu

si homines velint, indigitare illud auxilium, quod ex vi præfate voluntatis Dei omnibus hominibus tribuitur, cum media ut media ex communi Philosophorum consensu debeant correspondere intentioni finis. Et reapse omne medium sufficiens ad finem est efficax, quantum in se est ad consecutionem finis, quatenus efficacia importat potentiam ad effectum assequendi finem alioquin non esset ex se sufficiens, adeoque excluditur quidem efficacia mediorum, quantum est ex vi liberi arbitrii ex proprio defectu respuentis usum talium mediorum, quod tamen non tollit efficaciam mediorum, quantum in ipsis est. Quemadmodum quod æger non assequatur salutem corporis eo, quod poluit uti medicina, non tollit efficaciam medicinæ, quantum in ipsa est. Videatur Martinonus in Anti-jansenio disp. 23. de gratia sect. 5. scribens, plerosque Societatis Jesu Theologos sentire, gratiam sufficientem quoad actum primum, & vim efficiendi eandem esse cum efficaci, immò hanc esse sententiam communem apud omnes Theologos Societatis Reverendiss. P. Thyrsus Gonzalez ejusdem Societatis Jesu meritissimus Præpositus Generalis in selectis disputationibus de gratia Salmantica editis testatur; Item Petrus de Comitibus Regens Augustinianus in disput. 7. de Prædestinat. art. 4. ponit hanc conclusionem. *Omne auxilium sufficiens est intrinsecè efficax in actu primo.* Idque docent omnes illi Theologi, qui, ut vidimus in disputatione notæ XI. affirmant, voluntatem Dei antecedentem salvandi omnes esse efficacem seu efficacissimam quantum est de se, seu si homines velint.

Nihilominus cum adhuc quis obstrepere posset, hujusmodi locutiones infrequentes, vel inusitatas esse in schola Theologica, visum est ex scholis Thomistarum, & Jesuitarum, apud quos palmares sunt hujusmodi controversiæ de auxiliis divinæ gratiæ, seligere aliquem celeberrimum Theologum non adeò recentem, qui hac de re fidejussor foret pro Eminentiss. Sfondrato. Ex schola Societatis Jesu prodeat omnium Theologorum illius Ordinis facile Princeps Franciscus Suarez lib. 3. de auxiliis divinæ gratiæ cap. 14. „ Hæc vox efficax sumitur, inquit, „ ut tantum dicit virtutem, seu facultatem agendi, & si non agat; „ quomodo medicina dicitur efficax, & specialiter solet hæc „ denominatio tribui illi virtuti, quæ in suo genere habet aliam „ quam specialem energiam, & in hac significatione auxilium gra-

„ *tia* sufficiens est verè efficax, quia ex se effectivum est super-
 „ naturalis conversionis, & singularem vim habet ad volunta-
 „ tem pertrahendam, & hoc sensu est valdè usitata hæc vox
 „ apud Patres, & in ea dixit Paulus ad Heb. 4. *Vivus est sermo*
 „ *Dei, & efficax, & penetrabilior omni gladio ancipiti*, quod in-
 „ dicavit Petrus Joan. 6. cum dixit. *Ad quem ibimus? verba vi-*
 „ *te eterna habes*; quibus efficaciam gratiæ declaravit.

Ex schola Thomistarum præsto sit P. Thomas Lemos amplifi-
 simi Ordinis Prædicatorum, Vir studiorum, & scholarum um-
 bris innutritus, in D. Augustini, & D. Thomæ operibus adeò
 versatus, ut non modò eorum argumenta, verum etiam mini-
 mos librorum apices memoriæ affixos habere videretur, ad pu-
 blica disputationum certamina Romæ sub celeberrimis illis 47.
 Congregationibus inter primos delectus, & omnium applausu
 duobus coram Pontificibus eximiam laudem adeptus. Iste subli-
 mis Theologus in Panoplia gratiæ tom. 4. de gratia efficaci tract.
 4. cap. 12. num. 141. pag. 123. hæc habet „ Efficacia tantum
 „ dicit virtutem, quæ in suo genere habet specialem energiam
 „ ad agendum, licet de facto non agat illum effectum, ad quem
 „ ordinatur, secundum quam acceptionem dici solet medicina
 „ efficax ad salutem causandam, quamvis eam de facto non effi-
 „ ciat. & hac ratione S. Thomas dixit, Passionem Christi, &
 „ ejus sacramenta esse remedia efficacia, immò *efficacissima* ad
 „ omnia tollenda peccata, & hominum omnium salutem spi-
 „ ritualem efficiendam, quia videlicet in se ipsis hanc virtutem
 „ seu energiam habent: similiter *auxilium sufficiens*, quia in se
 „ virtutem habet potentem efficere hominis conversionem, ef-
 „ ficax solet appellari. Et in hoc sensu hæc vox efficax usu apud
 „ Patres recepta est, immò in scriptura invenitur expressa ad
 „ Heb. 4. *Vivus est sermo Dei, & efficax, & penetrabilior omni*
 „ *gladio ancipiti*, quibus verbis energia, & efficacia illa, quam
 „ in se habet Evangelii verbum, declarata est „ Sed tanto D.
 „ Thomæ discipulo plaudat ipsius cælestis Magister Doctor An-
 „ gelicus in expositione verè aurea in Joan. cap. 1. lect. 5. „ Sic
 „ ergò patet, inquit, efficacia Divini verbi, quod defectus co-
 „ gnitionis in hominibus, non ex parte ipsius verbi, quia ad
 „ omnes illuminandos efficax est &c. „

Advertatur hic, faciem preferente Doctore Angelico, duo
 præcipua columnæ utriusque scholæ Theologicæ Thomistarū,
 &

& Jesuitarum hisce de controversiis divinorum auxiliorum inter se maximè dissidentium uniformiter convenire, & perfectè concinere in concedenda gratiæ sufficienti propria ratione, & genuina expressione vocis *efficacis*, non quidem cum addito diminutive, aut particula taxativa, *quantum est de se, seu si homines velint*, quomodo, & qua cautela procedit Sfondratus, sed simpliciter, & absque ulla restrictione. Item ab illis gratia sufficiens ad conversionem non vocatur efficax tantum in ordine ad effectum intermedium, & minus principale, puta illustrationem, & illuminationem, quo sensu communiter dicitur gratia sufficiens esse efficax, sed illa dicitur efficax relatè ad terminum principale, & ultimum, idest, in ordine ad conversionem. Tandem hujusmodi modus loquendi, & gratiam sufficientem appellandi efficacem non solum usitata est apud Theologos, & ipsum Præceptorem Angelicum, sed etiam illa locutio *usq. apud Patres recepta est, immò in scriptura invenitur expressa*. Videat ergò Cenfor, Cardinalem Sfondratum in hoc opere de Prædestinatione eandem cum veteribus Theologis pressisse orbitam, & nec tantillum quoad ipsas voces deviasse, quinimò splendidissime secundum Scripturam, & Patres hæc præfixæ Theologiæ decreta executum.

PROPOSITIO XXVII.

Observandum est, non omnem à nobis gratiam sufficientem excludi, quod Jansenius docuit, quodque Summi Pontifices damnarunt; pag. 129. lin. 3.

N O T A.

EXtextu, & ratiocinatione Authoris clarum est, eum velle, quod Summi Pontifices Innocentius Decimus, & Alexander Septimus damnando quinque propositiones definierint, admittendam esse gratiam sufficientem, qualem ipse describit, hoc est, Molinianam, & versatilem, quæ subindè impletur, seu nutu voluntatis humanæ efficax redditur, subindè repugnante libero arbitrio non impletur, quod quidem an divi, & Romæ typis edi possit, judicet Apostolica Sedes.

DIS-

TExtus, & ratiocinatio Cardinalis Authoris fedè mutilatur à Cenfore si enim integrè accipiatur fit evidens ex ipsis terminis; cum enim in verbis immediatè antecedentibus improbaret Sfondratus explicationem gratiæ sufficientis à Thomistis traditam, ne quis ei obiiceret, ab ipso negari omnem gratiam sufficientem, occurrit ponens denunciata propositionem, & immediatè subdens. *Sed solum eam gratiam sufficientem non admitti quæ ex natura sua talis est, quæ nunquam effectum suum completum assequitur.* Inibi ergò Scriptor profitetur, à se reiici dogma illud à Janfenio traditum, & à Summis Pontificibus damnatum, nimirum, nullam dari gratiam sufficientem. Ex quo optimè inferitur, Sfondratum abhorrere ab iis, qui effutiunt gratiam sufficientem non tam utilem, quàm perniciosam esse, sic ut proinde meritò possimus petere, à gratia sufficienti libera nos Domine, quod novissime ab Alexandro VIII. proscriptum est in sexta propositione inter 31. confixas; Ex hinc elucet, omnes Theologos ex sententia Summorum Pontificum teneri admittere Gratiam sufficientem.

Ast Pontifices libertatem scholis reliquerunt diversimodè exponendi istam gratiam sufficientem, & præcipuè immunes à censure voluerunt sententias in materia de gratia, quæ hinc inde inter Thomistas, & Jesuitas citra fidei discrimen controvertuntur. Cum autem Eminent. Author in nullius verba jurasset, usus est libertate alterutrum sentiendi, eique magis arrisit explicatio gratiæ sufficientis à Theologis Societatis Jesu tradita, quæ fortè ei visa est themati sui operis magis accommodata, & expugnandis Calvinii, & Janfenii erroribus magis adaptata. Qua ratione autem exinde intulerit Cenfor, quòd Author scripserit, à Summis Pontificibus in damnatione quinque propositionum Janfenii fuisse definitum, admittendam esse gratiam sufficientem juxta explicationem Theologorum Societatis Jesu, judicet cædus Lector, Hinc admonitum vellem ipsum Cenforem, ne aliqui nimis morosi eidem fortassis obiiciant, quòd ipse setam proclivem ac propensum in partes Janfenii declararet, ut in plebisque harum notarum ab Apologistis Janfenii decerptarum haud obscure enitet. *Habent namque suas voces affectus, ut loqui amat S. Bernardus serm. 67. in cantic. per quas se etiam cum nolunt, produunt.*

PRO-

P R O P O S I T I O XXVIII.

Ratum fixumque sit, nihil aliud ex sententia Augustini gratiam effectricem esse, quàm cognitionem congruam, hoc est, quæ talem tamque proportionatum objectum, tali-que modo proponat, ut ad illud complectendum voluntas magnetismo, & sympathia quadam certissimè moveatur; pag. 217. lin. 4.

N O T A.

Immò ex sententia Augustini ratum, fixumque esse debet, eos, qui asserunt, gratiam nil aliud esse, quàm cognitionem congruam, non veram Christi gratiam, sed falsum, atque à Pelagianis suppositam admittere, hi namque apud Augustinum lib. de gratia Christi sic loquuntur. „ Cognoscant, quàm iniquè nos negatione gratiæ insa-
„ mare gestierint, qui per totum penè ipsius textum operis perfectè,
„ atque integrè, & liberum arbitrium confitemur, & gratiam,
„ quam nos non in lege tantummodò, sed & in Dei esse adiutorio
„ confitemur. „

Quodnam verò fuerit hoc adiutorium, quod admittebant, sic per-
gunt exponere. „ Adiuvat enim nos per doctrinam, & revelationem
„ suam, dum cordis nostri oculos aperit, dum nobis, ne presenti-
„ bus occupemur, futura demonstrat, dum Diaboli pandit insidi-
„ as, dum nos multiformi, & ineffabili donò gratiæ celestis illu-
„ minat . . . dum nobis suadet omne, quod bonum est, sic Pe-
„ lagium, quos refellens Augustinus ibidem cap. 24. intueantur,
„ atque fateantur, inquit, non lege, atque doctrinâ intonante
„ forinsecus, sed internâ, atque occultâ mirabili, atque ineffabi-
„ li potestate operari Deum in cordibus hominum, non solum veras
„ revelationes, sed etiam bonas voluntates. „ Idem Augustinus sex-
centis locis docet contra Pelagianos, proprium esse gratiæ non tã-
tum intellectum illustrare, verum etiam voluntatem victrici qua-
dam suavitate, ac delectatione movere. Unicum textum asseram
ex lib. 2. de pecc. merit. & remiss. cap. 17. „ Ignorantia, & infir-
„ mitas vitia sunt, quæ impediunt voluntatem, ne moveamur ad fa-
„ ciendum opus bonum, vel ab opere malo abstinemus, ut autem
„ innotescat quod latebat, & suave fiat, quod non delectabat, gra-
„ tiæ Dei est, quæ hominum adiuvat voluntates „ *Quin*

Quin & ipse Gregorius de Valentia è Societate Jesu Theologus, doctrinam, quæ hîc ab Authore traditur, Pelagianam esse, agnoscit, & probat 1. 2. quæst. 3. de gratia punct. 3. ubi ait „ Non modò intellectum, sed etiam voluntatem nostram tanquam imbecilem „ gratiâ adjuvandam, idque definitum esse contra Pelagium in Cõ- „ cilio Arausicano can. 4. & Milevitano can. 14. & à D. Augustin. „ lib. de dono perseverantiæ cap. 19. rectè probatum „ Non video itaque, quæ ratione hæc propositio Authoris, & à gravissimo errore circa factum in citando Augustino; & ab ipsa Pelagii hæresicirca Jus defendi posset.

DISPUNCTIO.

S Tupore hîc defixus hæreo, an potius ex præjecta propositione oppositum inferre debuisset Cenfor, qui in sua nota docet, totam gratiæ efficaciam consistere in hoc, quòd voluntas, ut ipsemet loquitur, victrici quadam suavitate, ac delectatione moveatur. At hoc ipsum præcisè asseverat clarissimè, & elegantissimè Sfondratus in producta propositione, in qua tota gratiæ efficacia collocatur in hoc tanquam in ratione, & effectu principali, adæquato, completo, & ultimato, scilicet, quòd voluntas magnetismo, & sympathia quadam certissimè moveatur ad obiectum per cognitionem congruam propositum. Qui hîc non videt expressissimis, & luculentissimis verbis significatam victricem quandam suavitatem, ac delectationem motivam voluntatis, quæ ex rigidiori, & vera philosophia non trahit ad se obiectum, sed ab ipso trahitur, nec in meridie lucem videt. Imo ibidem Author immediatè subjungit „ Nulla igitur tam „ fortis, & adversa aut ex vitio, aut ex natura inclinatio, nulla vis inolitæ consuetudinis, quæ victrici huic gratiæ non „ planè succumbat, sive confestim, unoq. velut imperu, ut in „ Paulo, & Magdalena, sive ut plerunque contingit paulatim, „ & longo velut bello *voluntatem submittat*. Si enim domari arte, contraq. naturam Urfos, Leones, Aspides videmus, quis „ dubitet posse domari gratiâ etiam *voluntatem*, quamvis aversam, & repugnantem. An vero plus arti, quàm gratiæ dabimus? quæ tamen & ipsa nihil aliud est, quàm ars quædam Dei providentis &c. Hæc ergo est gratia illa victrix, quam, ut cordis humani potiatur, impedire nihil potest, & de hac dictum

Bb

„ est,

„ est, nihil est, quod tua possis resistere voluntati, si decreveris
 „ salvare Israel. Esther 13. Quod si Censori studio partium ab-
 „ repto non adeò clara visa est allata gratiæ efficacis definitio, me-
 „ minisse debebat doctrinæ ad ejus notam in propositionem 25.
 „ productæ, ubi non solum comperisset disertissima, & perem-
 „ ptoria testimonia quibus Eminentiss. Author totam, & adequa-
 „ tam gratiæ efficacis energiam completè, & ultimè ponit in
 „ motu voluntatis sed etiam invenisset aliam ejus definitionem,
 „ idest pag. 216., Nil aliud est triumphatrix ista gratia, quàm ora-
 „ tio, & Rethorica Dei humanam voluntatem alloquentis, & al-
 „ loquendo in quamcumque partem voluerit persuadentis „
 „ Sed in gratiam Censoris pergamus ex hoc libro Cardinalis Sfor-
 „ drati flosculos sententiarum Dei gratiam erga voluntatem spi-
 „ rantes carpere: *Gratia*, ait pag. 9. *alia effectrix est, quæ volun-*
tatem expugnat, quæ repetuntur pag. 123. & pag. 207. inquit:
Juxta constantem, ac millies repetitam S. Augustini sententiam
totagratia triumphatricis virtus, & efficacia in eo posita est, ut
ostendat, & deletet, sicque peccandi dulcedinem, aliâ majoriq.
dulcedine vincat „ In hujus doctrinæ confirmationem è vestigio
 „ subnectit Eminentiss. Theologus plura locupletissima S. Augu-
 „ stini suffragia, ex quibus hæc infert pag. 210. „ Clarissimum est,
 „ inquit, nullam aliam ab eo gratiam effectricem cognitam esse,
 „ quàm quæ illustrando, & delectando intellectum simul, & vo-
 „ luntatem expugnet „ Perlegantur alia pulcherrima pag. 73. &
 „ 75. in eandem rem. Hæc strictim ex notato libro delibavimus,
 „ ex quibus velut seminibus tota facillè exprometur Theologica
 „ Augustini doctrina de efficacia gratiæ contra Pelagianos, & ex
 „ tot, ac tantis luminibus testimoniorum cedit, ut arbitror, &
 „ procul abigetur caligo à Censore inducta, cum efficacia, & ener-
 „ gia invicta gratiæ erga voluntatem creatam non potuerit profe-
 „ tō vel demonstrari invictius, vel splendidius commendari.

PROPOSITIO XXIX.

Planè voluntatem à nullo alio, quàm à se ipsa determinari . . . apertissimè docet S. Thomas. pag. 220. lin. 17.

NOTA.

Tota schola Thomistarum hanc doctrinam in libris Angelici Doctoris non videt, sed potius contrariam de præmotione, seu prædeterminatione physica ex eis se hausisse certò credit. Observandum autem, hanc propositionem, voluntas à nullo alio, quàm à se ipsa determinatur, generaliter ab Authore intelligi, non tantum de actionibus in ordine naturali, sed etiam in ordine supernaturali, quando, videlicet, voluntas per gratiam à Deo movetur, ut ex tota ejus ratiocinatione colligitur; atqui non solum Thomistæ, sed et Patres Societatis Jesu uno ore fatentur tanquam dogma catholicum; voluntatem ad actus supernaturales non à se ipsa, sed etiam à gratia determinari, aded ut nullus Theologus è societate, quod sciam, hanc generalem propositionem, Voluntas à nullo alio, quàm à se ipsa determinatur, admisserit.

DISPUNCTIO.

Perspexerat Cenfor ab omni procul nota immunem illam propositionem, ut jacet in suo contextu, proinde ut propositiones censurabiles in libro Eminentiss. Sfondrati pro sua libidine contexeret, turpissimè sustulit de medio hæc verba, *dependenter tamen à causa prima, ut modò explicatum est*, quæ reddunt propositionem illam verissimam, & innegabilem. Quò verò evincatur, ab Eminentiss. Authore doceri, voluntatem ad actus supernaturales non à se ipsa, sed etiam à gratia determinari, satis, superque sunt ejusdem testimonia in dispunctione notarum 25 & 28. allata, ubi indicantur plura loca S. Augustini tradentis luculentissima exempla, in quibus expressa conspiciuntur, & explicata omnia gratiæ efficacissimæ machinamenta, ipsissimæ artes, & adjuvamenta, quibus Deus humanas voluntates domat, & quocumq. ipse vult inlectit, ex nolentibus volentes, ex repugnantibus imitatores justitiæ facit, quoscumque

prædestinavit in Filii sui membra per justitiam coaptandos, quādoquidem est exemplorum ad persuadendum vis maxima, & auctoritas.

Ut verò magis, magisque Censori gratificemur, alios duos dumtaxat textus Scriptoris adducam non longè à loc. cit. pag. 219. „ Voluntas creata, ait, sit potens per concursum simultaneum, sicut equus sit potens ad trahendum currum per rotam, sine qua equus non posset, jam verò suprà notavimus, hoc esse gratiam voluntati, quod rotam, & machinam curui „ Item pag. 220. „ Quod si omninò velis, voluntatem creatam ab increata determinari, moverique, istud quoque, in sano sensu verissimum est. Illud enim propositum, decretumque divinum, quo Deus voluit, ut Petrus hic, & nunc amaret, & quo statuit in hunc finem tales ei gratias dare, quibus ad amandum moveretur, hoc, inquam, divinum decretum verissima causa est, ut Petrus amet, & ad amandum determinetur „ Quare advertat Notator, ejus censuram cadere etiam in adductas propositiones S. Thomæ pag. 220. aliasque similes apud Theologos facillè obvias.

PROPOSITIO XXX.

Quis novit, cum ea gratia, quæ Petro, & Magdalensæ data est, Judam conversum iri, cum fortè plures, ac majores gratias utroque acceperit? pag. 67. lin. 29. compareret aliquis gratias ex una parte Zachæo, ex altera Judæ datas; videbitque, longè plures, & majores fuisse, quibus hic reprobis ad pœnitentiam vocatus est; pag. 106. lin. 32. negari non potest plura Judæ reprobo auxilia, quā prædestinato Zachæo impensa esse; pag. 107. lin. 4. idèò plura remedia Judæ reprobo adhibita, quàm Petro electo, quia illi gravior morbus, ibidem lin. 29. si ergò reprobis, aut æqualis, aut etiam major gratia, quàm prædestinatis datur, non potest &c.

NOTA.

Hæ assertiones omninò adversantur verbis Apost. Rom. 8. v. 30. „ quos prædestinavit, hos & vocavit, & quos vocavit, „ hos

„ hos & justificavit, quos autem justificavit, illos & glorificavit „
Quæ quidem solis electis convenire prius significavit his verbis. „
 „ Scimus, quoniam diligentibus Deum omnia cooperantur in „
 „ bonum iis, qui secundum propositum vocati sunt Sancti „

DISPUNCTIO.

Deum majori amore prosequi electos, quàm reprobos, illis-
 que plures gratias congruas, & præcipuè donum perseverantiae finalis à Deo dispensari, non reprobis, pluribì Eminen.
 Author clarissimè exprimit, sic pag. 38. habet. „ Augustinus
 „ plerumque loquitur de illa gratia, quæ non tantum est efficax,
 „ verum etiam *effeclrix*, hoc est, cui opus responderet, & de hac
 „ verum est, ad solos prædestinatos spectare. „ De voluntate, &
 oratione Christi pro electis, & reprobis ista promit Sfondratus
 pag. 51. Expendit namque orationem Christi Domini descri-
 ptam Johan. 17. à versu 9. usquè ad 21. & verba hæc Apostoli ad
 Timoth. 4. *Qui est Salvator omnium maximè fidelium*, tùm sub-
 dit: „ Vides in hoc reprobos, & electos pares esse, quòd omnes
 „ ad redemptionem pertineant, sed in hoc distinguì, quòd ele-
 „ cti præcipuas partes Redemptionis obtineant, quia soli ejus
 „ effectum consequuntur. . . . Omnes ergò redempti, om-
 „ nes commendati, omnes Christo ad salutem commissi, sed ele-
 „ cti præcipuè, non tamen soli. Oravit ergò pro Mundo, &
 „ non oravit. Oravit prece illa communi, „ omnesque com-
 „ plectente, non oravit oratione illa speciali ad solos Aposto-
 „ los, aliosque electos spectante. . . . Qua in re observan-
 „ dum venit, Deum rebus quidem omnibus à se creatis, multo-
 „ que magis à se redemptis, nullo excepto, providere, ità ta-
 „ men, ut hæc ipsa providentia partim sit omnibus communis,
 „ partim verò sit aliquibus specialis, suoque gradus habeat. Pu-
 „ fillum, & magnum ipse fecit, & æqualiter est ei cura de omni-
 „ bus, inquit Sapiens cap. 6. æqualiter, quia ex parte ipsius Dei
 „ deest, idemque amor est, quo omnes complectitur, nullique
 „ deest, ac singulis non necessaria tantum, verum etiam copio-
 „ sa pro singulorum statu, ac conditione distribuit. Hæc tamē
 „ æqualitas nihil obstat, quòd inter creata magis homines, inter
 „ homines magis Christianos, inter Christianos magis Præde-
 „ stinatos, inter Prædestinatos verò eos magis curet, ac pluri-
 „ bus

bus beneficiis ornet, qui magis in illum sperant . . . Sic
 „ Christus, quia omnium Advocatus pro omnibus quoque in-
 „ tercessit, pro Apostolis tamen magis, quam pro reliquis fide-
 „ libus, & Prædestinatis magis, quam non Prædestinatis. Sicut
 „ enim Pater inter multos filios magis morigeros, quam disco-
 „ los amat, ita Deus, quippe omnium hominum Pater, amnes
 „ quoque homines diligit, eos tamen dilexit magis, quos mo-
 „ rigeros, quam discolos futuros esse prævidit, quanquam, &
 „ qui morigeri illius gratiâ, & qui discoli propriâ culpâ tales fu-
 „ turi erant. Deus enim neminem bonum futurum esse prævi-
 „ det, nisi quem bonum facturuserat. . . . Ergo, ut dicebâ,
 „ pro omnibus oravit Christus, *pro electis tamen maxime*, „ Rur-
 „ sus Emin. Author tantam hanc veritatem luculentissimè excul-
 „ pit pag. 109. inquit. „ Absolutè dicendum est, majorem De-
 „ um Prædestinatorum, quàm reproborum curam gerere, eos-
 „ que longè tenerius, ardentiusque amare; tum quia Prædesti-
 „ natis si non semper aut plures, aut majores, eas tamen gratias
 „ confert, quibus prævidet assensuros, quæ omnibus spectatis
 „ ad consequendum ultimum finem aptiores dici possunt, tum
 „ quia prædestinatos prævidet spe, amore, observantiâ manda-
 „ torum, & *finali perseverantia* sibi inseparabiliter, æternum-
 „ que conjunctos fore. „

N O T A.

I Bid. v. 28. Undè & Apostolus ait, *omnia fieri propter electos*, 2.
 Timoth. v. 10. Concilium etiam Tridentinum sess. 7. can. 16. &
 can. 22. *perseverantiam finalem* vocat Magnum illud donum, &
 sine speciali auxilio Dei haberi non posse. *declarat significans*, il-
 lud esse proprium Electorum, neque eis ullo modo cum reprobis cõ-
 mune, undè negari non potest, nisi aberrando à fide, plus aliquid Za-
 chæo, & Petro electis, quàm Judæ reprobo, hoc est, saltem donum
 perseverantiæ à Deo collatum fuisse.

D I S P U N C T I O.

SI Censor absque præpostero affectu, & mentis oculo partium
 studiis minimè implicato librum Cardinalis Sfondrati per-
 legisset, reperisset eundem textum Apostoli in pag. 111. de quo
 scri-

scribitur, *esse certissimum, & citra dubium, eam auctoritatem intelligi tantum de Prædestinatis*, de quibus solis exponit etiam ibi hæc verba Johan. 6. quibus Prædestinati dicuntur *Filio à Patre dati*, & Johan. 10. *eos non posse rapi de manu filii*: de dono autem finalis perseverantiæ jam in textu allegato ex pag. 109. habet „ Deum prævidere, prædestinatos, spe, amore, observantiâ „ mandatorum, & *finali perseverantiâ* sibi inseparabiliter, æternumque conjunctos fore. „ Et paulò antea pag. 108. rotundis verbis asseruit. „ Gratia finalis perseverantiæ est propria „ electorum „ Per quod Scriptor omninò consonat Concilio Tridentino producto à Censore, cujus consecratoria ab eo congesta penitus concidunt.

N. O T A.

Certe borret animus, & christiana aures refugiunt audire plura Judæ reprobo auxilia, quàm prædestinato Zaccheo impensâ esse, pluraque remedia Judæ reprobo adhibita, quàm Petro electo, quasi Christus præcipuo quodam amore Petrum non præ Judæ tantum, sed et præ cæteris Apostolis non sit persecutus, ad quem specialiter dixit jam proximus morti, ego rogavi pro te, ut non deficiat fides tua, & quem post trinam negationem lapsum respexit conversus ad eum non tam oculis carnis, quàm divinitatis potentiâ, ut notat S. Ambrosius, cùm intus in conclavi Pontifici adstaret, Petrus autem foris in atrio versaretur.

DISPUNCTIO.

Deum conferre quandoque plures, & majores gratias reprobis, quàm prædestinatis, testantur plures Theologi. De Angelis ostendit Sfondratus pag. 106. ex Magistro sententiarum lib. 3. & S. Thoma 1. par. quæst. 62. n. 6. eos ita fuisse in gratia conditos, ut Lucifero multò majores gratiæ datæ fuerint, quàm Angelis Sanctis, & fidelibus. sed naturæ, & ordinis inferioris. De hominibus reprobis Franciscus Hurantius lib. 3. de locis catholicis cap. 6. cum descripsisset innumera dona, eaque excellentissima à Deo prædestinatis tributa, subdit. „ Novimus tamen, „ non minoribus bonis interdum reprobos gaudere, ut notas faciat Deus gratiæ suæ divitias „ Cuneris Petri Episcopus Leou- „ var-

vardiensis in tract. de lib. arbit. cap. 9. „ Non semper in electo
 „ major est gratia, qua perseveret, quam fuit in reprobo, qui
 „ cecidit, imò fieri potest, quòd minor in electo fuerit, & dif-
 „ ficiliùs stare potuerit, major verò in reprobo, & is faciliùs
 „ persistere valuerit, sed alterum pro arbitrii libertate Deus si-
 „ nit peccare, & in eo permanere sustinet, servans in eo natu-
 „ ræ, & rerum ordinem, qui habet, ut quæ deficere possunt,
 „ pro sua permittantur conditione deficere, & defectus iis ad-
 „ scribatur, qui causæ defectus inveniuntur „

Claudius Frassen Doctor Parisiensis tom. 1. Theologiæ Scoti
 tract. 2. disp. 3. art. 2. quæst. 1. apertè fatetur in hæc verba „ Etiã
 „ ipsis reprobis interdum efficaciores gratiæ conceduntur, quã
 „ prædestinatis „ Et postea attexit exemplum de Juda prodito-
 „ re. Ruiz de Montoya disp. 17. de prædestinat. sect. 5. n. 14. do-
 „ cet „ Quòd magis copiosa auxilia, & altior gradus gratiæ in hac
 „ vita dantur quibusdam reprobis, quàm quibusdam prædesti-
 „ natis, excepto beneficio opportunæ mortis; Expectantur,
 „ tollerantur, terrentur, ut caveant. Nullam pœnam Deus
 „ illis infert, nisi illi priùs se liberè culpis implicant, & tùm
 „ tam in hac, quàm in alia vita punit citra condignum „ Ali-
 „ quam hujus divinæ Providentiæ rationem assignat disp. 36. sect.
 „ 1. n. 13. „ Eo fine, inquit, Deus quibusdam hominibus, quos
 „ præsciebat in obstinatione remanuros, contulit supernatu-
 „ ralia dona, & salutis remedia, quantum ad realem entitatem
 „ fortassè majora, & fortiora, quàm prædestinatis, ut clario-
 „ rem indè laudem, & gloriam electi sibi compararent. Nam
 „ quemadmodum unius hominis pietas alterius impietatem cõ-
 „ demnat tantò manifestiùs, quantò supponitur impius non
 „ minora, immò etiam quandoque majora sortitus remedia sa-
 „ lutis, sic etiam unius hominis impietas alterius pietatem cõ-
 „ demnat tantò manifestiùs, quanto supponitur impius non
 „ minora, immò etiam quandoque majora sortitus remedia sa-
 „ lutis, & supernaturalia dona „ Istud etiam manifestè apparet
 „ in iis, de quibus Author hypognosticon apud S. Augustinum
 „ lib. 6. habet „ Aliquos etiam perfectos ex labore multorum an-
 „ norum prolapsos in ultimo vitæ suæ periisse, aliquos verò ab
 „ ineunte ætate sua in omni scelere, & damnabilitate usque ad
 „ decrepitem ætatem perdurasse, & repentè cælitùs inspiratâ
 „ salute raptos esse ad requiem regni Cælorum „ Primis enim
 col-

collatas à Deo fuisse plures, & majores gratias in sensu mox explicando, quàm secundis, nemo ambiget: Undè Philippus Gamachæus Doctor Sorbonicus in 1. 2. D. Thomæ quæst. 111. cap. 5. scribit, quòd „ Judas, & Pharaò multò majorem gratiam acceperant, quàm plerique alii reprobi, & multò plura signa, & miracula viderunt „

Quoad ista verò auxilia plura, & majora quandoque reprobis à Deo collata, quàm prædestinatis cavendum est cum Eminen. Authore pag. 38. ea non esse intelligenda de gratia effectrice, quæ ad solos prædestinatos spectat, quibus idem-met fætetur pag. 109. „ Eas gratias conferri, quibus Deus prævidet assensuros; quæque omnibus spectatis ad consequendum ultimum finem aptiores dici possunt; & proinde pag. 67. expressissimis verbis asseveravit, quòd „ Deus vult, & Petrum, & Judam . . . salvos esse, sed non eodem modo, nec eadem gratia Petrum, „ qua Judam . . . cur verò non det alia media, quibus prævidet salvatum iri? quia id non tam convenit varietati, ordinique, ac legibus gratiæ à se præscriptis, quàm non convenit universo ætatem esse nisi Sole Cancrum obtinente. Siquidem de gratia proportionaliter discurrendum videtur, ac de beneficio, cujus realis entitas licet non sit major, immò sit longè minor, beneficium tamen per circumstantiam opportunitatis constituitur longè majus in ratione beneficii, ut Ruiz loc. cit. n. 3. notavit cum Seneca lib. 3. de benefic. cap. 8. subinde est beneficium majoris ponderis, & valoris, quòd exhibetur in ea temporis opportunitate, in qua magis profuturum est, licet ejus realis entitas sit longè minor. Propterea Andreas Duvallius Doctor Sorbonicus, & Regius Theologiæ in Academia Parisiensi Professor Tract. de Grat. quæstione 7. art. ult. cui titulus. „ Utrum ex duobus æqualiter affectis cum æquali gratia unus possit converti, alter non converti? resolvit cum Suario lib. 3. de auxiliis cap. 20. in hoc casu æqualem quidem fore gratiam vocationis in ratione entitatis, inæqualem verò in ratione doni, & beneficii: dicitur autem gratia æqualis in entitate, quando in auxilio, quòd offertur, eadem vehementia, & activitas relucet; in beneficio verò seu dono, quando est ex pari Dei benevolentia, quàm divinum propositum appellat Augustinus, quò fit, ut gratia in eo, qui convertitur, semper major sit in ratione doni, & beneficii, ad eum ferè mo- „ dum,

„ dum, quo Christus Matth. 12. Viduam illam, quæ in gazo-
 „ phylacium duo minuta miserat, plus cæteris misisse dixit, non
 „ quidem quantitate physica, & entitativa, sed mora-
 „ li, & respectiva, quæ in majori affectu, & benevolentia fun-
 „ damentum habeat,.

Pariter cum Judæ dicuntur data *fortè* plura, & majora auxi-
 lia, quàm Magdalenæ & Petro, ea non sunt intelligenda uni-
 versaliter, sed dumtaxat in ordine ad evitandum peccatum pro-
 ditionis Christi, & ab eo jam commisso resurgendum, ut in pro-
 positionibus Eminen. Authoris à Censore notatis jam expri-
 mitur; cum ibi etiam ea auxilia appellentur remedia. Quomo-
 dò autem quis venire possit in cognitionem de pluribus, & ma-
 joribus gratiis uni, quàm alteri à Deo collatis, præclaram re-
 gulam suggerit Ruiz nuper laudatus disp. 42. de prædest. sect. 4.
 „ Quotiescumque, inquit, nominatur aliquid ex auxiliis exte-
 „ rioribus, considerata est illius quantitas, & qualitas, ut ad
 „ illorum proportionem intelligantur, esse donata interiora
 „ auxilia, veluti in elementis, & rebus naturalibus auxilia mi-
 „ nima, in lege & Prophetis magna, in prædicatione, & mi-
 „ raculis Christi majora, sed in ejus Passione maxima „ Et hanc
 doctrinam fuscè probat. Juxta verò prælibatam regulam, (quam
 etiam mox referemus ab Authore pag. 131, egregiè enucleatam)
 tam disertè, tam solidè, tam dilucidè Cardinalis Sfondratus ex
 scriptura demonstrat, Judæ proditori ad ejus conversionem
 fuisse à Deo collatas plures, & majores gratias in sensu supra ex-
 plicato, quàm Zachæo, & fortè B. Petro pag. 67, & 106. ut nil
 consultius, nil eruditius desiderari possit. Hinc Franciscus
 Morantius Episcopus Ovetensis lib. 1. de locis catholicis cap. 52.
 & Petrus de Comitibus Augustinianus disp. 7. de prædestin. art.
 1. ad 2. & alii plures pleno ore asseverant, innumera gratiæ do-
 na fuisse à Deo collata Judæ ad evitandum peccatum proditi-
 onis Christi, & ad agendum de eo jam perpetrato pœnitentiam.
 Ad Scopum verò Authoris propius accessit Antonius Viey-
 ra eximius verbi Dei præco, & Joanni IV Lusitanæ Regi à sa-
 cris concionibus, qui hæc opportuna enunciat in concione 13.
 de lacrymis S. Petri „ Cantavit gallus, inquit, respexit Chri-
 „ stus, flevit Petrus In cæna Bethaniæ & Agni, ubi
 „ fuerunt duæ ultimæ occasiones, quibus Christus convenit cū
 „ omnibus suis Discipulis, septies locutus est Dominus cum

„ Ju-

„ Juda, & septies ei prædicavit, ut ipsum converteret. Verba
 „ alia fuerunt amoris, alia commiserationis, alia terroris, &
 „ forsan nunquam terribiliora ex ore Christi eruperunt. *Ve*
 „ *autem homini illi, per quem Filius hominis tradetur Bonum erat*
 „ *ei, si natus non fuisset homo ille.* Quis non contremiscit ad hæc
 „ verba etiam in Judam prolata. Sed eum nec benevola pelle-
 „ xerunt, nec miseranda flexerunt, nec terrifica compunxe-
 „ runt; ad nullum eorum se se inclinavit Judas. Eâdem nocte
 „ ter Christum negavit Petrus, & statim gallus cantavit Joan.
 „ 18. & eodem momento Petrus egressus foras flevit amare, Lu-
 „ cæ 22. Notabilis casus! Septies prædicavit Christus Judæ, &
 „ Judas nunquam convertitur, semel tantum cecinit gallus, &
 „ convertitur Petrus. Rursus concione 6. pro feria quinta in
 „ Cæna Domini hoc momentoso glossemate versat voces istas
 „ Christi Domini suis Discipulis dictas: *Non dicam jam vos servos,*
 „ *sed amicos.* Legite, ait, omnes Evangelistas, & invenietis,
 „ solum Judam vocari amicum, cum dixit. *Amice ad quid ve-*
 „ *nisti?* Sed Domine non adest ibi Petrus? Non præsto est Jo-
 „ aines, qui merentur potiori jure nomen amici? Cur non tri-
 „ buis hoc agnomē Petro aut Johanni, aut alteri ex cæteris Apo-
 „ stolis? Nunquid habebat amor Christi motiva majora obliga-
 „ tionis erga Judam? Nequaquam; sed tunc confluebant forti-
 „ ores circumstantiæ excessus amoris. Cæteri Apostoli amabāt,
 „ & amaturi erant Christum usque ad sanguinis effusionem; nō
 „ est autem excessus amare eum, qui amat, & debet amare. E-
 „ contra Judas nec amabat Christum, quia illum vendebat, nec
 „ ipsum amaturus erat, quia mori debebat pertinax in suo odio
 „ quod autem Christus diligeret eum, à quo sciebat, se nec
 „ amari, nec amatum iri, hic fuit verus amor, proinde largitus
 „ est duntaxat Judæ titulum amici, non quia magis mereretur
 „ amorem, sed quia majorem auctoritatem excessui sui amoris
 „ ille conciliabat. Accommodatè ad rem præsentem observat
 „ Ludovicus Granatensis præclarum Ordinis Prædicatorii decus
 „ concione 2. pro feria quinta in cæna Domini, Benignitas, ait,
 „ erga bonos omnes, tuam Domine liberalitatem in ditandis,
 „ curam in tuendis, suavitatem in consolandis, & largitatem in
 „ præmiandis mihi declarat. At benignitas in peccatores, te
 „ ipsum mihi plenius inspiciendum præbet, tua mihi viscera
 „ pandit, & mirabiles pietatis tuæ thesauros recludit. Rectè
 „ enim Picus Mirandulanus.

„ Major in erratis bonitatis gloria nostris

„ Et dare non dignis, res mage digna Deo est.

Et concione 3. de Juda Proditore subdit „ Amantem redamare, beneficia beneficiis pensare familiare, & usitatum apud homines est. At prosterni antè proditorem, & pedes ejus abluere, quem scias eo ipso temporis articulo te hostibus lacrandum, & in crucem agendum vilissimo pretio tradidisse, item sacrilegos ejus pedes sacratissimis manibus non aqua solum, sed, ut arbitror, profusis etiam lacrymis abluere, hoc nemo nisi solus hic charitatis & virtutum omnium princeps facere debuit, Ex his perspicuum quoque fit, tanto majus dici beneficium, quanto magis indigna est persona, cui illud confertur. Cum igitur Judas fuerit omnium hominum sceleratissimus, quò in dubio revocari poterit, beneficia ipsi à Deo præstita etiam ex hoc capite rectè appellari majora & potiora, quàm beneficia viris sanctissimis impertita?

Cum autem ista tam pia, tam fundata à Censore horrenda, & christianis auribus absfona traducantur, non abs re erit eadem probatissimis Patrum testimoniis communire. S. Ambrosius lib. de Paradiso cap. 8. „ Venerat Dominus Jesus omnes salvos facere peccatores, etiam circa impios ostendere suam debuit voluntatem, & ideò nec proditurum debuit præterire, ut adverterent omnes, quod in electione etiam proditoris sui servandorum omnium INSIGNE prætendit . . . & hic etià in Apostolatus munus ascitus, ut vel beneficio Dei revocaretur à proditiõis affectu. Et in psal. 38. „ Tametsi Judas ineditaretur Christum vendere, revocabat eum tanta Domini gratia, & quædam delinimenta pietatis, quibus furor ejus mollebatur, nec erupisset in scelus, nisi se in cor ejus, quia Christum fallere se putabat, Adversarius demersisset, S. Leo ferm. 16. de passion. cap. 3. „ Traditorem ab immanitate concepti sceleris & beneficiis est revocare dignatus, & verbis, assumendo in discipulum, provehendo in Apostolum, monendo signis, consecrando mysteriis, ut cui nihil benevolentiae deesset ad correctionem, nihil occasionis superesset ad crimen „ S. Chrysostomus homil. 69. in Johàn. Dominus lavit Judæ pedes, quo officio cohibere eum à scelere illo voluit „ S. Cyrillus Alexandrinus lib. in Johan. cap. 7. sed hujus clementiæ magnitudinem quis non admirabitur? Videbat ani-

„ animum ejus, cognoverat venenosa eum agitare consilia, ho-
 „ noravit tamen ut alios, & ejus quoque pedes lavit, charitatem
 „ usque in finem conservans, & antequam omnia in exitum
 „ erumpant, illum non derelinquens. Et cap. 11. Proditorem
 „ occultius arguēs revocat, Quinimò Tertullianus lib. de Ani-
 „ ma cap. 4. ait, Judam bonum perseverasse usque ad loculorum
 „ officium, quod ei tamen à Christo commissum est, vel ut ava-
 „ rum ejus animum sedaret, quod dicit Hyeronimus, nec non &
 „ Cyrillus, & Theophilaſtus ac Euthymius in Johann. & Orige-
 „ nes homil. 4. in Cantic. Vel quia minùs quàm alii idoneus erat
 „ ad spiritualia, magis ad temporalia, Vel ne videretur, inquit
 „ S. Ambrosius 11. offic. cap. 16. aut quasi inhonorus, aut quasi
 „ egenus Dominum prodidisse, & non quasi injuriâ exaspera-
 „ tus, sed quasi prævaricatus gratiam, majori esset offensâ ob-
 „ noxius, sicque Dominus justificaretur in eo, Epiphaniî quo-
 „ quæ ratio est hæresi 38. ut esset inexcusabilis, qui cum accepisset
 „ à Domino marsupium, propter avaritiam tamen tradidisset eum.
 „ Disertè id quoque affirmant Anastasius Nicænus quæst. 23. in
 „ scripturam, Cyrillus Jerosolymitanus Catech. 7. Augustinus lib.
 „ 3. contra lit. Petilian. c. 55. Isidorus Pelusiota lib. 3. epist. 44.
 „ Nazianzenus in Christo patiente, & Olympiodorus eccles. 6.
 „ quî etiam addit, Conversos ab eo non nullos, & quod doctri-
 „ næ suæ verbis multos genuit filios, S. Leo quoque adjungit
 „ loc. cit. quod Imperabat demoniis, & medebatur infirmis.

His subtexere visum est egregia verba Scriptoris recentioris.
 vitæ innocentia, & doctrinæ sublimitate conspicuus. Hic est
 venerabilis Alexander à S. Francisco alibi commendatus, qui in
 Manuali pauperum thesauro 14. hæc pulcherrima edisserit: „
 „ Dominus, & Lazarum fætentem, & Judam proditorem, & ho-
 „ minem non vestitutum veste nuptiali amicum vocavit, ami-
 „ cus iste tam bonus, qui nisi peccatores amasset, de cælis ad ter-
 „ ram non descendisset, nec recti, & justi diligenter illum, nisi
 „ prior ille injustus, & iniquos dilexisset. Ad te igitur vox ista
 „ pertinet, ò homo, & jam si peccator sis, etiam si Lazarus fæti-
 „ dus, etiam si Judas proditor, etiam si non vestitus sis veste nu-
 „ ptiali, amicus tuus Christus est, & amicus fidelis partes om-
 „ nes, & numeros viri amici adimplens. Utinam Juda non ob-
 „ turaſſes aurem tuam ad vocem illam, qua vocatus es *amice*,
 „ sensisses profectò vim vocis istius, & incantasset te, & rediſſ-
 „ „ fet

„ set cor tuum ad sapientiam, & exiisset inde diabolus, & intraf-
 „ set Jesus. Ferebat illa vox secum quidquid opus tibi erat ad
 „ resipiscendum, & resurgendum, ad salvandum, & sicut po-
 „ tens fuit ad restituendam vitam quatrigeno Lazaro jam qui-
 „ dem setenti, nō tamen aures claudenti ad vocē vocantis ami-
 „ ci, itā & tu eadem voce vocatus ad vitam salutis rediisses, nisi
 „ aures tuas obturasses. Tangit enim cor, cum aures ingreditur
 „ amici vox, & ad contactum illius resurgit amor, & si hoc con-
 „ tingit in homine, quantō fortius in Deo, cujus amor in infi-
 „ nitum excedit omnem hominum amorem, cujus eloquium
 „ ignitum est vehementer, & sermo efficax, & penetrabilior om-
 „ ni gladio ancipiti;

Insuper Jansenius Episcopus Gandavenfis comment. in con-
 cord. Evang. cap. 140. „ Scias, inquit ex Theophylacto, quōd
 „ Judas posuit quidem collum suum in laqueum, & cum pen-
 „ deret ab arbore, arbore inclinātā, supervixit, Deo volente
 „ ipsum vel in pēnitentiam conservare, vel in traductionem,
 „ & confusionem. Sic, & Euthymius, non ait, continuo mor-
 „ tem est assecutus, prout cupiebat. Agnitus enim à quibusdā
 „ depositus est, ne præfocaretur, deinde postquam in secreto
 „ quodam loco, modico vixisset tempore, præceps factus seu
 „ præcipitatus inflatus, diruptus, ac diffusus est medius, & effu-
 „ sa sunt omnia viscera ejus. „ Papias, ut refert Oecumenius,
 „ & Magister historiæ ecclesiasticæ, scribit, rupto laqueo Judam
 „ supervixisse, ac postea crepuisse curru compressum, cum corpo-
 „ re inflatus progredi non posset. Videantur S. Cyprianus de bo-
 „ no patientiæ, S. Augustin. in psal. 68. & 108. Beda in Lucam cap.
 „ 22. S. Laurentius Justinianus in lib. de triumphali agone Chri-
 „ sti, & alii, ex quibus audiatur Anselmus medit. 9. § 4. nu. 18. &
 „ 19 intimo pietatis affectu Christum Dominum allocutus. „ Ac-
 „ cedentem ad osculum oris tui cruentam bestiam averfatus nō
 „ es, sed os, in quo dolus inventus non est, ori, quod abunda-
 „ vit malitiā, dulciter applicuisti. . . . „ Et hoc tuæ benigni-
 „ tatis erat, ut omnia illa exhiberes, quæ pravi cordis pertina-
 „ ciam emollire potuissent. Nam, & veteris amicitiae illum
 „ commonuisti dicens, *Amice ad quid venisti?* Et horrore sce-
 „ leris sui cor impii ferire voluisti, cum ei dicebas: *osculo filiū*
 „ *hominis tradis?* „ Eodem Anselmi spiritu imbutus Sfondra-
 „ tus easdem voces reddidit. „ Vult Deus, inquit pag. 67. Petrū,
 „ &

„ & Judam salvos esse, sed non eodem modo, nec eadem gratia,
 „ qua Judam. Quid enim non fecit, ut Judam salvaret, & ab
 „ exilio peccati, quo tenebatur, ad pœnitentiam primò, ac de-
 „ indè ad æternum regnum proveheret? in Collegium Apo-
 „ stolorum accepit, inter amicos conscripsit, testem Sanctita-
 „ tis, ac miraculorum suorum fecit, docuit, monuit, minatus
 „ est, prædixit, osculo, amplexu strinxit, ac jam jam sceleri per-
 „ tinaciter accinctum cum armata cohorte ad terram allisit,
 „ quid amabò, facere amplius debuit, ut obstinatissimum expu-
 „ gnaret? Et antea pag. 38. dixerat. Quis compertum habet
 „ cur Petrum, & Magdalenam ita vocaverit, ut vellent, non
 „ verò ita Saulem, & Judam? Petrus peccator, Judas peccator:
 „ Petrus vocatus, Judas vocatus. Petrum aspexit, Judam os-
 „ culatus est, plus fuit osculari, quàm intueri, Petrus pag. 106.
 „ Zachæum semel tantum Christus invisit, cum eoque pransus
 „ est, & tamen solo aspectu, & colloquio in alium mutavit. At
 „ Judam, & Amicum, & Apostolum, & Thaumaturgum, &
 „ Convivam, & testem omnium miraculorum, actionumque
 „ suarum habuit, quarum vel una etiam durissimis cordibus in
 „ amorem rapiendis sufficere poterat. Illum beneficiis, illum
 „ minis, illum osculis, illum tot annorum convictu, velut per-
 „ petua obsidione pulsavit, nec tamen vicit; negari ergò non
 „ potest, plura huic reprobo auxilia, quàm prædestinato Za-
 „ cheo impensa esse. „ Hæc secum piâ, & à præjudiciis liberâ
 „ mente revolvat optimus Lector, & cum S. Bernardo in hæc ver-
 „ ba de similibus scriptionibus locuto epist. 11. prorumpet: „ Le-
 „ gi ea, & quas volebam in ore litteras, scintillas sentiebam in
 „ pectore, quibus & cœcaluit cor meum intra me tanquam ex
 „ illo igne, quem Dominus misit in terram. O quantus in illis
 „ meditationibus exardescit ignis, è quibus hujusmodi evolant
 „ scintillæ! „

N O T A.

Observandum autem, Authorem hoc modo, & pluribus aliis lo-
 cis æqualia illa, aut majora gratiæ auxilia, quæ reprobis at-
 tribuit in doctrina, exhortationibus, minis, & beneficiis exteriori-
 bus ponere, quasi verò gratia Christi in his solis rebus intelligi debe-
 at, & non potius in subministratione spiritus juxta Apostolum, sed
 in

in inspiratione dilectionis, qua Deus cor tangens operatur in nobis non solum veras revelationes, sed etiam bonas voluntates, ut loquitur Augustinus refellens Pelagium, qui ultro ejusmodi gratiam in lege, doctrina, exhortationibus, minis, & aliis rebus exterioribus positam admittebat, ut supra vidimus.

DISPUNCTIO.

Cardinalem Sfondratum collocare Christi gratiam cum Pelagio in solis beneficiis, & rebus externis testimonia ipsius jam producta, & alia plurima in ejus libro extantia Censorem de gravissimo crimine falsi convincunt. Ea autem beneficia exteriora sic repræsentat Emin. Author pag. 131. „ A nobis ergò, inquit, qui per externa tantum de internis arbitramur, ita sentiendum est, ut credamus, illis plures, majoresque gratias internas datas esse, qui plures, & majores externas accepere, nã externa ad interna tanquam finem diriguntur &c. Quod si Christus de vocatione externa verissimè dixit Johan. 4. Nisi ego venissem, & signa in eis fecissem, quæ nemo alius fecit, peccatum non haberent, quantò magis, veriusque dicendum erit de vocatione interna, eos, qui istâ caruissent, non peccaturos, cum, ut dixi, multo hæc magis ad credendum, quàm illa necessaria sit Deus vocando, docendo, miracula patrando non tantum foris, verum etiam, multoque magis inspirando, illustrando, excitandoque intus, & in anima operatur nam sine interna hac vocatione externa illi nihil prodesset. „ Deindè affert in hanc rem efficacissimū testimonium Authoris librorum de vocatione gentium, & pag. 139. hæc addit: „ Gratia externa nisi internæ respondeat, majus beneficium dici non potest, nec ad magis credendum, & pænitentiam sufficit, cum, ut supra ex S. Thoma notavimus, gratia externa sine interna ad litteram occidentē pertineat. „ Præclarissima hic omnia sunt, omnia Emin. Theologo digna, omnia summo orthodoxæ sapientiæ Doctore dignissima, nihil nugarum, nihil Pelagii errorum, nihil hæresum; „ Undè plurima, ut testatur Ruiz disp. 42. de prædestin. sect. 4. ac validissima Catholicorum Doctorum argumenta eluderentur, si Scriptura sacra, quando solummodo exteriora commemorat auxilia, absque expressâ mentione gratiæ interioris, non eam ipsam „ gra-

„ gratiam primariò significaret, quasi animam, quæ vitam, &
 „ vires præbeat exterioribus auxiliis. Quod usque adedò certum
 „ est, ut iidem ipsi Patres, qui vehementius incumbunt ad præ-
 „ dicandam interioris gratiæ necessitatem, sæpè aliàs homini-
 „ bus impropere, quod talibus prædicationibus, exemplis,
 „ miraculis, beneficiis, flagellis non respuerint, cum potu-
 „ issent, si vellent, converti, tunc verò nullam faciunt expres-
 „ sam mentionem interioris auxilii, quarum locutionum exē-
 „ pla plurima occurrunt assidue legentibus SS. Augustinū, Pro-
 „ sperum, Fulgentium, Hieronymum, Hilarium, Gregori-
 „ um, aliosq; Patres, istaque est persuasio communis omnium
 „ fidelium. Pelagius verò sine huiusmodi interiori gratiâ ali-
 „ quid prodesse blaterabat divini verbi prædicationem, quod
 „ fuit primarius Pelagii error, quem respexisse videtur Mo-
 „ guntina Synodus Provincialis cap. 7. dicens. Prævenientem
 „ gratiam cum per alia media, tum potissimum in prædicatione
 „ verbi ad conversionem hominis operari. Quapropter Au-
 „ thor sermonum ad fratres in Eremo apud Augustinum tom. 10.
 „ sermo 28. opportunè scripsit „ Dominus Jesus discipulum Ju-
 „ dam multis modis, minis, sacramentis, & exemplis, & plan-
 „ ctu volens eum corrigere, & prædictis modis ad correctionem
 „ invitare „ Alia omninò videnda subtexuntur, sicut etiam
 „ apud Gulielmum Parisiensem in prima parte tract. de merit.

PROPOSITIO XXXI.

Deus quamvis desertus, nunquam tamen ita hominem li-
 cèt obstinatissimum deserit, ut non ei gratiam tribuat,
 qua & possit pænitere, imò & qua actu pæniteat, si velit,
 ut Pharaonis exemplo patuit, qui Deo flagellante jam in
 Mosem exarsit, eique mortem minatus est, jam pænitu-
 it, suumque peccatum & agnovit, & palàm confessus est.
 Dominus, inquit, justus est, ego autem, & populus meus
 impii, quem ergò peccatorem deserat Deus, si non deser-
 uit Pharaonem, aut quis tam obduratus, qui non possit,
 quod Pharaon & potuit, & fecit? pag. 99. lin. 5.

N Ouum prorsus, & contra communem Patrum, ac interpretum sententiam, ut Pharae dicatur verè penitens, & per gratiam Dei conversus fuisse, quando dixit Exod. 9. v. 17. peccavi etiam nunc, Dominus iustus &c.

DISPUNCTIO.

N On ex suo cerebro contra communem Patrum, atque interpretum sententiam confinxit Author, Pharaonem pœnituisse, sed ex his verbis S. Augustini, vel S. Cesarii Arelatensis relatis pag. 97. nempe. *Quoties Pharaonem Dei plaga percussit, afflictus pœnituit.* Cenfor autem suo more infideliter retulit verba Eminentiss. Scriptoris addendo ex suo quodlibetico Cœmentario, quod Pharae dicatur verè penitens, & per gratiam Dei conversus. Ast Author merè reddidit verba Cesarii, & in eodem ferè sensu scripsit S. Fulgentius epist. 7. ad Venantiam cap. 5. de Juda proditore „ Dignè quidem pœnitentiam gessit, „ quia peccavit tradens sanguinem iustum, sed idè sibi fructum „ pœnitentiæ denegavit, quia peccatum traditionis suæ ipso „ quem tradidit, diluendum sanguine non speravit „ Ast ad-movendæ jam aures sunt doctissimis vocibus Eminen. Cardinalis de Aguirre tom. 3. Theolog. S. Anselmi, tract. 7. disput. 125. sect. 3. num. 38. „ Quid durius, ait, & obstinatus Pharaone tot „ prodigiis, ostentis, & beneficiis non emollito, sed in dies „ lapidescente? Attamen de ipso constat, iterum, atque iterum „ postquam obduruit, prodigiis fuisse excitatum ad pœnitenti- „ am, & non exterius tantum, uti de fide est, sed etiam interi- „ us juxta multos ex Patribus, præsertim Augustinum suprà ex- „ pensum. Quod & fulcitur ex sacro textu Exodi 7. v. 3. nam „ ubi ait: *Ego indurabo cor ejus*, idem sensus est, ac Exodi 8. „ vers. 15. illis verbis. *Videns Pharae, quod data esset requies,* „ *ingravavit cor suum.* Tanquam circa eam obdurationem De- „ us solum permissivè se habuerit, Pharae autem activè, respu- „ endo auxilia, quibus posset, si vellet, emollire præcordia. „ Postea explicat illud verbum, *ingravatum est* juxta fontem „ Hebraicum accipiendum semper esse pro *ingravavit se cor*, „ scilicet, voluntas Pharaonis nolentis acquiescere Deo præci- „ pienti

„ pienti deciès dimissionem populi, & tot prodigiis è cælo mi-
 „ nanti, sed abiicientis iussu cælestia, & auxilia tum externa ab
 „ ostentis, tum interna ab auxiliis, quibus in animo pulsaba-
 „ tur. Nempè eo sensu tantum Deus quandoque peccatores
 „ extremæ nequitix deditos ingravare dicitur, auferendo au-
 „ xilia congrua, sive efficacia omnia, quorum se præstiterunt
 „ indignos, non verò sufficientia, aut saltem potestatem ad ea
 „ impetranda, quam quia respuunt vitio suo, in eis manet ju-
 „ xta Bernardi sententiam lib. 1. de Consideratione &c.

Suffragatur Driedo de captivit. & redempt. tract. 5. cap. 3.
 concl. 8. „ Piâ quadam fiducia docemus, omni homini pecca-
 „ tori sub usu liberi arbitrii vitam agenti, cælitus dispenfari pro
 „ loco, & tempore sufficiens excitationis internæ auxilium,
 „ quo valeat credere Deum &c. Omni homini jam adulto se-
 „ cundum vicissitudinem temporum divinitus communican-
 „ tur auxilia quædam specialia, quibus valeat ad quærendam
 „ gratiam Dei promoveri in viam salutis . . . Ex Augustini
 „ doctrina discimus, piè de Deo sentiendum esse, ut opinemur,
 „ etiam Pharaoni, & Aegyptiis datam esse misericordiam, qua
 „ possent resipiscere &c. „ Favet Ruiz disp. 45. de prædestinat.
 „ sect. 4. n. 6. ita discurrens ex præfato sermone S. Augustini, vel
 „ S. Cæsarii, manifestum esse, Pharaonem habuisse internam
 „ gratiam sufficientem ad penitendum & humiliter supplican-
 „ dum, sine qua gratia penitere, & supplicare non potuisset,
 „ etiam urgentibus flagellis, ideòque remittentibus illis non ob
 „ defectum auxilii sufficientis, sed ob liberam malitiam recrui-
 „ disse duritiem „ Et in tomo de voluntate Dei disp. 42. sect.
 „ 2. num. 13. generaliter adnotarat hoc discrimen, quo indurati,
 „ & excæcati superant reliquos peccatores, nimirum „ Quod
 „ frequentioribus, & altioribus beneficiis, evidentioribus mi-
 „ raculis, durioribus, & assiduis flagellis, perfectioribus vir-
 „ tutis exemplis, concionibus, doctrina, privatis exortatio-
 „ nibus ad persuadendum magis accommodatis, longanimi ex-
 „ pectatione, cæterisque salutis remediis potentioribus ipsi re-
 „ stiterint, cum tamen illorum virtute potuissent oculos aperi-
 „ re, & cordis duritiâ deponere si voluissent, sicut & alii pec-
 „ catores minoribus remediis quandoque cedunt, & obediunt.
 „ Consentit Mastrius de Meldula in 1. sentent. disp. 5. de præde-
 „ stin. quest. 1. art. 3. n. 40. celebrans miram Dei patientiam revo-

cando Pharaonem ad pœnitentiam, allegatque in hanc sententiam plures Authores, quibus ita concinit Bernardus Guyard lib. 2. de discriminibus inter doctrinam Thomisticam, & Jansenianam quæst. 3. art. 1. „ Ad quid, inquit, tot verba Moyſis, „ & Aaron ex parte Dei ad Pharaonem directæ? tot signa mirabilia, & terribilia, tot plagæ immiſſæ, & receptæ? Hæc omnia motibus interioribus vacasse quis crederet? ait enim scriptura, quod his omnibus tactus Pharaon dixit: Peccavi etiam nunc, Dominus justus, sive, ut ait Cajetanus. *Jehovah justus, & ego, & populus meus impii. Unde confitetur saltem fide, quod ipse fons essendi justè punit eum*, à quo motus iste, nisi à Deo procedere poterat? si enim non sumus sufficientes cogitare aliquid à nobis tanquam ex nobis, sed omnis nostra sufficientia ex Deo est, hæc, qua se offendentem, & Deum offensum agnoscit, non ne gratia quædam est? nec per hoc quod Cajetanus ait, confitetur *saltem fide* opinioni nostræ adversatur, non enim negat, pium fuisse illum confessionis motum, sed vult dicere, dato, & non concesso, quod motus ille non fuerit animæ omninò contritæ, saltem tamen contritæ esse finxit, sed fictio illa motionis divinæ supernaturalitatem non tollit, & per consequens ipsi etiam indurati auxilio divino non sunt destituti „ Hæc ex genio Guyardi.

N O T A.

I *Mò contraria est hæc explicatio ipsis verbis Moyſis, qui statim 30. ait Pharaoni: novi quod tu, & servi tui nec dum timeatis Dominum.*

. D I S P U N C T I O.

E A Moyſis verba insinuant tantummodò, Pharaonem statim ad vomitum rediisse, sed hoc ultrò fatetur Emin. Scriptor loco laudato pag. 177. *de Pharaone constat aliquando pœnituisse, licèt postea reciderit.*

D Eindè qui dicit Pharaonem licet obſtinatiſſimum à Deo deſertum non fuiſſe, ſed potius ab eo gratiam accepiſſe, Paulo Apoſtolo contradicit, qui allato ejusdem Pharaonis exemplo Rom. 9. v. 17. *continud addis*, ergò cujus vult miſeretur (Deus,) & quem vult indurat. *Quidenim aliud eſt, Deum indurare peccatores, niſi eos deſerere, non quidem malitiam inſpirando, ſed gratiam non impertiendo, ut ait Auguſtinus?*

DISPUNCTIO.

S Chryſoſtomus homil. 16. in epiſt. ad Rom. palàm profite-
tur, quod Deus non prætermiſit quicquam eorum,, quæ
,, ad Pharaonis correptionem, emendationemque facerent, ne-
,, que ille omiſit quicquam eorum, quæ ipſum perderent, omni-
,, que venia privarent &c. Undè ergò alii quidem vaſa iræ, alii
,, autem miſericordiæ? a propria voluntate. Deus autem ad-
,, modum bonus cum ſit, *in utriſque eandem oſtendit bonitatem*.
,, Etenim non eos modò, quos ſervabat, miſeratus eſt, ſed &
,, Pharaonem ipſum, quantum quidem in ipſo fuit; *Eandem enim*
,, bonitatem & illi, & hic ſunt aſſecuti. Qui ſi ſervatus minimè
,, fuit, rei totius culpa ab illius animo accidit, nam Dei partes,
,, atque officia nihilo minùs accepit, quam qui ſervati ſunt,,
,, Expendat ſeriò Cenſor aurea hæc Chryſoſtomi verba, & pudore
confuſus obmutefcat. Conſulat inſuper Cenſor S. Auguſti-
num lib. de gratia & lib. arbit. cap. 23. & ipſummet Sfondratum
pag. 83. & 177. ubi aſſatim ſuppeditantur argumenta ad ejus in-
ſtructionem, & deindè attentè perpendat ſententiam S. Chry-
ſoſtomi de Pharaone pronunciata ad omnes prorsùs peccato-
res extenſam à Ludovico Granatenſi religioſiſſimo Theologo
in concione 4. pro die Pentecoſtes,, Ea eſt, inquit, humanæ
,, mentis ingratitudo atq. perversitas, ut dubitari meritò poſſit,
,, uter in hac parte effuſior, ut ità dixerim, ſit, homine ad ſu-
,, um exitium comparandum, an Deus ad ſalutaria illi remedia
,, providenda. Si enim diligenter hominum vitam inſpicias,
,, invenies utique pleroſq. ipſorum præcipiti curſu ad interitù
,, tendere, in hoc unum incumbere, hoc ferè moliri ut omnia,
,, quæ illis ad ſalutem data ſunt, pervertant, & in arma iniqui-
,, tatis

„ tatis convertant &c. Contra verò Deus liberalissimum ac pe-
 „ nè prodigum se in eam gentem exhibet, quæ tanto studio sibi
 „ perniciem machinatur, & salutis suæ Authorem tot modis
 „ offendit. Ità fit ut quisquis hanc utriusq. partis contentio-
 „ nem attentius fuerit contemplatus, inveniet planè duas po-
 „ tentissimas factiones, alteram quidem Dei summo studio sa-
 „ lutem nostram procurantis, alteram hominis in interitum
 „ suum toto impetu ruentis. Ille nos ad vitam revocare con-
 „ tendit, nos manibus nostris mortem nobis accersere cona-
 „ mur: ille nos ad justitiam, & pietatem vocat, nos impetu cæ-
 „ co, & furibundo ad impietatem & injustitiam rapimur. Sicut
 „ autem nullum esse spectaculum jucundius potest, quam ho-
 „ die Spiritum Sanctum è cælo descendentem intueri,
 „ & visibilibus signis quid in mentibus fidelium efficiat, osten-
 „ dere, ità nullum tetrius atq; funestius, quàm hominem cer-
 „ nere sibi ipsi perniciem inferentem, divino spiritui resiten-
 „ tem, nihilq; tot divinis muneribus proficientem.

„ Omnibus omnibus „ Exclamat sapientissimus Cornelius
 Mussus in cap. 9. epist. ad Rom. &c. „ Sufficienti gratiâ opitu-
 „ lari decrevit Deus ante sæcula, opitulaturque, & Pharaoni
 „ opitulatus est „ Guyardus nuper laudatus lib. 2. quæst. 1.
 „ art. 5. „ Evidentissimum est, inquit, Deum gratias sufficien-
 „ tes interius, & exterius dedisse Pharaoni, post quæ rationa-
 „ biliter concludit Apostolus. Quid adhuc queritur? nam si
 „ spretis hujusmodi auxiliis non vult converti Pharaon, si vo-
 „ catus renuit, si extendentem manum non aspicit, non ne
 „ locum conquerendi habet? non ne potest iterum dicere?
 „ Quid debui facere vineæ meæ, & non feci? . . . Bartholo-
 „ meus Medina 1. 2. quæst. 109. art. 10. advertit, quod S. Au-
 „ gustinus in Commentariis ad Rom. non nulla dicit, quæ pos-
 „ teà retractavit lib. 1. Retract. cap. 19. & verius expressit suam
 „ sententiam in lib. de prædestinat. & grat. cap. 14. & 15. atque
 „ etiam in opusc. de articulis sibi falsò impositis. Et hæc suffi-
 „ ciunt, pergit Guyardus, ut ostendamus, Jansenium Ipre-
 „ sem fundamenta, quibus Thomistæ gratiam sufficientem pro-
 „ bant, evertere, & concutere velle. Quia verò ex istis fun-
 „ damentis hoc unum præcipuum est, quod si auxilium suffi-
 „ ciens non daret Deus hominibus, à culpa excusarentur, il-
 „ lud Jansenius suscipit demolendum per hoc quod de gratiâ
 „ effi-

„ efficaci, iis, qui non salvantur, denegatâ idem concludendum foret.

Cæterum Deum in hac vita nemini quantumvis indurato, excæcato, & à Deo averfo auxilia ad salutem necessaria denegare asserit Mastrius loc. cit. esse communem sententiam divinæ pietati magis consentaneam, ne dum veterum, sed etiam recentiorum, & deinde refert plures gravissimos Theologos, eamque sententiam probat ex Conciliis, & Patribus. Item eandem sententiam sectatur Episcopus Abellii 1. part. suæ Medullæ Theologicæ tract. de gratia cap. 2. sect. 7. illam corroborat autoritatibus Sacræ Scripturæ, SS. Augustini, & Thomæ, atque rationibus, eamque vocat longè probabiliorem oppositâ pro ipsâ allegans etiam Alensem, Petrum Soto, Vegam, Malderum, Gama-chæum &c. Adducit pro veritate ab Eminen. Authore asserta Guyardus lib. 2. quæst. 3. art. 1. testimonium eximii Theologi Bartholomæi Medinæ docentis 1.2. q. 79. art. 3. & 4. quod „ Ea „ loca, quæ derelictionem, excæcationem, indurationem in „ dicant, auxilium sufficiens his omnibus probant dari; com „ minatur enim Deus se destitutum peccatores, quoniam renu „ unt, & contradicunt. „

Subiicit mox idem Doctor Parisiensis, Dominicum Soto, qui in 4. sentent. d. 15. q. 1. art. 1. „ Factâ narratione historiæ Pha „ raonis ait, quod longa illa comminatio, & successio plagarum „ indicium fuit bonitatis Dei, qui ipsum ad pœnitentiam adducebat &c. & lepidè profert locum Psalmistæ dicentis. Dixit Do „ minus ex Basan convertam, convertam in profundum maris „ hoc est, inquit Soto, etiam si quis sit in malorum fundo „ De opinione autem huic nostræ opposita quale sit ejus judicium, eam illemet, non ad errorem solum, sed & ad impietatem extendit „ Quare, inquit, hujusmodi error non solum est à veritate evangelica alienus, verum, & hominibus perniciosissimus, si quis talem de Deo suspicionem haberet. Aequiparat enim viventes homines infernalibus Dæmonibus, atque adeò „ in scopum desperationis adigit eos &c. Quò circa error iste „ blasphemus est, & injurius in Christum, & in ejus Passionem, „ nam si aliquod esset irremissibile peccatum, non fuisset universalis Redemptor. Attexit continuo Guyardus hanc aliam auctoritatem Nugno 3. par. sup. quem vocat non infimum Thomistam, nimirum, „ Fides est, ita ut oppositum sit hæresis „ ma-

„ sunt aliqui populi, & cives, nbi Pastores sunt utiliores, &
 „ capaciores? Negare autem, quod ista media exteriora sint
 „ gratiæ divinæ providentiæ, aut in dubium revocare, quod
 „ non conferant ad salutem, & animarum perfectionem, *effet*
 „ *ingratitude erga celestem bonitatem, & mendacem reddere ve-*
 „ *racem* experientiam, quæ demonstrat, quod ubi abundant hæc
 „ media exteriora, efficaciora, & meljora sunt interna „ Hu-
 „ go Cardinalis in Genes. cap. 28. docet, quod „ Dominus vo-
 „ cat peccatores ad pænitentiam, & ad regnum sex modis. In-
 „ terius per inspirationem, exterius per scripturas, superius
 „ per promissiones, inferius per comminationem, anteriùs
 „ per beneficia, posteriùs per flagella. Tot modis vocat Pius
 „ Pater, & adhuc renuimus respondere, Proverb. 1. *vocaui, &*
 „ *renuistis*. Eodè collimat Gamachæus in 1. 2. S. Thomæ
 „ quæst. 111. cap. 5. inquiens „ Auxilia sufficientis gratiæ in va-
 „ rias adhuc species subdividi possunt, etenim bona exempla,
 „ & consortia Virorum proborum, exhortationes ad virtutem,
 „ conciones verbi Dei, orationes speciales, quæ ab amicis fun-
 „ duntur, morbi afflictiones, ammissiones bonorum, aliaque
 „ id genus innumera, quibus alii magis, alii minus afficiuntur,
 „ magis, aut minus abundant, debent ad gratiam sufficientem
 „ reduci, quando privantur suo effectû, ac sine supernaturali,
 „ quemadmodum è contrario ad efficacem, ubi eundem finem
 „ assequuntur, & obtinent „ Videatur Suarez par. 1. de gratia
 „ in prolegom. 3. cap. ubi plura testimonia Patrum, & præsertim
 „ Augustini pro hoc dogmate catholico adducit.

P R O P O S I T I O X X X I I .

Quis unquam pejor, impurior, magis flagitiis assuetus Tiberio, & Nerone? . . . si ergò nè istis quidem defuit Deus, quin per conscientiam moneret, cui ergò defuturus est. pag. 162. lin. 28. lin. 33. planè tam portentosa Tiberii flagitia, tam diuturna fuere . . . ut nullus aequè deferri à Deo mereretur, & tamen tantum abfuit desertum esse, ut maximis argumentis ad Dei cognitionem, & scelerum pœnitentiam vocaretur; pag. 195. lin. 18. Quis suspicari possit Deum alicui defuisse, qui non defuit Neroni? Nemo isto pejor, nemo indignior, nec tamen desertus? Nullus ergò timendi, aut desperandi locus, etiam Nerone adiuto; pag. 197. lin. 30.

N O T A.

N Ovum etiam, & tùm scripturis sacris, tùm communi Christianorum sensui contrarium asserere Tiberium & Neronem, & maximos quoque, & pessimos peccatores, etiam impios, & idololatrias nunquam in eum statum devenire, ut à Deo deferantur, sed potius Deum eis adesse, eosque ad scelerum pœnitentiam, morum conversionem, & Dei cultum vocare, & adjuvare.

D I S P U N C T I O .

„ **S** Ed ne quemquam terreat „ (Ità contra Jansenium, ejusque Apologistas declamat Ludovicus Bail in libro de beneficio Crucis par. 3. art. 23.) „ Nomen Neronum Caligularum, & aliorum hujusmodi perditissimorum hominum, qui „ non fuerunt deterioris conditionis, quàm Cajani, Pharaones, ac Sardanapali, in quibus gratiam sufficientem non defuisse jam diximus, etiam ipsum Antichristum hominem peccati, & filium perditionis, ut vocatur ab Apostolo 1. ad Thesalon. 2. in medium producimus, cui Deus committet Angelum costodem, qui ejus salutis curam habeat, & si ad bonum „ aliquid inducere non possit propter exquisitam ejus malitiã, „ à ma-

„ à malis tamen pluribus deterreat ; At credi non potest, An-
 „ gelos custodes eos velle ad salutem promovere, quibus id es-
 „ set impossibile ob inopiam auxilii sufficientis, undè non leve
 „ argumentum est, Deum eorum salutem curasse, quibus An-
 „ gelos custodes destinavit. At Angelum custodem ipsi Anti-
 „ christo delegaturus est. Id testatur D. Thomas 1. par. quæst.
 „ 113. art. 4. ad 3. ubi ait, quod præciti, & infideles per cu-
 „ stodiam Angelorum, & si non juvantur quantum ad hoc, quod
 „ vitam æternam bonis operibus mereantur, juvantur tamen
 „ quantum ad hoc, quod ab aliquibus malis retrahuntur, qui-
 „ bus & sibi ipsis, & aliis nocere possent. Idem sentit D. Bo-
 „ naventura in 2. sent. dist. 11. art. 2. q. 1. asserens, bonum An-
 „ gelum nec obstinatos, nec Antichristum deferere quantum
 „ ad actum custodiæ, qui respicit malum, quia semper retrahit
 „ hominem, ne labatur in pejus. Consentit Tostatus Abulen-
 „ sis in cap. 18. Matthæi q. 62. docens, quod etiam ipsi Anti-
 „ christo indirectè proderit custodia Angeli, quia suadente
 „ Diabolo plura mala committeret Antichristus, nisi custos
 „ Angelus impediret Sathanam, & tamen quanto pauciora fu-
 „ erint peccata ejus, tantò minus punietur. Si autem sine An-
 „ gelo custode relinqueretur, committeret plura mala, & pu-
 „ niretur gravius. Subscribit Suarez tom. 2. ad 3. par. D. Thō.
 „ disp. 54. sect. 3. ubi & addit, Deum non denegaturum Anti-
 „ christo gratiam suam sufficientem quantum est ex parte sua,
 „ quamvis propter malitiam vix unquam det ipse locum alicui
 „ bonæ inspirationi, aut effectui spirituali custodiæ angelicæ,
 „ aut divinæ gratiæ. At si ita est de Antichristo, quanto ma-
 „ gis de aliis? „ Cæterum hoc efficacissimum argumentum de
 „ custodia angelica ipsi Antichristo delegata egregiè promovet
 „ etiam Cardinalis Author pag. 172. & 177.

„ Redit post pauca Bail ad Neronem inquires „ Obmurmura-
 „ tio illa conscientie improbæ, & parrus peccati vipereus erat
 „ in Nerone, & Heliogabalo, & aliis hominum monstris velut
 „ auxilium quoddam remotum ad illud detestandum, & de eo
 „ poenitendum, & erat quædam bona mentis cogitatio, simul-
 „ que voluntatis aliqua motio divinitus immissa, atque in hac
 „ vita possent illi dicere gratiam profitentes: *adiutor in tribu-*
 „ *lationibus quæ invenerunt nos nimis*. Non igitur omni auxilio
 „ interiori destituti censendi, & si solum istud habuissent:

„ Sed & aliud habuerunt , & si semper non adverterint „
 Vtraque autem propositio à Censore delata est manca & mutila , uti textum Authoris legenti constabit . Ibi enim elegantissimè Cardinalis Author suum assertum comprobatur gravissimis veterum testimoniis . Hisce tamen validissimis argumentis cum respondere ignoret Censor , eique inhæreat aqua , more suo crimen infert . Ex multis autem responsionibus extra dubitationis aleam positum est , doctrinam ab Eminen. Authore traditam minimè novam , neutiquam scripturis sacris , & communi Christianorum sensui contrariam esse , eamque non accusatione , sed responsione indigere , ut oppositum ostendat Censor .

NOTA.

Certè Paulus Apostolus loquens de Philosophis , qui cum Deum solo rationis ductu cognovissent , non sicut Deum glorificaverunt , ait Rom. 1. v. 24. propter quod tradidit illos Deus in passionem ignominie , ac denique v. 28. tradidit illos Deus in reprobum sensum . *Quid autem aliud his verbis intelligendum est à juxta recentiores interpretes , nisi Deum aliquos homines ob peccata precedentia auxilii gratie sue destituere , ut in quacumque scelera , & flagitia precipites ruant ?*

DISPUNCTIO.

Si exoptasset Censor exactas responsiones ad textus ex Apostolo ad Rom. 1. ab ipsomet productos , consulere poterat Sfondratum pag. 157. 159. 160. 168. & alibi , vel innumeros Theologos ejusdem Cardinalis sententiam amplexos , qui illis autoritatibus nullo negotio perfectè satisfaciunt . Quinimo iidem Theologi ex ipso cap. 1. epist. ad Rom. ver. 18. 19. & 20. docent , quod Philosophi , & omnes Gentiles dicuntur inexcusabiles , vel à culpa violandi legem supernaturalem , vel à culpa violandi tantum legem naturalem , si primum dicatur , patet supponi debere , eis fuisse concessum auxilium supernaturale sufficiens ad legem supernaturalem implendam , & salutem obtinendam ; atque ità intelligunt ea Pauli verba Hugo Victorinus in summa senten. tract. 1. cap. 3. Commentator S. Pauli apud S.

S. Anselmum, Haymon, S. Thomas in comment. lect. 6. „ Si „ ergò, inquit, Deus illis manifestavit, vel interiùs infun- „ dendo lumen, vel exteriùs proponendo visibiles creaturas, „ in quibus sicut in quodam libro Dei cognitio legeretur „ Et præcipuè D. Athanasius in disp. contra Arium habita in Nicæno Concilio col. 5. & orat. 2. contra Arianos, & Colonienſe En- chiridion christianæ institutionis de Sacram. Pœnitentiæ fol. 92. cap. *prior gratia*; Vel sunt inexcusabiles à culpa violandi tantum legem naturalem juxta communioſiorem Patrum, & Theologorum expositionem, atque ſententiã, & ſic ſunt inexcusabiles, & æterno ſupplicio digni, quoniam unicum, inviſibilem, & æternum Deum non cognoverunt ex creaturis, ſed potius creaturas adoraverunt; crimen autem iſtud ſine gratia ſufficiente vitare non potuerant, nec implere naturale præceptum, quod primum eſt in decalogo, & in eo ſunt multæ rationes difficultatis per vires humanas inſuperabiles, ut tradunt Juſtinus Martyr in dialogo cum Triphõne, Clemens Alexandrinus toto libro ſexto ſtomatum, & Auguſtinus lib. 10. confeſſ. cap. 6. Idcirco habebant in promptu gratiam ſufficientem, alioqui obligarentur ad impoſſibile, puniretur culpa, quæ vitari non poſſet. Illæ namque difficultates ſunt omnium maxime, & niſi ſuperarentur, evitari non poterat cultus idolorum. Si igitur ex Apoſtolo illi fuerunt inexcusabiles, data eſt illis gratia ſufficiens. Unde ex eo loco, ubi Apoſtolus agit de quibuslibet impiis (licet præſertim de Philoſophis) colligitur etiam idioras, rudes, & totius Philoſophiæ, ac divini cognitionis expertes habere auxilium ſufficiens, quia quilibet quantumcumque barbarus, & ignarus poterat inveſtigare cauſam, & gubernatorem aliquem univerſi, & erat inexcusabilis à peccato idololatriæ, & paſſionibus ignominioſis ab Apoſtolo hic commemoratis, ut nervoſè ratiocinatur Didacus Ruiz diſp. 46. de prædeſtinat. ſect. 2.

N O T A.

Hoc ſi Apoſtolus de Philoſophis, qui inter Gentiles ob virtutis amorem celebrabantur, hæc docuit. quid ſentiendum de peccatoribus, qui omni abiecto pudore, & quaſi extincta reſſe rationis lumine in vitiorum quorumlibet cæno volutantur?

DI-

I Am hæc instantia hæc, & alibi fuit multifariam præoccupata, & explosa. Cæterum Eminentiss. Author non improbat, quod quis aliquo casu gratia careat, quia spontè impedimentum posuerit: Sic pag. 157. inquit „ V. g. tam longa, & obstinata „ inebriandi consuetudine te ipsum obligasti, ut usu in naturâ „ versio citrà gratiæ prodigium, quod Deus exhibere non tene- „ tur, explicari, & evolui non possis, sicque moralem quandam „ peccandi necessitatē incidisti, at poteras non incidere, si, „ videlicet, iis gratiis usus esses, quas toties, tamque copiosè „ à Deo acceperas, non ergò Deus tibi, sed tu Deo, & gratiæ „ defuisti, nec magis conqueri de amico possit, qui isto rogante „ ac prohibente, se ipsum in mare præcipitem dedit, merisq; „ est. Talis aliquando Augustinus fuit, qui lib. 8. confess. cap. 5. „ At necessitas ista cum sit consequens, hoc est, voluntaria, & „ Deo, ac gratiâ repugnante contracta, nec libertati quicquam, „ nec ipsi divinæ bonitati obstat, quam tuemur (& paulò post) „ quando ergò Patres in aliquibus peccatorum necessitatē pec- „ candi agnoscunt, vel nomine necessitatis magnam difficultatē „ intelligunt, ut observat S. Anselmus &c. & S. Thomas &c. „ Idque in sacris litteris frequentissimum est &c. vel intelligē- „ di sunt Patres de necessitate non absoluta, sed hypothetica, & „ condicionali, si enim mediis, quæ Deus præscripsit vincendis „ tentationibus, uti nolis, &c. quis neget te necessariò pecca- „ turum? At necessitas ista cum libera sit, & vinci possit, à pec- „ cato non excusat. Eodem modo respondendum est testimo- „ niis Augustini, quæ Janfenius agglomerat lib. 3. de gratia „ Christi, & pag. 160. Undè cum Patres aliquando dicerent, „ peccatoribus Dei gratiam abfuisse, intelligendi sunt de gratia „ illa specialissima, & effectrice, cum qua nemo peccat, quæque „ per antonomasiam: & excellentiam *Gratia* vocatur. „

Postremò antedicta omnia aliquibus Doëtorum testimoniis robaremus. Facultas Parisiensis anno 1535. die prima Julii dānavit ut hæreticam hanc propositionem: *Deus vocat quidem incredulos, ea tamen vocatio non sufficit ad eorum conversionē.* Theodorus Smising de Deo tract. 3. disp. 6. nu. 135. hanc assertionem constituit. „ Dico, quatenus ad æternam salutem consequendā „ necessarium est vitare mortalia peccata, Deus providit, ut om-

„ ni-

„ nibus adultis semper adesset auxilium sufficiens ad salutem,
 „ idest, ad novum mortale peccatum evitandum &c. Sed infra
 „ ostendam esse hanc, & quasdam sequentes conclusiones de fi-
 „ de „ Petrus David de Providentia n. 33. „ Nemini in hac vi-
 „ ta, quantumvis indurato, & à Deo averso denegantur auxilia
 „ sufficientia ad salutem comparandam necessaria, sed Deus per
 „ providentiam suam illuminat etiam supernaturaliter omnem
 „ hominem venientem in hunc mundum, aliàs si Deus homini
 „ in hac vita sufficiens denegaret auxilium, illum in termino
 „ etiam in hac vita constitueret. Præterea libertas hominis cō-
 „ paratione propriæ salutis per rectum illum usum acquirendæ
 „ per subtractionem divinorum auxiliorum omnino periret,
 „ cum amplius non esset in ejus potestate benè vivere, & salva-
 „ ri. „ Gabriel Pennotus Canonicus Regularis Ordinis S. Au-
 „ gustini in Propugnaculo humanæ libertatis lib. 7. cap. 19. „ Nul-
 „ lus est quantumcumque nequissimus, & perditissimus Pecca-
 „ tor, quem Deus, quandiu est in cursu hujus vitæ constitutus,
 „ auxiliis ad resurgendum opportunis, & ad salutem assequen-
 „ dam necessariis penitus destituit. Atque ita arbitror secun-
 „ dum fidem catholicam sentiendum esse. „ Demum Philippus
 „ à SS. Trinitate Carmelitarum discalceatorum Præpositus Ge-
 „ neralis disput. 14. de voluntate Dei Dub. 3. ponit hanc thesim.
 „ Omnibus etiam scelestissimis Deus tribuit auxilia supernatu-
 „ ralia intrinseca, quibus possint implere præcepta divina, &
 „ naturalia, quæ supposito peccato impleri non possunt solis vi-
 „ ribus naturæ, quandò, & ubi obligat observantia ipsorum.
 „ Undè absolutè omnibus providetur ex parte Dei, ad hoc ut
 „ possint salvari, si velint, quamvis multi sint, qui ponant obi-
 „ cem divinæ grariæ, & pereant. Ità communiter docent di-
 „ scipuli D. Thomæ. „

PROPOSITIO XXXIII.

In illa prædestinationis causa, quæ omnium maxima est, & ex qua reliqua omnia pendent, nullum omninò deferuit (Deus) nullumque ab efficaci proposito exclusit; pag. 22. lin. 31.

NOTA.

UTalia omittam, meridiana luce clarius est, Deum parvulos in uteris matrum mortuos, aut statim atque nati sunt, priusquàm ad Baptismi gratiam pervenire possint, extinctos, quantum spectat ad causam prædestinationis deseruisse, & ab efficaci eos salvandi proposito exclusisse, quo exemplo Pelagianos, & Semipelagianos in hac questione semper Augustinus confutavit.

DISPUNCTIO.

Cardinalem Authorem ibi loqui tantùm de adultis exploratissimum est ex integro contextu, & ex his verbis paulò post subnexis. „ Et tamen id omninò est, quod facit Deus, si arbitrio „ suo, nullaque prævisà culpa tam multos *adultorū* salvare nolit, undè necessariò secutum, ut perirent, jam enim supra „ monui, idem in adultis esse non salvari quod perire, cum meriti „ dium non detur in præsentī serie Providentiæ supernaturalis „ &c. Proindè in pag. immediatè sequenti 14. expressè excipit infantes modo in aliis nostris disputationibus fusè, latèque ostenso. Quomodò autem exemplo parvulorum Pelagianos, & Semipelagianos semper S. Augustinus in hac questione confutavit, præclarè demonstrat idem Cardinalis Author multis in locis, & maximè pag. 164. & 165.

P R O P O S I T I O XXXIV. 233

1. Deus in illo prædestinationis negotio, quantum in se est, inter Cain, & Abel, inter Paulum, & Judam non distinxit, sed omnibus æqualiter salutem voluit; pag. 13. lin. 18.
2. Vult ergò Deus & Petrum, & Judam, & reprobos, & electos, omnesque homines salvos esse: vult omnibus media dare, non solùm quæ sufficiant, sed etiam quæ abundant; pag. 67. lin. 35.
3. Si prædestinati, & reprobi, idèd conditi sunt à Deo, idèd redempti sunt, ut æterna vita potiantur, sequitur, Deum voluisse efficaciter, quantum ex se est, utrosque salvari; pag. 109. lin. 25.

Deus. quantum ex se est, voluntate antecedenti per certa, & destinata media voluit, & paravit omnibus vitam æternam; pag. 111. lin. 9.

Deus reprobos æquè, ac prædestinatos salvare vult; ibidem lin. 15.

N O T A.

***S** I hæc ita si habeant, quemadmodùm in his propositionibus Author asserit, igitur quod unus præ alio salvetur, v.g. Petrus potius quàm Judas, id non ad electionem, aut propositum Dei, sed ad liberum arbitrium hominis media illa per se indifferentia assumptis, & ad praxim reducentis referendum est.*

D I S P U N C T I O.

E Adem ferè semper oberrat lyrâ Cenfor. Nulla ex quinque propositionibus hîc delatis est integra, & fideliter excerpta. In loco enim primæ propositionis Emin. Author ex his verbis Apostoli, quia Deus est Dominus omnium, & quia omnia ad imaginem suam condidit, infert, nullam, quantum est ex parte Dei, esse distinctionem Judæi, & Græci, Barbari, Scythæ; tum

subdit,, Ex eadem ratione, & priusquam culpa aliqua inter re-
 „ probos, & electos distinguat nullam quoque apud Deum in-
 „ ter reprobos, & electos, inter Paulum, & Judam distinctionē
 „ fuisse sicque omnibus æqualiter salutem optasse. Si enim idē
 „ non distinguit Deus inter Judæum, & Græcum, inter Bar-
 „ barum, & Scytham, quia non minus Græci, quàm Judæi,
 „ nec minus Barbari, quàm Scythæ Dominus est. Ergò nec in
 „ illo prædestinationis negotio, quantum in se est, inter Cain,
 „ & Abel, inter Paulum, & Judam distinxit Deus, sed omni-
 „ bus æqualiter salutem voluit, quia non minus Caini, quàm
 „ Abelis, nec minus Judæ, quàm Pauli Dominus, & Creator
 „ est; nec minus unus, quàm alter ad ejus imaginem conditus,
 „ imò, & redemptus. Quantum ergo ex parte Dei est, non est
 „ Barbarus, non est Scythæ, non est reprobus, non est damna-
 „ tus sed omnes filii, omnes dilecti, omnes chari, solâ culpâ
 „ inter malos, bonosque, inter electos, rejectosque distinguente.
 „ In secunda propositione ex pag. 67. hæc annexenda sunt im-
 „ mediatè illi adhærentia „ Cur verò non detalia, quibus præ-
 „ videt, salvatum iri? quia id tam non convertit varietati, or-
 „ dinique, ac legibus gratiæ à se præscriptis, quàm non con-
 „ venit universo ætatem esse, nisi sole Cancrum obtinente...
 „ sicut ergò non idē oportuit mutare leges naturæ, quia tu il-
 „ li subiici recusas, ita non oportuit mutare ordinem gratiæ.
 „ Totam hanc doctrinam ipse Augustinus paucis quidem, sed
 „ clarissimis verbis insinuat lib. 1. de nat. & grat. c. 17. Hoc uti-
 „ que agit Deus, ut sanet omnia, sed agit judicio suo, nec ordi-
 „ nem accipit ab ægroto Ecce concedit Augustinus, velle De-
 „ um omnes salvos esse, sed non eodem ordine. iisdemque re-
 „ mediis, nec ex voto, arbitrioque hominis, sed suo,
 „ Ad tertiam propositionem ex pag. 109. hæc subjungenda sunt
 „ proximè sequentia. „ Absolutè tamen dicendum est, majorem
 „ Deum prædestinatorum, quàm reproborum curam gerere,
 „ eosque longè teneriùs, ardentiusque amare, tum quia præ-
 „ destinatis si non semper, aut plures, aut majores, eas tamen
 „ gratias confert, quibus prævidet assensuros, quæque omni-
 „ bus spectatis ad consequendum ultimum finem aptiores dici
 „ possunt, tum quia prædestinatos prævidet spe, amore, obser-
 „ vantia mandatorum, & finali perseverantia sibi inseparabili-
 „ ter, æternūque conjunctos fore.

Quar-

Quarta propositio ita jacet in citata pag. 111. „ Ista sacræ scripturæ testimonia, quibus non omnes, sed aliqui tantum hoc est, prædestinati dicuntur Filio à Patre dati Johan. 6. & 16. & non posse rapi de manu filii Johan. 10. omnia fieri propter electos 2. ad Thimoth. 2. 10. certissima quoque esse, citraque dubium, nec pugnare cum voluntate omnes salvandi, quamquam enim Deus, quantum ex se est, & voluntate antecedente per certa, & destinata media voluerit, & paraverit omnibus vitam æternam, quia tamen prævidit, non omnes, sed aliquos tantum iis benè usuros, ideò istis tantum re ipsa vitam æternam dare proposuit, de istis ergò intelligenda sunt omnia, quæ citatis locis habentur.

Quinta propositio ex eadem pagina lin. 15. desumpta continet verba, quæ ipsemet Author tanquam sibi ab Adversario obiecta adducit, nimirum „ At, inquires, si Deus reprobos, æquè, ac prædestinatos salvari vult, sequitur, quantum ex parte Dei est, non fuisse prædestinatos majori, magisque speciali beneficio affectos „ Hic, quæso humanissimus, & cordatus Lector reflectat, quò audaciæ devenerit Censor, ut obtrudere non erubuerit pro sententia, & dictis Authoris verba contra ejusdem scriptoris thesim obiecta, quæ pluribus in locis etiam à nobis modò allegatis, & in ipsamet pag. 111. extantibus immediate antea ad eadem accusata adeò dilucidè, & perspicuè fuerunt à Sfondrato eversa, ut ipsemet supervacaneum existimarit, eis directè illic respondere, ne toties actum ageret.

Si istæ omnes propositiones cum omnibus verbis immediate antecedentibus, & consequentibus attendantur, ut hic à nobis fideliter positæ sunt, quemadmodum certè considerari debent, statim corruunt omnes argutiæ Censoris, ut consideranti patet. Authorem namque ibi loqui dumtaxat de voluntate Dei antecedente compertissimum est ex ejusdem verbis hîc descriptis, & rursus elucet ex aliis, quæ habet pag. proximè præcedenti 110. „ Verissimè dicitur, ait, non omnes voluntate consequente prædestinatos, electosque ad vitam æternam esse, sed eos tantum, qui mediis à Deo præscriptis usuri erant. Sic ad Ephes. 1. Omnes Ephesios (inter quos multi utique reprobi) prædestinatos, & electos vocat *voluntate utique antecedente*, quantumque erat ex parte, & intentione Dei, naturaque ipsius fidei, & gratiæ, quæ quoddam semen est æternæ gloriæ &c.

H *Æc doctrina est contra Apostolum dicentem, quis te discer- nit, quid habes, quod non accepisti? 1. ad Corintb. v. 7.*

D I S P U N C T I O.

I N disputatione notæ contra 24. propositionem produximus duplicem luculentissimā explicationem illius Paulini effati à Cardinali Sfondrato traditam pag. 113. & 114. qua nihil catho- licæ fidei accommodatius, nihil in gratiæ commendationem magnificentius excogitari poterat, ut videre est in disputatione insinuatâ.

N O T A.

I *Tem præfata sententia est adversus hæc ejusdem Apostoli verba: non volentis, neque currentis, sed miserentis est Dei, ad Rom. 9. v. 16. nec non contra hæc verba Christi ad suos discipulos, non vos me elegistis, sed ego elegi vos, & posui vos, ut fructum afferatis, & fructus vester maneat.*

D I S P U N C T I O.

N Eque illum Apostoli textum in materia prædestinationis palmarem Sfondratus inexplicatum reliquit „ Observe „ semper, inquit Cardinalis pag. 41. etiam ipsum velle, ipsum- „ que accipere, & hominis esse, & Dei, sed Dei magis, quàm „ hominis, sicut sanari & laborantis est, & medentis, sed me- „ dentis magis, quàm laborantis. Imò secus ac in ægroto illud „ ipsum, quod diximus hominis esse, illud inquam, velle, & „ accipere, totum quoque à Deo, & à gratia est, quæ si non ef- „ fer, homo nec veller, nec acciperet, sed repugnaret. Undè „ optimè Apostolus dixit. Non est volentis, neque curren- „ tis, sed miserentis Dei; vult homo, & currit, sed hoc ipsum „ velle, & currere hominis est, & Dei; hominis quidem, quia „ homo est qui currit, non Deus, homo est, qui consentit, non „ Deus, sed hoc ipsum & currere, & consentire magis est Dei, „ quia non curreret, nec consentiret homo, nisi Deo pergra- „ tiam

„ tiam misereante. Videas rursus Sfondratum pag. 75. & seq.
 eadem verba Apostoli latè exponentem.

Confirmare hæc libet duplici testimonio, altero Cornelii
 Musii Episcopi Bitontini in cap. 9. epist. ad Rom. super hæc ver-
 ba Apostoli: *Si quis emundaverit se*; altero Henrici Gandaven-
 sis cognomento Doctoris solemnibus quodlib. 8. quæst. 2. „ O ini-
 „ mici liberi arbitrii, ubi estis? inquit Mussus; supra dixit Pa-
 „ ulus. Nihil facit homo. Hic dicit. Totum facit homo.
 „ Glosate. Respondete. Si nihil operatur homo, cur dicit.
 „ *Si quis emundaverit se*? si totum agit homo, cur dicit 1. ad
 „ Cor. 12. *Non est volentis, neque currentis, sed misereantis*
 „ *est Dei? Deus operatur omnia in omnibus*. Si totum agit ho-
 „ mo, non est locus gratiæ. Si nihil agit, non est locus meri-
 „ tis. Si totum agit homo, cur oramus? Si nihil agit homo,
 „ cur præmiamur? Si totum agit homo, Dei favor superfluit,
 „ si nihil agit homo, perit libertas. Non secum pugnat Paulus,
 „ mihi credite, nec spiritus sanctus, cuius afflatu hæc proditiæ
 „ sunt epistolæ. Utramque igitur partem amplectamur, & in-
 „ violabilem scripturæ sacræ majestatem agnoscamus, nodum-
 „ que genuina interpretatione explicemus. Neque totum agit
 „ homo, neque nihil agit homo. Aliquid agit homo, aliquid
 „ non agit homo. Primas partes non agit homo, secundas agit
 „ homo, consummat Deus, & homo . . . simul itaque co-
 „ alescunt, & simul opera bona perficiunt juxta illud, Gratia
 „ Dei mecum &c. „

Henricus de Gandavo loc. cit. habet „ Est tamen hic intelli-
 „ gendum, quod in volente, & currente est tria considerare,
 „ & ipsum actum cursus & volentis, & ipsam gratiam, qua li-
 „ berum arbitrium fit validum ad efficaciter volendum, & cur-
 „ rendum, & ipsam potentiam liberi arbitrii. Et bene verum
 „ est, quod actus, sive operatio ab utroque est, scilicet à gra-
 „ tia, & à libero arbitrio simul, ita quod à neutro esset per se,
 „ & quod plus est à gratia, quam à libero arbitrio, quia plus vi-
 „ riui agendi dat gratia libero arbitrio, quam habeat ex se, &
 „ suis naturalibus. Aliquid tamen agit in opere ex suis natura-
 „ libus, licet non nisi cum gratia, ut licet ex se, & naturalibus
 „ suis non operetur, ex eis tamen cooperetur, & sic tam ratio-
 „ ne gratiæ omnino, quam ratione operis principaliter bene
 „ verum est, quod non est volentis, neque currentis, sed mi-
 „ se-

„ferentis Dei, ratione tamen liberi arbitrii in cooperando
 „aliquo modo est volentis, & currentis, ut saltem hoc, ut est
 „existens in præscientia Dei sit ratio electionis æternæ res-
 „ctu electi &c. Nec incidit positio hæc in opinionem Pelagia-
 „norum, quia non ponitur hoc opus liberi arbitrii, quin eti-
 „am ponatur gratiæ, qualiter non ponebant Pelagiani „ Hæc
 Henricus.

Propterea merito Bail lib. de benef. Crucis part. 3. art. 10.
 conquestus erat de Apologistis Jansenii, nam, inquit, inter
 „vitia istorum contradictorum unum est illis valdè proprium,
 „quod instar tyronum Dialecticæ malè resumant, & repetant
 „propositiones argumentorum, quæ illis obiiciuntur: Etsi
 „enim omnes conveniamus, nihil esse attribuendum ex acti-
 „bus *ut oportet* nuncupatis libero arbitrio solitariè, & nudè
 „spectato sed tantùm ut gratia præveniente, aut aliquandò
 „etiam justificante adiuto, excitato, corroborato. Etsi, in-
 „quam, id centies dicamus, & scribamus, nec semel tamen
 „id repetunt, sed semper omittunt. Candidiùs sanè agebat
 „Calvinus, & veriùs repetebat argumenta Catholicorum lib.
 „3. institution. cap. 15. *At principalem quidem causam*, ait, *in*
 „*gratia esse non negant, sed eo tamen non excludi liberum arbi-*
 „*trium* „ Proindè idem Bail doctrinam ab Eminen. Sfondrato
 hic suggestam ait esse, antiquam doctrinam antiquorum Docto-
 „rum Parisiensium, quibus propterea id exprobrat Calvinus,
 „à quo vituperari, laudari est.

N O T A.

DEindè si omnibus dantur media, non solùm quæ sufficiunt, sed
 etiam quæ abundant, quid est, cur Psalmista exclamat: non
 fecit taliter omni nationi, & notus in Judæa Deus? Prætered
 si vera esset hæc doctrina, orandi studium extingueretur, cum fru-
 strà id petas à Deo, quo jam abundas. Denique vix locus relin-
 queretur gratiarum actioni, quæ esse continuam in christianis præ-
 cipit Apostolus, & quæ in singulari, & unico Ecclesiæ Sacrificio
 frequentatur, cum Sacerdos ait, gratias agamus Domino Deo
 nostro, populus autem respondet, dignum est. Si enim Redem-
 ptionis Christi fructus promiscuè, & sine delectu omnibus, & sin-
 gulis hominibus communicatur, non est, cur tantoperè in Domino
 glo-

glorietur, nos ad fidem vocatos esse, ac singulari nos beneficio, & gratiâ Dei præventos agnoscamus, quod in sinu Ecclesiæ, & ex parentibus catholicis, non autem inter barbaras nationes, aut ex parentibus hæreticis nasci nos Deus voluerit.

DISPUNCTIO.

A Udiatur, quæso, Enim. Author directè respondens Censori in hæc verba pag. 146., Quis enim gratias, & adminicula numeret, quibus Ecclesiæ abundat, Christianis partim sanctificandis, partim expiandis, partim in accepta gratia conservandis, sicque ad æternam vitam promovendis? Quot sacramenta, quot libri, quot templa, quot exempla, quot sacrificia, quot conciones; quot Catecheses, quot Sacerdotes, quot Missionarii, quot Indulgentiæ, quot Collegia utriusque sexus vel tuendæ, vel recuperandæ innocentie, quot Religiosorum cohortes juvandis peccatoribus promptæ? Denique mille modi, mille artes repertæ, quibus & sanis, & infirmis, & morientibus subveniretur tanta copia, tanta varietate, tantaque illecebra, & condimento pietatis, ut ferè mirum sit, inter tot præsidia, & blandimenta virtutum perire aliquem posse. Heu quot sunt ad salutem viæ exclamat Chrysostomus & Augustinus &c. & pag. 263. Nihil istorum. inquit, quæ tot millibus aliis contingere, contigit tibi. Tu natus inter Christianos, & fideles, cum tot alii inter Barbaros, & infideles. Taceo tot Sacramenta, tot remedia animæ tuæ procurata, tot voces è cathedra, tot voces è libris, tot voces è cælo missas, inspiratasque tibi admonendo, eximendoque à periculis. Non ne igitur exhinc jure merito exclamare poterit Sfondratus cum Regio Vate. *Non fecit taliter omninationi, & notus in Judæa Deus?*

Quomodo autem cum doctrinâ Emin. Authoris consistat locus gratiarum actioni, quam esse continuam in Christianis ex Apostolo supra indicavit Censor, ita præclare explanat S. Basilii Magnus in Constitutionibus Monasticis cap. 2. apud Didacum Ruiz disp. 19. de Voluntate Dei sect. 6. n. 22., Sive maturius aliquid, inquit S. Pater, sive seriùs consequimur à Deo, hoc tenere constanter debemus, ut ipsi gratias agamus, quando Dominus quæcumque facit, ea omnia salutis nostræ consulens

,, fa.

„ facit , tantùm ne pusillanimitatis vitio à petitione constanti
 „ desistamus . Non de his solum [ait] quæ novimus gratias illi
 „ referamus , nec enim volentes solum , *verùm invitos quoque* ,
 „ & *nolentes beneficiis consuevit afficere* . Quod Paulus optimè
 „ noverat , qui semper , & in omnibus gratias agere monebat .
 „ Quod autem non communiter (inquit) solum omnium curâ
 „ gerit , sed seorsum singulorum , ipsum audias licet dicentem .
 „ Non est voluntas coram Patre meo , qui in cælis est , ut pereat
 „ unus de pusillis istis , qui in illum credunt . Cupit ipse quidē ,
 „ & eos qui non credunt salvos fieri , mutarique in melius , &
 „ credere , sicut Paulus ait : Qui vult omnes homines salvos fie-
 „ ri , & ad agnitionem veritatis venire , & ipse ad Judæos . Non
 „ veni vocare justos , sed peccatores ad pœnitentiam , & miseri-
 „ cordiam volo , non sacrificium . At verò si post tantæ curæ ,
 „ ac providentiæ fruitionem voluerint meliores fieri , verita-
 „ temque recognoscere , nec sic quidem illos deserit . Sed quo-
 „ niam æternæ vitæ participatione ipsi se sua spontè privave-
 „ runt &c „ Perspiciat exhinc Censor , tantum abesse , quod
 „ ex doctrina Cardinalis Sfondrati tollatur locus gratiarum actio-
 „ ni , ut potius ex sententia ejusdem juxta Magnum Basilium fer-
 „ vandum unicuique homini sit monitum Apostoli de gratiis sem-
 „ per , & in omnibus Deo agendis , & quò majora , & frequentiora
 „ sunt gratiæ dona à Deo omnibus hominibus collata , eò inten-
 „ siores , & copiosiores , atque crebriores usse debeant gratiarum
 „ actiones .

N O T A .

H Is propositionibus non tam solvitur nodus prædestinationis ,
 quam scinditur . Tota quippè questionis difficultas humana
 potius ratione , quam divina auctoritate ita explicatur , ut vix intel-
 ligas , quid sit , cur Apostolus dixerit : O homo tu quis es , qui re-
 spondeas Deo ? ac deinde exclamaris , ò altitudo ! ejusmodi expli-
 cationes in hac materia jam pridem rejecit Petrus Diaconus lib. de
 Incarnat. & grat. Christi cap. 7. ubi irridens eos , qui tunc temporis
 docebant , prædest. fieri ex prævisione liberi arbitrii volentis sal-
 vari , & reprobationem ex prævisione liberi arbitrii nolentis salva-
 ri , utrumque refellit his verbis : „ Hæc si ita sunt , ut jactitant , cõ-
 „ prebentia sunt ab ipsis inscrutabilia , & incomprehensibilia judicia
 „ Dei :

„ *Dei: Si enim, sicut ipsi volunt, nolentes damnat, salvat autem*
 „ *volentes, nihil est omnino, quod ulterius quaeratur*
 „ *nos autem incomprehensibilia credentes judicia Dei, ex una massa*
 „ *perditionis, alios salvari dicimus bonitate, & gratiâ Dei, alios*
 „ *justo, & occulto Dei judicio derelinqui.,*

DISPUNCTIO.

Interminatas evomit captiones, & decipula fraudum Notator
 in Religiosissimum, & doctissimum Cardinalem Sfondratum
 contorquens adversus eum tela à Petro diacono vibrata adver-
 sus illos, qui tunc temporis docebant prædestinationem fieri ex
 prævisione liberi arbitrii volentis salvari. Undè [ità Cenforem
 perstringere videtur Author pag. 166.], Quid dixerit Pelagius
 „ & consequenter quid refutaverit Augustinus. Pelagius di-
 „ xerat, ideò hominem salvari, aut non salvari, quia in ejus
 „ potestate liberoque arbitrio est velle, aut nolle, orare, vel
 „ non orare, pulsare, vel non pulsare &c. Et ideo iis gratiam
 „ dari, qui volendo meruere, non dari, qui nolendo deme-
 „ ruerunt, quæ planè falsissima sunt, & meritò ab Augustino,
 „ omnibusque Catholicis damnata: nemini enim prius meren-
 „ ti gratia datur, cum ipsa sit principium meriti & quampluri-
 „ bus non merentibus data sit, ut in Paulo, Magdalena, Gen-
 „ tilibus, aliisque patuit. Ergò ut semel omnia dicamus, sci-
 „ endum est, in hac prædestinationis, & gratiæ causa neminem
 „ cum Augustini sententia pugnare, nisi eum solum, qui ità
 „ defendit gratiam, ut neget liberum arbitrium, ità defendit
 „ arbitrium, ut neget gratiam, reliqua quæcumque, salvâ liber-
 „ tate, & gratia, Deique in omnes misericordiâ dicuntur, Au-
 „ gustino paria sunt. Ità Augustinus ipse profitetur tract. 53.
 „ in cap. 12. Johan. ubi: si quis autem istam quæstionem liqui-
 „ djus, & melius novit se posse & confidit exponere, absit, ut
 „ non sin paratior discere, quàm docere, tantum nè audeat
 „ quiscumque liberum arbitrium sic defendere, ut nobis oratio-
 „ nem conetur auferre, rursus nè quisquam neget voluntatis
 „ arbitrium, ut audeat excusare peccatum, sed audiamus Do-
 „ minum præcipientem, quid facere debeamus, & adjuvantem,
 „ ut implere possimus. Mirum ergo fuerit (concludit Scriptor)
 „ aliquis inveniri, qui plura opinionibus suis tribui velint,
 „ quam Augustinus voluerit sibi „ G g Cæ-

Cæterum silentio nequaquam obvolvi debet, quod Ludovicus Bail de benef. Cruc. 3. part. art. 13. adducit argumentum hoc ultimo loco à Censore propositum, quod ipse dicit contextum fuisse à Janfenii Apologistis, ex eo quod hujusmodi mysterium sit occultum, incomprehensibile, omnino inscrutabile, & admirabile; Huic autem argumento ipsemet pluribus modis fuisse satisfacit per totum illum prolixum articulum, qui sanè dignus est, ut integrè perlegatur; sicut etiam videndus est numerus tertius in articulo 13. ubi affert hanc objectionem ab Apologista Janfenii allatam, & à Censore paulò supra attactam, nempe „ Infideles, inquit, gratiam sufficientem non habent, quia „ Ecclesia orat pro iis, ut habeant ex lib. 1. de vocatione Gentium caq. 12. *Non autem Ecclesia oraret, ut haberent, quod jam „ habent.* „ Hoc autem sic diluit Bail „ Ecclesia orat, ut infideles non solum gratiam sufficientem habeant, sed etiam abundantius habeant, & ut effectum suum sortiatur; sic Christus dicit de se ipso, se venisse, ut vitam habeant, & abundantius habeant „

Quod autem juxta sententiam Eminen. Authoris locus detur illi exclamationi Paulinæ, patet ex pag. 58. „ In hac Dei voluntate, ait, aliud est facillimum, aliud difficillimum capru, „ Quis enim non facile capiat, Deum nolle iis salutem, qui salvari nolint? At ex adverso quis unquam rationes, & causas „ compertas habuit, cur uni, non alteri media, & gratias provideret, quibus efficeretur, ut vellet? Planè hæc est altitudo, quam Paulus expavit, & quam mirari potius conveniat, „ quàm metiri „ Et antea pag. 45. dixerat „ Constat Deum justum esse, constat, evangelicam legem observandam, constat, orandum esse, constat esse liberum arbitrium, sed non „ satis constat, quomodo ista cum prædestinatione, Deique voluntate conveniant, nunc ideo negabis quod constat, quia „ non assequeris, nec intelligis quod non constat Pugnare tibi cum libertate humana prædestinationis certitudo „ videtur, nec modum capis; at sufficit christiano, ita Deum „ revelasse, nec falsa, quia tibi occulta „ Videatur specialiter Sfondratus in eadem Apostoli verba: *O altitudo sapientie, & scientiæ Dei, quàm inscrutabilia sunt judicia ejus &c.* in pag. 245.

PROPOSITIO XXXV. 243

In arbitrium operantium est, ut eligantur, Deo quidem gratiam ad opus conferente, sed homine oblatam acceptante pag. 41. lin. 7.

Fallissima est hominum persuasio non esse amplius in eorū potestate, ut inter electos numerentur, sicut enim cum gratia Dei, quæ nemini volenti deest, in eorum potestate est, ut benè vivant, & in bono perseverent, ita in eorum potestate est, ut ad electos pertineant pag. 47. lin. 2.

NOTA.

S In arbitrio operantium est, ut eligantur, si in eorum potestate est, ut ad electos pertineant, ergò electorum numerus non est ab æterno prædefinitus, sed augeri, vel minui potest, quod est aperte contra Augustinum, ex cujus tamen doctrina Author, se nodum prædestinationis velle dissolvere in ipso titulo libri ostendit; eorum, inquit S. Doctor, qui prædestinati sunt in regnum Dei, ita certus est numerus, ut nec addatur eis quisquam, nec minuatur ex eis lib. de corrept. & grat. cap. 13. nec est aliquis supra numerum, sed certus est numerus, tract. 122. in Evangel. Johan.

DISPUNCTIO.

R E verà protulit Eminen. Author pag. 111. certissimum esse, & citra dubium cōvenire solis prædestinatis hæc verba Johan. 10. eos non posse rapi de manu Filii, atque adeo numerum electorum nec minui, nec augeri posse. Obiectio autem Censoris continet communissimam difficultatem ab omnibus Theologis solvendam de concordia libertatis humanæ cum divina scientia, seu de concilianda divina præscientia cum libertate actuum præscitorum. Deus certè ab æternopræscivit, & etiam prædefiniit, Petrum esse convertendum, numquid non est in potestate Petri non converti?

Secunda propositio integra non est, addi enim debent hæc verba nimirum, „ Cum impossibile sit benè viventem, & in bono, no perseverantem ex electis non esse, & ideo monebat Apo-

„ stultus, satagite ut per bona opera certam vocationem vestram faciat. „ Totum hoc spectat ad evertendum istud proloquium paulò post subjunctum. „ Si prædestinatus sum, quidquid egero, penitebo tandem, & salutem adipiscar; falsum dicunt; Si benè non egeris, non Deum perseveranter oraveris, non christianè vixeris, tandem nec penitebis, nec prædestinatus eris. Sicut ex adverso, si benè vixeris, si constanter oraveris, tandem perseverabis, erisque de prædestinatis. Verbo: *Perditio tua ex te Israel, ex me tantum auxilium tuum*, „ Et post adductam sententiam Augustini de natura, & gratia cap. 67. ita concludit. „ Ubi iterum vides, totam causam perditionis, non ipsi Deo, quasi mederi, ac sanare nolit, sed soli homini adscribi, quòd sanare, & mederi volentem nolit admittere. „

Piget à notis, & cavillis purgare in hoc libro parænetico, & ad salutem, & pœnitentiam hortatorio hujusmodi doctrinam, qua nihil frequentius inculcant in libris Asceticis pii Scriptores, in privatis consiliis animarum directores, & in suggestu Concionatores, qui communiter deprædicare non cessant tritum illud, & vulgare effatum. „ *Si non es prædestinatus, fac, ut prædestineris*, quod, ut observat Claudius Frassen tom. 1. Theolog. sect. tract. 2. disput. 3. art. 2. sect. 1. quæst. 5. videtur desumptum ex S. Augustino tract. 26. in Johan. „ Quare illum trahat, & illum non trahat, noli velle judicare, si non vis errare, semel accipe, & intellige, nondum traheris, ora ut traharis. Undè idem Doctor Parisien. subjungit „ Quamquam enim electio, & prædestinatio ad gloriam sit æterna ex parte Dei, tamen non est completa ab æterno, sed ut compleatur, requirit conditionem ex parte nostri, quam implere, vel non implere est in nostra potestate, & proinde etiam est in potestate nostra efficere, ut prædestinatio nostra compleatur. Quem loquendi modum approbat ipsemet Augustinus lib. de articulis sibi falso impositis 22. „ (Videas hunc librum S. Prosperi citatum à moderno Theologo Parisiensi sub nomine S. Augustini, quod inscitia vertit Sfondrato Censor in nota ad 24. propositionem) „ Quia præsciti, inquit, sunt casuri, non sunt prædestinati; Essent autem prædestinati, si essent reversuri, & in sanctitate, ac veritate mansuri. Quibus defectum prædestinationis videtur refundere in defectum cooperationis, eo, scilicet, modo mox expresso „ In hanc rem, refert etiã

Car-

Cardinalis Sfondratus, hanc Sententiam S. Ambrosii in cap. 1. Lucæ pag. 36. *Novit Dominus mutare sententiam, si tu noveris mutare delictum*, & pag. 32. istam aliam S. Augustini in psal. 101.
 „ Sanabit te Christus, sed opus est, ut sanari velis. Sanat om-
 „ ninò ille quidem, sed non sanat invitum. Quid enim in te
 „ beatus, quàm ut tanquam in manu tua vitam, sic in volunta-
 „ te tua habeas sanitatem.

Potest etiam in sententia admittente prædestinationem ad gloriam ante prævisa merita dici in aliquo vero sensu, prædestinationem esse in potestate Prædestinati suppositâ divinâ gratiâ, quia quisque situm habet in sua potestate (ut docet Ruiz cū pluribus Theologis ejusdem sententiæ disp. 55. de prædestinat. sect. 2. n. 12.) „ Implere divina præcepta, se disponere ad justificationem, & in gratiâ perseverare, vel hæc omnia prætermittendo peccare. Nemo enim fuerit prædestinatus, nisi „ Deo vocanti consenserit, & nisi posuerit effectus prædestinationis; Ex Tridentino autem sess. 6. cap. 5. & can. 4. est in „ potestate hominis consentire, vel dissentire Deo vocanti, „ atque in ejus potestate sunt, suppositâ divina gratia, plurimi „ prædestinationis effectus, & præcipuè ipsa perseverantia in „ gratia, qua posita ponitur prædestinatio adultorum, & per „ consequens in potestate hominis est, ut sit prædestinatus, „ cum quæcumque causa habens in sua potestate rem unam, eo „ ipso habeat in sua potestate rem alteram necessariò cohærentem cum illa. Undè scriptura, & Patres dicunt, æternam „ vitam esse in nostra potestate, suppositâ divina gratia juxta „ illud Ecclesiastici 25. Apposui tibi aquam, & ignem, ad quod „ volueris porrige manum tuam, ante hominem vita, & mors, „ bonum, & malum, quod placuerit ei, dabitur illi „ Ad rem Anastasius Nicænus quæst. in scripturam quæst. 16. Est in nostra potestate, inquit, & libero arbitrio salus nostra & interitus, ut scriptum est, Deus ab initio fecit hominem rectum, „ & reliquit eum in manu consilii sui, & ante hominem vita, „ & mors „ Favet huic modo loquendi S. Augustinus lib. de dono perseverantiæ cap. 22. Fortassis enim, ait, sic prædestinati sunt, ut nostris orationibus concedantur, & accipiant eandem gratiam, qua velint, atque efficiantur electi. Quamvis autem numerum electorum secundum Deum, & rei veritatem, nec augeri, nec minui possit, cum hoc tamen bene

nè stat, eum posse augeri, & minui secundum præsentem justitiam, seu secundum nos, advertendo juxta mentem D. Thomæ 1. part. quæst. 24. art. 3. in corpore, & quæst. 6. de veritate, art. 3. ad 5. & D. Bonaventuræ in compendio Theologicæ veritatis part. 1. cap. 30 ordinationem ad gloriam, non quidem secundum Deum, & rei veritatem, sed secundum nos, & humanam opinionem, atque secundum præsentem justitiam esse ordinationem ad gloriam, quatenus nobis incipit innotescere, seu quatenus nos ipsam dari opinamur, & quam habet quilibet justus, ut potè qui eo ipso, quod est in gratia, est dignus gloria, habet jus ad gloriam, & ordinatur ad ipsam, non quidem secundum rem simpliciter, & finaliter, quod fit ex divina prædeterminatione præparante gratiam finalem in ordine ad gloriam, sed secundum quid, & secundum præsentem justitiam, & sic numerus potest de facto variari, augeri, & minui, quatenus de facto aliqui à statu gratiæ ad statum culpæ deficiunt, & à statu culpæ ad statum gratiæ resurgunt. Secundum hanc explicationem facillimè intelliguntur plura loca scripturæ: Sic Deuteronomii 1. dicitur. *Dominus addat ad hunc numerum multa millia*, ubi gloss. ordinaria interpretatur de numero prædestinatorum; illud psal. 39. *multiplicati sunt super numerum*, ubi Augustinus exponit de numero prædestinatorum, illa oratio Ecclesiæ ad Deum in canone Missæ, *ut in electorum suorum jubeat nos grege numerari*, atque illud lib. 6. Hypognofticon circa finem, „ Pro „ invicem oremus, in conspectu Dei nos humiliemus, ipsius „ erit potestatis judicium in nobis debitum mutare damnationis, „ & gratiam prædestinationis indebitam prærogare „ Succinit Venerabilis Alexander à S. Francisco in schola virtutū cap. 8. „ Si nescis, ait, an sis de numero electorum, potes petere à Deo, ut in ipsorum numerum adscribaris, & infallibiliter scriptus eris, si petes perseveranter, sicut docet Ecclesia, „ fia nos petere in Canone &c.

N O T A.

Immò id unum fuit ex iis, quæ in Augustino potissimum reprehendebant Semipelagiani, ut patet ex epistolis Prosperi, & Hilarii, quæ illi occasio fuit componendi libros de prædeterminatione sanctorum, & dono perseverantiæ, ubi fusiè hanc materiam tractat, &

& Semipelegianorum obiectionibus respondet. Isti autem sunt præcipui libri Augustini, quos Hormisdæ Pontifex consulendos ait, ut cognosci possit, quid de gratia, & libero arbitrio, Romana, hoc est, Catholica sequatur, & asseveret Ecclesia, atque in iisdem maximè proponuntur ea dogmata, quæ tutissima, & inconcussa declaravit Alexander VII. summus Pontifex, & quæ nuper adhuc B. D. Noster Innocentius XII. laudavit, & commendavit in Brevis ad facultatem Theologicam Lovaniensem.

DISPUNCTIO.

E Minentiss. Cardinalis de Lauræa opusc. de prædestin. cap. 18. n. 307. scribit, „ Illud quidem impugnasse Massilienses, „ non quia ipsi negarent, prædestinatorum numerum certum, „ & prædefinitum esse, sed negabant in sensu Augustini defen- „ di posse, qui antè prævisionem meritorum docuerat factam „ prædestinationem, ipsi verò qui docebant factam esse ex me- „ ritorum prævisione, cum in eo casu liberi arbitrii usus con- „ curreret, non agnoscebant eam repugnantiam, quam in sen- „ tentia Augustini agnoscere dicebant; Semipelagiani autem, „ ut idem doctissimus Cardinalis docet cap. 9. num. 199. loque- „ bantur de meritis sic eliciendis ab adultis, ut suppositâ voca- „ tione ad fidem, assensus primus ad eam sit ex puris naturæ „ viribus, cæteri autem sequentes actus tam credendi, quàm „ sperandi, diligendi, ac pœnitendi &c. sint faciendi cum au- „ xiliis divinæ gratiæ, „ Ex his præcis motivis, admonet idem Purpuratus Theologus loc. primo cit. num. 300. inductum fu- „ isse S. Augustinum ad scribendum præclaros illos libros de cor- „ rept. & gratia, & de dono perseverantiæ.

*De peccatis Ignorantiæ,
Ignorantia Dei, Peccato Philosophico, & salute
Gentilium Philosophorum.*

P R O P O S I T I O XXXVI.

Sicut nullum peccatum est non contrà rationem, ità nullum non contrà conscientiam, quæ nihil aliud est, quàm ratio practica dictans in particulari, quid non liceat, liceatque, & quemadmodum omne peccatum est contrà conscientiam, & tamen aliqui, magnique peccatores vix eâ percelluntur, non quod non pulset, & moneat, sed quia confestim animum ad alia, & placentia cōvertunt; pag. 161. lin. 12.

N O T A.

A Pertet bis verbis Author asserit, nullum esse peccatum, nisi sit contra conscientiam, hoc est, nisi hic, & nunc peccanti conscientia dicet, malum esse, quod agit &c.

D I S P U N C T I O.

HÆc censura afficit omnes Theologos, qui duplicem moralitatis regulam communiter assignant, aliam primam, obiectivam, & fundamentalem, quam dicunt esse legem æternam etiam relucemtem in dictaminibus practicis naturaliter cognitis ab omnibus ratione utentibus, aliam formalem, & proximam, seu homogeneous, quæ est recta ratio, dictamen conscientiæ, judicium practicum, syllogismus practicus &c. Primam, & obiectivam actuum moralium regulam non uno tantum in loco disertè explanat Sfondratus „ Peccatum moris, inquit „ pag. 84. nihil aliud est, quàm error, & defectus contra voluntatem divinam, hoc est, contra primam, supremamque „ regulam honestatis. Item paulò antea dixerat: non potest „ malum, nec peccatum esse, quod divini voluntati, hoc est, „ quod

„ quod primæ regulæ bonitatis, & honestatis respondet. Rur-
 „ sus pag. 150. „ Nulla natio est tam barbara, tamque ab hu-
 „ manis moribus aliena, cui Deus sui notitiam tanquam pri-
 „ mam regulam, primumque principium omnis moralis, &
 „ honestæ actionis seu naturæ, seu gratiæ instinctu non indi-
 „ derit „

Regulam verò proximam, formalem, & homogeneam actu-
 um moralium ponit Author in propositione à Censore notata,
 in qua continetur communis doctrina Theologorum. Scholæ
 Theologicæ Princeps Thomas Aquinas 1. 2. quæst. 71. art. 6.
 in C. ait „ Habet actus humanus quod sit malus ex eo, quod
 „ caret debita commensuratione; omnis autem commensura-
 „ tio cujuscumque rei attenditur per comparisonem ad aliquā
 „ regulam, à qua si divertat incommensurata erit. Regula au-
 „ tem voluntatis humanæ est duplex una propinqua, & homo-
 „ genea, scilicet, ipsa humana ratio, alia verò est prima regu-
 „ la, scilicet, lex æterna, quæ est quasi ratio Dei „ Exhinc
 Theologi Salmanticenses tract. 13. de vitiis, & peccatis disp. 7.
 dub. 1. §. 2. num. 5. fusè, latequè probant propositionem de-
 latam Cardinalis Sfondrati, & denuò allegant Doctorem An-
 gelicum in pluribus aliis locis, & præsertim ubi docet, dari in
 nobis legem naturalem ex impressione legis æternæ, quia datur
 prædictum dictamen ostendens, quid sit bonum, & quid sit ma-
 lum, quid faciendum, vel non faciendum, uti etiam tradit Go-
 netus disput. 1. de vitiis, & peccatis art. 1. §. 1.

Mastrius de Meldula in 2. sentent. disput. 5. de actibus huma-
 nis quæst. 4. n. 159. adducens Scotum, S. Bonaventuram, &
 innumeros recentiores scribit, quod „ Bonitas actus moralis
 „ consistit in tali conformitate ad talem rationem secundum
 „ omnia, quæ ipsa dictat adesse debere; malitia verò in diffor-
 „ mitate, vel recessu à tali regula „ Et antea quæst. 1. art. 1. n.
 „ 11. docuerat, quod proxima, & intrinseca regula actionum
 „ nostrarum duplex est, una primaria, quæ dicitur Synderesis,
 „ alia secundaria velut ab ea dependens, quæ dicitur conscientia
 „ à Scot. 2. dist. 39. & est actualius, & particularius dicta-
 „ men, & per utramque harum regularum nobis proponitur,
 „ & explicatur, seu dictatur lex extrinseca, per primam in uni-
 „ versali, per secundam vero in particulari, prima dicitur
 „ Synderesis, secunda conscientia, & jure quidem, quia illa

„ est primaria, & infallibilis regula, à qua secundaria dependet,
 „ quæ dicitur iudicium practicum „

De Sorbona testis sit Philippus Gamachæus illius Doctor, & Regius Theologiæ Professor in 1. 2. D. Thomæ quæst. 19. cap. 2. ubi ponit hanc assertionem, quam ait esse *D. Thomæ, & certissimam nempe bonitas, & malitia actus interioris pendet à iudicio practico, & dictamine nostræ rationis*. Et Paulo infra affirmat idem esse intellectum practicum, propriam conscientiam, & dictamen rationis; *conscientia autè aliquid non est, inquit, quàm scientia applicata in particulari ad nostros actus, ut docet D. Thomas 1. parte quæst. 79. art. 13.* Pro moderna Universitate Theologica Parisiensi fidei iussor sit ejusdem Doctor Claudius Frassen tom. 2. Theologiæ Scoti tract. 4. disp. 2. quæst. 2. n. 4. ubi tradit „ Quod dictamen conscientie est proxima regula actionum „ humanarum, cui conformari debent, ut sint honestæ, & licitæ (& infra) & quod ei opponitur, annexam habet malitiam moralem „ Pro Societate Jesu prælo sit Martinus de Esparza lib. 3. de actibus humanis quæst. 22. art. 3. qui statuit hanc thesim „ Iudicium istiusmodi practicum, seu dictamen ultimum „ conscientie est proxima, & immediata regula morum! Explicat art. 2. præced. illud ultimum dictamen conscientie prævium, quod definit cum Magistro his verbis „ Dictamen conscientie prævium definitur cum Magistro, D. Thoma, & aliis „ communiter iudicium practicum de aliquo hîc, & nunc benè „ vel malè faciendo. Dicitur hîc, & nunc ad amplectendum „ omnes circumstantias, quæ cognoscuntur inesse actioni immediatè executioni mandandæ, quia independentè ab earum „ propositione non convenit cognitioni ratio regulæ. Dicitur „ benè, vel malè de bonitate, & malitia simpliciter, & absolute talibus respectu operantis, quæ scilicet, ipsum operantem „ faciunt bonum, vel malum simpliciter in ordine ad finem ultimum, relatè ad quem dicitur bonus, vel malus homo „ Advertat modò Censor, quod ipse accusans allegatam propositionem Sfondrati nigro theta notat communem Theologorum doctrinam. Quod si ipse occurrat, Theologos non posse simul, & ubique omnia dicere, sed cum ex professo agant de peccatis, alibi admittere peccata ignorantie. Quid mihi respondendum erit pro Cardinali Sfondrato, qui nullam in hoc suo opere instituit quæstionem de peccatis, aut actibus humanis,

nis, sed solum obiter, & merè per transcursum posuit pauca illa verba, hoc est, occasione obiectionis sibi præstructæ, cui reddit duplicem doctissimam responsionem omninò videntiam, ibiquè interferit verba à Censore notata, eo quidem fine, ut præripiat peccantibus excusationem de ignorantia, & defectu remorsus conscientie?

N O T A.

Hoc si semel admittatur, non amplius loquendum de peccatis ignorantie, in quibus homines non solum se male agere ignorant; sed sæpe cecitate mentis legem Dei violando rectè se agere existiment. Hæc autem fuit hæresis Pelagianorum, qui agebant, oblivionem, & ignorantiam non subiacere peccato, quæ primum damnata est in Synodo Diospolitana, ac deindè in Conciliis Apricanis, & à S. Augustino pluribus locis confutatur. Fuit etiam postea error Petri Abaelardi, quem S. Bernardus epist. 77. ad Hugonem S. Victoris adductis variis scripturæ textibus, refellit his verbis „ Is forsitan, qui asserit, non posse peccari per ignorantiam, „ nunquam pro ignorantibus suis deprecatur, sed potius Prophetam „ irridet deprecantem, & dicentem, delicta juventutis meæ, & „ ignorantias meas ne memineris Domine, si peccatum ignorantia „ nullum est, non enim peccavit Saulus, qui persecutus est Ecclesiam Dei, quoniam quidem ignorans hæc fecit, manens in incredulitate . . . si, inquam, ignorantia nunquam peccatur, „ quid ergò causamur adversus occisores Apostolorum, quando „ quidem, non solum malum esse nescierunt interficere illos, sed „ insuper quoque id faciendo arbitrati sunt, obsequium se præstare Deo, sed & frustrà in Cruce Salvator pro suis orabat Crucifixoribus, quippe nescientibus, ipso teste, quid facerent, & ita „ nequaquam peccantibus „ De his ignorantie peccatis generaliter pronunciat S. Augustinus epist. 134. „ Si quis bonum putaveris „ esse, quod malum est, hoc putando utique peccat, & ea sunt omnia peccata ignorantis; quando quisque benè fieri putat, quod „ malè sit „

Nihil validius, nihil disertius impetit Cardinalis Author in loco à Censore notato, quàm hoc confectarium ab ipso obrutum „ Negari non potest, inquit inibi Scriptor, etiam „ in obstinatissimis peccatoribus conscientia voces, metusq; „ nunquam extinguì „ Et post relata aliqua sacrarum paginarum oracula, sic concludit „ Ergò quæ de conscientia oppo- „ nebantur, sententiæ nostræ suffragantur potius, quàm nocent, „ ant, cum constet, nullos esse peccatores tam improbos, quibus à peccato coërcendis Deus conscientia velur domestico „ tortore non utatur, torquere verò, ut vel abstineant, vel „ emendent, adeoque semper verum esse, quod scribit Augustinus, nullam esse animam, quamvis perversam, quæ tamen „ ullo modo ratiocinari possit, in cujus conscientia non loquatur Deus „ Alludit Author ad id, quod ipsemet dixerat pag. 153. ubi attulit eandem auctoritatem, & à pag. 147. usque ad 155. ex sacra, profanaque eruditione, ac solidis rationibus demonstrat, neminem rationis compotem quantumvis rudem, & barbarum posse invincibiliter ignorare Deum sub quolibet conceptu seu termino convertibili cum Deo.

Hæresim verò illam Pelagianorum in Synodo Diospolitana damnatam obiecit etiam Jansenius Iprensis apud P. Gonetum dissert. Theologica de opinionum probabilitate art. 7. § 3. cui doctissime ipse respondet, quod „ Cum S. Augustinus, alique „ Patres ignorantiam, & quod ex illa sit peccatum esse ajunt, de „ ignorantia vincibili loquuntur, & de ipsa pariter debet intelligi definitio Palæstinæ Synodi damnantis propositionem „ Cælestii, ut patet ex S. Augustino lib. de gestis Pelagii cap. 18. „ ubi cum hanc Cælestii propositionem recitasset: *oblivionem*, „ & *ignorantiam non subiacere peccato, quoniam non secundum voluntatem eveniunt, sed secundum necessitatem* ad eam confundendam, sive ex sua, sive ex Palæstinorum Episcoporum sententia hæc subdit, *cum David dicat, delicta juventutis meæ, & ignorantias ne memineris, cum in lege sacrificia pro ignorantia, sicut pro peccato offerantur*. Et lib. 3. de lib. arbit. cap. 18. & lib. 1. retractat. cap. 9. utitur his verbis Apostoli: *Misereror, diam confectus sum, quia ignorans feci*, ut quædam esse ignorantia peccata confirmet. At in illis omnibus locis fit mentio

„ tio de ignorantia vincibili, præsertim in ultimo; unde D.
 „ Thomas 1. 2. quæst. 86. art. 4. ignorantiam, quæ indirectè
 „ voluntaria est, atq; adeò vincibilis, peccatum extenuare indè
 „ probat, quod Apostolus dicat. *Misericordiam consecutus*
 „ *sum, quia ignorans feci.* Quem S. Doctoris locum ita Conra-
 „ dus illustrat. *Patet, quod verbum Apostoli intelligitur de igno-*
 „ *rantia, quæ fuit causa peccati, non tamen fuit invincibilis, sed*
 „ *vincibilis.* Ergò D. Augustinus, & Patres Palæstinæ Synodi
 „ non loquuntur de ignorantia invincibili, sed vincibili &c.
 „ Nec obstant ea posteriora verba damnatæ propositionis, quæ
 „ ignorantiam vincibilem videantur excludere; nam his verbis
 „ excluditur quidem illa ignorantia, cujus voluntas ipsa causa
 „ est, quæque affectata, seu directè voluntaria appellatur,
 „ quia secundum voluntatem evenit, voluntate, nimirum,
 „ illam procurante, & affectante, at non ea, quæ ex volunta-
 „ te originem non trahit, quæquè idcirco tantum indirectè vo-
 „ lita nuncupatur, quod voluntas ad eam depellendam non ad-
 „ hibeat diligentiam omnem, quam potest, & debet. Vel eti-
 „ am dici potest, ignorantiam illam esse necessitatis, & non
 „ voluntatis respectu naturæ nudæ, & viribus gratiæ destitutæ,
 „ non verò respectu naturæ ad ordinem supernaturalem eleva-
 „ tæ, nam respectu illius talis ignorantia non est necessitatis,
 „ sed voluntatis negligentis postulare à Deo lumen, & auxili-
 „ um supernaturale ad eam vincendam, ac depellendam;
 „ Abaelardus autem, ut in Theſibus Theologicis de peccatis
 „ ignorantie editis Lovanii, & Præside Gummaro Huygens Ly-
 „ rano (cujus nomen Cenſori minimè suspectum, aut ingratum
 „ fore reor) defensis in Collegio Adriani sexti Pontificis die 18.
 „ Martii 1683. conclusione 2. docetur, „ Non minus consequen-
 „ ter, quam erroneè dixit, *concupiscentiâ, & ignorantia nul-*
 „ *lum peccatum committi*, consequenter etiam, & erroneè di-
 „ xit, *hujusmodi non esse peccatum, sed naturam*, item quod ab
 „ *Adamo non trabamus originalis peccati culpam*, „ Et in quartâ
 „ conclusione scribitur, „ Quod Abaelardus dixerit *concupiscenti-*
 „ *â, & ignorantia nullum peccatum committi*, quodque illi
 „ doctrinæ subjunxerit, *hujusmodi non esse peccatum, sed natu-*
 „ *ram*, indicare videtur, idè Abaelardum in hanc hæresim esse
 „ prolapsum, quia concupiscentiam putavit esse naturam, er-
 „ rore non absimili, quo Cælestius, & post hunc Pelagius cen-

„ fuerit, oblivionem, & ignorantiam non subiacere peccato,
 „ quoniam non secundum voluntatem, ut agebant, sed secundum
 „ necessitatem eveniunt. Etenim si ignorantia, idem est de con-
 „ cupiscentia, non eveniat, ut Cælestius dicebat secundum vo-
 „ luntatem, sed secundum necessitatem, vel ut Abaelardus, sit
 „ ipsa natura, quidquid secundum ignorantiam, & concupi-
 „ scentiam sit, secundum Authorem naturæ, sive secundum
 „ inclinationem ab eo inditam sit, adeoque non fit contrà, sed
 „ secundum ejus legem æternam, sive secundum ipsum Deum,
 „ qui ipse est ista lex æterna proinde legitimâ conse-
 „ quentiâ suum errorem, vel hæresim, quod non dentur pec-
 „ cata ignorantie, tam Cælestius, quàm Abaelardus deduxerunt
 „ ex suis falsis principiis, quibus asseriebant, Cælestius quidem
 „ ignorantiam, & oblivionem non secundum voluntatem, sed se-
 „ cundum necessitatem evenire, Abaelardus verò concupiscentiâ,
 „ & ignorantiam esse naturam.

Ast Cardinalis Author principia prorsus opposita erroneis
 illis documentis Cælestii, & Abaelardi astruxit; non solum enim
 ex peccato Adæ nos jacturam fecisse donorum summæ tranquil-
 litatis animæ, perfectissimæ Dei cognitionis, parisque cogniti-
 oni amoris, summæ facilitatis, & suavitatis operandi honesta, &
 ad malum inclinatos fuisse ob appetitus cum ratione certamen,
 indigentiam alieni, & extranei boni, perversos, & inclitos mor-
 res, ignorantiam, cupiditatem, & difficultatem honesti disertè
 scripsit pag. 123. sed etiam pluribus in locis proximè indicandis
 dilucidè professus est, dari non posse in homine rationis compo-
 te ignorantiam invincibilem Dei, & juris naturæ, & pag. 159. in
 aliquibus Peccatorum nomine necessitatis peccandi intelligi vel
 magnam difficultatem, vel necessitatem hypotheticam, non ab-
 solutam. „ Si enim, inquit, mediis, quæ Deus præscripsit vin-
 „ cendis tentationibus uti nolis, non orare, non sacramentis
 „ uti, non verbum Dei audire, non occasionibus abstinere, quis
 „ neget te necessariò peccaturum? at necessitas ista, cum libe-
 „ ra sit, & vinci possit, à peccato non excusat. Eodem modo
 „ respondendum testimoniis Augustini, quæ Jansenius aggro-
 „ merat lib. 3. de gratia Christi. Ut taceam, Augustinum con-
 „ tra Pelagium loqui de necessitate naturæ, quatenus gratiâ ca-
 „ ret, sic enim fatemur, necessariò peccaturum, sed negamus,
 „ gratiam abesse saltem incompletam, & remotam, quæ májo-
 „ rem, & proximam consequi possit. „ Er.

Erroribus igitur Pelagii recensitis à S. Augustino, & Abaelardi descriptis à S. Bernardo in locis à Censore adductis è diametro opponitur Cardinalis Sfondrati doctrina, ut abundè declaratum est. Undè S. Bernardus in eadem epistola 77. à Censore allegata exponuntur hæc verba Christi Domini Johan. 15. *Si non venissem, & locutus eis fuisset, peccatum non haberent, ait, si locutus fuisset, sed non eis, inobedientiæ culpam ignorantia excusaret. Item multa scienda nesciuntur, aut sciendi incuriâ aut descendendi decidiâ, aut verecundiâ inquirendi, & quidem ejusmodi ignorantia non habet excusationem.* Alios tandem cavillos quoad errores Pelagii in hac materia ignorantia à magno Augustino rejets reperiet Lector apud eundem P. Gonetum in loco jam citato.

N O T A.

TAndem materiam de peccatis ignorantia, cum quis falsam conscientiam sequitur, latè tractat S. Thomas 1.2. quest. 76. art. 2.3. & seqq. item v.2. quest. 19. art. 4. 5.6. 1.2. quest. 94 art. 6. alatae Auctoris propositioni contrarium planè doctrinam tradens, quibus addenda, quæ habet quodlibeto 8. art. 13. ubi generaliter ait „ illud quod agitur contrà legem [æternam] semper est malum, nec „ excusatur per hoc, quod est secundum conscientiam.

D I S P U N C T I O.

AD textum D. Thomæ in nota productum ità respondet P. Gonetus in eadem dissertatione Theologica de opinionū probabilitate art. 7. §. 4. „ Illud, quod est contrà legem semper „ esse malum, nec excusari per hoc, quod est secundum conscientiam erroneam errore crasso, & affectato, qui non excusat à peccato, benè tamen excusare à peccato id, quod est secundum conscientiam errantem errore invincibili, & inculpabili, quem à peccato eximere docet S. Doctor in pluribus „ locis, etiam in illo articulo 13. quolibeto 8. „ Sfondratus autem expressè negat, dari posse in quopiâ rationis compote ignorantiam invincibilem juris naturæ. En ipsius verba pag. 148. „ Sicut ex illo principio omnibus naturaliter impresso vitam „ conservandam esse, nemo non intelligit, esse comedendum, „ esse

„ esse bibendum, manum apponendam, & perdendam esse, fer-
 „ ro capiti imminente, idque citrà discursum, nulloque magi-
 „ stro, ità ex illa primaque regula omnium honestarum actionū
 „ quam natura nullum non docuit, videlicet, *quod tibi*
 „ *non vis fieri, alteri ne feceris*, nemo non agnoscit parentes, &
 „ Magistratus observandos, homicidia sine justa causa, furta,
 „ adulteria vitanda, quę si contra naturę, ac rationis imperium
 „ fiant, etiam nullo teste, nulloque vindice, mox apud Barba-
 „ ros quoque conscientię flagella, timores, occultique carni-
 „ fices, *nullum enim scelus*, inquit Seneca epist. 98. *licet illud*
 „ *fortuna exornet muneribus suis, impunitum est, quoniam scele-*
 „ *ris in scelere supplicium est*; & sicut inter tot hominum millia
 „ nemo fuit, qui totam vitam dormiendo egerit, nunquam ex-
 „ perrectus, ità multòque minus, repertus aliquis, qui Deum,
 „ & ad salutem necessaria semper ignoraverit, hoc enim est ani-
 „ mę ignorantia, quod corpori somnus, nec hic esse perpetuus,
 „ nec illa potest. Idem argumentum eloquentissimè digerit
 „ Emin Author pag. 151. Videat hic Censor tantum abesse,
 „ quod Sfondratus excuset peccata ignorantię, ut potius diser-
 „ tē demonstrēt, ignorantiam juris naturę non posse esse in ratio-
 „ nis compote, nisi ex pluribus capitibus vincibilem, crassam, &
 „ affectatam, adeoque eam à peccato excusare non posse.

PROPOSITIO XXXVII.

Cum peccatum sit essentialiter offensio, & injuria Dei,
 sublata Dei cognitione, necessariò sequitur, nec inju-
 riam, nec peccatum, nec æternam pœnam esse; pag.
 152. lin. 33.

N O T A.

HÆc propositio damnatum ab Alexandro VIII. Summo Pontifice
 philosophici peccati errorem videtur revocare, vel etiam pe-
 jus aliquid philosophismo docere, quamvis enim primò doceat Au-
 thor, neminem etiam inter Barbaros Deum invincibiliter, & ci-
 trà culpam ignorare, postea tamen baud aegrè supponit id contingere
 posse, ut patet ex verbis in sequenti duplici propositione mox re-
 feren-

ferendis, & certè si per ignorantiam invincibilem, & citrà culpam illa intelligatur, quæ hîc, & nunc viâ ordinariâ ob magistrorum, & cujuscumque alterjus humani adjutorii defectum, removeri non potest, ut multi hodiè Theologi intelligunt, vix negari potest ejusmodi ignorantiam dari in quibusdam barbaris, si non per longum vitæ tempus, saltem aliquanto tempore, postquam ad usum rationis pervenerunt.

DISPUNCTIO.

IN omne latus se vertit Cenfor, ut famosissimum hac tempestate crimen peccati philosophici piissimo, ac Sapientissimo Cardinali per incredibile nefas inferat, & immani accusatione unico verbo confecta Purpuratum Patrem vulgi fannis, & ludibrio exponat, sed prorsus frustra, & infelicitè minimè ratus, Eminen. Scriptorem per doctrinam ibi traditam funditè extirpasse peccatum philosophicum, & ad ejus radices securim apposuisse. Hoc ut sub ipsos Lectoris oculos palpandum subiciam, non nulla ad hujus notæ dispunctionem præmittenda sunt.

In primis damnatio peccati philosophici per Alexandrum Papam Octavum recolendæ memoriæ his verbis in ejus decreto concepta est „ Peccatum philosophicum seu morale est actus „ humanus disconveniens naturæ rationali, & rectæ rationi. „ Theologicum verò, & mortale est transgressio libera divinæ „ legis. Philosophicum quantumvis grave in illo, qui Deum „ vel ignorat, vel de Deo actu non cogitat, est grave peccatum, „ sed non est offensa Dei, neque peccatum mortale dissolvens „ amicitiam Dei, neque æternâ pœnâ dignum „ Expendat hîc Lector verba illa, *qui Deum vel ignorat, vel de Deo actu non cogitat*, quibus non importatur ignorantia invincibilis de Deo, sed universaliter, & indefinitè quælibet ignorantia, & incogitantia actualis de Deo. Inter articulos, quos facultas Lovaniensis Innocentio Papæ XI. san. mem. obtulit judicandos, legebatur quidem etiam iste: *Peccatum mortale contrahere nequit Deum ejusque omnem legem invincibiliter ignorans*, sed hujusmodi propositio illæsa dimissa fuit, quinimò ab Alexandro Octavo damnata fuit hæc propositio, quæ est 2. inter 31. confixas. *Tamen si detur ignorantia invincibilis juris naturæ, hæc in statu natu-*

re lapsæ operantem ex ipsa non excusat à peccato formali. Similiter sunt peculiariter attendendæ illæ duæ voces positæ in explicatione peccati philosophici, *disconveniens naturæ rationali, seu rectæ rationi*, quibus licet non significetur Deus sub conceptu proprio distincto, & clarè cognito, venit tamen ipse Deus confusè, & in communi cognitus sub conceptibus rectæ rationis, legis, ac dictaminis, cui summè est parendum, qui conceptus, seu termini sunt convertibiles cum Deo, ut docetur communiter à Theologis.

Deindè sedulò observandum est, Eminentiss. Authorem pluribus in locis præsertim à pag. 147. usque ad 157. omnigena eruditione demonstrasse, à nemine rationis compote posse invincibiliter ignorari Deum, & media ad illum perveniendi; omnibus hominibus Angelum tutelarem datum minimè cessaturum ea suggerere, sine quibus illi salvì esse non possunt, ipsumque Conditorum ut in aliis rebus, ità in hac quoque tam necessaria defectum naturæ suppleturum, nullum in Europa, nullum in Asia, nullum in Aphrica, Americaque hominem esse, qui viso pulcherrimo hoc Mundi opere non quodam naturali instinctu ad Opificem cognoscendum, amandum, colendumque moveatur. His veritatibus efficacissimè demonstratis describit Sfondratus hæc verba pag. 152. „ Refert quidem Molina, sibi à mul-
 „ tis narratum, Brasiliæ incolas, priusquam à Lusitanis doce-
 „ rentur, nullum Deum cognovisse, *sed aljud est Deum ignora-*
 „ *re, aljud invincibiliter eitràque culpam ignorare*, at ità Bar-
 „ baros ignorare quis Molinæ narravit? deindè cum Deus nul-
 „ li creaturæ vires, & facultates negaverit, quibus finem pro-
 „ prium consequeretur, ut supra ostendimus, quis credat, id
 „ soli homini negasse omnium sublunarium creaturarum nobi-
 „ lissimæ? At demus ità ignorasse, id quoque magna beneficii,
 „ & gratiæ pars fuit: Cum enim peccatum sit essentialiter of-
 „ fensio, & injurja Dei, sublata Dei cognitione, necessariò se-
 „ quitur, nec injuriam, nec peccatum, nec æternam pœnam
 „ esse. Ergò cum hac ignorantia impeccabiles redderentur,
 „ alioquin certissimò peccaturi, si agnoscerent, sequitur, hoc
 „ ipsum beneficium esse juxta illud Apostoli. *Meljus erat illis*
 „ *non cognoscere viam justitiæ, quàm post agnitionem retrorsum*
 „ *converti ab eo, quod illis traditum est, sancto mandato*; 2. Petri
 „ 2. ergò sive Barbari agnoscant, sicque invocare illum, & salu-

„ tem

„ rem consequi possint, siue penitus ignorent, & ideo nec pos-
 „ sint peccare semper verum erit, ne illis quidem misericor-
 „ djam deesse „

Præterea Eminentiss. Author pag. 155. in hæc verba scribit
 „ Omnes fidei articulos invincibiliter ignorari prorsus posse,
 „ ac præfertim illum de existentia, cultuque alicujus Dei, pla-
 „ nè negamus, cum sine hac cognitione nihil homini supersit,
 „ quo finem suum, ad quem conditus est, valeat adipisci „ Et
 pag. 109. „ Omnibus hominibus etiam incultissimis, ac planè
 „ barbaris auxilium gratiæ datur, quo legem naturalem obser-
 „ vent „ Item pag. 191. „ Lumen ipsum rationis omnibus mor-
 „ talibus à natura impressum, & species ipsa mundi omnium-
 „ que creaturarum hanc Dei cognitionem nulli non inspirat „
 Pariter in disputatione notæ proximè superioris adduximus
 plura loca scriptoris, quibus dilucidè ostendit, in nemine ra-
 tionis compote dari posse ignorantiam invincibilem juris na-
 turæ.

Quare hypothesis ab Eminentiss. Scriptore permixta est secū-
 dū ejus doctrinam impossibilis, illam tamen non debet Cen-
 sor pro suo libito comminisci, sed eam ut à Scriptore permis-
 sam assumere debet: ipsa autem est de ignorantia invincibili Dei
penitus, seu *prorsus*, idest, sub quocumque conceptu, seu ter-
 mino convertibili cum Deo, puta, sub conceptu finis, dicta-
 minis, cui summè est parendum, legis æternæ, seu judicii pra-
 ctici prohibentis, suadentis, præcipientis. Hujusmodi autem
 ignorantia est omnino impossibilis cum quocumque pecca-
 to, seu theologico, seu philosophico, quod à Sfondrato defi-
 nitur *essentialiter offensio, & injuria Dei*. Siquidem, ut docet
 Gonetius disp. 1. de peccat. art. 2. „ Licet Philosophi morales
 „ non considerent peccatum formaliter, & explicitè, ut est of-
 „ fensa Dei, sub qua ratione illud considerant Theologi, vir-
 „ tualiter tamen, & implicitè illud sub ratione offensiæ con-
 „ templantur, quatenus illud inspiciunt, seu considerant ut
 „ contrarium dictamini rectæ rationis, quod est lex ipsa natu-
 „ ralis à Deo, & lege æterna derivata, & mentibus hominum
 „ impressa „ Non potest ergo dari actus moraliter honestus, vel
 inhonestus sine cognitione, qua Deus cognoscatur sub aliquo
 ex prædictis conceptibus cum Deo convertibilibus; proinde
 cum nullo ex his modis secundū Sfondratum cognoscetur in

ea hypothesi Deus ab illo Barbaro, jam iste nullum omnino peccatum committeret. Unde idem P. Gonetus in dissertatione Theologica de opinionum probabilitate ex Patribus, & rationibus fuse probat art. 7. §. 1. ignorantiam invincibilem legis divinæ prorsus excusare à quocumque peccato contra ipsam commissio adversus Jansenium, qui lib. 2. de statu naturæ lapsæ cap. 2. arcem sui erroris, teste eodem Theologo, constituit in negando hoc principio: *Ignorantia invincibilis excusat à peccato*, quo, ut ipsemet Gonetus ait, Philosophorum, & Theologorum scholæ omnes personant, quodque ab Alexandro Octavo in damnatione propositionis illi principio contradictoriæ, ut supra insinuavimus, confirmatum est. Unde charitatis christianæ zelo rursus commonefacere compellor Censorem, ne aliqui fortè nimis suspiciosi putent, quod immodicus contra Cardinalem Authorem animi sui æstus, & affectatum erga partes Jansenii studium in ejus errores ipsum illidunt, ac in transversum agant, quandoquidem mōnente Bernardo serm. 9. in Cantica, *præceptus affectus nec judicium preßolatur, nec consilio temperatur, nec pudore frænatur, nec rationi subiicitur*.

Tandem risu, & commiseratione digna est argutia in nota Censoris apposita, videlicet, ex eo quod Sfondratus permittat suppositionem impossibilem de ignorantia invincibili Dei in homine sanæ mentis, Notator, infert, ipsum haud ægrè supponere, id contingere posse. Theologi igitur in celebri illa controversia, an Spiritus Sanctus distingueretur realiter à Filio; si à Filio non procederet, haud ægrè supponunt, id contingere posse. Contemptus Theologiæ Scholasticæ hujusce farinæ Aristarchis congenitus in frigidas istas ineptias eos allidit. Sanè omnes Philosophi, & Theologi communissimè docent, valdè utile & quandoque necessarium esse argumentari ab impossibili, quando impossibilis non involvit contradictoria ex terminis, & non arguitur illatione formali, & per locum intrinsecum, eum tunc ex impossibili non sequatur quodlibet ex contradictoriis, quorum intuitu fit impossibilis suppositio, Unde in scholis Philosophiæ, & Theologiæ creberrimæ, & usitatissimæ sunt hujusmodi argumentationes ab impossibili; sic indicatam controversiæ de distinctione reali Spiritus Sancti à Filio, si à Filio non procederet, utilitatem, expressis verbis, & in ter-

mi-

minis tradunt Scotus in 1. dist. 12. quest. 2. §. contra istam petitionem, Vasquez 1. part. disput. 147. c. 1. n. 1. Lugus lib. 2. disp. 17. c. 3. n. 2. Arriaga disp. 53. sect. 4. subsect. 1. &c. Cæterique Theologi, dum eam quæstionem accuratè agitant, utique proficuè illam agitari supponunt.

N O T A.

A Uthor nullum omninò peccatum in ejusmodi hominibus agnoscit, sed eos etiam furando, adulterando, occidendo impeccabiles fore pronunciat, quod non dicunt peccati philosophici defensores, qui in eis saltem peccatum philosophicum agnoscunt.

D I S P U N C T I O.

Certè in hypothèsi impossibili à Sfondrato producta, nimirum, si quis invincibiliter prorsùs ignoraret Deum sub quocumque conceptu, iste nullum omninò peccatum neque theologicum, neque philosophicum perpetraret, ut communiter tradunt Theologi: Sic Carmelitæ excalceati Salmanticenses tract. 13. de vitiis, & peccatis disp. 7. dub. 1. §. 2. docent, quod „ Si quis invincibiliter existimans non esse illicitum mentiri ad „ tuendam proximi vitam, aut furari adtribuendam eleemosy- „ nam, mentiatur, vel furetur, non peccat, non ob aliud, nisi „ quia in hoc casu nullum est dictamen rationis prohibens hu- „ jusmodi actus „ Contensonus dissertat. 5. de actib. humanis. cap. 1. speculat. 3. tradit, „ Quod si per impossibile non esset De- „ us, nec lex æterna, vel in se, vel participata in dictamine ra- „ tionis, tunc non daretur peccatum mortale, sicut non datur „ in Brutis „ Mairtus de Meldula in 2. disp. 6. de peccatis art. 3. n. 93. addit hanc rationem „ Quia in eo casu quicumque fu- „ perior invincibiliter ignoraretur, omnisque ejus lex à dicta- „ mine rationis proponenda, adeoque planè nihil posset com- „ mitti contra rationem, quia tunc ipsa nec dirigeret, nec obli- „ garet, cum vim dirigendi, & obligandi totaliter à lege æterna „ habeat, sed in eo casu omnis actus esset indifferens, & ut ta- „ lis apprehenderetur à ratione, ideòque in genere moris nul- „ lum esset peccatum „ Sylvester Maurus tract. 4. de actibus hu-
ma

manis quæst. 25. advertit, „ Dictamen conscientie, seu ratio-
 „ nis non esse quidem legem, esse tamen intimationem quan-
 „ dam privatam, & ultimam, per quam unicuique intimatur
 „ lex æterna, cui summè est parendum; Undè si Deus non esset
 „ etiam sub conceptu legis ac dictaminis æterni obligantis v. 9.
 „ ad non occidendum Patrem, & Matrem, nulla esset obligatio
 „ non occidendi Patrem, & Matrem, adeoque cum peccatum
 „ debeat esse contra aliquam obligationem, occidere Patrem, &
 „ Matrem nullum esset peccatum morale, & sic non esset ma-
 „ gis peccatum occidere Patrem, & Matrem, quam occidere
 „ pulicem, vel gallum gallinaceum.

Assignarat hujus doctrinæ rationem idem Theologus quæst. 24. præcedenti fundatam in autoritate Augustini lib. 2. contra Faustum cap. 27. peccatum definientis, *dictum, factum concupitum contra legem æternam*, & exindè deducit, essentiam peccati, seu actus inhonesti consistere in hoc, ut sit contra legem æternam, quam num. 13. consistere asserit in veritatibus practicis semper & necessariò existentibus, hoc est, in dictaminibus præceptivis, prohibivis, suavisivis, aut permissivis quarundam actionum, quæ nobis innotescunt per lumen rationis, quod est quædam participatio luminis divini, & idèd ratio vocatur lumen divinum, & lex æterna ab Apostolo dicitur scripta in cordibus nostris, ut habet S. Thomas 1. 2. quæst. 91. art. 2. in corp. sic S. Augustinus lib. 2. de peccat. meritis, & remissione cap. 16. dicit: *neque peccatum erit, si quid erit, si non divinitus jubeatur, ut non sit* adeoque existimat eo ipso, quod aliquid non sit contra legem æternam, non esse peccatum. Item S. Ambrosius lib. de Paradiso cap. 8. ait: *quid aliud est peccatum, nisi divine legis transgressio?* quod videtur desumptum ab Apostolo ad Rom. 4. *Ubi non est lex, nec prævaricatio*, & cap. 7. *peccatum non cognovi, nisi per legem*, nam concupiscentiam nesciebam, nisi lex diceret, *non concupisces*; proindè peccatum non potest cognosci, nisi per legem, sicque essentia, & conceptus formalis peccati consistit in hoc, ut sit transgressio legis, & non potest cognosci, concupiscentiam esse peccatum, nisi cognoscatur lex illam prohibens, & dicens *non concupisces*, & idcirco repugnat, ut cogitemus, inhonestum esse Deum contemnere, absque eo quod cogitemus, dari aliquod dictamen hoc prohibens; quod dictamen de facto est ipsa lex Dei æterna. Undè quæst. 25. citata concludit idem

Ma-

Maurus, quod qui committunt furta, homicidia &c. peccant, quia cognoscunt, se facere contra aliquam regulam, seu dictamen, cui summè parendum est, obligans ad hæc non facienda, quod dictamen est Deus, & per consequens cognoscunt Deum sub conceptu legis, cui summè est parendum, licet non cognoscant Deum sub aliis conceptibus.

Quocirca Contensonus loco nuper laudato scribit „ Peccato essentiali esse rationem injuriæ Dei ut primi, & supremi „ Legislatoris: omnis quippe peccator sciens transgreditur legem naturalem, quæ est emanatio æternæ, nec deest illi sufficiens notitia: sicut enim natura ita sentit Creatorem, ut illum non possit invincibiliter ignorare, ita lex naturalis percipit æternam, cui veluti clientelæ jure obstringitur: cujus argumentum est, quod scienter peccans percipit se reum „ pœnæ à supremo Judice, quem propterea timet, infligendæ. „ Idque Philosophi ratione ducere novcrant; Plato enim, teste „ Augustino lib. 8. de Trinit. cap. 10. & 14. dicebat, in rebus humanis nihil esse Deo virtute gratius, nihil vitio, & peccato ingratius [Et paulò infra reflectit], „ Quod lex æterna, seu supremi Domini, & Legislatoris jus est fons legum omnium, quæ ab ipso velut à Sole radii continuè exoriuntur. „ *Lex tua*, agebat S. Augustinus lib. 2. confess. c. 4. *Domine in cordibus hominum scripta est, quam nec ulla unquam delet aut delet bit iniquitas.* Eam Deus indelebilibus exaravit characteribus, „ nec tam inscripta est, quàm innata, & profluo quodam naturæ „ fonte in singulis expressa. „ Quamvis autem Contensonus constanter hanc sententiam tueatur; nihilominus in dissert. 6. de probabilitatis commento cap. 1. speculat. 1. quæsitò 5. „ Certum esse tradit, si daretur invincibilis ignorantia juris naturalis, homines à peccato excusatum iri, & actus ex illa admissos omni culpa vacaturos „ Suffragantur Carmelitæ Salmanticenses de vitiis, & peccatis tract. 13. disp. 7. dub. 1. §. 1. asserentes „ Peccatum non aliunde, & quasi per accidens, sed „ secundum se, & ex propria sua ratione esse contra Deum, ac „ offensam ipsius, & hoc, ajunt, esse adeò commune, ut si pervacaneum sit aliquem in particulari pro eo recensere, & „ desumi ex sacra scriptura, in qua passim peccata dicuntur offensiones, injustitiæ, injuriæ Dei &c. Undè non potest aliquis peccare, qui non eo ipso saltem in actu exercito cognoscit, „ scit,

„ scit, esse aliquem superiorem legitimè præcipientem per legem, cui obedire tenetur, in quo virtualiter ad minus, & implicite cognoscit Deum Legislatorem, & scit, vel scire potest, se violando legem facere contra ipsum, & eum offendere „

Optimam quoque hujus veritatis rationem adducit Gonerus loc. cit. ex eo, quia nihil potestate in non peccandi longius remouet, quam ignorantia invincibilis divinæ legis, cum illa cognitionem necessariam ad vitandam culpam tollat, & mentem, quæ voluntati ad agendum faciem præferre debebat, omnino excæcet; est autem tritum, & commune philosophiæ moralis principium, *nemo peccat in eo quod vitare non potest*, quod D. Augustinus in lib. 2. de duabus animabus cap. 11. usque adeo esse notum, & per se manifestum asserit, ut non solum à nemine ignoretur, sed & insuper à toto genere humano cantetur, & declaretur. *Nonne ista cantant*, ut nos etiam alio in loco retulimus, *& in montibus Pastores, & in theatris Poetæ, & indocti in circulis, & docti in bibliothecis, & Magistri in Scholis, & Antistites in sacris locis, & in Orbe terrarum genus humanum?*

Ex hinc dignoscat Centor, Emin. Authorem in propositione accusata optimè ratiocinatum fuisse, & ex hoc antecedenti: *peccatum est essentialiter offensio, & injuria Dei* formalissimè intulisse, quod sublata Dei cognitione (quam ipse accipit de cognitione Dei sub quocumque conceptu, seu termino convertibili cum Deo) necessariò sequitur, nec injuriam, nec peccatum seu theologicum, seu philosophicum, nec æternam pœnam esse. Undè Emin. Sfortia Pallavicinus lib. 7. de Virtute, & Sacramento Pœnitentiæ cap. 10. profundissimè docet, quod „ Nunquam „ apud Patres, & Scholasticos nominatur peccatum morale „ (datur enim etiam peccatum purè phisicum) vel culpa, quæ „ non sit offensa Dei &c. Nos verò, ait, in lib. de actibus humanis cap. 13. & 14. ostendimus, in omni peccato, atque actu „ morali includi cognitionem Dei sub aliquo conceptu, vel primæ regulæ, vel summi boni, vel ultimi finis &c. idque confirmavimus multis apertisque D. Thomæ testimoniis, quibus „ addi possunt alia infra scripta, ut ex omnibus pateat, quàm „ evidenter, & quàm constanter S. Thomas hanc sententiam, „ vel tradiderit, vel supposuerit. Et cum allegarit Doctorem Angelicum in 4. dist. 7. quæst. 3. art. 2. quæstione 3. in corp. „ lib.

„ lib. 3. cont. Gentes c. 109. in 4. dist. 16. quæst. 3. art. 1. q. unic.
 „ p. 1. 3. part. quæst. 87. art. 1. in corp. quæst. 23. de verit. art. 7.
 „ in corp. & præcipue 1, 2. quæst. 88. art. 6. pergit. „ Neque ob-
 „ stat, S. Thomam alicubi distinguere peccatum; quatenus cō-
 „ sideratur à Theologis, hoc est, prout adversatur Deo, & qua-
 „ tenus consideratur à Philosophis, hoc est, prout adversatur
 „ rationi. Non enim per hoc S. Thomas distinguit in peccato
 „ duas malicias: quippe ratio non est prima regula, per opposi-
 „ tionem cum qua desumatur malitia, sed est index alicujus ma-
 „ litie antecedentis, quæ sit in peccato per oppositionem ad
 „ aliam regulam objectivam, quæ re ipsa est Deus, & ideo 1. 2.
 „ quæst. 71. art. 6., ait, jus naturale primò quidem contineri
 „ in lege æterna, quam ait esse rationem, & voluntatem Dei;
 „ secundariò autem in judicatorio rationis humanæ. Quòcir-
 „ cà illa distinctio, quæ obiiciebatur, habet hunc sensum, quod
 „ Theologi considerant explicitè peccatum, quatenus est con-
 „ trà Deum; Philosophi verò quatenus est contra dictamen ali-
 „ quod objectum confusè cognitum à nostra ratione, quod di-
 „ ctamen, licet re ipsa sit ratio, & voluntas Dei, hoc est, lex
 „ æterna; Philosophi tamen id explicitè, & sub talibus præ-
 „ dicatis non cognoscunt: Quæ D. Thomæ sententia clarjus
 „ etiam elucescit ex iis, quæ docet q. 2. de peccatis art. 4. in
 „ corp. ubi quærens, utrum omnis actus humanus sit indiffe-
 „ rens, hæc habet: *Loquimur nunc de actibus humanis secundum*
 „ *id, quod est proprium hominis, in quantum est homo; hæc autem*
 „ *est ratio: undè bonum, & malum in actibus humanis considera-*
 „ *tur secundum quod actus concordat rationi informatæ lege divi-*
 „ *na, vel naturaliter, vel per doctrinam, vel per infusionem.* En
 „ quomodo non agnoscit rationem ut mensuram ullius bonita-
 „ tis, & malitiæ in actibus humanis quatenus humanis, nisi pro-
 „ ut est informata lege divina, vel per ipsam cognitionem natu-
 „ ralem, quæ ostendat illam confusè, vel per doctrinam, qua
 „ cognoscatur magis distinctè, vel per fidem infusam, per quã
 „ cognoscatur ipsa lex supernaturalis Dei. Et tamen hic S.
 „ Thomas non loquitur de peccato sub nomine peccati, sed de
 „ actu bono, & malo in ratione actus humani, quasi voluisset
 „ Adversariis omne effugium præcludere. Et porrò remanen-
 „ te Deo penitus ignoto non solum sub conceptu expresso per
 „ hoc nomen *Deus*, sed sub quocumque alio conceptu, qui cū

„ Deo realiter identificetur, non cognoscitur ulla obligatio
 „ præferendi bonum alienum bono proprio, aut præferendi
 „ bonum proprium majus bono proprio minori, ex quarum
 „ obligationum violatione oritur inhonestas „
 Accedat Cardinali Pallavicino alterum præfulgidissimum Va-
 ticanæ Purpuræ Decus Eminen. Cardinalis de Auguirre, qui
 tom. 1. Theologiæ S. Anselmi, Tract. 1. disp. 5. sect. 5. cum
 ostendisset num. 1. ex D. Thoma „ Credere Deum esse præam-
 „ bulum ad observantiam mandatorum Dei, quia antequàm quis
 „ se subdat legi, debet necessariò cognoscere, à quo legislatore
 „ dimanet talis lex, & per consequens ad obligationem legis
 „ naturalis necessariò sopponi notitiam Dei Legislatoris aut
 „ formalem, aut saltem interpretativam in debito proximo „
 Eandem veritatem sic strenuè corroborat „ Si enim, inquit, po-
 „ test homo in sylvis educatus, & lege naturali adstrictus pati
 „ ignorationem Dei invincibilem, poterit quoque cum eadem
 „ ignorantia committere aliquod peccatum grave, seu lethale
 „ contrà legem naturalem, qua obligatur circà agenda quicum-
 „ que rationis particeps est. Consequens autem videtur absur-
 „ dum, quia impossibile est peccatum grave, seu lethale, quod
 „ non sit offensà Dei, nequit autem esse offensà Dei invincibi-
 „ liter ignorati. Quis enim offendere dicatur, quem prorsus
 „ ignorat? Non ergo homo in sylvis nutritus pati potest invin-
 „ cibilem Dei ignorantiam. Quod si dicas, in eo statu nullum
 „ peccatum fore grave Theologicè loquendo, sed ad summum
 „ Philosophicè; contrà est; Quia si in eo statu, reluctante ra-
 „ tionis dictamine, committeret scelera aliquot ex genere suo
 „ gravissima V. G. contrà naturam, aut etiam occideret se ipsū,
 „ procul dubio graviter peccaret, merereturque pœnam æter-
 „ nam damni, & sensus, quod sine culpa gravi, & lethali The-
 „ ologicè, & simpliciter dicta esse nullatenus potest. Atqui nec
 „ ejusmodi culpa esse potest sine gravi offensione Dei, neque
 „ hæc cum invincibili Dei ignorantia cohærere valet. Ergò
 „ homo in sylvis nutritus, & obstrictus lege naturali circà bo-
 „ num, & malum non potest pati invincibilem Dei ignoratio-
 „ nem „ Et post allatam aliam ejusdem argumenti confirmatio-
 „ nem ità concludit eximius Theologus „ Ne igitur hæc, & alia
 „ ejusmodi absurda sequantur, neganda est omni homini ratio-
 „ ne prædito, & in sylvis nutrito invincibilis ignorantia exi-
 „ stentiæ Dei Legislatoris, & finis naturalis „ Ut

Ut igitur tollatur de medio peccatum philosophicum ab Alexandro Octavo damnatum, præcidanturque alia absurda ex hucusque dictis, & ex ultimis verbis Cardinalis de Aguirre emergentia, neganda est possibilis homini ratione prædito invincibilis ignorantia Dei legislatoris, & finis naturalis; Atqui Cardinalis Sfondratus hujusmodi ignorantiam validissimè per plures paginas demonstravit impossibilem in homine rationis compositæ, ut ex ejusdem verbis ostendimus, ergò Sfondratus exterminavit peccatum philosophicum, & alia absurda exindè profecta.

Quæso Censor attentè advertat, ab eodem Alexandro Octavo eadem Apostolica autoritate, eodem judicio supremo infallibili, irretractabili, & irreformabili, & sub iisdem omninò pœnis damnatum esse tum peccatum philosophicum juxta ejus decretum supra descriptum tum inter 31. propositiones ab eodem confixas hanc propositionem num. 2. *Tametsi detur ignorantia invincibilis juris naturæ, hæc instatu naturæ lapsæ operantem ex ipsa, non excusat à peccato formali.* Cardinalis Author luce meridiana clarjus se à sententia in peccatum philosophicum lata liberat; illa namque ut jam demonstratum est, procedit universaliter, & indefinitè de quacumque ignorantia, incogitantia, & inadvertentia etiam actuali comprehendente quoque ignorantiam vincibilem, & culpata, quæ procul dubio actum pravum ex ea subsecutum non excusat à culpa, & pœna æterna; Cardinalis Sfondratus autem expressissimè, & conceptissimis terminis loquitur de ignorantia invincibili Dei sub quocumque conceptu, ac proindè ejus doctrina toto cælo distat à peccato philosophico per summum Pontificem proscripto, cum ignorantia invincibilis ab omnibus Theologis (exceptis Janfenio, ejusque affectis) rectè appelletur & verè sit antecedens, justa, & inculcata. At Censor videat, quomodo ipse evadat damnationem Autoritate Apostolica fulguritam adversùs eam 2. propositionem ex 31. proscriptis. Quamobrem quæro à Censore, utrum ipse hominem operantem ex ignorantia invincibili Dei sub quocumque conceptu excusaret à peccato formali? si asserit, fore illum excusandum, retorquetur in ipsum censura adversùs Sfondratum inflicta; si negat, eum excusandum, jam fædè se ipsum involvit sententiâ ab Alexandro Octavo pronuntiata contrà illam secundam propositionem, sicque utroli-

bet modo suo se gladio jugulat. Hæ sunt angustiae, in quas se se conijciunt, & à se ipsis propelluntur, qui sola contradicendi libidine scribunt, nec veritatem suis legibus quærunt.

N O T A.

D Eundè loquendò etiam in hypothesis, quod ejusmodi ignorantia Dei sit impossibilis, nullus hætenus inter Doctores peccati philosophici repertus est, qui hanc Dei ignorantiam, si dari potest, pro beneficio, & gratia habendam docuerit, atque hoc nomine Deum ejusmodi hominibus propitium fore dixerit. Patet itaque, Authorem in hac materia aliquid docere, quod ipsa peccati philosophici doctrinà à Summo Pontifice damnata deterjus sit.

D I S P U N C T I O.

H Ujuscemodi etiam technis, & ambagibus, quæ in duabus notis proximè sequentibus obruduntur, quamprimum fatiescit. Interim Censorem mihi alloqui fas sit his verbis S. Augustini lib. 4. oper. imperf. contra Julianum cap. 119. *Inaniter omnino laborasti, ut ad istam conclusionem falsam, & ridiculam (de peccato philosophico) longis, tortuosis, fallacibus, & sugacibus anfractibus pervenires.*

P R O P O S I T I O XXXVIII.

Demus, Brasiliæ populos Deum ità (invinincibiliter) ignorasse, id quoque magna beneficii, & gratiæ pars fuit. pag. 152. lin. 32.

P R O P O S I T I O XXXIX.

Cum [Barbari] hac [Dei] ignorantia impeccabiles redderentur, alioquin certissimè peccaturi, si agnoscerent, sequitur, hoc ipsum beneficium esse. ibid. lin. 36.

Ergò sive Barbari agnoscant [Deum] sicque invocare illum, & salutem consequi possint, sive penitus ignorent, & idè nec possint peccare, semper verum erit, nè illis quidem misericordiam deesse.

NO-

„ **A**ccedentem ad Deum credere oportet, quia est, & inquit, „ rentibus se remunerator sit, sine hac fide impossibile est „ placere Deo „ Heb. 11, v. 16. absit ergò, ut ea ignorantia, quæ impedit, ne quis Deo placere possit, dicatur magnum Dei beneficium, & gratia, sed dicatur potius, quemadmodum re ver a est, & hactenus ab omnibus Theologis dicta fuit, pœna peccati gravissima.

D I S P U N C T I O.

Sederat Censori consilium in quadraginta propositiones libri Eminentiss. Sfondrati censorium stigma vibrandi; ac proinde præfata verba Authoris, quamvis eodem spectent, eundemque sensum reddant, nihilominus effingere debebant duas propositiones, ut quadragenarii numeri mysterium unà cum sequenti propositione absolveretur. Unicus, & integer contextus illius geminæ propositionis, ut verè, ac genuinè jacet in loc. cit. fuit a nobis fideliter exscriptus in disputatione notæ proximè superioris, ubi apparet, eas propositiones esse conditionales, atque adeò ex Dialecticorum regulis illas nihil ponere in esse, & ulterjùs easdem esse in materia impossibili, cum Author enucleatè ostenderit, neminem sanæ mentis posse invincibiliter ignorare Deum penitus.

Quarè ante omnia animadvertendum est, utramque præjactam propositionem procedere de barbaris reprobis omninò rudibus, & ignaris nostræ religionis, ac longissimè semotis à quacumque regione christiana, & commoditate veræ fidei suscipiendæ. Dum ergò Censor relinquit statum descriptum hypothese ab Authore factæ, in quo solum sensu eæ propositiones accipiendæ sunt, hominemque considerat in complexo aljarū circumstantiarum, extra lineas vagatur, & aerem verberat. Est sanè majus, & absque ulla comparatione excellentius Dei beneficium, quod ille homo, & quilibet alius à Deo illuminetur luce veræ religionis, ut salutem consequi possit, quàm quod ipse relinquatur in tenebris illius extremæ ignorantie, quamvis cū impotentia peccandi. Quapropter verè protulit Author pag. 130. quod gratia supernaturalis rationem maximi beneficii habet, & quod beneficium non est, quod nemo optare, nemo petere

tere, & à quo nemo sperare æternam salutem potest; proinde non est ullum bonum, imò potius est ingens malum, quod homo constitutus sit in extrema illa ignorantia procul à jubare veræ religionis. Undè iterum monemus, quod in præsentī non consideratur iste status absolutè, & simpliciter, sed comparativè ad hominem reprobū positum in talibus circumstantiis, in quibus certò commissurus sit plurima peccata lethalia, nisi adesset illa ignorantia invincibilis de Deo, & lege æterna, cum qua ignorantia ille homo ab iis peccatis præservaretur, preservationem verò à peccato esse Dei beneficium probavimus in responsione ad notas in sextam, septimam, & octavam propositionem, ubi plura tradidimus, quæ optimè conducere possunt ad dispūgendam præsentem Cenforis notam.

Nulla verò est repugnantia, quod aliquid sit pœna peccati originalis, & tamen sit magnum Dei beneficium, imò hoc defacto in prædestinatiis contingere indubitatum est. Etenim est de fide sanctum in Concil. Trident. sess. 5. decreto de peccato originali, mortem corporis esse effectum, & pœnam peccati originalis, & etiam fidei dogma est, perseverantiam finalem esse magnum Dei donum, ut nuncupatur ab eodem Tridentino sess. 6 de justificatione can. 16. atque adèd mortem quamvis immaturam in statu gratiæ sanctificantis esse maximum Dei beneficium. Undè opportunè docet Eminen. ac profundissimus Theologus Sfortia Pallavicinus lib. 7. de virtute, & sacramento Pœnitentiæ cap. 9. n. 113. „ Duo requiri ad hoc, ut aliquid dicatur gratia, & beneficium Dei, alterum est, ut sit vel utile, vel minus noxium, quàm aliquid aliud, quod Deus posset hic, & nunc justè permittere, ac subindè permissio peccati levis excludentis hic, & nunc peccatum grave oppositam potest esse beneficium Dei, alterum est, ut intendatur propter hoc ipsum, nempe, quatenus impeditivum mali majoris. Et propter defectum secundæ conditionis nullum peccatum forte male est gratia, quia non potest intendi „ Sic in nostro casu illa ignorantia invincibilis de Deo habet utramque conditionē; Priorem quidem, nam posset Deus justè permittere in illo homine lapsum in peccatum lethale dignum pœnâ æternâ damni, & sensus, quod esset nocentius saluti, quàm ex natura sua sit illa ignorantia invincibilis, qua posita nullum peccatū committi posset. Item habet posterjorem conditionem, quia ex mente

te Authoris ea ignorantia à Deo intenderetur ad ostendendam quoque suam misericordiam ergà illum hominem impediendo peccatum aetuale, quod procul dubio est malum omnium maximum, & ut præclare scribit idem Eminen. Sfondratus pag. 84. „ Est infinita Dei injuria, quippè infinitæ majestati facta, im- „ mò tanta, ut si Deus naturæ mortalis esset, eum dolore, & „ morte conficeret, ideòque nullo bono creato compensari „ potest.

Hinc Julius Cæsar Recupitus in Collegio Neapolitano Socjetatis Jesu per plures annos generalis studjorum Præfectus tō. 2. Theologiæ Urbano VIII. Pontifici maximo dicatæ lib. 3. quæst. 14. cap. 1. n. 2. scribit „ Providentiam Dei erga repro- „ bos etiam exerceri in hoc, ut pauciora, & minora peccata „ committant, & sic minoris pœnæ debitum contrahant. Un- „ de contrahitur iis sæpissimè tempus vitæ, ut cum non vivant „ nisi ad flagitia, quantum de vita detrahatur, tantundem de- „ trahatur de culpis, atque adeò de reatu pœnæ. Ideò dicitur „ psal. 54. *Viri sanguinum, & dolosi non dimidiabunt dies suos*, „ idest, non perveniunt ad medietatem dierum suorum, & „ psal. 77. *defecerunt in vanitate dies eorum, & anni eorum cum „ festinatione*. Isti effectus divinæ providentiæ circà reprobos „ dicuntur etiam effectus reprobationis, prout hæc secundum „ rationem genericā est pars providentiæ versans circa media „ ad salutem. Johannes Lorinus comment. in cap. 8. Ecclesi- „ astis vers. 12. istud subtiliter vidit, & compendio exposuit. *Mi- „ sericorditer agitur, inquit, cum peccatore reprobo, cum citò binc „ eripitur, ne magis peccando majorem sibi reatum comparet*. Un- „ de ut scribit Ludovicus Bail in lib. de benefic. Crucis part. 3. „ art. 4. „ Per gratiam prævenientem, quamvis homo non justi- „ ficetur, & perseveret, multa tamen gravissima peccata evi- „ tantur à reprobis: quare mitius in inferno habebunt ob plura „ peccata non admissa per virtutem illius, ut si non à toto, à „ tanto liberentur tormento, ad quæ dum non attendunt Dog- „ matistæ isti (Bajani, & Janseniani) Christum charitate spo- „ liant, minusque sitientem salutis hominum exhibent, quàm „ sint plerique homines, quos charitas urget ad desiderandam, „ & procurandam pro viribus salutem omnium, Ludovicus de Ponte celeberrimus vitæ spiritualis magister in volumine in- „ scripto *Dux spiritualis* tract. 2. cap. 5 §. 3. tradit „ Quod oc- „ culto

„ culto divinę justitię ordine evenit, ut aliquis peccator primis
 „ vitę suę annis, & cum paucis peccatis, & fortę unico solo
 „ impleat destinatam mensuram, & qui vix dum vivere incepe-
 „ rat in mundo, repentinę transferatur ad infernum. Sicut mi-
 „ serandus ille puer quinquennis, de quo refert S. Gregorius
 „ lib. 4. dialog. car. 18. quod blasphemans in ulnis sui parentis,
 „ raptus fuerit à dæmonibus ad infernum, eò quod tantum ha-
 „ beret usum rationis, ut cognosceret, se male facere blasphe-
 „ mando . . . Et quamvis in hoc casu emineat magis divina
 „ justitia, admixta tamen est ei misericordia, quę prevenit pec-
 „ cata juvenis, ut leviores ferret pœnas in inferno „

Cornelius Mussus Episcopus Bitontinus morum puritate, &
 doctrinę fama præclarissimus concione pro feria quintã diei tri-
 gesimę in Quadragesima limatę versat locum hunc Lucę 7. *Ibat*
Jesus in civitatem, quę vocatur Naim &c. „ Optemus, optemus,
 „ inquit, citò mori, si erimus boni, tuti erimus de præmio, sin
 „ mali de minori pœna. Non est tam justitia (ò sapientes) quã
 „ misericordia accelerare mortem etiam malis, dicente Davide
 „ psal. 54. *Viri sanguinum non dimidiabunt dies suos*, ne diutius
 „ viventes in deteriora labantur, & postea acrius puniantur.
 „ Quis nostrum norit, quod usus non fuerit hac misericordiã
 „ Christus cum hoc adolescentulo filio viduę in Civitate Naim
 „ ne, aut evaderet malus, aut saltem ne pejor fieret? Inspien-
 „ tes matres, quę lugent mortem filiorum in eorum adolescẽ-
 „ tia. Flete, flete mulieres peccata, quę ipsos ducunt ad mor-
 „ tem, gratias agite Domino, qui ob minorem eorum, & vestrũ
 „ pœnam, permisit in illos citò falcem immitti à morte, quam
 „ vos vocatis tam atrocem, & est tam pia. Agnoscite, agnoscite
 „ te misericordiam Dei, nec conquerimini, sed consolamini
 „ &c. Non cognoverat hæc vidua ingentem Dei misericordiã
 „ in immatura filii morte &c. „ Opportunę S. Augustinus tract.
 73. in Johannem pronunciavit. *Malę usus eo, quod vult ac-*
cipere, Deo potius miserante non accipit. Hac eadem ratione scri-
 ba, qui Matth. 8. dicebat: *Magister sequar te quocum que jers*,
 repulsam est passus, *quia talis Magister erat*, ut observat idem
 Augustinus ferm. 7. de verbis Domini secundum Matth. initio,
qui futura prævideret, intelligimus, istum hominem, si sequeretur
Christum, sua quesitum, non quę Jesu Christi. Unde ipse Do-
 ctor gratię Christi lib. 2. Confess. cap. 7. sic Dominum affatur „
 „ Gra-

„ Gratia tua, Domine, deuto, & misericordia tua, & quæ-
 „ cumque non feci mala. Quid enim non facere potui, qui etiã
 „ gratuitum facinus amavi? & omnia mihi dimissa esse fateor,
 „ & quæ mea sponte feci mala, & quæ te Duce non feci . . .
 „ Qui enim vocatus à te secutus est vocem tuam, & vitavit ea,
 „ quæ me de me ipso recordantem, & fatentem legit, non me
 „ derideat ab eo medico ægrum sanari, à quo sibi præstitum est
 „ ut non egrotaret, vel potius ut minus egrotaret. Et ideo te
 „ tantundem, imò verò amplius diligit, quia per quem me vi-
 „ det tantis peccatorum meorum languoribus exui, per eum se
 „ videt tantis peccatorum languoribus non implicari. „ S. Au-
 „ gustinum in eodem argumento versantem inducit Bail part. 3.
 „ de benefic. Crucis art. 7. „ Quot peccata, ait, avertit Christus à
 „ reprobis? Qui enim hæc gratia Christi non deputat, Augu-
 „ stinum negavit, qui hæc gratia Christi deputat, nam, & scri-
 „ psit homiliarum 50. hom. ultima: *Nullum est enim peccatum,*
 „ *quod facis homo, quod non faceret homo, si desit Reflor, à quo fa-*
 „ *ctus est homo.* Hoc docet Albertus Magnus de 4 cœvis tom.
 „ 19. tract. 4. q. 5. 8. particula 2. „ Deum velle Angelum coope-
 „ rari ad salutem damnandi, ut pauciora committat peccata:

Eodem collimant verba hæc S. Anastasie Martyris in epistola
 ad S. Chrysogonum. „ Deprecor, inquit, te ò homo Dei, ut
 „ instanter Dominum depreceris, ut aut ad fidem suam, si ven-
 „ turum prævidet, maritum Publium sinat vivere, aut si eum
 „ in hac incredulitatis perversitate scit mansurum, jubeat, eum
 „ locum dare suis cultoribus. *Meljus est enim spiritum exhalare*
 „ *quàm Dei filium denegare &c.* „ Sanctissimam hanc Heroinã
 „ ea verba de Publio in infidelitate decessuro locutam hoc elo-
 „ gio extollit Didacus Ruiz disp. 65. de scientia Dei sect. 12. n.
 „ 15. „ Hæc, ait, invictissimam Christi martyrem scripsisse, sug-
 „ gerente Spiritu Sancto, par est credere: siquidem eo tempo-
 „ re pro Christi Domini confessione patiebarur à viro suo Pu-
 „ blio vexationes morte duriores; nam ad ea præferam tempo-
 „ ra refertur promissio Christi Domini: *Dabitur enim vobis in*
 „ *illa hora quid loquamini, non enim vos estis, qui loquimini, sed*
 „ *Spiritus Patris vestri, qui loquitur in vobis.* Præsertim quo-
 „ niam tacite eadem littere probantur ab ecclesiasticis Scripto-
 „ ribus veluti ab Anastasio Bibliotecario, Suida, & Surio die
 „ 25. decembris, nec non ab Adriano in 4. sentent. de Sacra-

„ ment. pœnitent. quæst. an homini semper maneat facultas ve-
 „ ré pœnitendi, dum respondet ad 2. Huc etiam spectavit S.
 Basilius magnus in Constitutionibus Monasticis cap. 2. cum di-
 „ xit „ Si enim intellexisset Dominus, te, si munus celeriter im-
 „ petraſſes, id nequaquam esse amiſſurum, sine dubio, quæ ejus
 „ est bonitas, ultro tibi nullo rogatu detulisset. Nunc autem
 „ tibi prospiciens hoc facit „ Nimirum subjungit Ruiz loc.
 cit. „ Ne gravius puniaris ob munus facile obtentum, & negli-
 „ genter custoditum. Quapropter S. Augustinus in psal. 85.
 scripsit „ Quid si malè petis à Deo? non ne Deus erit tibi ma-
 „ gis non dando misericors? „ Item super ea verba psal. 54.
 paulò ante laudata: *Viri sanguinum non dimidiabunt dies suos* cõ-
 mendat Teophilus Raynaudus opusc. de vitæ, & mortis huma-
 næ terminis punct. 15. num. 10. Euthymium ratiocinantem,
 „ Quod ipsis peccatoribus in malo persistentibus commodum
 „ est tolli de medio & impediri, ne plura, & graviora admit-
 „ tant, quibus ad pœnas atrociores in inferno tolerandas per
 „ totam æternitatem addicantur „ Plauditque Algero lib. 2. de
 Euchar. cap. 7. in idem conspiranti, tandemque concludit,
 quod „ Sic interest ipsorum improborum, ac eorum, qui cum
 „ illis intimè nexi sunt, & velut unum cum eis computantur,
 „ ut vita eorum in longa tempora non protrahatur, sed læda-
 „ tur velut in flore botrus illorum. Denique Alexander à S.
 Francisco toties laudatus soliloquio 2. sic religiosissimè Domi-
 „ num affatur „ Scio Domine, quia quandò vis, in uno momen-
 „ to ex Saulo Paulum facis, ex persecutore prædicatorem: si
 „ vis permittere me peccare, ut ostendas deindè in me miseri-
 „ cordiam tuā à peccatis me extrahendo, & peccata ignoscendo
 „ majorem certè bonitatem ostendes me à peccatis præservādo.
 „ Nonne Domine existimatur totum id mihi dimissum, quod
 „ non erit ex tua misericordia commissum?

Tota autem hæc doctrina potest etiam concinnè applicari
 parvulis decedentibus sine baptismo, qui præservati sunt à culpā
 actuali, & gehenna ignis. Quinimò Emin. Author pag.
 173. affert Petrum Gonetum asserentem „ Angelos quamvis in
 „ infidelibus non excitent supernaturales illustrationes, juvan-
 „ tes ad opera conducentia ad salutem, juvare tamen ad bona
 „ aliqua opera moralia, & pauciora committenda peccata, ut
 „ minus in inferno puniantur „ Hoc scribit Gonetus disp. 5.
 de

de reprob. art. 6. §. 2. ubi adducit hæc verba D. Thomæ „ An-
 „ gelorum custodia præsciti, & infideles juvantur, quoad hoc,
 „ quod ab aliquibus malis retrahuntur, quibus, & sibi ipsis, &
 „ aliis nocere possunt „ Item Sfondratus pag. 158. loquens de
 peccatoribus pessimis, & obstinatissimis ait, quod si Deus eis
 „ Non daret gratiam, quâ converti possint, non eorum con-
 „ versionem, sed majorem damnationem vellet, sicq; clemen-
 „ tius faceret, eos post peccatum morte, & inferno confestim
 „ puniendo, quam illos expectando, nam expectare ad pæni-
 „ tentiam nec tamen vires pœnitendi, abstinendiq; peccatis
 „ dare, quid aliud est, quàm non ad veniam, sed ad majorem
 „ damnationem pœnasq; differre? Non ergò ad vitam sed ad
 „ mortem expectat, nec istud clementia, sed severitas est ;

Ex his optimè deducitur, quod si illi Brasiliæ Populi jam re-
 probi, & in circumstantiis suprâ indicatis possint Deum invinci-
 biliter ignorare, redderentur impotentes peccare, alioquin
 certissimò peccaturi, si agnoscerent Deum, & propterea hoc
 ipsum in illis circumstantiis esset procul dubio magna beneficii,
 & gratiæ pars, nec illis quamvis reprobis misericordia divina
 deesset Deus enim potest ex se intendere quidquid non est ma-
 lum morale formaliter, uti sanè non est illa ignorantia, neque
 ut est effectus peccati originalis, neque ut est ignorantia invin-
 cibilis de Deo, quæ si daretur tantùm abest, quod esset pecca-
 tum, ut potius excusaret à peccato, ut definitum diximus ab Ale-
 xandro Octavo.

N O T A.

Absurda, & erronea propositio, ut beneficii, & gratiæ loco
 habeatur quidquid nos quocumque modo impeccabiles redde-
 ret. Hoc si verum esset, omnes optare deberent, ut nunquam in lu-
 cem prodissent, ut semper fatui, & rationis usu expertes reman-
 sissent, ut eos Deus non homines, sed bruta, ligna, aut lapides cre-
 asset: deindè quis christianus patienter audiat beneficii, ac miseri-
 cordiæ loco habendum, si quis Deum ignoret, & vivere sinatur si-
 cut equus, & mulus, quibus non est intellectus? Cum è contra sum-
 ma sit miseria creaturæ rationalis ad imaginem Dei conditæ pro-
 prium Authorem, ac summum suum bonum, atque ultimum finem
 non agnoscere, atque adeò non colere.

Sed omnia ista terribilia tanquam mera spectra, & puerorum terribilamenta jam evanescent ex dictis. Ut enim monet Cardinalis Pallavicinus loco supra laudato „ Diligenter distinguenda sunt hæc duo: esse magnum beneficium, & esse maximum „ beneficium ex optabilibus hîc, & nunc, quæ utique non convertuntur „ Ut etiam nos prænotavimus. Consimilem illationem suæ sententiæ obiectam P. Gonetus dissertatione Theologica de opinionum probabilitate art. 7. §. 5. proposuerat, videlicet „ Si opinio probabilis falsa ratione ignorantiae invincibilis à peccato excusaret, merè opinantium, imò & ignorantium melior esset conditio, quam eorum, qui veritatem cognoscunt „ Respondet Gonetus negando sequelam, quia „ Si hic discursus valeret, inquit, pariter ego dicerem, meliorem esse hominis infirmi, quàm sani conditionem, quia hic tenetur lege jejunii, à qua ille ratione infirmitatis liberatur. „ Item melior esset hominis dormientis, quàm vigilantis conditio, aut ebrii, quàm temperantis, quia hic in multis peccare potest, quæ licet ille admittat, non peccat „ Sanè Censor in sua nota deserit hypothesim Authoris. & transilit ad alios, quoscumque homines, gratiisque garrit, quod omnes optare deberent, ut eos Deus non homines, sed bruta, ligna, aut lapides creasset. Hîc sanè saltat extra chorum Notator, qui ne sibi videatur, etiam in his verbis cœu Apollo ex tripode oracula fundens, audiat S. Bernardum ferm. 35. in Cantic. n. 7. ita explicantem verba ista Christi Domini de Juda proditore: *Melius ei fuerat, si natus non fuisset homo ille. Non utique [exponit S. Abbas] si natus non fuisset omnino, sed si natus non fuisset homo, sed v. g. aut pecus, aut alia quæpiam creatura, quæ quoniam iudicium non haberet, ad iudicium non veniret, ac per hoc non ad supplicium.*

Hîc collimat, quòd Johannes Lorinus in cap. 18. sapientiæ ver. 2. sententiosè fatetur, videlicet, quod debemus „ Gratiarum „ agere non de concessis dumtaxat positivis, ut vocant, muneribus, verùm etiam de damnis, & peccatis, quæ vitavimus, „ de occasionibus, & periculis, quæ effugimus. Corpore manens meum beneficium est, hæreticus, idololatra, homicida, „ mæchus &c. meum beneficium est, si hæc ego non sum: dives „ etiam,

„ etiam, Prælatus, Rex, Sapiens &c. meum beneficium est,
 „ quoniam ipse ego rebus istis ad peccandum fortassis abuterer.
 „ Pia, veraque Augustini Virgines alloquentis cap. 52. de san-
 „ cta Virginitate sententia: quidquid mali ipso custodiente nō
 „ committitis, tanquam remissum ab illo reputate, ne modicum
 „ vobis existimantes dimissum, modicum diligatis, & tunden-
 „ tes pectora Publicanos ruinā iactantiæ contemnatis. Rursus
 „ conveniens Deum ipsum, scio, Domine, ait soliloq; cap. 15.
 „ quod nullum peccatum est, quod unquam fecerit homo, quod
 „ non possit facere alter homo, si Creator desit, à quo factus est
 „ homo. Sed quod non facerem, tu fecisti, quod abstinerem,
 „ tu iussisti, & quod tibi crederem, gratiam tu infudisti. Hoc
 „ est gratias agere, quia non lædimur „ Ex his dignoscitur, du-
 „ plex esse beneficii genus, nempe alud positivum, alud negati-
 „ vum; per primum bonum aliquid entitative confertur, per al-
 „ terum malum certò imminens avertitur.

Quocirca sibi non suadeat Censor, Sfondratum affirmare, eos
 Barbaros si Dei ignorantia invincibili laborarent, reddi quod-
 ammodò impeccabiles, quasi ipsis adveniat aliqua forma cum
 peccato impossibilis, puta, unio hypostatica, vel visio bea-
 tifica, quandoquidem ex ea ignorantia invincibili tolleretur ab
 actu libertas indifferentiæ, & ratio voluntarii, & idcirco nulla
 perfectio, immò potius maxima imperfectio exindè in illum
 actum derivaretur, quemadmodum est absolute maximus defe-
 ctus hominis mentecapti, eum in illo statu amentia non posse
 peccare. Quam appositè verò Cardinalis Sfondratus usurparit
 in præsentī verba illa Principis Apostolorum epist. 2. c. 2. de-
 clarat ipsemet pag. 139. cum S. Thoma 1. 2. quæst. 106. art. 2.
 ad 2. his verbis „ Si quis post acceptam gratiam novi testamen-
 „ ti peccaverit, majori pœna dignus est tanquam majoribus be-
 „ neficiis ingratus, & auxilio sibi dato non utens „ Undè pag.
 105. recitat hæc verba S. Bernardi serm. contra ingratos ad rem
 præsentem elimatissima „ Ingratis, misericordiæ res est, in hac
 „ parte subtrahere misericordiam, ne culpa ex beneficiis cre-
 „ scat, juxta illud Prophetæ: Misereamur impio, & non discet
 „ justitiam. „ Accinit nobilis sacrarum literarum interpres Jo-
 hannes Lorinus hic frequenter laudatus: *Elucet*, inquit in eun-
 dem Apostoli Petri locum „ *in eo etiam Dei misericordia, quod*
 „ *non omnibus annuncietur Evangelium, ne gravius ferant judi-*
 „ *cium*

„ *cium non credentes*., Similiter Ruiz tract. 3. de Providentia Dei disp. 16. sect. 1. n. 4. super ista verba Apostoli ad Timoth. 1. „ *Misericordiam consecutus sum, quia ignorans feci in incredulitate*, ait: observa dictionem causalem *Quia*, & inde ignorantiam, qua ratione culpam extenuabat, allegari ut rationem, consequendi misericordiam, & veniam. „ Unde etiam communis, & vulgaris loquendi modus obtinuit, ut aliquod malum minus respectu majoris dicatur bonum, seu gratia: puta, quis enormissimorum criminum reus à Judice pluribus sævissimis tormentis, tandemque suspendio damnatur, à Principe verò supremo ad triremes dumtaxat destinatur, non ne ab omnibus vulgatur, quod ille facinorosus gratiam, & beneficium à Principe receperit? Ast dices, ærumnosa est triremium catena: Verum quidem, si in se absolute illa spectetur, at si comparetur ad mortem post atrocissima tormenta, & cruciatus laqueo subeundam, ea rectè, & veraciter gratia nuncupabitur. Planus est hic sermo, plana res, & experimento tritissimo explorata. (C)

P R O P O S I T I O X X X X .

Justinus Martyr Socratem Philosophum non tantum sal-
vum, verum etiam Martyrem esse docet . . . & infi-
gniores, & quotquot de Gentilibus cum ratione vixe-
runt, Christianos appellat; pag. 153. lin. ultim.

Item de Platone alii dicunt; pag. 56. lin. 5. Omnibus ho-
minibus, etiam incultissimis, & planè barbaris, auxiliū
gratiæ datur, quo legem naturalem observent, qua ob-
servatā, & nisi obicem ponant, Deus curaturus est, ut eis
quoque Evangelium innotescat, ut de Sybillis, Corne-
lio, Eunuchio Candacis Reginae, & Platone Philosopho
constat; pag. 169. lin. 35.

N O T A.

HÆc Author ex Justino refert ea approbando, & confirmando,
ut patet ex textu, quibus satis sit opponere, quæ de illis Phi-
losophis passim leguntur, & quæ de iisdem passim communiter cen-
sue-

suerunt SS. Patres: de Socrate Tertullianus ait in apologet. cap. 46. „ Socratis vox est, si Daemonium permittat, idem cum aliquid de „ veritate sapiebat, Aesculapio gallinaceum profecari jubebat „ paulo infra „ Si de pudicitia provocemus, lego partem sententiae „ Atticæ in Socratem corruptorem adolescentium pronunciatae, „ cap. 36. de eodem Socrate, & Catone notat, quod uxores suas ami- „ cis suis communicaverint. Multa similia de Socrate, aliisque insignio- „ ribus Philosophis habent, Cyprianus, Chrysostomus, Cyrillus, Theo- „ doretus, Augustinus, alique Patres, de quibus generatim, Lactā- „ tius lib. 3. cap. 29. rectè ait, „ Omnis sapientia hominis in hoc uno est „ ut Deum cognoscat, & colat, hoc est illud, quod Philosophi om- „ nes totâ vitâ suâ quæsierunt, nec unquam tamen investigare, cõ- „ prebendere, tenere valuerunt, quia religionem, aut pravam te- „ nuerunt, aut totam penitus sustulerunt.

DISPUNCTIO.

EXtremum fabulæ actum eodem tono ferè semper continua-
tum, eodem fine coronare debebat Censor obtrudendo pro-
positionem interpolatam. Nequè enim hic instituit Author
quæstionem de vita, & moribus, atque salute veterum Gentiliū
philosophorū, sed aliqua merè recitativè ex probatissimis Scri-
ptoribus refert ad instar aliorum Authorum, qui ad confirma-
tionem, & elucidationem suorum thematum similes narratio-
nes cursim, & per transennam attingere solent nihil de earum
veritate vel falsitate solliciti. Sic Emin. Ecclesiasticorum An-
nalium Parens Baronius in apparatu cap. 14. narrat, „ Quod cū
„ cælitus ad salutem utriusque populi Judæi, atque Gentilis à
„ Patre Filius mittendus esset in terram, quo totius humani
„ generis reciperetur consensu, consilium Dei fuit, ut longè
„ antè ejus adventum tantæ rei Sacramentum Judæis, atque
„ Gentilibus innotesceret, illis quidem multifariam, quod ait
„ Paulus Hebr. 1. multisque modis loquens Patribus in Pro-
„ phetis, hæc prædixit, ac figuris adumbravit. Gentiles autè,
„ quod à veritate veri cultus procul abessent, nec facilè externæ
„ religionis hominibus admovent aures, per suos ipsorum
„ Vates de his, quæ ventura erant, voluit præmoneri. Erant
„ hi (Lactant. lib. 1. c. 6.) Mercurius Trismegistus, Hydaspes,
„ atque Sybillæ sic dictæ à Dei consiliis denunciandis, qua-
„ si

„ si δεκάτ'αι decem numero, ut ajunt, omnes Virgines, quibus
 „ ob virginitatis insigne meritum divinationem esse concessam
 „ Hieronimus existimavit, quam, & ob causam eas appellare Pa-
 „ tres consueverunt Prophetissas Gentilium, quibus & tan-
 „ tum tribuit Heraclitus, Clemens Alexandrin. Strom. lib. 1.
 „ ut eas non humanitus, sed divinitus apparuisse putarit „ Itē
 „ ad annum Christi 52. cap. 4. loquens de peroratione Doctoris
 „ Gentium in Areopago Athenienſi, & quod à multis traducere-
 „ tur ceū novorum dæmoniorum annuncjator, hæc de Socrate
 „ litteris consignavit „ De Socrate *constat*, accusatum fuisse à Me-
 „ lito eodem crimine dicente: jura violat Socrates, quos ex
 „ majorum instituto suscepit civitas, Deos esse negans, alja no-
 „ va dæmonia inducit, quam ob causam morte mulctatus est du-
 „ centis octoginta, & unā sententiis. At Paulus admirabili qua-
 „ dam circumſpectione divino afflatus spiritu causam egit, nam
 „ quoniam sciebat, à multis argui, qui novorum dæmonjorum
 „ videretur annunciator, eo quod Jesum Christum prædica-
 „ ret &c. „

Similiter Eminen. Bellarminus tom. 1. controver. cap. 3. de
 Christo ad probandam unitatem numericā Dei in sexta proba-
 tione scribit „ Patres docere, Philosophos Gentiljum re ipsa
 „ unum Deum cognovisse, & ea ex parte quasi naturaliter chri-
 „ stianos fuisse, atque, hoc patere in primis ex Justino, qui in
 „ libro de Monarchia Dei, & in Apologia ad Antoninū dicit,
 „ Socratem, & Platonem fuisse in hac parte christianos, „ quod
 „ idem asserit scripsisse Athenagoram in Apologia pro christianis,
 „ Arnobium lib. 2. & 3. contra Gentes, Tertullianum, Eusebiū,
 „ Theodoretum, pluresque aljos veteres Patres, & tom. 4. lib. 4.
 „ c. 2. de grat. & lib. arbit. confirmat eandem veritatem testimo-
 „ nio S. Justini martyris, „ qui, inquit, scribit Socratem, & alios
 „ quosdam Deum verum itā cognovisse, ut ferē Christiani dici
 „ potuerint „ Expendat candidus Lector hæc utriusque Emi-
 „ nentiss. ac Sapientissimi Cardinalis dicta, & re ipsa perspiciet,
 „ nihil aliud dicere voluisse eorum Collegam Sfondratum. Undē
 „ Censor in crimen vocare debebat S. Justinum, cujus tantum
 „ sententiam ibi innuit Author.

De Socrate verò hæc peculiariter ex variis Authoribus no-
 tanda sunt. Casaubonus heterodoxus Baronio-Mastix in sui s
 exercitationibus censoriā virgula notavit Justinum, eo quod
 in

in verbis supra indicatis senferit, solam rationem posse hominem ad salutem eternam perducere. Hunc errorem citrà injuriam affingi non posse S. Justino probat Natalis Alexander differt. 6. in histor. ecclesiast. sæculi secundi advertens, rationis nomine S. Justinum non intellexisse solum illud naturæ lumen, quod nobis à supremo Conditor Deo inditum est, sed Christi, qui ratio est, & Verbum Patris, qualemcumque notitiam, & cognitioni congruos mores, ut ostendit ex eodem loco, & ex Apologia prima deducit, à S. Justino non affirmari, Socratem, & alios Philosophos sola ratione duce ad salutem pervenisse, sed disertè asseri, eos Christum ex partè dumtaxat, & imperfectè fuisse assecutos, quatenus summa ratio est; unum quippè Deum agnovere, & docuere, hocque ex illustratione rationis, & Verbi, quod est Christus, habuisse. Videantur plura de Socrate apud Petrum Daniele Huetium VC. in demonstratione Evangelica proposit. 4. ex vetustissimis Scriptoribus multa colligentem, & apud Dominicum à SS. Trinitate lib. 2. Bibliothec. Theologicæ sect. 5. cap. 11. & 12. & præcipuè apud Petrum Halloix in annotationibus ad S. Justinum cap. 28. ubi interferit prolixam quæstionem, *an Socrates eâ de Deo, & Christo imbutus fide fuerit, ut ejus sperari salus possit*, & pro sententia affirmativa affert efficacjæ argumenta, & unâ cum Sfondrato concludens in favorem divinæ bonitatis eruditè, & pluribus modis refellit omnes adversas rationes, adeòque omnes penitus argutias Cenforis.

Enim verò quoad illam Socratis vocem, *si dæmonjum permittat*, pravo sensu intellectam à Tertuliano hæc reponit Halloix ex veterum Gentiljum monumentis loc. cit. nimirum „ Luce „ clarius constat, Socratem, & Platonem; Xenophontem, & „ Plutarchum, & Dionem, Chrysostomum, & Maximum Ty- „ rium, Apulejum, & omnes denique antiquos Philosophos „ per dæmonjum Socratis non intellexisse pravum aliquem dæ- „ monem, sed bonum Angelum, seu genjum bonum, & cum „ item ex iis, quæ illi dæmonio attribuuntur, nihil possit à vi- „ ro prudente colligi, re attentius examinata atque perpensa, „ quam fuisse Angelum bonum, tamen Tertuljanus, & qui ejus „ fuerunt vestigia propensius consecuti, pravum fuisse dæmo- „ nem tenent. Pariter quia S. Justinus, & Athenagoras in le- „ gatione pro Christianis sub finem, & Clemens Alexandrinus,

M m

„ qui

„ qui & Socratici fuerunt , & olim Gentiles , ac propterea gē-
 „ tilitiū Socratis ingenjum , & sensum meljus , quā alii , cal-
 „ lere potuerunt , ac maximè quod ratio regendi , ac ducendi
 „ Socratem semper in meljus , nunquam in pejus , videatur
 „ omninò convincere , Angelum bonum fuisse non malum ,
 „ conabor pro virili hanc confirmare sententiam . *ante hanc*
 „ De S. Justinī auctoritate nihil hīc necesse esset quicquam
 „ repetere , cum satis clarum sit , eum non fuisse dicturum de
 „ Socrate illa , quæ dixit , si ipsum à malo gubernatum dæmo-
 „ njo existimasset ; neque item Athenagoras , perindè atque
 „ Justinus , Socratem dixisset eadem de causa , qua christjanos
 „ passum , si à malo gubernatum dæmonjo existimasset . Cle-
 „ mens Alexandrinus lib. 5. Stromatum , postquam ostendit nō
 „ prorsus ignotos Platoni Angelos tutelares , itā subdit . *For-*
 „ *tasse autem , & dæmonjum Socrati attributum hoc innuebat* , sci-
 „ licet , attribui singulis hominibus Angelos custodes . *propterea*
 „ Refert hæc eadem Eusebjus Pamphili lib. 13. Preparatio-
 „ nis Evangelicę cap. 13. qui etiam alijs in locis tam in hoc li-
 „ bro , quā in alijs ejusdem argumenti stat passim à Socrate .
 „ Denique pro hac opinione videri potest Stephanus Bubalus
 „ de Angelis quæst. 1. art. 1. difficultate 2 §. 3. ubi pro illa lau-
 „ dat Aegidjum Romanum in 2. dist. 11. q. 1. art. 2. Thomam
 „ ab Argentina eadem dist. q. 1. art. 3. concl. 1. Andream Ve-
 „ ctorellum lib. 2. de custodia Angelorum , qui expressè docent ,
 „ Socratis dæmonjum fuisse Angelum bonum , & tutelarem ,
 „ Eugubinum quoque lib. 8. de perenni philosophia cap. 25.
 „ qui eodem propendet . Sed ratio ipsa quā maximè videtur
 „ idem convincere . Cum enim satis constet , unicuique ho-
 „ minum aliquem esse datum ad custodiam bonum Angelum ,
 „ qui à malo avertat , ducat ad bonum , quis dubitare potest ,
 „ quin is , qui utrumque Socrati præstitit , fuerit Angelus bo-
 „ nus ? Præstitisse autem affirmant ii , qui id optimè ex omni-
 „ bus cognoscere potuerunt , præcipui , scilicet , ejus discipu-
 „ li . Plato inducens aliquoties Socratem de suo dæmonio lo-
 „ quentem , & quid sit explicantem , Xenophon lib. 1. de me-
 „ morabilibus Socratis , & Plutarchus in dialogo de Genio So-
 „ cratis , quem per formam dialogi conscripsit , ubi cum nescio
 „ quis vocem illam Socrati loquentem nihil aliud , quam ster-
 „ nutationem fuisse interpretatus esset , pulchrè alius à gravi-
 „ ta-

„ tate, & virtute Socratis id alienum esse ostendit, vocem, &
 „ genjum suum id appellare, quod tenuis esset sternutatio: nec
 „ eum fuisse Socratem, qui tam levis rei momento, vel ad agē-
 „ dum se applicaret, vel ab agendo desisteret.

Ad ea verba Socratis prolata de Æsculapio sic respondit idē
 Halloix „ Haud diffiteor, inquit, hoc difficile haberi argumen-
 „ tum: tamen responderi potest: nihil aljud voluisse isto di-
 „ cto Socratem, quam docere Critonem, jam brevi se perfe-
 „ ctam sanitatē, tam præsentī, scilicet, morte, & jam hæ-
 „ rente, ut sic dicam, in labiis anima [lethale enim venenum
 „ à legitima missum potestate biberat] consecuturum, & simul
 „ speratam, & expectatam beatitudinem animæ adepturum.
 „ Ejus enim immortalitatem haud satis idem Crito apprehen-
 „ debat. Huic, & paulò antè cum petiisset à Socrate, quonam
 „ modo vellet sepeliri, respondit ille; *Ut vobis lubet, sitamen*
 „ *me ceperitis, nec ego vos effugero*; quasi diceret, secundum
 „ animam æstimare me debetis, non secundum corpus: Est
 „ enim illa melior pars mei, & ibi potius dici debet esse Socra-
 „ tes, ubi ejus anima erit, quàm ubi corpus. Atqui illa vos ef-
 „ fugiet, nec capi poterit, ac proindè nec sepeliri: de corpo-
 „ re autem, quidquid vobis libuerit, facite. Nihil enim mea
 „ interest. Deindè mox conversus idem Socrates ad eos, qui
 „ cum Critone aderant, & subridens: ò Viri, inquit, ego Cri-
 „ toni non persuadeo, me esse hunc Socratem, qui nunc di-
 „ sputo, & cuncta, quæ dicuntur, dispono, sed opinatur, me
 „ esse illud, quod paulò post videbit cadaver: atque ità inter-
 „ rogat, quonam modo me sepelire debeat. Id autem, de quo
 „ multum sermonem feci, [nimirum quando venenum bibero,
 „ non ulterjus me apud vos futurum, sed ad beatorum felicitate-
 „ tem profecturum] id, inquam, frustra ipsi dixisse videor, cum
 „ & vos, & me ipse consolaret. Hæc ibi & plura Socrates, ve-
 „ lut certus de Animæ suæ post mortem felicitate. Quam &
 „ inculcatam eidem Critoni symbolicè voluit, eum dixit de-
 „ beri Æsculapio gallum, atque omninò reddendum. Tunc
 „ enim illi tantum debebatur, cum esset salus consecuta. Hoc
 „ autem de se credi certò volebat modò Socrates, nec quicquā
 „ aliud. Non fuisset autem salus consecuta, nisi & anima im-
 „ mortalis fuisset, & beatitudinis jam particeps. Favet huic
 „ nostræ sententiæ, & explicationi Johannes Pierjus lib. 24.

„ Hieroglyphicorum, ubi de Galli agit significatis. Quare So-
 „ crates moriens, inquit, cum animi sui divinitatem majoris
 „ mundi divinitati speraret se copulaturum, gallum Aescula-
 „ pio, idest, animarum medico jam extrà omne morbi disci-
 „ men positus debere se dixit. Cum enim de corpore migran-
 „ dum intelligeret, convaluisset prorsus arbitrabatur. Ut verbò
 „ interpretantur alii, ea de causa dictum hoc à Socrate, quod
 „ lethali eo sumpto pharmaco, sanitatis beneficium jam senti-
 „ ret, cum exiret à corpore: à quo omnes animæ morbi scaterè,
 „ pullulareque sentiuntur. Sic ille, qui deindè ad refutationem
 „ quorundam Latinorum Patrum (hi enim tam ferè aduersi
 „ sunt Socrati, quam faventes Græci, ut mox patebit) hæc
 „ subdit: *Lactantius Firmianus Septimius Florens in Apologetico,*
 „ *neque non illi omnes, qui cum Aristotele Platonis verba, non sen-*
 „ *sa, cavillis incessunt, hoc dissimularunt, in quo summa sapien-*
 „ *tiae veritas delitescbat.* Vide etiam Goropium in Hierogly-
 „ phicis lib. 6. & Antonini Ricciardi commentaria symbolica
 „ in Aesculapio.

„ Quod autem verba Socratis nudè spectata prorsus aliud si-
 „ gnificarent, & vellent quàm communis hominum sensus, &
 „ consuetudo ferat; hoc, inquam, instigare Lectores debuit
 „ ad reconditiorem aliquem sensum (ut in sacris literis, & in
 „ Aegyptiorum mysteriis solet) requirendum. Quis enim un-
 „ quam, nisi vel à periculo mortis liberatus, vel è gravi morbo
 „ sanitati corporis restitutus debere se gallum Aesculapio sen-
 „ sit, aut præfetulit? Atqui horum nihil in Socrate locum ha-
 „ buit. Neque enim à periculo mortis liberatus est, neque
 „ corporis sanitati fuit restitutus. Quid igitur sensit, quid per
 „ illa verba Socrates voluit? Nihil sanè aliud, quàm id, quod
 „ ante dixi, docere Critonem animæ immortalitatem, & suam
 „ in iustorum sedes transmigrationem, ubi ab omni morbo, &
 „ corporis contagio liber foret. Quod si opponatur, videri
 „ saltè in isto facto approbasse cultum Aesculapii, & hunc pro
 „ Deo habuisse, responderi potest primò, non id visum iis,
 „ qui Socrati de immortalitate disputanti tunc aderant: Secun-
 „ dò tamen si daretur cultum Aesculapii approbasse, & illum
 „ pro Deo habuisse, hoc est, pro homine propter beneficia cu-
 „ rationum, virtutes heroicas in Deos relato (nec enim alia de
 „ Aesculapio sensisse existimandus est) tamen cum tali opinio-
 „ ne,

„ ne, licèt enim in se falsâ, habere de uno summo Deo veram
 „ fidem potuisse. Atque ut in hoc ostendendo modum dispu-
 „ tandi Socraticum sequar, viâ procedam usitatarum ipsi inter-
 „ rogationum. Cedo igitur fas ne est Christiano, cuiquam Di-
 „ vorum, seu Petro, seu Paulo, seu alteri cultum aliquem su-
 „ premâ adoratione inferiorem exhibere, quippiam vovere, vo-
 „ tum reddere? *Omninò*, inquis, & *fas est*, & *bonum est*. Qua
 „ de causa amabo? *Quia sanctè excesserunt, & amici Dei sunt*.
 „ Benè habet. De Judæo autem qui censet? licuit ne illi antè
 „ Christi legem honorare Abrahamum, vota ei facere, cultu
 „ sacro prosequi? *Minimè dubium est*, ais, *quin licuerit: eadè*
 „ *enim, quæ in altero, aut propè eadem ratio locum habet*. Rectè
 „ dictum. Sed de Gentili homine, qui legem Moyſis non no-
 „ vit, quid arbitraris? An ne licitum itidem illi fuit, si quis ce-
 „ lebri vitæ sanctimonia terris excessit, & communi suæ gentis
 „ existimatione inter sanctos est reputatus (qualis ille Job in
 „ terra Austide, aut Melchisedech in regione Canahan) an lici-
 „ tum, inquam, fuit tali cuiquam parem quoque superioribus
 „ honorem deferre? *Sic videtur*. Et in aliis Gentilium terris,
 „ seu Græcia, seu Italia, seu Gallia, seu quacumque alia, si
 „ qui perindè sanctis moribus vixisse crediti sint, ac inter Di-
 „ vos habiti, idque consentientibus populorum vocibus, nū-
 „ quid eadem circa eorum cultum, ac venerationem ratio te-
 „ nenda est? an verò aliquod discrimen ponendum. *Similiū*,
 „ *ut videtur, similis debet esse ratio*: Siquidem in illis par fides,
 „ & cognitio, cultusque unius, & veri Dei fuerit, quàm in
 „ superioribus „

„ Age, faciamus, ità existimasse populos, & unâ Socratem
 „ de Aesculapio, nempè, illum ob singularem in Deum fidem,
 „ & ob eximiam in mundo vitam, & ob insignia in curandis
 „ gratuitò hominibus benefacta, Divorum numero aggregatum
 „ esse, & multis morbo afflictis, post vota nuncupata, subsidio
 „ fuisse, ac sanitatem restituisse; an non potuit Socrates (ut al-
 „ iud non dicam) saltem absque culpa, & Dei injuria venerari,
 „ & vota illi facere, non ut summo Deo, sed ut amico Dei, &
 „ aliquo inferjore cultu post Deum, & majores Cælites affice-
 „ re? *At enim non talis verè fuit Aesculapius, qualis est à popu-
 „ lis existimatus*. Id quidem incertum est: sed esto. At firma
 „ fuit ejus existimatio, & multis receptarum sanitatum mune-

ribus confirmata, ac si error fuit, tolerabilis fuit. Nam & à non nullis Christianis (ut in vita est S. Martini Turonensis Episcopi) quidam aliquando magnis honoribus cultus fuit, quem postea idem B. Martinus cælesti revelatione didicit, non modò non esse sanctum, sed etiam latronem olim fuisse, & ob sua flagitia morte affectum; cujus proinde altare, & sub eo situm ejus sepulchrum dimovit. An igitur error ille Christianorum aliquid ipsorum fidei obfuit, aut sinceræ in Deum charitati nocuit? *Nequaquam*. Ità, si Socrati cætera de uno, & Supremo Deo fides constet (quod supra probatum est) nihil talis error, seu de Aesculapio, seu de aliis Divis (quos omnes Deo inferiores ducebat) officere illi debet. Quo fit, ut argumentum id, quod principale creditum est, ferè pro nihilo ducendum sit. Nam si ex professione unius veri, & summi Dei, & ex vita innocenti, & ante Christum christiana, & ex intrepida prædicatione, & propugnatione veritatis, usque ad extremum diem, in quo plenus fidei, & spei bonæ beatam immortalitatem expectantis expiravit: si ex his, inquam, omnibus, & insuper ex eo, quod Angeli sui tutelaris inspirationibus semper obsecutus sit, indubia ejus fides colligitur; nihil certè potest aliquis in minoris momenti rebus error non voluntarius, homini aliàs integro, & incorrupto, fraudi esse.

Modò descendamus ad partem sententiæ Atticæ in Socratem corruptorem adolescentium pronunciata, quam Halloix diluit ibidem his verbis, Ad Tertuliani auctoritatem respondeo, illam partem sententiæ Atticæ, quam dicit se legere in Socratem pronunciata, me quoque legere ab omni populo Attico cum maxima accusatorum infamia, & condemnatione revocatam. Nec hoc solum, sed etiam ut iniustissimè occiso statum innocentem, & bene de Rep. merito constitutam. Permirum est autem, vel hoc ignorasse Tertulianum, vel si scivit: hoc saltem non vidisse, nihil obesse debere alicui latam in se sententiam, cui ex odio, & invidia profectæ non modò omnis populus maledixit; sed etiam viri longè omnium doctissimi, ac sapientissimi contradixerunt. Quis enim dabitur vel Platoni, vel Xenophonti comparandus? Sed audiat quid de Socratis calumniatoribus tandem factum sit. Plutarchus id eloquetur. Is ergo in tract. de

in

„ invidia, & odio, sic scribit. „ Eos, quorum calumniis Socra-
 „ tes fuit oppressus, ut extremè malos ità oderunt, & adversa-
 „ ti sunt cives, ut neque ignem eis accenderent, neque inter-
 „ rogantibus responderent, neque in balneo una lavarent, sed
 „ aquam, qua illi lavissent, eam ut pollutam juberent à Mini-
 „ stris effundi: donec illi odium istud non ferentes, se suspen-
 „ derunt. „ Quarè falsus est Tertullianus, & ex illo alii, quod
 „ existimaverint crimen illud, quod Socrati ab inimicis de cor-
 „ ruptela juventutis imputatum est, ad amores nefarios spectavis-
 „ se. Id enim prorsus falsum est; & poterat hoc Tertullianus
 „ è Platone, & Xenoponte, si legere attentius libuisset, addi-
 „ scere. Nunc igitur, si qui adhuc dubitent, quid sit in accusa-
 „ tione Socratis juventutem corrumpere; discant jam ex ipso
 „ Socrate. Nam hinc in Apologia sua sic accusatorem suum affa-
 „ tur: *Verum age, dic nobis*: quomodo me dicis, ò Melite, ju-
 „ ventutem corrumpere? An videlicet (quemadmodum in acu-
 „ satione scripsisti) quod doceam, non censendos esse Deos,
 „ quos Civitas censet, sed alia nova dæmonia? An non dicis
 „ me hæc docentem juvenes corrumpere? Omnino sanè, &
 „ vehementer hoc assero. Inquit ille.

„ Ecce igitur ipsummet accusatorem consententem, quid per
 „ corruptionem juventutis intelligat. Idem cerni potest tam
 „ apud Xenopontem in libris memorabilium Socratis, quàm
 „ apud Aristophanem in Nubibus, & aljos. Nec sanè hoc etià
 „ tempore magis propriè dici posset quis corrumpere juventu-
 „ tem, quàm si de Deo, & Religione alia doceret, quã hætenus
 „ Ecclesia docuisset. Simile autem quiddam tunc fieri à Socra-
 „ te persuadebatur Atheniensibus.

„ Socratem verò amicis suis uxores suas communicasse impro-
 „ babile redditur ex iis, quæ de ejus continentia scribit idem Hal-
 „ loix: „ At verò, inquit, Socratis continentia è multis apud Pla-
 „ tonem dialogis notissima est, & ex his verbis Xenophontis in
 „ lib. 4. de factis, & dictis Socratis initio: *Etià ipse meminif-*
 „ *se absentis, non parum juvabat eos, qui soliti erant cum illo ver-*
 „ *sari, & ejus excipere doctrinam. Nec enim minus proderat jo-*
 „ *cans, quàm seridè loquens. Sæpius autem ajebat, se quospiam*
 „ *amare, sed manifestum erat, non eos, qui formã corporis presta-*
 „ *bant, sed quorum animi ad virtutem apti erant, cum amore pro-*
 „ *sequi.*

De-

Demum ut ex eodem Clemente ostendam ab impuris voluptatibus non abstinuisse modò Socratem, sed etiam alios ab iisdem absterruisse, ita ille Sanctus Pater libro Stromatum secundo ferè extremò; *Socrates igitur jubet caveri ea, quæ non esurientibus persuadent edere, & non sitientibus bibere. item aspectus, & oscula formosorum, tanquam nata venenum immittere Scorpiis, & araneis perniciosius.*

Ampljorem castimoniam Socratis defensionem si quis requirat, eccè illi ostendo Dionem Chrysostomum in pluribus orationibus præsertim 33. & 41. & Maximum Tyrium itidem in pluribus, sed præcipuè 8. & 9. & Plutarchum in lib. de Genio Socratis. Hæc autem omnia ex Petro Halloix in præfenti congesta [ne Zoilorum fannis obnoxia sint] non quidem approbative, sed merè recitative dicta sunt; neque ulla obstricti Censoris argumentatione, neve aliqua compulsi Emin. Authoris defendendi necessitate eadem huc transtulimus, sed hoc præcisè ex capite illa exscripsimus, ut tandem aliquandò Notator deprehendat; Cardinalem Sfondratum in hoc opere de Prædestinatione non nova, non inaudita deprompsisse, quamvis ipsemet Censor etiam in hac ultima Nota sibi minimè dissimilis fuerit, ac in aliis Notis, falsa imponendo Authori.

N O T A.

DE Platone, nescio, undè constet, Evangelium seu promissionem Evangelii ei innotuisse, & quo titulo jungatur Cornelio, & Eunuchò Candacis Reginae, quorum fides in sacris literis commendatur. Sanè cum Augustinus condemnat lib. 8. de civit. Dei cap. 12. quod Idola colenda docuerit, Lactantius lib. 3. cap. 20. quod uxorum communitatem in sua Republica statuerit. Theodoretus serm. 9. de legibus, quod infantium cedes parentibus non solum permiserit, sed certis casibus præceperit.

D I S P U N C T I O.

DE Platone videatur laudatus Huetius loc. cit. Porro illud non alia ratione Eminentiss. Sfondratus attulit, quam ea, qua dixit D. Thomas ab eo adductus pag. 170. quod multis Gentilium facta fuit revelatio de Christo, quod si qui ex Gentilibus
fal-

salvati fuerunt, quibus revelatio non fuit facta, non fuerunt salvati absque fide Mediatoris, quod Sybilla prænuñciavit quædam de Christo, quod tempore Constantini Augusti inventum fuerit cadaver hominis cum illa lamina aurea in pectore &c. Undè Ruiz disp. 46. de prædestinat. sect. 8. n. 29. tradit, quod „ Sicut Jobus, & amici mediam inter barbariem ethnicorum „ agentes etiam ante legem Moyſis christiano penè more vixerunt, sine dubio potuit, & quotidie potest inter alias nationes accidere. Quare Sybillis revelata fuisse supernaturalia „ mysteria manifestum est omnibus, & quidam in sepulchro reliquit scriptum, ex Virgine nasciturum esse Christum &c. „ Quibus testimoniis S. Thomas 2. 2. quæst. 71. art. 7. ad 3. „ probat, multis Gentilium factam fuisse revelationem de Christo. Quibus similia notat S. Bonaventura in 3. sentent. dist. „ 25. art. 10. quæst. 2. ubi de Gentilibus ait. Indubitanter verum est, quod eis præsto erat notitia Mediatoris, quanta oportuna erat secundum exigentiam temporis, tum ex distantia nature, tum ex aliena instructione tum etiam ex Dei inspiratione, qui se offert omnibus, qui eum requirunt humiliter. „ Confirmat idem Ruiz hanc veritatem ex recentibus historiis apud Indos prædicantium „ qui referunt aliqua vestigia myſterjorum supernaturalium, quorum notitia quondam „ pervenerit ad eos, adeoque satis verisimile esse, quosdam „ olim credidisse, & consecutos fuisse salutem.

De eodem autem cadavere invento cum illa lamina aurea scribit etiam Jacobus Gaulterus in tabula chronographica, in qua citat Marianum Scotum. Eodem modo Pater Contensonus tom. 4. Theologicæ dissert. 2. de fide, cap. 2. specul. 3. unà cū salute Cornelii, & Eunuchi Reginæ Candacis annectit salutem multorum Gentilium ex ministerio Angelorum veritates divinas illis annunciantium, & Christi venturi revelationem factam illi homini, cujus cadaver inventum fuit tempore Constantini Augusti cum lamina in pectore &c. Quod autem istud fuerit cadaver Platonis testatur Genebrardus Archiepiscopus Aquis ab Authore laudatus, multos ita existimasse. Quare Pater Gonetius in digressionem de præcipuis credibilitatis nostræ fidei argumentis §. 8: mirè, & impensè commendat hoc dictum Platonis in libro de legibus, quod ait, esse „ Sanè admiratione dignissimum, nimirum, *Mensura omnium, non homo, sed Deus*

„*est, maxime verò, si Deus fiat homo.* Item interrogatus Plato „*quandiu standum ipsius legibus foret?* respondit, *donec aliquis sacratior homine in terris appareat, qui fontem omnibus „veritatis aperiat, quem denique sequantur omnes.* Dominicus à SS. Trinitate loco supra memorato scribit, quod „*Nicetas vetus Gregorii Nazianzeni scholastes litteris commendavit orat. 2. in Pass.* „*Platonem cuidam christiano eum maledicent-* „*ti noctu apparuisse, eique dixisse, se unà cum antiquis Patri-* „*bus è Limbo fuisse ereptum, & in cælum traductum &c.* D. quoque Thomas opusc. 10. lib. 4. c. 14. *Platonem sapientif-* „*simum omnium vocat, & 22. quæst. 15 2. art. 2. ad 3. docet* „*solum Platonem amore veritatis contemplandæ abstinuisse ab* „*omni delectatione venerea.*

Ruiz insuper toties commendatus disp. 45. de Trinitate sect. 1. tradit, plures Scholasticos concedere, à quibusdam Philosophis gentilibus fuisse cognitum mysterium SS. Trinitatis per doctrinam fidelium, sive lectionem sacræ scripturæ vel traditionem majorum, aut peculiarem aliquam revelationem, citatque Alensem 1. par. quæst. 2. num. 1. art. 3. Albertum Magnum 1. dist. 3. quæst. 3. S. Bonaventuram eadem dist. art. 2. quæst. 2. Carthu. eadem dist. 3. quæst. 3. Suarez lib. 1. de Trinitate cap. 11. & Vasquez disput. 132. De Platone adducit in testes Clementem Alexandrin. lib. 1. Strom. S. Cyrillum Alexandr. lib. 1. cōtra Julian S. Augustinum lib. 7. Confess. cap. 9. & lib. 10. de Civit. Dei c. 23. & 29 & Augustinum Steuchum Eugubinum lib. 2. de perenni Philosophia cap. 7. Videatur Emin. de Lauræa in pluribus capitibus opusculi de gratiis actualibus, & præcipuè cap. 19.

C O R O L L A R J U M.

Ultimo loco diluendam reservavi grandem dicam à nonnullis Censoribus impactam doctrinæ ab Eminentiss. Authore traditæ pag. 169. Cum enim ipse par. 1. §. 2. hujusmodi assertionem posuerit „*Dantur omnibus hominibus ad æternam vi-* „*tam consequendam non tantum necessaria, & qualescunq;* „*sed copiosissimæ, & abundantes gratiæ, quibus si velint, fa-* „*cile commodèq; obtinere illam possint.* Istamq; suam thesim omni argumentorum genere eruditissimè comprobasset à pag.

122. usq. ad pag. 155. descendit ad argumenta in contrariū proposita dissolvenda, inter quæ hoc num. 19. pag. 169. opponitur. „ S. Paulus ad Rom. 10. hæc habet : *Omnis quicumq; invocaverit nomen Domini, salvus erit, quomodo autem invocabunt, in quæ non crediderunt? aut quomodo credent ei, quem non audierunt?* „ *quomodo autem audient sine prædicante?* Quibus verbis insinuat Apostolus, salvari neminem posse, nisi qui credat, neminem credere, nisi qui Evangelium audiat; atqui certum est, quamplurimas nationes fuisse, quibus Evangelium annuntiatum diu non fuit, & nondum est, illi ergo gratiæ caruerunt, qua salvarentur, nam si credere, & salvari poterant citrà prædicationem, ergò falsa est Apostoli ratio „ cinatio „

In hæc verba eidem obiectioni responderet ibidem Sfondratus. „ Apostolus loquitur de fide explicita in Christum, quam certum est, ordinario modo, nisi prædicatione Evangelii haberi non posse. Cæterum sine hac fide explicita in Christum, quamplurimos ante illius adventum per solam gratiam, qua „ legem naturæ observabant, & si eam transgressi erant, de Deo „ omnium Creatore, & Providore offenso dolebant, salutem „ adeptos esse, dubium nullum est. Ità enim Apostolus testatur ad Hebr. 11. *Accedentem ad Deum oportet credere, quia est, & quia remunerator est.* Vides, nullam fieri incarnationis mentionem, solamq; ad æternam vitam cognitionem existentis, & providentis Dei sufficere. Post promulgatum verò Evangelium, an fides explicita in Christum *omnino* necessaria sit, disputant Theologi, si tamen admittamus necessariam esse, dicendum est cum Angelico Doctore, omnibus hominibus etiam incultissimis, ac planè barbaris auxilium gratiæ dari, quo legem naturalem observent, qua observata, & „ nisi obicem ponant, Deum curaturum, ut eis quoquæ Evangelium innotescat, ut de Sibyllis, Cornelio, Eunuchio Candacis Reginae, & Platone Philosopho constat. Verba „ S. Doctoris sunt ad Rom. 10. Lect. 2. &c. Et 2. 2. quæst. 2. „ art. 7. ad 3. &c. „

Reus hic agitur Cardinalis Author, quod sub dubio reliquerit, post Evangelii promulgationem fidem explicitam in Christum esse ad salutem necessariā necessitate medii seu necessitate omnimoda (quam nominatim exprimit Sfondratus per illud

verbum *omnino necessaria*) contra plura novi testamenti oracula uti sunt, istud Apostoli ad Galatas 2. *Scientes, quod non justificatur homo ex operibus legis, nisi per eundem Jesu Christi, & hoc alij Johannis 30. qui credit in eum non judicatur, qui autem non credit, judicatus est, quia non credit in nomine unigeniti Filii Dei.*

Vanissimus autem est hic scrupulus, & immerito Author recargutus, qui nullam ibi interferit quæstionem, an post Evangelij promulgationem fides explicita in Christum sit omnino necessaria aut medjum necessarium ad justificationem, & salutem nihil pro alterutra contradictionis parte definit, & resolvit, nec minimum verbum in favorem sententiæ negativæ pronunciat, nec dubitativè procedit, sed potius à veritate & falsitate utriusq; sententiæ affirmativæ, & negativæ abstrahit, imò in sententiam affirmativam propendet assignans responsionem, quam Doctores propugnantes omnimodam necessitatem fidei explicitæ in Christum ad salutem post Evangelij promulgationem communiter tradunt cum Præceptore Angelico in locis ab ipso per extensum adductis. Quod si Sfondratus sententiæ contrariæ negativæ adhæsisset, nullo negotio, & paucissimis verbis ab obiecta difficultate sese expedire potuisset reponens cum Theologis illius opinionis sectatoribus; Apostolum ibi loqui vel de fide tantum implicita in Christum, vel de solâ necessitate præcepti, non de necessitate medij seu omnimodæ; impotentia autem, & ignorantia invincibilis sicut excusant ab obligatione præcepti, ita & à necessitate ipsius ad salutem. Idcirco ex illo textu Apostoli ad Rom. 10. iidem Doctores probant suam negativam sententiam, ut videre est apud Suarez, Arriagam, Cacheranum & alios inferius citandos.

Sed esto; non solum sub dubio reliquerit, verum etiam positivè, & absolutè negaverit Sfondratus post Evangelij promulgationem fidem explicitam in Christum esse omnino necessariam seu medium necessarium ad justificationem & salutem, nunquid in se fidei discrimen advocandus, & antè proditæ religionis tribunal sistendus erit? Nemo sanè, qui Theologorum tum antiquorum tum neotericorum libros, theses, & scripta vel obiter & perfunctoriè evolvit, deprehendet, eam sententiam negativam ullâ Ecclesiæ censura directè aut indirectè confixam, aut apud nullos probatissimos Doctores esse receptam. Pro illa

namq;

namq; ſtant ex ſchola D. Thomæ Dominicus Soto in 4. diſt. 5. quæſt. 2. art. 2. & lib. 2. de not. & grat. cap. 12.; Savellus 2. par. Chriſtianæ Philoſophiæ tract. 1. cap. 1. Zumel 1. 2. quæſt. 89. art. 6. diſput. 4. Serra quæſt. 2. de Fide art. 7. & Vincentius Ferre, quamvis opinioni contrariæ affirmativæ adhæreat, eam tamen ſententiam negativam valde probabilem eſſe conteſtatur in Tract. de Fide quæſt. 9. §. 3. num. 52. ubi pro illa ſententia negativa adducuntur Scotus in 3. diſt. 25. quæſt. 2. Azorjus lib. 8. ſummæ cap. 7. Enriq. lib. 4. de Sacrament. cap. 21. §. 2. Gaſpar Urrado diſputat. 8. difficult. 7. Puente Urrado diſp. 44. §. 4. Palao tom. 1. tract. 4. diſp. 1. quæſt. 1. num. 7. Emanuel ſa verbo *fides*, Corduba lib. 2. quæſt. 4. propoſit. 3. Ex ſchola Scoti prodeunt pro eadem ſententia negativa Andreas Vega lib. 6. in Trident cap. 2. Michael de Medina lib. 4. de recta in Deum fide cap. 10. ambo inter Theologos Tridentinæ Synodi coopati, Aretinus in 3. diſt. 25. quæſt. 1. art. 8. Poncius in curſu Theologico diſputat. 29. quæſt. 3. conclud. 5. & num. 16. Maſtrius de Melduſa tamenſi opinionem oppoſitam affirmativam tueatur in 3. diſput. 6. quæſt. 16. nihilominus ibi art. 1. num. 410. ſententiam negativam valde piam & probabilem eſſe candidè fatetur. Extrâ duas celeberrimas illas ſcholas docent eandem ſententiâ negativam Suarez diſp. 12. de fide ſect. 4. Turrianus diſp. 26. dub. 4. Arriaga diſp. 12. de fide ſect. 2. ſubſect. 1. Herinex diſp. 7. quæſt. 5. num. 49. Cardinalis de Lugo diſput. 12. de fide ſect. 4. Madernus quæſt. 3. art. 3. Cacheranus tom. 3. Theolog. Aſſertivæ tract. 6. lib. 1. cap. 5. §. 6. & 7. & plures alii.

Inſuper Suarez loc. cit. aſſerit eandem ſententiam negativam eſſe conſentaneam antiquis Theologis Hugoni Victor. lib. 1. de Sacram. par. 10. cap. 6. & 8. Alenſi quæſt. 65. alias 82. memb. 2. & 3. Alberto in 3. diſt. 25. art. 1. & 2. Richard. art. 4. quæſt. 2. & ad 3. quæſt. 1. & videri ſententiam S. Thomæ 3. par. quæſt. 69. art. 4. ad 2. neq. aljud ſentire Scorum Gabrielem & aljos, qui ſolum loquuntur de neceſſitate præcepti. Idem teſtatur Cardinalis de Lugo loc. cit. inquiens, illam ſententiam negativam eſſe communem inter Recentiores Societatis, videriq. eſſe D. Thomæ 3. par. quæſt. 69. art. 4. ad 2. & deindè obſervat, plures ex Authoribus pro contraria opinione allegatis non loqui de neceſſitate medii ſed ſolum de neceſſitate præcepti, ut bene de Magiſtro, Scoto, Gabriel, & aliis probatum aſſerit à Coninch diſput.

disput. 14. à num. 134. Alii subdit idem Eminen. Theologus, eā modificant, ut Sotus, qui censet, eam necessitatem solum procedere, quando adest copia Prædicatoris, alioquin posse suppleri per fidem implicitam, quamvis hæc modificatio destruat totam sententiam, cum positā copiā prædicatoris, & notiā obligationis jam esset ignorantia vincibilis, qua stante non posset homo iustificari.

Tamet si verò non nulli ex laudatis Theologis pro parte negativa distinguant inter fidem explicitam in re ipsa habitam, & inter habitam solum in voto, & priorem negent, unquam fuisse omninò necessariam, secundam asserunt semper requiri, atamen isti Authores, ut solemter expendit Arriaga loc. cit. non differunt à scriptoribus absolute negantibus eam omnimodam necessitatem: etenim ea necessitas, quam illi Authores addunt de ea fide in voto, à nemine re ipsa negatur, nam omnes fatentur, fidem sufficientem, & necessariam ad salutem debere esse talem, quæ sit virtute fides Christi Domini, Trinitatis, imò aliorum multeriorum, quandocunq; detur postea sufficiens propositio illorum; hoc autem & nihil aliud ponunt iidem Theologi in eo voto talis fidei, atq. adeò solum differunt in modo loquendi ab illis aliis Doctoribus.

Testimoniis verò sacrarum paginarum à contrariis Authoribus contra eandem sententiam negativam allatis, & connexionem fidei explicitæ Christi cum salute insinuantibus idoneā interpretatione occurrunt Theologi sententiæ negativæ sectatores docendo, quod ex indicatis auctoritatibus aliquæ congruè intelliguntur de necessitate præcepti magnificentius expressa pro Incarnationis, quàm pro aliorum mysterjorum fide, cum post Evangelii promulgationē luculentior propositio Incarnationis, quàm aliorum mysterjorum habeatur; aliquæ important eandem necessitatem in fide Christi, quæ est in fide Dei, ut cum Johan. 14. dicitur: *creditis in Deum, & in me credite*, & hæ dicantur solum evincere connexionem ordinariam unius fidei cum alia, & continentiam implicitam fidei Christi in fide Dei; aliæ vero vel sunt affirmativæ, & positivæ sunt, ut cum Johan. 6. dicitur *qui credit in me, habet vitam æternam*, intelligi possunt de conducentia, non de necessitate illius fidei ad salutem; si sint negativæ, & exclusivæ, uti sunt geminæ auctoritates contrà Eminentiss. Authorem superius adductæ, intelli-

gi possunt de fide Jesu Christi non ut objecti, sed ut causæ meritoria, ita ut sensus sit, nos non justificari, nisi per fidem, quam habemus ex meritis Christi seu ex gratia Christi. Profectò fides Christi ut causæ meritoria requirebatur quidem in lege scripta, sed necessitate velatâ, & occulta, at in lege nova requiritur necessitate explicata, & manifesta, quia non constabat in lege antiqua sicut constat in nova, Christum esse Redemptorem, & moralem Authorem omnium donorum supernaturalium, proinde scriptura jure in lege nova potius, quam in scriptura singillatim tradit nos non salvari sine fide proveniente ex meritis Christi. Quare ad illum locum Apostoli ex epist. ad Galatas reponit Pontejus loc. cit. eum intelligi optimè posse de via ordinariâ, & quando potest quis instrui de illa fide, & ad hoc est dispositus. Quoad alterum verò locum ex Johannis 3. occurrit specialiter Arriaga loco indicato, subsect. 2. illum intelligi de iis, qui audita propositione ejus misterii noluerunt credere, nam insinuat ibi Christus, talem judicandum esse eo quod non crediderit, hoc est, quod culpabiliter non crediderit, id autem supponit necessario eum audivisse tale mysterium, alioquin non potuisset ullam culpam in eo non credendo committere. Neque obstat comparari ibi necessitatem fidei Christi cum necessitate mortis ejusdem, quia ibi fit comparatio, quoad necessitatem alicujus fidei de Deo non verò, quoad fidem explicitam Mediatoris.

Hæc autem præcisè dicta sunt in gratiam Censorum, qui prorsus gratis, & arbitrariè criminis purè imaginarii Eminen. Authorem insimularunt, & contrà fas in jus vocarunt. Siquidem ipse loc. cit. nullatenus sese immiscuit his disceptationibus à suo instituto longè alienis de omnimoda necessitate fidei explicitæ in Christum ad justificationem, & salutem post promulgationem Evangelii, sed quæstionis resolutionem suo argumento inopportuna de controversia adhuc ab Ecclesia non definita, & de re merè adiaphora, de qua à Theologis citrà læsæ fidei periculum in utramque partem impunè disputatur, in medio reliquit.

CONCLUSIO.

NOTA.

Hæc sunt, quæ ex præfato libro notanda putavimus,

DISPUNCTIO.

Hæc sunt (verjùs dixisset Cenfor) captiosa molimina, hæc technarum, & officiarum congeries in Cardinalis Sfondrati opus dolosè elaborata. Jure optimo olim S. Prosper fidiſſimus S. Augustini discipulus conquestus est contra Collatorem c. 1. quosdam opus magni sui Magistri de correptione, & gratia legisſe, „ Ut mensuras sensuum, pondera locutionum, numeros „ syllabarum insidiosè scrutatores eventilarent, magnumque se „ aliquid conficere præsumerent, si catholico Prædicatori non „ tam erroris affigerent. Hujusmodi quoque subdolis artibus in eundem librum Cardinalis Sfondrati depugnatum est à nonnullis Aristarchis, quibus modicum visum fuit, ei volumini clāculò genuinum infixiſſe, meras tricas, & labyrinthos, inanes geras: & ineptias aggeraſſe, multiplicis erroris dicam scripsiſſe, Potentium aures, atque animos callidis præſtigiis insincero zelo contextis præoccupasse, atque simpliciorum rudiorumq; mentes inanibus rumufculis circumvenisse, ni ad elevandam, ac penitus obruendam tanti Scriptoris Authoritatem scriptiunculas captionibus, & ambagibus scatentes quaquaversùs spargerent, inhumanè in defunctum deſævirent, atque atrociter inquireret in ipsos verborum hujus libri apices, cum catholica Authoris mens, atque sanissima sententia sit ubique apertissima, perindè ac si aliquis lucere solem negaret, nubeculā tantum circā illum exortā, quam vis alias mille radiis se prodat.

Jam ab initio præmiſimus, totam operis hujus texturam, omnes, singulasque voluminis istius periodos in vindicias divinæ bonitatis, ac misericordiæ in universum humanum genus effusiſſimæ à Calvino, & Jansenio proſciſſæ, & penè proſtigatæ conſpirare, ac proinde conſultiſſimus Author, eam conſcribendi hujus operis viam iniit, quam doctiſſimus Petavjus lib. 2. de ecclesiastica Hierarchia cap. 8. ſimilibus in argumentis ſectandam commonſtrat., „ Solent plerumque, inquit, non externi tan- „ tum-

„ tummodò , sed etiam christiani Scriptores rem eandem modò
 „ extenuare verbis , modò amplam exaggerando facere , dum in-
 „ stituto , argumentoque servjunt , quod innumeris exemplis
 „ illustrari potest . Inest enim in unaquaque re multiplex , ac
 „ diversa ratio , quæ utriusvis ansam , & argumentum præbent ,
 „ quod notavit Aristoteles in Rethor. lib. 3. cap. 2. Neque ab
 „ hoc usu loquendi sermo divinus abhorret , velut cum hominis
 „ dignitatem aljās sic extollit , ut eam Angelicæ supparem faciat
 „ psalm. 8. *Minuisti eum paulò minus* , inquit , *ab Angelis* , imò divi-
 „ næ , ut Hebræi hunc locum interpretantur . Aljās in infini-
 „ tum abiicit , ac deprimit , ut psalm. 143. *Domine quid est homo* ,
 „ *quia innotuisti ei &c. homo vanitati similis factus est &c.* „
 Non arguendus ergò , sed impensè laudandus Sfondratus , quòd
 Apologiam pro Divina bonitate , ac misericordia contra Calvi-
 num , & Janſenium adornaturus quidquid ad divinæ bonitatis ,
 ac misericordiæ commendationem conducere poterat , locu-
 pletissimè congesſerit , & magnificentissimè extulerit , ac pro-
 vexerit , non minora nec inferiori stylo de divina justitia dictu-
 rus , si de ea argumentum capessendum fuisset .

N O T A.

P *Lurimæ adhuc in eo libro extant propositiones , quæ minimè
 probari possunt .*

D I S P U N C T I O.

O *Sententiam* (liceat mihi hîc cum Tertulliano cap. 2. Apo-
 logetici exclamare) *necessitate confusam? Parcit , & sevit* ,
dissimulat , & animadvertit ! Quisquis autem has quadraginta
 notas Censoris partium affectu liber , & purgato mentis oculo
 perlustraverit , statim deprehendet , pleraq; propositiones Cen-
 soris mucrone confossas fuisse detortas , contortas , & in invi-
 diosum sensum coactas ; obiecta plerumque contra Scriptoris
 doctrinam absurda consectaria , quæ jam ipse alibi egregiè diffila-
 rat ; opposita scripturæ , & Patrum testimonia , quæ idemmet
 disertè aliis in locis explanarat ; sed hæc omnia dissimulanda
 erant , apertisq; oculis transilienda , ut tam improbè religiosis-
 simo , ac Sapientissimo Cardinali imponeretur , & ut censorius

stylus in reconditum arcanum numeri quadragenarii propositionum à Censore sibi jam à principio præfixi vibraretur. Deinde ecquis unquam æquitatis, & rectitudinis non omninò oblitus judicabit, quod quotiescumque Scriptor quispiam pro principali suo themate elucidando, & à contrariis impugnationibus vindicando obiter tantum, & cursim attingit aliud dogma, debeat omnia ad eandem veritatem spectantia in medium proferre, cunctasq; oppositiones, quæ adversum illam effingi possunt dissolvere, alioqui non solum lit in crimen vocandus de illis omissionibus, sed etiam & ommissa tanquam negata, & absurda intentata ceu admissa reputanda forent? Nihilominus re verà hæc tam iniqua, tam absorta Notatorem istum exigere vidimus ab Authore, quoties ipse solum per transennam, vel aliud agens theologicam aliquam veritatem memorat. Imò quod horrendum distu est, Censor quandoque adversus Emin. Authorem obtrudit verba, quæ ipsemet Sfondratus tanquam ab Adversario contra suam doctrinam obiecta adduxerat.

N O T A.

Multa alià reprehensione digna occurrunt, siue in locis sacræ scripturæ parùm fideliter laudandis, & novo quodam modo explicandis, atque ad proprios sensus contra Regulam Concilii Tridentini contorquendis, siue in citandis SS. Patrum, præsertim S. Augustini, & S. Thomæ autoritatibus contra verum eorum sensum.

D I S P U N C T I O.

EX utriusque Juris dispositione sancitum manet. *Frustra allegantur, quæ non exhibentur.* Inter quadraginta propositiones nigro calculo notatas paucissimas reperire est, quæ mutilatæ, obtruncatæ, mancæ, interpolatæ, & dimidiatæ non sint; proinde quis cordatus in animum inducet tantam Censoris humanitatem ergà Authorem, ut tam compertos, tam exploratos, tam perspicuos ejusdem lapsus minimè in aprico collocaret, & gravioris cauterii censura inureret? Profectò *umbram, ut cum Tertulliano loquar, sine lumine colorat*, qui vel unicam propositionem censoria nota dignam ex hoc libro Emin. Sfondrati

199

drati extundere præfumer. Undè Cenfori hæc verba S. Augustini lib. de dono perseverantiæ in fine reponam „ Qui errare „ (Cardinalem Sfondratum) existimant, etiam atque etiam „ diligenter quæ sunt dicta considerent, ne fortasse ipsi errent.

N O T A.

Non nulla etiam verba interdum supprimuntur, aut truncantur.

D I S P U N C T I O.

OLepidum caput? Viden, ut mutato nomine de te fabula narretur! Authoris sententias à te diminutas, & verbis propriis denudatas jam Lectoris oculis supposuimus, sed hocce Cenforis, non Authoris crimen propriâ obstrepente conscientia excussum, non accusatione, sed confessione diluendum erat. Porro Vigilus Djaconus lib. 4. contra Euthychetem de certans pro S. Leone magno, cujus scriptura Euthychiani Nestorianismo sordere blaterabant, ita in eos invehit „ In hoc „ nesto utimini officio, ut superiora demendo, & inferiora non „ addendo, ita media eligatis, ut verba sententiis exuentes de „ eorum nuditate pro arbitrio ludatis „

N O T A.

Sed denique in carpendo oblique eorundem Patrum, & maxime S. Augustini doctrinam.

D I S P U N C T I O.

Hoc purum, & putum mendacium jam non semel deteximus, & exfufflavimus: Apagè nugas!

N O T A.

Ceterum dubitari non potest, quin liber tum ob Authoris famam, & dignitatem, tum ob editionem factam in Urbe permissu Sac. Congregationis S. Officii, & cum solitis approbationibus ab omnibus sit cum magna curiositate legendus.

DIS-

DISPUNCTIO.

CEleberrimo Eminen. Authoris nomini adamussim respondet hoc opus. Cenfor in se ipsum divinator præsenferat, non minori omnium eruditorum plausu excipiendum hunc librum, quàm quo excepti sunt alii ab Eminen. Scriptore elucbrati, ac proinde ob privata partium studia in cunis ipsis nascens hoc opus præfocare indecoris artibus studuit, sed sparsus per cuniculos pulvis in caput insidiantis exardescet. Velit, nolit Cenfor, aliis pluribus à Sapientissimo Cardinali editis voluminibus haud quaquam degener est iste fætus. Pauci autem sunt ex eo genere hominum, qui hausto semel odio quidquid vident, aut intelligunt, ut fabulosa illa Agave, atro, quo imbuti sunt, felle illitum statim arbitrantur.

N O T A.

C*Atholici quidem, quibus avitæ doctrinæ conservatio cordi est, tam nova, & extraordinaria in eo non sine labore cernent.*

DISPUNCTIO.

CAtholici quidem, quibus avitæ doctrinæ conservatio cordi est in eo libro piissimam eruditionem Sanctorum Præsulum Anselmi Cantuariensis, & Francisci Salesii, ac Seraphicarum Virginum Theresiæ, & Magdaleniæ de Pazzis intimo devotionis affectu relegend, eaque pietatis efflata eodem superno afflante Spiritus suggesta suspicient; iisque religiosissimis sententiis magis, magisque in dies ad salutem proficjent, simulque patientiæ, ac commiserationis actus exercebunt ergà Cenforem, quod eò audaciæ, & præfidentæ deveniret, ut non erubuerit in deridiculum vertere, ac ludis, & lannis plebis exponere piissimas sententias, & Ascetica dogmata ex Sanctissimis Doctoribus excerpta, & in hoc opere Ascetico, & Parænetico inserta, eaque supercilioso fastidio velut anicularum nænias aspernari. Et sane quem præterit, quàm lata pandatur janua ad omnem piorum voluminum auctoritatem infringendam, si eas voces contorqueamus semel, & captivas trahamus ad alienos sensus, & opiniones merè arbitrarjas? Si ergò pro libidine confingere, ac procudere Scri-

Scriptorum sensa licebit, jam nec in SS. Patrum operibus, immò nec in ipsis sacris paginis integrum aliquid, inviolatum, inconcussum, incorruptumque permanebit, Istud autem potissimum animadvertendum est pro axiomatibus, & effatis spiritualibus, atque asceticis, quæ si eo pietatis sensu, quo ab Authoribus conscripta sunt, & recta intentione accipiantur, nihil illis sanctius, nihil religiosus intelligi poterit; E contra verò, si à sensu ab Authore intento divellantur, & cavillis technisque implicentur, nihil illis ineptius, & forsàn nihil in Deum contumeliosius effutiri poterit, ut non operoso molimine convictum dari potest.

N O T A.

Hæretici verò de oblata sibi, ut ipsi quidem putabunt, Ecclesiâ Romanam calumniandi occasione lætabuntur.

D I S P U N C T I O.

Hæretici sanè sibi modò blandientur, recentissimam sibi oblatam occasionem Ecclesiam Romanam calumniandi, videntes à quibusdam, qui catholico nomine censi gloriantur, ingenti volumine iterum editas, & vindicatas propositiones Michaelis Baii à Summis Pontificibus æquissimè, & sanctissimè damnatas, eorumque diplomata, seu Constitutiones, ac Bullas in illorum pravorum dogmatum damnationem jam olim promulgatas, & ab universa Ecclesia receptas, nunc ab hujusce furfuris Scriptoribus in præfato volumine prorsus elisas, insullis interpretationibus depravatas, ac penitus evacuatas. E contrario iidem heterodoxi obstupescunt, ab aliquibus orthodoxis tam malè habitum Cardinalem sfondratum, cujus nomen venerandum pariter, ac formidandum erat ipsis hæreticis, quorum plurimi è proximo oculis propriis hauserunt complurjum annorũ intervallo nostri Authoris innocentissimam vitam, excellentissimam sapientiam, omnesque egregias dotes, ac insignes prærogativas planè dignissimas Viro natalibus clarissimo, morum integritate probatissimo, omnigena eruditione, incomparabili-que eloquentia celeberrimo, rerum agendorum peritia, mira indolis suavitate, paratissima in omnes beneficentia, Ecclesiastico Prin-

Principatu optimè administrato, eximie doctrinæ, ac religiosissimæ pietatis locupletissimis monumentis publica luce donatis ubique Christiana in Republica præstantissimo, de Romana Ecclesia benemerentissimo, Vaticana Purpura meritissimè decorato; in Urbe Orbis theatro per paucos menses assidua propemodum ægritudine transactos consumatæ religionis, sapientiæ, ac prudentiæ speciminibus editis inclyto, maximo sui desiderio relicto, tandemque morte piissimè obita glorioso.

N O T A.

U Niversi per Orbem christianum diverso licet animo avidè expectabunt, quid Apostolica Sedes de propositionibus, & doctrina hujus libri decretura sit.

D I S P U N C T I O.

U Niversi per Orbem christianum diffusi tam Catholici, quàm Hæretici, quorum ad aures non absque ingenti scandalo pervenerunt tor dicteria, fallaciæ, præstigiæ, & altus, quibus ab hujusce tincturæ hypercriticis in S. R. E. Principem, & Apostolici Senatus nitidissimum sidus, tam impotenter debacchatum est, avidè profectò expectabunt, quid Apostolica Sedes in hujusmodi Detractores dignitatis culmini Apostolico proximæ, æquissimè, ac pro exemplari castigatione decretura sit, & justitiæ zelo succensi cum S. Bernardo epist. 35. exclamabunt. *Quid hoc livoris, imò furoris fuisset, opus utile, & laudabile, ubi nihil nisi, quod sanæ fidei, quod doctrinæ saluberrimæ, quod ædificationis spiritualis est, temerario damnare judicio?*

Interim me ex christianæ charitatis legibus devinctum agnovi ad duplex Cenfori monitum suggerendum; alterum est, quod ipsemet sibi prospiciat quoad primam, quartam, & quintam ex famosis propositionibus Jansenii Iprensis per Summos Pontifices confixis; istis enim Cenforem vehementer propendere loquela ipsius in his notis ab Apologistis Jansenii ferè ex integro expilatis fortè aliquibus suadebit. Alterum verò est, quod suæ conscientiæ consulat Cenfor, eo quod religioni non sibi duxit Eminentiss. Cardin. Sfondratum ob Apologiam pro unigenito Filio Dei humani generis Vindice, immensaque Dei bonitate,
&

& misericordia erga humanum genus sapientissimè contrà errores Calvinii, & Jansenii elucubratam audacter exagitare, plerasque propositiones insidiosè ex ejus libro extractas, atque adulteratas nigerrimo calculo notare, ac præclarissimo ejus nomini gravissimas lates inferre, ac proinde ipse debet huic malo, tantoque scandalo qnamociussimè occurrere, teneturque ex rigoro aternè legis præcepto, illius amplissimi S. R. E. Principis famam penè oppressam redintegrare, ac resarcire, atque adeò salutem Palinodiâ redimere, *cum non dimittatur peccatum, nisi restituatur ablatum*. Detractio enim est peccatum furto gravius, cum, teste Scriptura Proverb. 22 *Melius sit nomen boni, quàm divitiæ multæ*. Juxtà autem Theologorum sententiam crescit detractiois gravitas ex crimine, quod imponitur, ex dignitate personæ, cui detrahitur, neque minuitur detractiois gravitas, eo quod bono sine fiat. Quare Censor patulis auribus excipiat hæc S. Augustini lib. 3. contra Julianum verba; iisque prohiat: *Si non vis intelligere, aut sile finge non intelligere, noli obstrere volentibus, & valentibus intelligere*.

Ergò nodum sanè in scyrpo quæsit quisquis hac in materia nunc enodi, vel nodulum censorio stigmate inurendum suspicatus est, & propterea modò debet cum Doctore Mellis suo ferm. in Nativit. SS. Innocentium, & ferm. 1. in Purificat. B. Mariæ

magis sollicitus, & timoratus agere gratias benignissimo, &

largissimo Salvatore, qui humanæ salutis occasiones tam

copiosa charitate perquirat, ut in his voluntatem, &

opus, in his sine opere voluntatem, in his etiam

sine voluntate opus Salutis invenire letetur,

qui vult omnes homines salvos

fieri, & ad agnitionem sui

venire, cujus

gratia

in communi posita est, offertur

omnibus, & nemo

illius expers,

nisi qui

renu-

it.

1. AD BEATISSIMUM PATREM
INNOCENTIIUM XII.
2. SUMMUM PONTIFICEM

SUPPLICATIO AUTHORIS

*Verbis S. Bernardi Abbatis ad Innocentium II.
Romanum Episcopum descriptis*

C O N T E X T A.

3.
Patrem pro filio, & INNOCENTIIUM pro
innocente postulamus. Quàm fide-
litter (Cælestinus Cardinalis Sfondratus)
Apostolicæ Sedis honorem, & quietem
Romanæ Ecclesiæ dilexerit, quàm immo-
bi-

Pp

bi-

biliter, & sollicitè in tempore tribulationis ei adhæserit, & aliis in umbrâ sedentibus pondus diei, & æstus cum eâ portaverit, quàm constanter, & intrepidè [pro eâ] locutus sit, non necesse habetis scribi à nobis, ipsi enim certissimè scitis, qui, 4. ut probabilis res ac digna planè vestro Apostolatu fuit, posuistis in lumine lumen absconditum, nè sibi soli viveret, qui & alios ad vitam trahere posset. Usquequò namquè latebat, & ardebat tantummodò, qui & lucere valebat? 5. Erat quippè ille illustris non minus mentis generositate, quàm sanguinis, erat scientià, erat vitæ honestate, & famæ ejus integritas nec inimici quidem dentem verebatur, 6. tam diligenter, & circumspectè integritatem famæ suæ custodivit à labiis iniquis, & à lingua dolosà 7. Attende, Amantissime Pater, gratiæ Dei, quæ in te est, quanta fecit animæ tuæ, quanta per te Ecclesiæ suæ quanta in agro Dominico, cælo, & terrâ testibus, tam potenter, quàm salubriter
evul-

evulsa sunt, & destructa, quanta rursùm
 benè ædificata, plantata, & propagata.
 8. Nulla autem meo iudicio in corona
 vestra prætiosior gemma Zelo illo ve-
 stro, quo æmulari consuevistis oppressos
 [quibus accenferi potest ipse Sfondra-
 tus] 9. devotissimus filius vester, & Ec-
 clesiasticæ libertatis amator, & defensor
 (ob librum de Prædestinationis nodo edi-
 tum), 10. ubi sal est in omni sermone,
 aures mulcet, dulcorat ora, corda re-
 creat, & inflammat, colloquja condit,
 impinguat preces, ad orandum sollicitat
 11. Folia (quadraginta notis anonymi
 Censoris adversùs eundem librum onu-
 sta) utinam adhuc laterent in scriniis,
 & non in triviis legerentur 12. Proh pu-
 dor! quos cachinnos res ista movit, &
 movet Ecclesiæ inimicis, eis etiam ipsis,
 quorum fortasse metu, aut favore à re-
 cto tramite abducti sunt 13. Usquequò
 autem innocentia tanta vexatur, & hoc
 vivo INNOCENTIO? satis utraque res venit

in lucem, & manifestationem. 14. Si verò res ipsa habeat diligentem inspectorem, & prudenter examinetur ad commodum causæ, & ejus confirmationem, omnia coopefantur in bonum, persona, negotium, author operis, impugnator. Si enim ad personam respicias, hîc est filius tuus dilectus, in quo tibi complacuit. 15. Verùm hoc sollicitudinem vestram attendere velim, creaturæ injuriam respicere ad creantem. 16. usquequò, Domine, clypeus protectionis vestræ non opponitur? 17. Plenissimè hîc ad omnia postulata respondetur. 18. Veritatem dico, non mentior, nihil à me hic dictum (Censoris) odjo, sed solo veritatis amore veraciter omnia posita, teste ipsâ veritate. 19. Si inventum fuerit in ore meo mendacium, ipsum os meum condemnabit me. 20. Quod ergò de tali, & tali modo factum est, dignum perfectò est, Beatissime Pater, ut favor Apostolicæ gratiæ prosequatur, 21.
pro

pro quo supplico , & ad Pedes Domini
mei eâ, qua possum, mente anxîâ descen-
do .



*Ex S. Bernardi Abbatis ad Innocentium II. juxta novissimâ edi-
tionem Parisensem operum ejusdem S. Patris an. 1690. [1. epist.
191.] 2. ibid. [3. epist. 323.] 4. epist. 155. [5. epist. 171.] 6.
epist. 323. [7. epist. 189.] 8. epist. 198. [9. epist. 217.] 10. epist.
150. [11. epist. 189.] 12. epist. 178. [13. epist. 199.] 14. epist. 348.
[15. epist. 177.] 16. epist. 318. [17. epist. 218.] 18. epist. 164.
[19. epist. 218.] 20. epist. 171. [21. epist. 199.]*

ERRATA CORRIGE.

- Pag. 11. ver. 22. confertim, *lege*, confecti
 Pag. 14. ver. 30. ignari, ignorabant
 Pag. 16. ver. 21. Idem, Ibidem
 Ibidem ver. 31. directa, diserta
 Pag. 22. ver. 7. Bitontinus, Bituntinus
 Pag. 35. ver. 20. expresse, expressa
 Pag. 36. ver. 37. Ita, Ista
 Pag. 41. ver. 36. explicationem, expoliationem
 Pag. 45. ver. 15. secus, fecius
 Pag. 50. ver. 16. ex exclusus, exclusus
 Pag. 60. ver. 21. proxima, proximè
 Ibidem ver. 31. nullam, nullum
 Pag. 61. ver. 12. caperentur, raperentur
 Pag. 79. ver. 27. effundent, effundente
 Pag. 87. ver. 28. bonus, bonum
 Pag. 101. ver. 31. esse, iste
 Ibidem ver. 33. leguntur, legatur
 Ibidem Ambrosiastri inscriptis ad illud,
 Ambrosiastri ad illud
 Pag. 113. ver. 3. Herinex, Herinex
 Pag. 130. ver. 21. conscripæ, conscripto
 Ibidem ver. 22. Giardu, Giarda
 Pag. 140. ver. 21. adducendum, adducendâ
 Pag. 148. ver. 10. recusis, recusis
 Pag. 151. ver. 4. Torre; Ferre
 Pag. 152. ver. 8. quorum, quarum
 Pag. 154. ver. 33. fide, fidem
 Pag. 162. ver. 27. ci, ea
 Pag. 170. ver. 1. ac, ne
 Pag. 175. ver. 20. &, & in
 Pag. 184. ver. 11. hos clarissima, has clarissimas
 Ibidem ver. 19. Nabuchodonosorum,
 Nabuchodonosorem
 Pag. 188. ver. 21. & de notis, & notas
 Pag. 189. ver. 23. Augustinos, Augustinus
 Pag. 213. ver. 26. conspicuus, conspicui
 Pag. 214. ver. 24. ecclesiasticæ, scribit, scholasticæ, scribunt
 Pag. 217. ver. 21. volens, voluit
 Pag. 223. ver. 34. scopum, scopulum
 Pag. 232. ver. 21. disputationibus, disputationibus
 Pag. 241. ver. 10. Unde, Vide
 Pag. 243. ver. 1. arbitrium, arbitrio
 Pag. 255. ver. 5. exponuntur, exponit
 Pag. 260. ver. 32. impossibilis, impossibile
 Pag. 265. ver. 18. obiectû, obiectivum
 Pag. 269. ver. 25. hypothesi, hypothesis
 Pag. 274. ver. 35. Petrum, Patrem
 Pag. 293. ver. 2. Savellus, Javellus
 Ibidem ver. ult. Gabriel, Gabriele
 Pag. 294. ver. 33. dicantur, dicuntur
 Ibidem ver. 35. vel sunt, si
 Pag. 295. ver. 9. in scriptura, in scripta
 Pag. 296. ver. 5. præbent, præbeat
 Pag. 299. ver. 13. scriptura, scripta
 Pag. 300. ver. 20. spiritus, spiritu
 Pag. 301. ver. 7. religiosus, religiosus
 In supplicatione ad SS. D. N. Papam
 Pag. 4. ver. 22. perfectò, profectò

5-5-1



